

... ..



SPECVLVM
 PECCATORVM
 ASPIRANTIVM AD
 SOLIDAM VITÆ
 EMEVDATIONEM
 siue,

F. Tho: de B. cauet. Cr. v. S. ...
 ADMIRANDA S. AVGVSTINI CONVERGIO,
 HISTORICA EI VSDVM NARRATIONE, *1746*
 DISCVRSIBVS MORALIBVS, ET EMBLEMATIS ADORNATA.

*Cum indice Concionum per quatuor Octavas
 eiusdem Diui, et Dominicos dies.*

Auctore P. F. IO. MANTELIO, S. Th. L. Ordinis Eremit. S. Augustini.


Petrus de laet sculpsit

apud HENRICVM AERTSSENS.

F. Quellier Delin.

ANTVERPIÆ

cum Prælegis anno 1637.



At
Bibliotheca Augustiniana
ita est PERILLVSTRI *Diesthenfis*
fr: petrus Jan Brüemen prior 1746.
ET REVERENDISSIMO

DOMINO

DOM.

CORNELIO


IANSENIO,

VII. Iprensium Episcopo,

se suaque

L. M. D. C.

F. IO. MANTELIVS AVGVSTINIANVS.



PRÆFATIO
AD LECTOREM,
DE TRIVM LIBRORVM
ARGVMENTO.



Ecce tibi, beneuole Lector, hominis peccatoris, ad Deum redeuntis ideam, sub Speculo, siue exemplo, poenitentis AVGVSTINI: raram quidem & admirabilem, si prototypon spectes, sed non interim qualem velim, dum singula considero. Nam si pro rei maiestate hæc describenda forent; aliud profectò ingenium, aliud lumen, aliud orationis genus postularent. Quapropter optaui frequenter, qui acumine præstantiore, & largâ magis eruditionis supellectile instructus, pleniùs elegantiusque hoc argumentum tractaret. Sed, optantibus potissimùm, ruit hora: atque si mors præoccupet, nullus operæ nostræ vñs est. Sum ergo in ea sententia, vt generosum putem, vires experiri: atque, si non possis ad fastigium a-

* 3 scendere,

A D L E C T O R E M.

scendere , laudi tamen ducas in medio consistere. Iecimus ea propter aleam : & quod magni aliquot viri , in Dauide , Paulo , Maria Ægyptiaca , alijsque summa cum nominis sui celebritate, nec minore legentium fructu præstiterunt, id in delineanda conuersi AVGVSTINI imagine , conati sumus. Quo quidem veluti nihil extitit sanctitate & eruditione illustrius ; ita plenos perditæ adolescentis numeros impleuit : permittente fortassis ideo Deo , vt tanto euidentiùs toti mundo innotesceret , quàm miser & periculosus sit hominis flagitiosi status , quantaque difficultate & labore eluctandum sit ex hoc profundo. Quidquid igitur solet esse fraudi , & quibus gradibus , vt AVGVSTINVS ait, peccator descendit ad ima inferni , libro primo expedimus : deinde conditionem peccantium cum statu damnatorum conferimus, & ostendimus mala quæ peccata consequi solent , petitâ vbique tantummodò ex ipso AVGVSTINO materiâ , vt quibus visum fuit frustra aliunde aliquid mutuari, cùm huic viro nihil defuerit aut experientiæ ad exemplum,

AD LECTOREM.

plum , aut ingenij ad inuestigationem. Interferuimus ex occasione , documenta moralia ad vsum Concionatorum , & ad narrationis historicæ telam multa adtexuimus , tamquam lacinias operi : imò & in eorum gratiam , dedimus etiam liberali delectationi Emblemata: quæ licet mutæ sint imagines ; tamen aliquid altius loquuntur , nec pondere suo carent , tamen si leuia appareant, vt nihil dicamus de subsidio quòd memoriæ præstare possunt.

Toto libro secundo difficultates , quæ conuersionem peccatoris vel sufflaminant, vel impediunt, accuratiùs expenduntur : deinde media , quibus vtitur diuina benignitas in emolliendis cordibus hominum flagitiosorum. Ea hîc tantùm, quæ ab AVGVSTINO didici, scribo; & quæ dico , non dico noua. Placuerunt ad hoc præ reliquis libri Confessionum, quòd nihil operum eius, aut frequentius, aut vtilius terri possit. Isthic patebit, si vsipiam, quantæ molis sit annosum peccatorem refingere, aut quadriduano vitam inspirare. Fatigari certè videtur hac in re , ipsa Dei infinita virtus : sudat verò,

AD LECTOREM.

verò , & ad sanguinem vsque , humana imbecillitas.

Libro tertio digitorum tantummodò intingimus in illa bona , quæ ex animo poenitentem, & ferio conuersum excipiunt. Relictæ sunt ibi de industria , non tantùm aristæ aliquot ad spicilegium ; sed manipuli & fasces ad messem. Tollat , qui voluerit. Mihi sufficit, si hoc scriptionis ordine & dispositione , venerabilibus verbi Dei præconibus , tum aliàs , tum maximè pro ferijs S. A V G V S T I N I , adiumento fuero ,

Horat lib 1.
Serm. sat. 10.

— Quibus , hæc sint qualiacumque,
Arridere velim, doliturus si placeant spe
Deteriùs nostrâ.

Stilus erit fortasse discolor , pro diuersitate materiæ, quiq̃ue non aliter ac aqua referet fundum suum quem interlabitur ; sed quem planum maluimus esse & publicum , quàm superbè aut importunè ampullantem. Tu interim, bone Lector , fruire & vale.

SYLLA-

SYLLABVS CAPITVM.

LIBER PRIMVS,

CAPVT PRIMVM.

- § I. **D**eprouata voluntas, quam ab *Adamo hereditamus*,
initium *AVGVSTINO* fuit ad *viam perditionis*.
Emblema. 5
- § II. *Quo hac deprauata voluntatis pronitas maior, eo animo-*
sus illi obuiandum est. 5
- § III. *Quibus remedijs deprauata natura mederi possis.* 11

CAPVT SECVNDVM.

- § I. *Dilatio baptismatis plurimum AVGVSTINO obfuit.*
Emblema. 20
- § II. *Quàm perniciosè resipiscentia à peccatis differatur: & qua*
mala inde consequi soleant. 24
- § III. *Breuis ad resipiscentiam adhortatio.* 30

CAPVT TERTIVM.

- § I. *AVGVSTINVS malà saculi consuetudine abripitur.*
Emblema. 33
- § II. *Magna vis deprauata consuetudinis, & quantopere*
tam à dato, quàm accepto scandalo cauendum. 37
- § III. *Paranesis ad prauarum consuetudinum, maximè vestiendi,*
inuectores. 42

CAPVT QVARTVM.

- § I. *Nimia patris coniuuentia AVGVSTINVM perdidit.*
Emblema. 46
- § II. *Verècundè admodum & circumspectè loquendum de paren-*
tum & Superiorum defectibus. 51
- § III. 51

§ III. *Quanta sit parentum obligatio corripiendi filios delinquentes.* 53

CAPVT QVINTVM.

- § I. *Tandem AVGVSTINVS in haresim Manicheorum prolapsus est, quæ illi postremus ad profunda inferni gradus fuit. Emblemata.* 59
- § II. *Traduntur aliquando docti, sed superbi (qualis AVGVSTINVS tum erat) in reprobum sensum, ut etiam absurda de Deo & mysterijs fidei credant, verig, & in animo fiant hæretici.* 64
- § III. *Quantoperè cauendum, maximè iunioribus, à societate & commercio hæreticorum.* 69

CAPVT SEXTVM.

- § I. *Quanta inter statum peccati, ipsumq, infernum sit similitudo.* 74

CAPVT SEPTIMVM.

*Mala, quibus peccator ut plurimum cum AVGVSTINO mul-
tari solet.* 79

- § I. *Aufertur illi cor, siue prudentia, & consilium.* *ibid.*
- § II. *Curis eius sceratur. lib. 6. c. 6.* 83
- § III. *Absconditur illi Deus. lib. 10. c. 2.* 90
- § IV. *Ambulat per tenebras & lubricum. l. 2. c. 2.* 94
- § V. *Dæmonibus est voluptati & derisui. l. 4. c. 2.* 100

LIBER SECVNDVS,

CAPVT PRIMVM.

- § I. **C** *Ausa fundamentalis conuersionis S. AVGVSTINI, fuit æterna Dei prædestinatio.* 106
- § II.

§ II. *Quòd nomen prædestinationis neminem panico metu concu-
tere debeat.* 114

CAPVT SECVNDVM.

- § I. *Huic, scilicet aternæ Dei prædestinationi, nihil equè ad AV-
GVSTINI conuersionem faciendam in tempore, atque la-
crymæ D. Monicæ deseruierunt.* 131
- § II. *Plurimum quidem lacrymæ orationesq; S. Monicæ AVGV-
STINO profuerunt; sed serò suum sortiri potuerunt effectum,
quia ipse operam suam non adferebat.* 141

CAPVT TERTIVM.

- § I. *Testimonium propria conscientia eludere peccator non po-
test, nedum AVGVSTINVS id potuit. Emblema.* 146
- § II. *A lege scripta in cordibus nostris est, quòd etiam scelestissi-
mis virtus sit uenerationi.* 155

CAPVT QVARTVM.

- § I. *Quia homo infiniti boni est capax, atque ad illud possiden-
dum creatus, non aliquà aliâ re humanus satiatur animus: nec
ullibi extra Deum, veram cordis quietem potuit AVGVSTI-
NVS inuenire. Emblema.* 157
- § II. *An aterna illa quies, solidaq; felicitas in hac vita obtineri
possit; & quousque S. AVGVSTINVS eam possederit.* 179

CAPVT QVINTVM.

- § I. *AVGVSTINVS adè nullam in rebus creatis, relicto
Creatore, quietem inuenit, ut etiam maximam ubique ama-
ritudinem & molestias expertus sit, quò se ad Deum peren-
nem omnis boni fontem citius reciperet. Emblema.* 190
- § II. *E contrario licet virtutum exercitia suis etiam molestijs
non careant, interna tamen animorum consolatio longè præ-
ponderat.* 198

CAPVT SEXTVM.

- § I. *Nihil aequè AVGVSTINVM intimè in animo perculit , & ad conuersionem disposuit , ac metus mortis , & futuri iudicij. Emblema.* 208
- § II. *Quantum momenti habeat mortis & iudicij memoria , non solum ad conuersionem peccatorum , sed etiam ad repellendas carnis tentationes.* 215

CAPVT SEPTIMVM.

- § I. *AVGVSTINVS aliud agens , singulari Dei beneficio , ex prädicatione S. Ambrosij falsitatem sectæ Manichæorum agnoui , illamq; deseruit. Emblema.* 226
- § II. *Qui prädicationem verbi Dei negligunt , quanto bono seipsum priuent.* 239

CAPVT OCTAVVM.

- § I. *AVGVSTINVS de amplectenda fide Catholica maturè deliberans , ex quorundam Catholicorum vita sanctissimè acta suam turpitudinem agnoscit. Emblema.* 253
- § II. *Peccatorum suorum turpitudinem non nimis intueri debent , qui recenter conuertuntur , sed potiùs pulchritudinem misericordiae Dei , quâ ad fiduciam excitentur.* 264

CAPVT NONVM.

- § I. *Cùm pristinas sordes AVGVSTINVS seriò pararet eluere , malâ consuetudine , veluti graui somno oppressus , se sensit impediri. Emblema.* 270
- § II. *Quo quis feruentius ad emendationem vitae se accingit , eo plura subnasci plerumq; videntur obstacula & tentationes.* 286

CAPVT DECIMVM.

- § I. *Postremùm, desperans seruandæ continentie, quod solam conuersionis impedimentum iam supererat, expugnatur, per exempla continentium, & præcipuè tenerarum virginum. Emblema.* 290
- § II. *Luxuriæ vitium formidabile, & quasi inuictum, si aperto Marte aggrediaris; non difficile expugnatum, si fugam in eas, & per insidias adoriaris.* 306

CAPVT VNDECIMVM.

- § I. *AVGVSTINVS sub sicu amarissimè plorat; cor eius diuinitus tangitur: atque plenè ad fidem Catholicam conuertitur, & post sex circiter menses baptizatur. Emblema.* 309
- § II. *Quæ nobis sæpè videntur fortuita, qualis erat AVGVSTINO codicis apertio, destinato Dei consilio in salutem electorum sunt.* 323

LIBER TERTIVS,

CAPVT PRIMVM.

- § I. **A**VGUSTINVS fide illustratus, & aquâ salutis tinctus, primùm omnium in laudes omnipotentis Dei, & admirationem operum eius erupit. 330
- § II. *Præstantissimum mediũ est, ad acquirendam in bono proposito perseuerantiam, quotidiana pro beneficijs acceptis gratiarum actio.* 334

CAPVT SECVNDVM.

- § I. *AVGVSTINVS astu amoris diuini languens, ad huius mundi delectabilia deinceps nauseabat. Emblema.* 337
- § II. *Quia nulla nobis adhuc mundi pars plenè desipit, evidens signum est caelestia parum posse placere.* 344

CAPVT TERTIVM.

- § I. AVGVSTINVS Deum reperit, & omnia bona pariter cum illo. Emblema. 346
- § II. Quis verò spe huius præmij ad difficilia non animetur? 354

CAPVT QVARTVM.

- § I. Amor diuinus AVGVSTINVM inter alia docuit, verum esse quod ait Apostolus, vitam spiritus acquiri mortificatione membrorum quæ sunt super terram. Emblema. 358
- § II. Epilogus operis. 365



F. MICHAELIS HOYERI

AUGUSTINIANI

CARMEN

ΣΥΓΧΑΡΙΣΤΙΚΟΝ

AD AVCTOREM,

cùm S. Theol. laureâ insigniretur, atque iam
tum statuisset præfens opus euulgare.



*M*ANTELI, quem rara leuat super æthera virtus,
Ante fores pridem stantes amplectere lauros,
Et meritis da vela tuis; exordia famæ
Sunt hæc prima tuæ: posthæc, cælo auspice, cernes
Et titulos alios, aliasque in vertice frondes.
Assuesce his, palmisque volens prælude futuris.
Te Regum Bruxella parens, te Scaldis, acutis
Auribus, Hyblæo pascentem nectare mentes
Innumeras hominum noscit, cùm plena theatri
Frena regis, pendetque tuo constanter ab ore
Examen sine fine virum, quos copia torrens,
Et dulci vox mixta fauo, velut Attica Musa,
Detinet: vnde parans altis iter arduus astris,
Illimes animas ad pulvinaria Divum
Usque leuas, replens pulchris supera atria stellis.
Hoc est, MAGNE PATER, totum se impendere mundo,
Se supra sortes hominum decus addere cælo.

An dicam, vt sacræ tua mens Permessidos haustus,
 Vt Dirces vacuarit aquas? Quos Suada lepô res,
 Quod tibi Pieriæ nec̄tar tribuere Camœna?
 Quale tuis Charites lac ingessere labellis?
 An longâ referam sudatos arte libellos,
 Siue animi SPECVLVM scelerum sub mole gementis,
 (AVGVSTINE PATER primæ sub flore iuuentæ
 Qualis eras) & se celo credentis? an illos,
 Quæis commissa tuæ torrens opulentiæ linguæ,
 Nulla dies venturo vmquam quos eximet æuo?
 Hæc ego non tenui celebrarem pectore, Musis
 Nî scirem maiora meis; quæ carmine si quis
 Enumerare velit, similes tibi quærere chordas,
 Æqua tuis debet plectris percurrere plectra.
 Maeste animo, VIR MAGNE, Iouis tibi filia quando
 Ipsa suas oleas, vigilatæ præmia noctis,
 Ipsa suas tibi dat rupes Parnassia lauros.
 Tam celsis assurge bonis, & ouantibus astris,
 Extento nomen molire perennius æuo.



CAPVT PRIMVM.

§ 1. *Deprauata voluntas, quam ab Adamo hereditamus, initium AVGVSTINO fuit ad viam perditionis.*

THEM. CONCION.

Video aliam legem in membris meis, repugnantem legi mentis meae, & captiuantem me in lege peccati, qua est in membris meis. Rom. 7.



Rima ratio peccandi in AVGVSTINO, ceterisque hominibus, est deprauata voluntas, quæ non minùs in malum ruit, quàm sphaerica corpora maximo impetu proiecta in præceps, non eunt, sed feruntur. Hæc autem labe, & torius mali origo hereditate nobis obtigit à primo humani generis parente; estque eadem vt appendix culpæ præteritæ, & eiusdem pœna residua. Adamus quidem ab omnipotente Deo in tanta gratiarum affluentia creatus erat, vt omnia quæ vellet bona & meritoria, suapte tantùm non naturâ exequeretur, nullamque in membris luctam, nullam in creaturis rebellionem sentiret. Vt enim Bernardus ait: Tale inuenit homo inferius suum, qualem se exhibuit superiori. Quinimò ipse rerum Conditor, omnigena animantia ad eum adduxit, vt pro summa ei data sapientia, nomina ijs imponeret, tamquam futurus vniuersorum dominus & moderator. Quia tamen ex Adama, (vnde illi nomen Adæ) id est, rubrâ terrâ, formatus erat, non ex nigrâ, quæ omnium optima censetur, quia & imbrem & siccitatem ferre potest, quod non potest rubra; in illo felicitatis apice diutiùs consistere non valuit, facta que est illi tam multiplex & abundans gratia, occasio ruinæ. *Homo cum in honore esset, non intellexit: comparatus est iumentis insipientibus, & similis factus est illis. Audire enim maluit vxorem, quàm Deum, illiusque illecebras huius legibus præferre: ideoque nec bruta animalia, nec ani-*

DOMINICA
XII. post
Pentec.

Serm. 2. de
omnibus SS.

Dionys. Vti-
censis lib. 2.
cap. 8.

Psal. 48.

mæ passiones (mera tamen seruicia mancipiaque) dominæ rationi obedire voluerunt, meliorque pars deterioris superbam ferè dominationem perpeffa est. Armata est deinceps (vti Bernardus pergit) creatura ad vlciscendam sui Creatoris iniuriam; & ideo nouit anima illius, quæ rebellem inuenerat carnem suam, se quoque minùs, quàm oporteat, superioribus potestatibus esse subiectam. Neque interim intra solum Adamum, indomitum hoc malum stetit, ast

Vnius ob noxam pœnas stirps tota rependit,

vnâque veluti bucellâ, totius posteritatis patrimonium abliguriuit: sic vt suapte naturâ homo, ad bonum quidem tardus segnisque, ad malum verò ab adolescentia sua valdè propensus existat. *Sensus & cogitatio humani cordis in malum prona sunt ab adolescentia sua.* Quemadmodum enim humida materia à natura habet, vt ignem, qui calidus & siccus est, tamquam sibi aduersantem refugiat; ita homo, non quidem à naturæ suæ conditione, sed à peccato naturam deprauante habet, quòd ægrè ad virtutis studium accendatur & ascēdar, ad humida verò & grauia peccati semper declinet. Quòd & Poëta Ethnicus videtur intellexisse, cum dicit:

O curua in terras animæ, ac cælestium inanes!

Etenim nec fluuiorum aduersus impetus ascendencia nauigia tantopere remoratur, quantum peccati originalis pondus mentem ad cælestia assurgere conantem deprimit. Dixeris pedicam hoc illius esse, quâ humi detenta fursum euolare non possit, aut, vt Gregorius Nazianz. ait, Echincida fursum remigantis animæ,


*Quæ velut iniectâ properantem compede puppem
Detinet, ac tantam cogit subsistere molem.*

Nempe, vt veteres dixerunt, Ate per omnium hominum capita graditur: non ob aliud sanè, quàm quòd afflati ipsius veneno omnium hominum animi, ad mala & noxia sibi perpetranda sint procliuës, ipsaque huc omnium vires & facultates inclinēt. Est enim Ate, diabolus: quæ ideo singi-

tur filia Iouis, siue vetusta, siue natu grandior, quia Lucifer prior est & antiquior humanâ mente quam vexat, non tantum antea productus, sed cœlo etiam pulsus, & damnatus exilio sempiterno, quam humanum genus crearetur. Cùm grauitate quadam suâ, inquit Gregorius Nyssenus, De hom. opific. cap. 19. deorsum vitia vergant; idcirco frequentius id quod contrarium virtuti est, accidit. Multò citius enim princeps animæ facultas, bruto naturæ pondere impulsâ deprimitur; quàm, quod graue ac terrenum est, vnà cum mente in altum subleuetur. Siquidem affectus nostri vitiosi, ad imperium rationis & voluntatis comparati se habent (vt Aristoteles ait) Lib. I. Ethic. in fine. velut membra paralytica, ad voluntatē hominis ea mouere cupientis; sed quæ is mouere non potest, vel quantum, vel quomodo, vel quando vult. Nam sicut eiusmodi mēbra, si ad dexteram mouere volueris, contrà in sinistram feruntur: sic quoq; in anima contingit: in contrarias enim partes, in continentium appetitiones feruntur. Sed in corporibus quidē, quod præter voluntatem fertur, videmus: fortasse autem nihilominus esse & in anima aliquid præter rationem existimandum est, quod ei aduersetur & resistat. Vbi notādum est, quòd Aristoteles huic suo dogmati addat particulam dubitandi *fortasse*, veluti si nondum illi satis ea res explorata foret: at verò Aristotele doctior Apostolus, sine vlla hæsitacione clarè asserit: *Videō aliam legem in membris meis, repugnantem legi mentis meæ, & captiuantem me in lege peccati.* Rom. 7.

Eamdem rem S. P. AVGVSTINVS Emblemate declarat libr. 2. Confess. cap. 3, vbi hanc voluntatis peruersitatem, siue corruptionem, ingeniosè confert cum temeto immodicè hausto: asseritque se bibisse de inuisibili peruersæ atque inclinatæ in ima voluntatis vino. Nam quomodo, inquit Hieronymus, vinum contra potantem facit, & postquam surrexit, neque pes, neque mens suum officium tenet, omnisque lætitia, & mentis exhilaratio, vertitur in ruinam: ita Adamum, totamque eius posteritatem, eius vetiti pomi in exitialem omnium bonorum iacturam compulit.

De vino inuisibili peruersa atque inclinata in ima voluntatis.
 Lib. 2. Confess. cap. 3.



*Ad lapsum prona est, vitioꝝ addicta voluntas:
 Cum semel est Adæ crimine facta nocens:
 Non secus atque agrè titubantes ebrius artus
 Sustinet, immodico membra grauant cæro.*

§. I I. *Quo hac deprauata voluntatis prouitas maior, eo animosius illi obuiandum est.*

QVæ quidem non eo fine dixi, vt AVGVSTINVM aut DOMINICA xv. post Pentecost. quempiam alium, si in varia peccata inciderint, culpâ liberare velim; sed vt tanto clarius euadat, quàm strenuè atque continenter aduersus hereditarium hoc malum depugnandum sit: adeoque non esse de vita rectè, & ex præscripto rationis instituenda desperandum, vt hinc potiùs fortiores sumendi sint animi, quòd homo, tot præsidijs destitutus, cereusque in vitia, vnus tamen diuinæ adiutorio gratiæ subnixus, grauios illos concupiscentiæ motus compescere, & ad deperditam integritatem reassurgere possit, iuxta illud Apostoli: *Omnia possum in eo qui me confortat.* Philip. 4. Meruerat, fateor, corrupta hominis natura, & ad malum semper procliuis, vt ipsi malo cui inhiabat, æterno vinculo innecteretur: quod sanè Dei iustitia effecisset, (quemadmodum exemplo horrendo in Lucifero declarauit) nisi immensa ipsius bonitas & clementia intercessisset; ipseque Dei Filius humanæ factus consors naturæ, nobis & gratiam promeruisse, & pro illa nos assiduò orare docuisset: *Et ne nos inducas in tentationem:* id est, Ne ratio, neue mens, sublimior pars nostra, ira firmiter, & veluti nexu adamantino, carnis corruptelæ adstringatur, vt ei non audeat repugnare; sed instar pedissequæ in sententiam eius descendat. Quod breuissimè versu Lipsiano explico:

Anue ne pariter cum corpore mens brutescat.

Etenim si animus non præsumat de se, sed confortetur à Verbo, poterit dominari sui, vt non dominetur ei omnis iniquitas: ita, inquam, Verbo innixus, & indutus virtute ex alto, nullâ vi, nullâ fraude, nulla illecebrâ poterit vel stans dei jci, vel subijci. Tanta enim diuinæ misericordiæ est abundantia, vt quæ ad iram & indignationem alios prouocare soleat, Deum ad misericordiam & opem ferendam flectant, &

que madmodum pater aut medicus, quo magis maledictis & probris à phrenetico filio vapulat, eo magis dolet, eiufque miseretur, quia videlicet euidentiùs morbi vis apparet, ita de se Deus ait: *Propter miseriam inopum, & gemitum pauperum, nunc exurgam.* Christus etiam aliquando obscure & in parabolis locutus est, dixitque ideo se ita loqui, vt videntes non videant, & audientes non intelligant: non quòd absconditam ab auditoribus vellet veritatem, quam cupiebat omnibus vel maximè manifestam; sed vt hoc pacto repidos & oscitantes Iudæorum animos pungeret & excitaret, hacque molestia desiderium in eis accenderet, ardor verò desiderij obstantes difficultates laboremque perfringeret, vellentque tandem studiosiùs de aduentu Messia inquirere, cuius præsentiam non poterant sine dispendio æternæ salutis ignorare. Quæ enim omaibus obuia & facilia, licet sæpè magni momenti sint, otiosas tamen, & nauseantes animas nec excitant, nec accendunt. Id indicat D. Prosper in epigram.

*Gratior est fructus quem spes productior edit:
Vt rò obiectorum vilius est pretium.*

Annon huc collimauit magnum illud Medicorum decus Hippocrates, dum Aphorismos suos ita auspicatur: *Ars longa, vita breuis?* Non enim deterritos à studio medicinæ discipulos volebat, sed alacres magis, ideoque voluit hoc illis vice stimuli esse, quòd ars medica tantis difficultatibus implicetur. Namque vt Hesiodus canit:

Sudorem ante locum virtutis Dî posuerunt.

Ideoque velut columnam, quæ recta stat, impositum pondus magis firmat; ita altas Christianasque mentes decet, non cedere huic deprauatæ naturæ, sed contrà niti potiùs, atque illam conuertere in exercitium virtutum, & commendationem victoriæ. Malo nodo malus adhibendus est cuneus. Etiam si ille internus & domesticus hostis arcem cordis nostri oppugnaturus cum viginti millibus aduenerit,

rit,

Psalm. 11.

Luc. 8.

De lect.
S. script.

Luc. 14.

rit, audacter illi cum decem millibus occurrendum est: facilius namque est propria defendere, quàm inuadere aliena. Quin imò ipse hostis prouocandus, & vrgendus est. Contra affectus, inquit Seneca, non subtilitate pugnandum est, nec minutis vulneribus, sed incurfu auertenda acies. Si quis tentationum vincendarum labores libenter suscipiat, promptoque animo ad eas accedat, haud magnam sanè vim aduersus eum habituræ sunt; at si pedem referat, ab ipsique se remoueat, maiores omnino ac vehementiores videbuntur. Ecce tibi congruam ex Dione Chrysof. similitudinem. Hoc porro, inquit, etiam in igne contingere videmus: etenim si magno cum impetu in eum ascenderis, protinus extinguēs; si autem timidè & ignauè, vehementer te ipsum exures. Nec longè hinc abit eloquentiæ Pater: Vt onera, inquit, contentis corporibus facilius feruntur, remissis opprimunt: simillimè animus intentione suâ pressum depellit omnem ponderum, remissione autem sic vrgetur, vt se nequeat attollere. Quàm regiè Dauid de se loquebatur! *Persequar inimicos meos, & comprehendam illos, & non conuertar donec deficiant.* quàm Christianè Paulus! *Quis nos separabit à charitate Christi? tribulatio? an angustia? an fames? an nuditas? an persecutio? an gladius?* & quæ sequuntur vsque ad finem capitis. Nempe, quemadmodum vita piscis manifestè dignoscitur, si natat contra fluminis ictum; qui verò aqua labente ducitur, tantum-non mortuus iudicatur: ita illum hominem gratiæ vitâ viuere existima, qui deorsum omnia secum rapiētibz passionibus obnititur, nec cessat contra illas conari, sed vel ipsis reluctātibz viam in cælū molitur.

Nec verò Deus suos athletas sic decertantes otiosus spectat: (quamuis hoc solo maximè debeant animari, quòd in oculis summi Imperatoris, bellum cum hoste ipsius infenso gerant) sed vires suggerit, animosque labantes restaurat. *Ecce,* inquit fortissimus ille Protomartyr, *video cælos apertos, & Iesum stantem quasi in acie, à dextris virtutis Dei,*

Lib. de bre-
uit. vitæ c. 10

Cicero lib. 2
Tusc. quæst.

Psal. 17.

Rom. 8.

Act. 7.

Dei, paratumque ad ferendum suppetias. Adde, Deum tantò id facere libentius, quòd non parum ad gloriam nominis eius faciat, mundi huius & tenebrarum harum principem, tot conflictibus exercitatum, laboribus vigiliisque infatigabilem, à tam exiguo & abiecto antagonista, qualis est homo, superari. *In terra*, inquit ipse Deus, *in qua placebunt mihi, & ibi queram primitias vestras: in odorem suauitatis suscipiam vos, & sanctificabor in vobis in oculis nationum.* Id est, vt Prado explicat, vestra viuendi ratio, & institutum plus quàm humanum, vestræ contra tentationes & deprauatam naturam victoriæ, meam bonitatem & sanctitatem longiùs sonantiùsque prædicabunt, quàm egregia illa portenta Ægypti, transitusque populi mei per maris rubri vtrimque stupentes vndas. Non poterat Dauid tectus Saulis casside, loricâque circumdatus incedere; sed cæli ope, & sua virtute satis armatus, contra Goliathum in arenam descendit, eo illustrior fortiorque, quòd vel sic armatum, & vndique ferro munitum prostrauerit.

Neque etiam ideo magis desperandum est, quòd hanc procliuitatem, & tantum non necessitatem quamdam, augeat diaboli inuidia, qui toto spiritu fertur ad perdendum humanum genus. Ille enim audentibus & imperterritis vltro cedit, fugientibus & timidis instat. Prius testatur Iacobus in Canonica: *Resistite diabolo, & fugiet à vobis*: posterius Petrus, *Vigilate, quia aduersarius vester diabolus, tamquam leo rugiens, circuit quarens quem deuoret.* Quod clariùs demonstro ex natura crocodili, de quo Seneca: *Fugax animal, audacissimum timido.* Ecce tibi naturam diaboli. Est quidem *leo rugiens*, dum ipse primùm bellum mouet, & imbellem aduersarium nanciscitur: tunc enim instar crocodili, audacissimus est timido, quæritque quem deuoret: at verò si diuinâ fretus gratiâ, illi viriliter (vt Iacobus monet) restiteris, inuenies nihil illo fugacius, nihil imbecillius. Ad quem modum, iam ante nos, loca eadem

Ezech. 10.

1. Reg. 17.

DOMINICA
v. post Epi-
phaniam.

Iac 4.

1. Epist. 5.

Lib. 4. quæst.
nat.

dem

dem sacræ Scripturæ composuit opposuitque Bernardus, qui allegatis D. Petri verbis subiungit: Rugire potest, ferire non potest. Rugiat quantum vult, tantum non fugiat ovis Christi. Quanta minatur, quanta exaggerat, quanta intentat? Non simus bestię, vt nos prosternat vacuus ille rugitus. Sic enim perhibent qui talia curiosius vestigauerunt, ad rugitum leonis nullam bestiam stare posse, ne eam quidem quæ aduersus ictum eius totâ animositate repugnat, & plerumque superat ferientem, quæ non sustinet rugientem. Verè bestia est, verè rationis expertus, qui tam pusillanimis est, vt solo timore cedat, qui solâ futuri exaggeratione laboris victus ante conflictum non telo, sed tubâ prosternitur. *Nondum vsque ad sanguinem restitistis*, ait Hebr. 12. strenuus ille dux, qui leonis huius nouerat vanum esse rugitum. Leones hosce infernales nec ille metuebat, de quo Ecclesiasticus, *Cum leonibus lusit quasi cum ignis*. Apprehendebat enim mentum eorum, id est magno & excelso animo eos aggrediebatur, nec reuertebatur, vt iam diximus, donec deficeret. Etenim venit Christus, ait S. P. AVGVSTINVS, & alligauit diabolum. Sed dicit aliquis, Si alligatus est, quomodo adhuc tantum præualet? Verum est, fratres charissimi, quia multum præualet, sed tepidis, & negligentibus, & Deum in veritate non timentibus dominatur. Alligatus est enim, tamquam innexus canis catenis, & neminem potest mordere, nisi eum, qui se illi mortiferâ securitate coniunxerit. Iam videte, fratres, quàm stultus est homo ille, quem canis in catena positus mordet. Tute illi per voluptates, & cupiditates sæculi noli coniungere, & ille ad te non præsumet accedere. Latrare potest, sollicitare potest, mordere omnino non potest, nisi volentem. Non enim cogendo, sed suadendo nocet; nec extorquet à nobis consensum, sed petit. Et D. Gregorius de illo ait, Antiquus hostis, sicut contra consentientes fortis est; ita contra resistentes debilis: si enim eius suggestionibus assensus

Serm. 13. in
Psalm. 90.

Hebr. 12.

Ecclesi. 47.

Serm. 197. de
tempore post
medium.

Lib. 5. Moral
cap. 17. post
medium.

fus præbetur, quasi leo tolerari nequaquam potest: si autē resistitur, quasi formica atteritur. aliis ergo leo est, aliis formica, quia crudelitatem illius carnales mentes vix tolerant; spirituales verò infirmitatem illius pede virtutis calcant. Est & alia figura in immani illo pisce, qui Tobiam iuniorē perterrit. *Apprehende*, inquit Angelus, *branchiam eius, & trahere eum ad te*. Strepitum quidem magnū edit, sed in aquis suis hæret, illarū limites non egreditur: latrare, vlulare, spumas voluere potest; lædere nō potest. Verissimè Gregorius, Sciendum est, inquit, quia satanæ voluntas semper iniqua est; sed numquam potestas iniusta, quia à seipso voluntatem habet, sed à Deo potestatem: quod enim ipse iniquè facere appetit, hoc Deus fieri non nisi iuste permittit: formidari ergo non debet, nec honorari, qui nihil, nisi permissus, valet. Incredibili studio Nero Imp. ardebat addiscendi magicas præstigias; numquam tamen permittit Deus, licet magos haberet vndique ad hoc conquisitos, & obscænæ istius artis scientissimos, vt Plinius testatur, ne tanti nimirum tyranni sæuitia pessimorum spirituum adminiculo iuaretur.

Quanta dæmonis contra humanum genus sit imbecillitas, vel ex hoc solo patet, quòd ad obsidendum hominem, non vnus, non decem, sed integra se legio accingat. Quid? quòd integer Pharaonis infernalis exercitus aquis suffocatur, solâ ostensione virgæ Mosaicæ, solo signo salutaris crucis. Magnum, inquit Rupertus, spectaculum respicienti inde currus Pharaonis, hinc equitatum Dei: currus namque Pharaonis, valdè multi, ferro armati: equitatus autem Dei, virga vna fuit, virga quam Moses manu tenebat: hæc contra sublimes currus Pharaonis taliter equitauit, hoc modo pugnavit. Vnde sponsus dilectam suam animans, virtutemque dilaudans, ait, *Equitatus meo in curribus Pharaonis assimilaui te, amica mea*, id est, tam terribilē, licet instar virgæ flexilis sis & imbecilla, te reddidi diabolo, quàm equitatus meus,

Tob. 6.

Lib. 2 Moral.
c. 6. aliis 10.Plinius
lib. 39, cap. 3.Lib. 1. in
Cant

Exod. 14.

Cant. 1.

meus, virga scilicet Mosaica, curribus Ægyptiis formidabilis existit. Illustre exemplum est in Thoma à Kempis: ille In vita eius, quadam vice, cùm dæmon teterrimâ eum horrendâque formâ circumstetisset, & lecto appropinquare conaretur, intremuit primùm ad larualem intuitum: sed, cùm inspiratione diuinâ, Salutationem Angelicam tremulâ voce (vt timidi solent) recitaret, eoque peruenisset: *Ventris tui Iesus Christus;* vidit dæmonem quasi horrendo quodam tonitru pauefactum, quàm citissimè fugam arripere, vtpote qui vim vel vnus salutiferi nominis istius perferre non possit. Ad hanc pugnam nos hortatur Ioannes Climachus: In scala spir. rit. gradu 16 Cum gaudio, & sine metu ad egregium illud certamen accingamur, inimicos nostros nullâ ratione formidantes: intuentur enim illi, etsi non videantur à nobis, animarum nostrarum vultus; & si viderint illos formidine contrahi, vel immutari, acerbis cõtra nos armantur. *Timidis autem,* Apoc. 21. & *incredulis, & execratis, & homicidis, & fornicatoribus, &c. pars illorum erit in stagno ardenti igne & sulphure.* Pro *timidis,* græcè est *δειλῆς*, ignavis, siue labori & tentationibus vltro cedentibus. alioquin timor, naturalis passio, non est peccatum dignum pari pœnâ puniri cum homicidio, fornicatione, & aliis grauissimis sceleribus. *Ne ergo,* inquit Apostolus, *tentatio vos apprehendat*, id est, perterreat, & timore 1. Cor. 10. veluti quibusdam vinculis constrictos teneat. Ne nimis præproperâ fugâ vos vltro in laqueos & retia, vt cerui solent, induatis. Pugnandum, resistendum illi est, cuius suggestionibus nisi præbeatur assensus, velut formica conteritur.

§. III. *Quibus remediis deprauata natura mederi possis.*

EN tibi præstantissimam remediorum quadrigam, quâ si vti volueris, perire non poteris, quin potiùs quasi in laureato curru, tandem prauarum cupiditatum victor, triumphabis.

1. *Frequens Communio.*

DOMINICA
II. post.
Pentec.

Ephes. 5.

Catech.
mystag. 4.

Gen. 3.
Rupertus lib.
6. in Ioan.

Luc. 22.

Marc. 6.

Primumigitur & efficacissimum est frequens sumptio Corporis Christi, quâ rursus diuinitati illius quasi inserimur, qui per originale peccatum ab ipso Deo distracti auulsique fueramus. Quemadmodum enim probè intelligimus ab esu non læsos, ita subducamus rationem de naturalibus experimentis, ab esu rursus remedium petendum; non secus atque ij, qui à scorpionibus iecti sunt, ab ijsdem sibi sumunt antidotum. Hanc intimam coniunctionem euidenti exemplo copulæ coniugalis, quâ duo fiunt quasi vna caro, declarat Apostolus, *Sacramentum hoc magnum est in Christo & in Ecclesia*, id est, inter Christum & Ecclesiam: per sumptionem enim Eucharistiæ, talis fit coniunctio & unio, vt homo quodammodo in substantiam ipsius Dei conuertatur, ipseque Deus hominis quasi reddatur membrum. Vnde Sancti Patres, atque in primis Cyrillus ait, nos fieri concorporeos & consanguineos Christi. Et verè tum fit, quod diabolus falsò olim primis parentibus pollicebatur, *Comedite, & eritis sicut*. *Dij, scientes bonum & malum*: quia in sumptione huius Sacramenti, nequissimi dæmonis fraudem Deus in verum effectum conuertit. Et quam inuestigabimus aliam rationem, cur Euangelista Lucas dicat, Christum auulsus esse à discipulis, cum oratum secederet, in dura illa & vltima nocte, nisi quia ipsis adeò intimè coniunctus & coagmentatus fuerat super mensa in distributione Corporis sui, vt non potuerit ab illis distrahi, nisi quemadmodum ramus auclitur à suo trunco? Aliàs enim, priusquam hæc sacratissima cõmunicatio esset instituta, dicitur Christus discipulos suos coëgisse vt nauem cõscenderent, atque præcederent trans fretum ad Bethsaidã. Videbatur adhuc illis præsens, licet toto mari distaret, quia necdum Eucharistiam sumperant: at, vbi illo cælesti cibo semel refecti fuerunt, licet Christus tantum quantum est iactus lapidis, à discipulis abiisset, dicebatur ab illis *auulsus*. Nec mirum, quia manducatio & potus est quasi

quasi quædam incorporatio, subiectis obsequiis, voluntatibus iunctis, affectibus vnitis. quæ omnia non nisi difficulter ab inuicem separari possunt. Dico ergo, & quidem asseueranter, non esse aliud donum excellentius, nec remedium efficacius, quo in pristinum innocentissimæ vitæ statum redeamus, corruptamque naturam restauremus, quàm sit hoc: in quo longè plura recipimus quàm perdidimus, & maius beneficium participamus quàm detrimentum sustinimus.

Cyprian. sermon de cœna Dom.

Sicut autem peccatum primi parentis non tantùm nos à Deo separauit, sed exercitum nobis variarum tentationum instruxit, ablatiis virtutum prædiis; ita Eucharistia nos roborat & munit: atque reuerà in mystica illa mensa exhibetur *omnis armatura fortium, mille clypei pendent ex ea.* Id experientiâ edoctus dicebat ille: Ergo si quis vestrùm non tam sæpè modò, nec tam acerbos sentit motus iracundiæ, inuidiæ, luxuriæ, aut ceterorum eiusmodi; gratias agat corpori & sanguini Domini: quoniam virtus Sacramenti operatur in eo. Sensum minuit in minutis, & in grauioribus peccatis impedit omnino consensum. Samson adamauit Dalilam, feminam alienigenam, ingratham, perfidam, quæ & sponso suo tandem mortem accersuit: Filius verò Dei humanam naturam deperiit, illam assumpsit, illam multis beneficiis, licet immerentem, & sordibus peccatorum deturpatam, affecit; ac tandem illius causâ, ab ipsis hominibus captus, flagellatus, delusus, irrisus, atque in infamem crucem actus est. Samson hostibus suis Philisthæis ænigma proposuit, *De comedente exiuit cibus, & de forti dulcedo,* de-

Cant 4.
Bern. serm.
de cœna.

Iud. 14.

Psal. 22.

me, vt & anima roboretur, & ei abundè vires suppeditentur contra vndequaque incurfantes tentationes, atque re ipsa experiamur: *Non est fortis sicut Deus noster: & Nova bella elegit Deus, portas exterorum* (quod aliàs solebat ministerio Angelico,) *ipse subuertit*. Vbi in Vulgata editione legimus: *Panem Angelorum manducauit homo*; D. Hieronymus vertit, *Panem fortium*, qui scilicet comedentem fortem & imperterritum efficiat. *Sapientia adificauit sibi domum, excidit columnas septem, miscuit vinum, & posuit mensam*. Sed quo fine? Vt animabus pijs accedat robur ad pugnam: eò enim vocamur; ad arcem & mœnia ciuitatis, quæ contra hostes defendenda sunt. Narrat Iulius Frontinus, ducem quemdam Carthaginiensem hoc vsum aduersus hostes stratagemate: vinum quod in castris habebat, infecisse succo mandragoræ, cuius vis veneno proxima est, & somnum cõciliat; atque leui commisso prælio fugam simulasse, castra reliquisse hostibus diripienda. Illi vt erant largioris potus auidi, statim medicatum illud vinum exhauerunt, altoque somno sepulti sunt. Tum verò dux inopinatus superueniens, omnes trucidauit. Miscet verò diuina Sapiëntia nobis vinum, & ponit mensam, non quò prædæ hostibus sumus, sed vt illis terribiles, & quasi leones ignem spirantes appareamus. Næ hinc plus virium depromimus, quàm Antæus cum Hercule decertans, à materno contactu, siue ipsa terra, cuius filius perhibebatur. A quo nõ abluisse videtur S. P. AVGVSTINVS: At tu amor meus in quem deficio, vt fortis sim. In te Deum meum decido, dum sacra mysteria tua frequento, & à tactu corporis tui validus robustusque euado, qui priùs ad eò pronus ad lapsum eram.

Si olim sola professio Christiani nominis, etiam imbecilles feminas, ad fortissima quæque tormenta animarit, vt narrat Eusebius Cæsariens. de Blandina, cui cùm alij omnes Christiani timerent, ne tormentis esset cessura, & præ corporis teneritudine vix ad primæ confessionis tormenta sufficeret;

1. Reg. 2.
Iud. 5.

Pfalm. 77.

Prouerb. 9.

Lib 3, Confess. cap. 6.

Lib, 5, hist. c. 1

fufficeret; fuit tamen ipfa adeò hac professione roborata vt poftèa edixerit fuis, toties nouas corpori vires redditas, quoties vocem confessionis emitteret, *Christiana fum*; donec tandem carnifices, qui à prima luce vsque ad vesperam tormenta femper innouarant, se victos faterentur, ftuperentq; quomodo fpiritus in ea permaneret, cùm nihil iam in illa ex corpore per fupplicia refediffet. Si ergo tantum vocalis confessio potuerit, quantum intima cum Christo vnio non animabit; vbi anima quafi omni agendi iure exuta, totam belli molem, laudemque victoriæ in clementiffimum Sponfum transfutura est?

2. *Propria imbecillitatis confessio.*

Alterum est, vt hanc naturæ imbecillitatem, & prauos animi motus frequenter & libenter in intimo cordis tui cum gemitu & fufpirijs agnofcas, atque teipsum valdè in confpectu Diuinæ maiestatis humilies. Pietate enim humili, ô Deus, reditur in te, & purgas nos à confuetudine mala, & propitius es peccatis confitentium, & exaudis gemitus compeditorum, & foluis à vinculis quæ nobis fecimus. Proteftare crebrò iam iam te ruiturum, nisi ille lapsantem fulciat. Dic cum Sponfa: *Tenui eum, nec dimittam, donec introducã illum in domum matris meæ, & in cubiculum genitricis meæ.* Morem apud Hebræos fuiffè aiunt, vt fponfa primâ nuptiarum nocte, fponfum in cubiculum & thalamum defunctæ matris introduceret, fi mater obiiffet. alioquin mater ipfa filiam cum lacrymis introducebat. Mater noftra, est ipfum nihil, ex quo ab omnipotenti plasta conditi fumus; nisi malis fateri cum lobo te putredinis filium, & fratrem vermium. Atque tum Christum fponfum in thalamum genitricis adducimus, cùm noftram imbecillitatem & miferiam attentius considerantes, ipsius adiutorium imploramus, & pio mentis affectu summam illius excellentiam, mifericordiam, & omnipotentiam deprædicamus.

DOMINICA
x. post
Pentecost.

Lib. 3. Con-
fessi. cap. 8.

Cant. 3.

Tob. 7.

Iob 17.

Gen. 16.

De filijs Abrahæ, qui id in praxim redegerunt, dicebat iam olim Deus: *Dabo semen tuum sicut stellas cæli, & sicut arenam quæ est in littore maris.* Ad quem Scripturæ locum interrogare aliquis posset, quamobrem Deus stellas cæli coniungat cum arena maris, quorum vtrumque res est ab altero, vti loco, ita proprietate & indole distincta? Nam si electi sint stellæ ob sanctitatis splendorem, & lumen boni exempli; quomodo arena sunt, quæ pedibus proteritur? Sed respondeo, arenæ quidem similes esse propter voluntariam abiectionem, dum consideratione suæ fragilitatis, diuinis se pedibus instar calcabilis materiæ substernunt: stellæ verò sunt propter splendorem emicantis vitæ, & lumen exempli. Concludo itaque cum S. Dorotheo, ad illa verba Christi: *Discite à me quia mitis sum, & humilis corde, & inuenietis requiem animabus vestris;* Ah! quomodo vnico verbo ostendit nobis radicem & causam malorum omnium; medicinam item bonorum omnium? Aperuit quòd nos deiecit elatio, quodque saluari aliter non possumus, quàm per oppositum, quod est humilitas.

Doctrina 1.
Matth. 11.

3. *Timor præsumendi, & suspecta securitas.*

Prouerb.
apud Suidã.
Centur. 12.
num. 42. ex
editione
Andr. Schotti.

Tertium, vt ne vel minimum de teipso præsumas, quamuis non semel victor. Neque enim hic nostræ stat summa victoriæ, etiamsi semel, iterum, & pluries hostes in fugam verterimus; semper in acie standum est: certamen hoc non nisi cum vita finitur. Quapropter hoc *bellum igneum* cogita, quale fortassis Romani cum Celtiberis gesserunt. Nam Græcanica & Asiana bella vnum ferè prælium dirimere solebat, rarò veniebatur ad alterum: ipsa prælia quoque vnico ferè constabant congressu & concursu copiarum: at verò in bello isto secùs accidit. Dimicationes enim plerumque nox dirimebat, viris neque animis cedere, neque corporum contentionem remittere volentibus: sed redeuntibus, & quasi actorum pœniteret, & emendare culpam vellent, pugnam redintegrantibus. Eiusmodi, ô bone

bone miles Christi, bellum cogita : aut quale in sacra Scriptura memoratur inter domum Saul & domum David; 2. Reg. 3. adeoque instanter cum hostibus, usque dum nox huius ærumnosæ vitæ incubuerit, dimica. Nescio an elegantior comparatio inueniri queat, quàm si hominem dicas perpetuis tentationum procellis, velut aggerem quemdã, quem continui fluctus flagellant, obiectum esse. Quæ enim hora, quod momentum transit, in quo non feriamur importunis vndis prauarum cogitationum, quarum impetus à diabolo, tamquam ab oceano omnium malorum, in animos nostros, velut aggeres fluctibus obiectos, irrumpit? Cõmodè hîc occurrit S. P. A V G V S T I N V S, nos ad id quod diximus adhortans : Natus es cum eo quod vincas. vince hostem In Psalm. 57 cum quo natus es : ad stadium huius vitæ cum illo venisti; congregere cum eo, qui tecum processit. Quantum vitæ est stadium, tantum & pugnæ. Nempe illud Hannibalis hîc vsurpandum, qui puluere inter ambulandum excitato dixit ; Numquam Carthaginiensibus cum Romanis futuram pacem, nisi alterutro instar pulueris istius attrito populo. Ita nobis mortalibus & cinericeis pax nulla securitasque erit, nisi post cinerem & pulueres : hostis enim non In vitis Patrum. immortalis, & non interitura substantiæ est. Non ignorabat hoc optimus ille senex, qui morti iam vicinus, mulieri apprehendenti manum, voce quâ poterat dicebat : Desiste mulier, adhuc igniculus in me viuit. Iam quippe animam agebat, necdum tamen securus hostium, in ipsa morte pugnæ meminerat. Quid enim, obsecro te, in hoc mundo nisi secundam caputem hydram vides ? si vnum aliquod demetis, aliud pullulat : instar asparagi, qui quoties rescinditur, lætior resurgit. Si auaritia prostrata est, exurgit libido : si libido compressa est, succedit ambitio : si ambitio contempta est, ira exasperat, instat superbia, vinolentia inuitat. Atque tum etiam maximè time, si passiones inordinatæ se componere videantur : sæpè sæpiùs ideò subsidunt,

vt aliùs exsurgant: & quo plus recessùs sumunt, hoc vehementiores postea impetus edunt. Eoque ampliùs inuigila, quo maior se ostentat malacia, certus numquam periculum nauclerum minùs extra metum esse, quàm dum iacent fluctus, & quodam quasi somno sopiti securitatem promittunt. Insi di sunt, & momento exsurgunt, atque inopinantem imparatumque mergunt. Concupiscentiæ prauæ, dum silent, & quasi sepultæ iacent, extemplò expergiscuntur, perimuntque tantò nocentiùs, quantò mentitâ pace delusos vehementiùs inuadunt. Prudenter idcirco dicebat Macarius senior Ægyptius, eum qui ditescit gratiâ, in multa debere humilitate & cordis contritione degere, ac se ipsum vt pauperem & nihil habentem arbitrari: quod habet, alienum esse, aliumque ei dedisse, qui quando voluerit auferet illud. Audi Hieronymum quasi nuper naufragio eiectum in littus, doctum nautam, timidâ nauigaturis voce denunciantem: Nolite credere, nolite esse securi, licet in modum stagni fufum æquor arrideat, licet vix summa iacentis elementi spiritu terga crispentur; magnos hic campus montes habet: intus est hostis. Expedite rudentes, vela suspendite, crux antennæ figatur in frontibus; tranquillitas ista, tempestas. Nam, vt ait Fulgentius, vitiourû auctôr dæmon, in eo quod non potest vincere vitiis suis, vincit virtutibus alienis; armis quibus eliditur, surgit; & virtute quâ deijcitur, deijcit; laudat, quâ se prospicit superari, virtutem, vt victus possit captiuare vincentem.

4. *Afsidua mortificatio.*

Postremùm, numquã intermittenda inordinatarû passionum mortificatio. Sicut enim currus & birotæ, in præcipiti aut decliui loco alligatâ ad rotam catenâ retinentur, & se sistunt: sic animus in vitia præceps & pendulus mortificationis funibus sufflaminandus est. Hoc monet in primis Apostolus: *Si spiritu facta carnis mortificaueritis, viuetis. Quemadmodum si crebriùs arbori recidantur rami, trûcus*

exare-

Epist. ad Heliodorum de laudibus vitæ solitariæ.

Rom. 8.

exarescit : ita si mortificationis securis continenter malis moribus adhibeatur, ipsa concupiscentia tandem flaccescit & emoritur. Nec etiam parui ducendum est, quantumvis paruum sit, quod sensuum siue interiorum, siue exteriorum, delectationi subtrahitur. Obambulat aliquis, inquit S. Dorotheus, & quidpiam conspicatus, persuadetur à cogitatione, vt id aduertat. Atis cogitationi & non bonæ persuasioni repugnat, seque auertit. Rursum inuenit quis nugis & vanis rumoribus occupatos; persuadet vt se quoque turbæ immisceat, & verba pariter inserat: negat id se acturum, & auersus aliò propriam voluntatem abscondit. Item succurrit vlli vt coquum adeat, interrogetque quid paret obsonij; non adit, ac sic se cohibet. Cernit aliquid in culina; quis illud attulerit sollicitatur interrogare, comprimit appetitum & vocem, & nil percontatur. Sicque dum parua quæque præscindit; sensim quæcumque aduenientia præscindere consuescit, etiam summâ cum requie, nihil præter voluntatem suam, se sentit habere.

Doctr. 1.

Acquiesco denique in optimo D. P. AVGVSTINI consilio. Si vis, inquit, vincere, noli de te præsumere: sed illi assigna victoriæ gloriam, qui tibi donat vt victoriæ feras palmam. Vis vincere? caput prius conterere inimici, excludendo de corde tuo suggestiones diaboli. Vis vincere? manus tuæ inueniantur fortes in bono opere. Vis vincere? fige pedes, non nutent vestigia tua, frequentando spectacula, & deserendo Ecclesiam.

Lib. de Ca-
tacl. cap. 2.

CAPVT SECVNDVM.

§. 1. Dilatio baptismatis plurimum AVGVSTINO obfuit.

THEMA CONCION.

Ne tardes conuerti ad Dominum, & ne differas de die in diem. Eccli. 5.



Vemadmodum AVGVSTINO alter gradus ad dissolutissimæ vitæ genus, fuit baptismatis dilatio; ita nos plerumque ad grauissima flagitia procrastinatio respicientiæ compellit. Id enim perinde habet, ac si quis de lethaliter sauciato diceret:

Sine, vulneretur adhuc, necdum enim sanatus est. Cùm tamen potiùs vulnera obliganda, adhibitisque fomentis & emplastris curanda forent. Ecquænam hæc insania! Repetitum vulnus adeò priorem dolorem non auferit, vt potiùs adaugeat, ac tandem intolerabilem reddat. Id se ita habere expertus est ipse, cui cùm dilata esset mundatio, quasi necesse esset vt adhuc sordida-

1. Cõfess. c. 11.

retur, si viueret. Pressus enim quadam die stomachi dolore, repenti æstuabat pænè moriturus. Tum verò in tantam viuendi flagitiosè licentiam prorupit, vt laxatis quasi habenis, quiduis prauæ cupiditati indulgeret. Mox enim & furtiuis rebus delectari, hoc solùm quòd furtiuæ essent, libidinibus vacare, de flagitiis etiam non admissis gloriari, prauisque de Deo & fide opinionibus

Ibid. l. 2, c. 3.

adhærere; & qui ianuam Ecclesiæ subire neglexerat, nullum deinceps errandi libidinesque sectandi finem modumque fecit. Et præceps ibam, inquit S. Doctor, tantâ cæcitate, vt inter coætaneos meos puderet me minoris dedecoris, quàm audiebam eos iactantes flagitia sua, & tanto glorientes magis, quanto magis turpes essent; & libebat
facere,

facere, non solùm libidine facti, verùm etiam laudis. Et paulò pòst: Et vbi non supererat, quo admisso æquarer perditis, fingebam me fecisse, quod non feceram: ne viderer abiectior, quo eram innocentior; & ne vilior haberer, quo eram castior. Ecce, cum quibus comitibus iter agebam platearum Babylonix, & volutabar in cœno eius, tamquã in cinnameo & vnguentis pretiosis. Et sequenti capite: Ego furtum feci. Me volui, & feci nullâ compulsus egestate, nec penuriã; sed fastidio iustitiæ, & saginã iniquitatis. Nam id furatus sum, quod mihi abundabat, & multò melius. Nec eãre volebam frui, quam furto appetebam; sed ipso furto, & peccato. Quanto ergo meliùs, & citò sanarer, & id ageretur mecum, meorum, meãque diligentia, vt recepta salus animæ meæ, tutela esset tua, (loquitur S. Doctor Deo) qui dedisses eam! Meliùs verè. Et hoc sequenti Emblemate expressum vide.

Lib. I. cap. II.

Sine, vulneretur ampliùs, nondum enim sanatus est.
 Lib. 1. Confess. cap. 11.



*Baptismi sacras genitor procrastinat undas,
 Augeat ut sordes sordibus usque nouis.
 Hinc animus primi vitiat us labe parentis
 Fertur, quo miserum caca libido trahit.*

Sed quàm non parui nominis & numeri homines hanc infaniam imitantur, qui se in flore ætatis, priusquam vel sacræ militiæ nomen donent, vel coniugalis affectus spatiis coercerentur, in effrenem libidinem sese profundunt, eiusque habent patronos, qui dicant: Sine illum, faciat quod vult, nondum enim vir est, nondum maritus, Sacerdos aut Religiosus: sine despumet feruorem ætatis. Et tamen in corpore vulnerato non dicimus: Sine, vulneretur amplius, necdum enim sanatus est. Quasi verò in Clericatu & Religione tentationes non sufficiant, vxoratis pericula & occasiones desint; ideoque vitiosi habitus sint augendi, auxilia diuinæ gratiæ imminuenda, materiaque tentationum quasi studio quaerenda. Hinc sæpius contingit, vt in genere vitæ quod elegisti, miserè aut impiè viuas, aut perseverare non possis. Abripiuntur tamen iusto Dei iudicio plurimi eiusmodi adolescentes, nec ad honestum aliquem statum pertingunt; sed prius vel eorum flagitia deteguntur, fiuntque infames, vel acerbâ morte intereunt. Non absimili exemplo, quo Archias Thebanorum tyrannus in mensa occisus est. Acceperat ille, inter cœnandum litteras, quibus coniurationis in caput suum, & coniuratorum omnium certior fiebat. Priusquam verò eas aperiret, & legeret, dicente tabellario de re seria scriptas esse: Seria, inquit, in crastinû, litteras puluino subiecit, & neglexit, ipsumque securus conuiuium produxit; sed eâ ipsâ vesperâ ab intruentibus coniuratis occisus est, regnoque simul & vitâ spoliatus. Ita & isti in flore ætatis constituti, & quasi iugiter conuiuantes, litteras à fidis tabellarijs, id est admonitiones serias & graues à magistris, confessarijs concionatoribus accipiunt; sed, quia inter conuiuas, id est, adulatores & adolescentiæ deprauatores, versantur, quasi omnium securi, puluillo supponunt, pericula imminencia non attendunt, donec tandem inopinatò opprimantur. Et quamuis fortè mitior fortuna illos excipiat, viuantque, quotidie

Plutarchi,
lib. de So-
crat. dæmo-
nio.

tidie tamen ad peiora diffluunt. Ita David adhuc recens ab adulterio, homicidium designauit: Iudæ Iscariotæ auaritiâ proditione domini sui, proditionem desperatio consecuta est: dumque Synagoga infidelitate laborat, & Christum recusat agnoscere, in innocentis necem conspirauit.

Serm. 169.

Psal. 34.

Furata est, inquit Chrysologus, Dominicam resurrectionem, quæ pretium militibus dedit, ut resurrectionis infoderet & occuleret veritatem. Hæc est quæ conquisiuit falsos testes, ut impleret illud: *Exsurgentes testes iniqui, quæ ignorabam, interrogabant me.* Et reuerâ aliter non poterat irradiare veritatis auctorem, quia semper sola impugnat falsitas veritatem. Sic ruit, sic per gradus cadit, qui de scalis labitur & corrui præceptorum. Nam si credidisset Iesum Deum, ad hoc ruinarum barathrum non venisset. Et hoc præcedenti Emblemate designatur, vbi lethali vulnere, id est peccato originis, confectus, adolescens moribundus in cubitum procumbit. In vna enim oue, inquit idem Auctor, hoc est Adam, pastor bonus, pastor pius posuerat totum gregem generis humani: hanc inter amœna paradisi, hanc in regione vitalis pascuæ collocarat: sed illa vocem pastoris oblita, dum lupinis vlulatus cedit, & caulas perdidit salutare, & tota lethalibus est fauciata vulneribus.

Chrysol.
serm. 168.

Atque ut clarius argumentum imaginis euadat, adstant primi humani generis non factores modò, verùm & corruptores. Adolescentem dirus Cupido nequiter inuadit, & quia viribus impar, ob acceptum sub malo vulnus, illitâ veneno sagittâ percutit, id est, ideo AVGVSTINO mille alia vulnera inflicta sunt peccatorum actuum, quia originali coinquinatus erat, illiusque vnicum remedium Baptismus differebatur.

§. II. *Quàm perniciosè resipiscentia à peccatis differatur:
& quæ mala inde consequi soleant.*

DOMINICA
SEPTVAG.

EX hac, velut equo Troiano, ingens malorum exercitus prodit: hinc innumera enascuntur pericula, quibus
mise-

miserabilis peccator implicatus, plerumque tandem redigitur ad restim & desperationem. Tunc namque mens præteritorum delictorum enormitate & numero perterrita, ad aram misericordiæ Dei, quam toties neglexit, confugere non audet, vrgente conscientia, quæ testis formidabilis, iudexque grauis, reum comitari & vrgere solet. Ideoque eiuscemodi peccatori dicitur: *Tace & non recorderis nominis Domini*: id est, tunc non erit integrum recordari Dei ad implorandam misericordiam ipsius: tot enim (iusto quidẽ Dei iudicio) ille, qui in delicijs vitã absumpsit, & memoriam pœnitentiæ semper sepeluit, curis, doloribus, anxietatibus obruitur, vt Dei salutisq; propriæ obliuiscatur.

Amos 6.

Est hæc diaboli praxis, vt scelus priusquam committatur, extenuet, facilitatem resipiscentiæ, abundantia bonitatis diuinæ, obuium cuius vsũ Sacramentorum proponat: at, vbi expletum fuerit, etiam sublatã omni veniæ consequendæ spe, ita exaggeret, tot impedimenta interferat, tot terriculamentis vrgat, vt non rarò in abyssum diffidentia miserum peccatorem propellat. Addit nempe peccato, vti Chrystomus ait, fiduciam, confessioni pudorem; contrã omnino quàm faciat Deus, qui peccatum sepsit verecundiã, fiduciam confessioni comitem dedit. Et quamuis Deus sit, etiam ad vltimum vitæ nostræ momentum, clementissimus; nullus tamen hominum, inquit S. Fulgentius, debet sub spe misericordiæ Dei, in suis diutiùs remanere peccatis, cum etiam in ipso corpore, nemo velit, sub spe futuræ salutis, diutiùs ægrotare.

Lib de fide
ad Petrum
cap. 3.

Rationes, quare noxia sit pœnitentiæ dilatio.

Prima quidem est, quia, nisi peccato pœnitentiã lacrymisque nerui quasi incidantur, ad alia grauiora pondere suo protrahit, viamque complanat: nec tantæ operæ est primam relinquere innocentiam, quantæ amissam recuperare. Nam quare mulier virginitate exuta citiùs ad illicita pelli-

D catur

citur pellicitque, quàm virgo corpore adhuc integra, nisi quia sepe protritâ (vti belgicè dicimus) sine molestia transilitur, in erectam non sine labore & difficultate ascenditur? Semper, inquit Chrysoſtomus, scelera, dum non referantur per confessionem, crescunt, & in augmenta facinorum profilitur, quoties securâ impunitate peccatur. An non idèò Deus Adamo statim eo ipſo die quo peccauerat, apparuit post meridiem, ne dilatione pœnitentiæ culpam auget? Certè, *qui elongant se à te, Domine, peribunt; faciuntque*, quemadmodum si quis perditus nepos profundius se abderet in lupanar, quo innocentior appareret.

Alterum est, quia mora hæc ineptiores ad bene faciendum reddit, iuxta illud Poëtæ :

Qui non est hodie, cras minus aptus erit.

Ridiculum, si quis idèò diutiùs fracto & claudicante gradu incedere assuescat, vt tantò rectiùs discat ire, firmiùsque pedem figere. Omnem occasionem ad conuertendum, dilatione potiùs amittimus, quàm ad illam disponamur. Difficiliùs ille ieiunium seruat, qui pridianâ crapulâ laborat. Asperam nempe, ait Hieronymus, & insuauem virtutum viam nimia facit vitiorum cõsuetudo, vt mirum non sit, nullum boni operis esse principium in sordibus vitiorum subsistere; principium vitæ melioris esse, illa deseruisse. Imitemur hac in parte Isaacum, cuius puteos cùm Palæstini ex inuidia obruissent terrâ, ne pecora adquare posset, secessit in terram Gerara, atque ibi puteos illos refodit, quos olim pater eius Abraham foderat. Imitemur dico, & terram dum nondum calcata est, statim in principio dimoueamus. facile quippe est illam penetrare: nam si induruerit, difficulter postea mouetur: adeoque, si ad pœnitentiæ fontem lacrymasque penetrare velis, ne conuersionem procrastines, donec animus obdurescat; si enim citò iniectam in puteum terram sustuleris, minores tibi subeundi in fodiendo labores erunt.

Adde,

Hom. de
Abfal.

Psal. 72.

Ouidius l. 1.
de remed.

In epistolis.

Gen. 26.

Adde, quòd hæc dilatio, alteram quasi naturam, malè scilicet faciendi consuetudinem, inducat, vt etiam si postea velis corrigere quædam, non possis. Arbores dum adhuc teneræ sunt, facilè curuantur, adultæ flecti non se sinunt. Idque iusto Dei iudicio permittitur, iuxta illud ipsius AVGVSTINI: Lex peccati est violètia consuetudinis, quâ trahitur & tenetur etiam inuitus animus eo merito, quo in eam volens illabitur: nec seriò de emergendo cogitat, sed de die in diem saniora consilia differt. Reuerâ ponit eiusmodi homines Deus *in possessione mericy*, qui non nisi cum maximo tuo damno dolores partus differt. Est animal vnde quaque spinis extantibus inuolutum, quarum aculeos dum mater horret, procrastinat partum quoad potest, & ideò quanto fœtus sit grandior, tanto inclementiùs in egressu pungit. Ita & peccatoribus accidit: pudet confessionis, vitæque emendationem in aliud tempus omittunt; interea vehementioribus morsuum conscientia aculeis exercentur, atque euidenti periculo se exponunt, ne citiùs animam quàm confessionem excludant.

Lib. 8. Conf.
cap. 5.

Isa. 14.

Deinde etiam si omnia illa adhibeas quæ facere ad conuersionem peccatoris possint, difficilè tamen nimium dilata peccandi consuetudo corrigitur, videnturque lapidis duritiem cum vxore Lothi induisse, qui nimis diu ad Sodomam respexerunt. Ideo Ouidius ait:

Vidi ego, quod fuerat primò sanabile vulnus,

Dilatam longæ damna tulisse mora.

Vbi febris ad medullas penetravit, ægrè medicina cedit: quæ initio vel vnâ potione, vel venæ sectione tolli poterat. Quercum radicatam non Æoli flabra, non tempestuosus nimbus è sede sua dimouet, quam recenter plantatam vel puerilis & iustitabunda sustulisset manus. Et ædificium recenter fundatum à vexantibus facilè subuertitur; benè vero firmatum, multum negotij diruere conantibus præbet. Et fera, quibus in locis diu est versata, difficulter expellitur.

Lib. 1. de
remed.

Chrysof.
hom. 80 ad
pop. Antioç.

Mecum experti sunt quàm plurimi, non alibi quandoque plus laboris & curæ, minus spei & emendationis affulgere, quàm in obduratis inueteratisq; peccatoribus. Quot enim, vt cetera fileã, nascuntur impedimenta? Quandoque obest corporis infirmitas, non rarò amici & adultores, qui vbi subtristiores & cogitandum conspexerint, ad veteres vitiorum illecebras inuitant reducuntq;. Nonnulli tremunt *timore, vbi non erat timor*, ne scilicet deprehendantur flagitiosè vixissè, si pristinos mores conuersationemq; deserant. Quid de robustiore ætate dicam, quæ inflecti non potest? Illa dicit: Nolo facere, non vacat modò, potui me emendare cùm essem iunior; cùm iam senui, non possum, non libet. Et quamuis fortassis tum libeat, quanto lacrymarum imbre, quanto labore & pœnitudine opus est, vt eò redeat animus, vnde volens viuendo luxuriosè, digressus est? Viriliter, & *in brachio extento* dimicandum est cum Pharaone, si Ægypto egredi velis, cuius intolerabile iugum numquam fuisses expertus, nisi sponte tuâ te illo induisses.

Quartum, sed non postremum (quia alijs enumerandis supersedeo) & quidem maximum, malum est, quòd Deus eiusmodi procrastinatoribus ianuã misericordiæ suæ occlusam retineat, dicatq;, etiam si pullent: *Amen dico vobis, nescio vos*. Exemplo sit infelix Chrysaorius, de quo D. Gregorius: Vir valdè idoneus, sed tantum plenus vitijs, quantum rebus, superbiã tumidus, carnis suæ voluptatibus subditus, in acquirendis rebus auaritiæ facibus accensus. Sed cùm tot malis Dominus finem ponere decreuisset, (sicut à religioso quodam viro, qui nunc superest, propinquò illius, didici,) corporis languore percussus est. Qui ad extremum veniens, eâdem horâ, quâ iam de corpore erat exiturus, apertis oculis vidit tetros & nigerrimos spiritus coram se adsistere, & vehementer imminere, vt ad inferni claustra se raperent. Cœpit tremere, pallescere, sudare, & magnis vocibus inducias petere, filiumq; suum nomine

Maxi-

Psal. 13.

Deut. 9.

Matth. 25.
Hom. 12. in
Euang.

Maximum, (quem ipse iam monachus monachum vidi) turbatis clamoribus vocare, dicens: Maxime curre, Maxime curre, numquam tibi aliquid mali feci, in fidem tuam me suscipe. Turbatus mox adfuit Maximus, lugens & perstrepens familia conuenit. Hos autem, quos ille insistentes sibi grauiter tolerabat, ipsi malignos spiritus videre non poterant; sed eorum præsentiam in confusione, in pallore, in tremore illius qui trahebatur, videbant. Pauore autem terræ eorum imaginis, huc illucque vertebatur in lectulo. Iacebat in sinistro latere, aspectum eorum ferre non poterat: vertebatur ad parietem, ibi aderant. Cumque constriktus nimis relaxari se iam posse desperaret, cœpit magnis clamoribus clamare, dicens: *Inducias vel vsque manè, inducias vel vsque manè*. Sed cum hæc clamaret, in ipsis suis vocibus de habitaculo suæ carnis euulsus est. Et quare, obsecro, inducias petijt, nec impetrauit, nisi, quia nimium distulit petere, atque illum numerum peccatorum adimpleuerat, quo absoluto Deus statuerat non ignoscere? Probatur id ex Scriptura: *Super tribus sceleribus Damasci, & super quatuor non conuertam eum*. Quod non perfunctoriè transendum est. Videtur enim cuius mortaliū posuisse terminum peccatorum, quem præterire nullus potest. Et quidni iusto timore concutiamur, quoties de nouo peccamus, ne fortassis illud sit vltimum scelus quod Deus volet ignoscere? Alibi monet Angelus: *Mitte falcem tuam, quoniam aruit messis terra*, id est, quoniam adest tempus maturum & opportunum puniendi impios, utpote qui mensuram peccatorum impleuerint, iuxta illud: *Et vos implete mensuram patrum vestrorum*. Hoc est quod Ezechiel ait: *Venit finis: euigilauit aduersum te*, id est maturo & opportuno tempore surrexit: quasi fructus æstiuui, qui in æstate maturi sunt, sic maturuit tuum exitium, finis adest tibi. Colliges enim fructum arboris quam plantasti, & frugem quam seminasti, metes. Gen. 15. aliisque S. Scripturæ locis manifestum euadit,

Amos 1.

Apol. 14.

Matth. 23.

Ezech. 7.

Gen. 15.

dit, Deum non permisisse gentes quasdam diutiùs viuere, quàm impleto certo peccatorum numero. *Generatione autem quartâ* (loquitur Deus Abrahamo) *reuertentur huc*, scilicet filij tui ex Ægypto. *nequid enim completæ sunt iniquitates Amorrhæorum usque ad præsens tempus.* Et quidni dicamus idem agi cum quolibet homine, quod regnis & prouincijs contingit? Et qui magis debeant meruere, ne iam ad vltimum peccandi gradum deuenerint, quàm qui quotidie vitæ emendationem extendunt? Quid? quòd Deus etiam hac sola de causa opportunos vitæ dies imminuat, eò quòd ad ipsum homines conuerti contemnant. Id contigit in diebus Noë, cum adempti sunt illis viginti anni, quòd per centum annorum spatium distulissent pœnitentiam.

§. III. *Breuis ad resipiscenciam adhortatio.*

QUÆ cum ita se habeant, quisquis hæc legis, si quâ præquâ appetitione detineris, vinculis dum licet, ocyus te expedi, nodos disseca, ne illos indissolubiles peccandi faciat consuetudo. Idque vel ex consilio Ethnici:

Horat. Epod.

13.

— *Rapiamus amici**Occasionem de die:*

id est, ex hoc die.

Lucan. lib. 1.

Tolle moras: semper nocuit differre paratis.

Tract. 33,

in Ioan.

Quamuis enim Deus pœnitentibus veniam, peccantibus ~~nam~~ crastinum non promisit. Largitur, inquit S. P. AVGVSTINVS, tibi Dominus spatium correctionis, sed ne tu plus ames dilationem quàm emendationem. Malus fuisti heri? hodie bonus esto: & hodiernum diem in malitia peregisti? vel cras mutare. Malè expectas, & de misericordia Dei tibi plurimum polliceris, quasi ille qui tibi per pœnitentiam promisit indulgentiam, promiserit etiam longiorem vitam. Vnde scis quid pariat crastinus dies? Rectè dicis in corde tuo: Quando me correxero, Deus mihi omnia peccata dimittet.

mittet. Negare non possumus, quòd correctis & conuersis indulgentiam Deus promisit. Namin quo Propheta mihi legis, quia promisit correcto indulgentiam, non mihi legis, quia promisit tibi Deus longam vitam. Quapropter caue diabolus suadentem audias: Da mihi quod nunc fluit temporis, futurum Deo : mihi ætatis florem, Deo senectutem: mihi voluptates, Deo corpus effœtum. Comprehendat te ille saluberrimus iudicij futuri, mortisq̃ue metus, quo S. P. AVGVSTINVS perstrictus dicebat: Vita hæc misera est, mors incerta: si subito obrepit, quomodo hinc exhibimus? Et alibi: Cur differs vocantem te certus de mercede, incertus de die? Non quærit Dominus dilationem in voce coruina, sed confessionem in gemitu columbino. Quantumuis paruo temporis spatio à crastina luce distes, nunquam tamen illam attinges, sed æternâ felicitate excluderis, nisi cum Dauide aliquando dicas: *Dixi, Nunc cœpi.*

Nazianz,
orat. in
S. Baptisma.

Lib. 6. Conf.
cap. 11.

Idem expos.
in Psal. 102.

Psal. 76.

Age igitur, non deerit pijs conatibus diuina benignitas; de cœlo indubiè veniet tibi auxilium. Et quidni ille se adiutorem præbeat, qui & seipsum, corpus sanguinemq̃ue dedit in cibum & potum? Quid cunctaris? nescit tarda molimina Spiritus sancti gratia. Quid metuis? quin medicinam misericordiæ diuinæ ad tuam infirmitatem cogitas? Quid te nugæ nugarum veteres amicæ tuæ retinent? Aude tantum illa quæ ad momentum delectant, contemnere, & experieris, quia Deus tibi melior suauiorq̃ue est, quàm omnes externæ delectationes. Narrant tibi *iniqui fabulationes, sed non vt lex Dei.* Quamdiu quidem, inquit Chrysostomus, quis in fornace voluptatum consistit, etiamsi exemplis abundet infinitis, ipsi res supra vires apparet: ceterum si vel leuiter cœperit illinc egredi, identidem procedens, vim ignis à tergo relinquit, videtq̃ue ante se & ad pedes propemodum viam roscidam, atque eximæ facilitatis. Tanti scilicet momenti est vel semel ferio manum operi admouisse. *Memento*, ait Sapiens, *Creatoris tui in diebus*

Psal. 118.
Paranef. ad
Theodor. la-
psum.

Ecclecl. 12;

iuuen.

Exodi 8.

Seneca na-
tur quest.
lib 6.

iuuentutis tuæ, antequam veniat tempus afflictionis, & appropinquant anni, de quibus dicas: Non mihi placent. Ne miser respondeas cum Pharaone Moyfi dicenti: Constitue mihi quando deprecer pro te: Cras; nam cras iuris tui non est. Fluit, inquit sapiens Hispanus, tempus, & audidissimos sui deserit, nec quod futurum est, meum est, nec quod fuit: in puncto fugientis temporis pendeo, & magni est modicum fuisse. Præteritum tempus euauit; futurum nondum est; quod elapsum est, haud iterum haberi potest. Aurum & argentum si amiserit homo, potest id ipsum, vel tantumdem recuperare: tempus autem si pereat, nec ipsum amissum, nec aliud pro ipso recuperari potest.

Felix qui dæmoni suadenti crastinum, respondere nouit quod senex ille in Vitis Patrum, qui cogitationi suæ suggerenti: Cras pœnite; respondebat: Crastina enim dies non est nostra, sed tantum hodierna & præsens: hodie pœnite; crastinâ, voluntas Dei fiet. Nihil vmquam differendo, talis tantusque Imperator Alexander euasit. Narrant de S. Philippo Nerio, illum non aliâ praxi vsum ad conuersionem grauiissimi peccatoris, quàm iniunctâ pœnitentiâ, vt ne vmquam confessionem vel ad secundum peccatum mortale differret, sed mox vt lapsus esset, ad Sacramentum ocyûs aduolaret. Quod consilium felicissimè successit, adeò vt in alium profus hominem breui conuerteretur. His desino admonitionis, & si non displicuerit, vel semel ex animo sequentem precatiunculam vsurpa.

ORATIO POENITENTIS.

Vsquequo peccatores, Domine, vsquequo peccatores effabuntur & loquentur iniquitatem? Quamdiu dominabitur iniquitas anima mea, & sigeat in me regnum suum homo peccati, & filius perditionis? Exurge, quare obdormis Domine, & obliuisceris inopia & tribulationis nostræ? Non est mearum virium colluctari cum principe & rectoribus mundi tenebrarum harum: non est opus meæ diffindere hunc nodum deprauatæ consuetudinis, quâ occalluit
anima

Psal. 9. 7.
Psal. 1. 8.
2. Thessal. 2.
Psal. 42.
Ephes. 6.

anima mea. Velle quidem adiacet mihi, sed perficere non inuenio. Rom. 7.

Ab! quoties conor erigere verticem, & sublimem me extollere, sed iterum in pristinas sordes viscumq̄, relabor! Nec habeo tibi dicenti: Surge qui dormis, & exurge a mortuis, & illuminabit te Ephes. 5.

Christus; quod respondeam, conuictus veritate tuâ, nisi verba lenta & somnolenta: Modò, ecce modò, sine paululum. Sed modò & modò non habent modum; & sine paululum, in longum abit. Emitte manum tuam de alto, & eripe me de manu filiorum alienorum. Aug. lib. 8. Confess. c. 5.

Cras illud damnabile transeat tandem aliquando, obsecro, in salu- tiferum Hodie. Quid dicunt mihi inimicæ cogitationes meæ? Ad- huc semel, adhuc semel. Et cur non potius, Ex hoc momento non ultra peccabo, ne vel semel amplius in aeternum? Fiat quæso hodie, hodie, inquam, in pace locus meus, & habitatio in sancta Sion, in Ecclesia iustorum, & timentium nomen tuum. Fiat, fiat! Psal. 75.

CAPVT TERTIVM.

G. I. AVGVSTINVS malâ sæculi consuetudine abripitur.

THEMA CONCION.

A sæculo confregisti iugum meum, rupisti vincula mea, & dixisti: Non seruiam. Ierem. 2.



POTERAT quidem hætenus satis superque videri infelix AVGVSTINVS, cui dum baptisma differtur, panditur ostium ad omnem iniquitatem, & quasi quibusdã poppisma- tis animatur ad cursum. Attamen non parum illum ad deteriora propulit deprauata sæculi consuetudo; cui resistere fortissimus quisque vix potest, nedum imbecillis iuuenis, & necdum lustrico ablutus fonte. Ecquid enim æquè moribus adolescentum officit, atque exempla prauitatis? Verba mouent, facta rapiunt. Mirum quantum possit consuetudinis plerumque non bonæ impressa nobis auctoritas. Prudenter vt alia Seneca, *Verfat nos, inquit, & præcipitat traditus per manus error,* Lib. de vita, beata c. 1,

alienisq̄ue perimus exemplis. Mali mores, contagiosissima lues; nec vllus efficacius persuadet, quàm qui vitia docet exemplo. & alibi: Inter causas malorum nostrorum est, quòd viuimus ad exempla, nec ratione componimur, sed consuetudine abducimur. Quod pauci faciunt, nolimus imitari: cùm plures facere cœperūt, quasi honestius sit, quia frequentius, sequimur, & recti apud nos locum tenet error. Ita apud Terentiū adolescens quidam, fatis seipso quidem nequam, tamen vbi pictam in pariete vidit tabellam, vbi inerat pictura hæc: Iouem quo pacto Danaæ immisisse aiūt in gremium quondam imbrem aureum, fucum factum mulieri; seipsum exemplo Iouis, quasi cælesti magisterio concitauit ad libidinem. At quem Deum? inquit, Qui templi cæli summo sonitu concutit. Ego homuncio id non facerem? Ego verò illud feci, ac libens.

Hic mali exempli gradus est, quò cū AVGVSTINO quàm plurimi in miserrimum peccati stadium descendunt; nec sentiunt se perire, quia non soli vehuntur in exiriosum æternæ damnationis pelagus. Hanc nauem AVGVSTINVS adolescens conscendit, quia tum verbo, tum exemplo sodaliū, atque etiã suorum magistrorum peccare liberius aggressus est. Quid autem mirum, quòd in vanitates ita ferebar, & à te Deus meus ibam foras; quando mihi proponebantur homines, qui aliqua facta sua non mala, si cum barbarismo, aut solœcismo enuntiarent, reprehensi confundebantur: si autem libidines suas, integris & ritè consequentibus verbis, copiosè ornateq̄ue narrarent, laudati gloriabantur? Et, Deus lumē cordis mei, & panis oris intus animæ meæ, & virtus maritans mentem meam, & sinū cogitationis meæ, non te amabam; & fornicabar abs te, & fornicanti sonabat vndique, Euge, euge. Amicitia enim huius mūdi fornicatio est abs te. Et euge, euge dicitur, vt pudeat, si non ita homo sit.

Quanta ecce vis malè suadentis sodalitiij! sed quāto maior, exemplo prælucentis! *Beatus*, terq̄ue quaterq̄; *beatus, homo,*
qui

Epist. 52.

In Eunuch.

Lib. 1. Confess. cap. 18.

Lib. 1. Confess. c. 13.

qui non abiit in consilio impiorum, & in via peccatorum non stetit. Psal. r.
 Disquirat S. AVGVSTINVS, an, quia Dauid ait, *Aquæ omnes,* L. de Genz
quæ super calos sunt, laudent nomen Dõmini, naturales aliqua ad litt. c. 3.
 siue physicae sint aquæ super planetarum orbis, cum id Pro- & 4.
 pheta ita expressis verbis dicat, an tantum id spiritualiter intel- Psal. 148.
 ligendum sit: & tandem contra Aristotelem, aliosq; Philosophos, licet id principijs illorum aduersari videatur, asserit tibi veras realesque aquas, extare, à quibus Saturnus planeta altissimo cælorum loco constitutus frigus suum mutuetur, licet ceteris planetis propius solem alioquin contingat, adeoque plus quam alij caloris deberet excipere, quem in hæc inferiora diffunderet. Sed queritur, inquit, unde frigida sit stella, quæ tanto debet esse ardentior, quanto sublimior, & cælo propinquior? facit ergo frigida aquarum supercælestium vicinitas. Quod à proposito nostro non abiit, sed docet, quantum mali etiã perfectissimis hominibus accersat vicinitas prauæ sodalitatis. Vel hoc solo sibi S. Greg. Nyssenus persuadere non potest, (quãuis alioquin id cõtrouersum sit inter Auctores) Samuelem verè apparuisse Sauli, quia cum improbis ille commisceri nollet. Postquã D. Ioan. Euangelista, tamquam pro miraculo retulisset quòd *Verbum caro factum* esset; adiecit, *Et vidimus gloriã eius:* Ne, inquit Pererius, putaretur Verbum, quia factum erat caro, gloriã suam propter vnionem cum fragili & ingloria carne perdidisse, quia tam potens sit mala societas, vt etiã ipsi diuinitati, si possibile foret, nõ parceret.

Execratur verò S. Doctor hanc vim deprauatæ consuetudinis, quã abreptus est, atque sequentis Emblematis materiam subministravit; in quo mores sæculi nauis, quæ per rapidum flumen multitudine remigantium deorsum propellitur, peccatum oceano multorum mortibus infami, adolescentiam suam vectoribus comparat. Vt, inquit, tibi flumen moris humani, quis resistet tibi? Quam diu non siccaberis? quousque volues Euæ filios in mare magnum & formidolosum, quod vix transeunt qui lignum conscenderint?

Vatibi flumen moris humani, quis resistet tibi?
 Lib. I. Confess. c. 16.



*Aspice ut abreptas fluius nauesq; virosq;
 Deuehat, & flexis in mare portet aquis.
 Improba non cautam sic consuetudo iuuentam
 Ducit ad infernos per vada prona lacus.*

Et ita fit, quod in themate concionis diximus, vt confringat iugum Domini, necessitatem legis Euangelicæ non attendat, vincula charitatis & beneficentiæ, quibus Deo alligatur, disrumpat, palamque dicere non vereatur, se nolle Deum sequi, nec debitum præstare famulatum. Et quamuis nihil dignius sit misericordiâ, quàm miser; fit tamen misericordiâ indignus, quia superbus est miser.

August. sent.
381.

§. II. *Magna vis deprauata consuetudinis; & quantopere tam à dato, quam accepto scandalo cauendum.*

NON erat mirum AVGVSTINVM necdum catechumenum, in ipso assurgentis ætatis flore, priusquam iudicium multiplici rerum vsu & experienciâ firmatum sit, ita prauis consodalium exemplis, & corruptâ sæculi consuetudine abreptum, vt puduerit illum castimonix inter impudicos, & de flagitijs suis gloriantes, iactaueritque se de illis quæ non fecerat. Seductus est, vt de se loquitur, quia seductilis erat, & ad imitandum malos quàm bonos procliuior. Non, inquam, mirum erat, cum tanta sit vis mali exempli, vt etiam constantissimum quemque de gradu sit potens deicere. Est enim instar torrentis de superiore montis vertice decurrentis, qui obuia quæque corripit, voluminibusque suis inuoluit.

DOMINICA
III. post Epi-
phaniam.

— *Velociùs & citiùs nos*

Corrumpunt vitiorum exempla domestica, magnis

Cùm subeunt animos auctoribus.

Cùm fontes depugnabant ferro, inquit Cicero, auribus fortasse multæ, oculis quidem nulla poterat esse fortior contra dolorem & mortem disciplina. Hinc cum olim Zeno de immortalitate animæ ageret, dicebat, malle se videre Indum conscendentem rogam, quàm quosuis Philosophos audire de illa disputantes; quia nimirum vel vnum exemplum factumque centum disputationibus dictisque præponderat. Et quis non, vt immortalitatis animæ sententiam

Iuuenalis
satyr. 14.

Lib. 2. Tusc.
quæst.

firmiùs imbibat, malit videre Paulum decollatum, Petrum inuerſo corpore pendentem, Bartholomæum exco-
riatum, Laurentiũ in craticula iacentem ſpe immortalitatis, quàm
calegere, quæ à Platone in Phædone, vel à Cicerone in
Tufculanis, vel à Thoma, Scoto, totaſque Scholaſticorum
turba de immortalitate animæ eruditè diſputantur? Vnde
cũ Deus humanum genus ad obſeruantiam legis ſuæ com-
mouere vellet, tamquam efficaciffimum medium, exem-
plum Iobi ſine lege enutriti, & tamen iuxta legem viuentis,
etiam inter medios idololatræ, propoſuit. Obſeruatio illa
eſt D. Gregorij: Quamuis, inquit, homo eo ipſo quo eſt, au-
ſtorem ſuum deberet intelligere, tantoque magis ipſius
voluntati parere, quanto ſe de ſeipſo nihil eſſe penſat. Ecce
autem conditi, Deum conſiderate negleximus: adhibita
ſunt præcepta, præceptis quoque obtemperare nolui-
mus: adiunguntur exempla, ipſa quoque exempla declinaui-
mus fidelium. Vnde ad confutandam impudentiam noſtram,
Gentilis homo Iob ad exemplum deducitur: vt quia obe-
dire homo legi ſub lege poſitus, deſpicit, eius ſaltem com-
paratione euigilet, qui ſine lege legaliter vixit.

Præfat. in
lib Moral.
cap. 2.

Cyprian. l. 2.
epiſt. 2.

Et neſcio etiam quo pacto id ſibi licere credant homines,
in quo alios vident ſe præceſſiſſe. Nullus nunc de lege me-
tus eſt: de quæſitore, de iudice timor nullus. Quod poteſt
redimi, non timetur: eſſe iam inter nocentes innoxium, cri-
men eſt. Malos quiſquis non imitatur, offendit. Conſenſere
iura peccatis, & cœpit eſſe licitum quod publicum. Quafi
verò peccantium multitudine culpa diluatur, illudque
iam liceat, non quia permiſſum eſt, ſed quia multi faciunt;
& non potiùs à meliori quàm grandiori parte ſumenda
ſint incitamenta virtutum. Non exemplis, ſed legibus iudi-
cabimur; quaſi conſuetudine potiùs quàm ratione viuend-
um ſit.

Ne quis multitudine id facientium, aut conſuetudine
ſæculi, ſiue peccati vetuſtate ſe excuſet, ſi malè agat, monet

D. Hie-

D. Hieronymus, aitque numerositate lignorum maiorem gehennæ flammam succrescere. Non enim nos improbos facere debet improbitas aliena: quia quemlibet hominum magis sibi præstare conuenit, ut sit bonus, quam alteri ut sit malus. Et hoc erat de quo toties, & tam acriter Christus Dominus Pharisæos reprehendebat, quia illi de se exempla prauitatis dabant, quorum erat populo facem præluere; atque ad onus legis grauius, (quò gens Iudaica tantum non opprimebatur) addebant onus scandali & offensionis. Longè tolerabilius videri poterat, si soli peccassent, iuxta illud Bernardi, qui citans illa verba; Si non castè, saltem cautè, ait; Est namque minoris culpæ quemlibet se solum dare morti, quam si ceteros secum tollat contagione virtutis. Quid? quòd idem Bernardus dicat illos, qui alienam salutem suo scandalo impediunt, grauius delinquere, quam si cum Iudæis sanguinem Christi effudissent. Denique, inquit, si proprium sanguinem dedit in pretium redemptionis animarum; non tibi videtur grauiorem ab eo sustinere persecutionem, qui suggestionem malignâ, exemplo pernicioso, scandali occasione, auertit ab eo animas quas redemit, quam à Iudæo qui sanguinem illum fudit? Agnoscite, dilectissimi, & expauescite consortia eorum, qui salutem impediunt animarum. Horrendum penitus sacrilegium, quod ipsorum videtur excedere facinus, qui Domino maiestatis sacrilegas manus iecerunt.

In Epistolis.

Saluian. 7.
de gubern.
Dei.Hom. de
villico ini-
quit.Serm. de
conuers.
S. Pauli.

Annon hac de causa, tam seuerè puniti sunt Heli & filij eius, quia malo exemplo suo transgredi fecerunt Israel? Ad summam posteri eorum redacti sunt paupertatem, ita ut mendicando peterent admitti ad tortampanis: sacerdotio exciderunt, plerique cum Ophni & Phinees virâ exuti sunt, cum ad virilem ætatem peruenissent. quanta mala! exauctoratio, mendicitas, mors ipsa: & quidni? Nihil siquidem indignius quam sacerdotes malo exemplo habenas peccan-

1. Reg. 2.

di

Thren. 1.

di populo laxare, quorum erat illas adstringere. *Vide Domine*, inquit Ieremias, *afflictionem meam, quoniam erectus est inimicus*. Ad quem locum Bonauentura, Tam, inquit, inimicus erigitur, quàm malus in Ecclesia præficitur, sicut filij Heli, Ecclesiam fœdantes per exempla luxuriæ.

Epist. 109.

Nillos, ait Seneca, peius mereri de omnibus mortalibus iudico, quàm qui aliter viuunt, quàm viuendum esse præcipiunt.

Matth. 18.

Necesse quidem est ut eueniant scandala: verumtamen vae illis per quos scandalum venit, per quos pessimæ consuetudines vestiendi, cœnandi, luxuriandi, in republ. inuehuntur; quæ tantò maius pondus obtinent, quantò à potentiore, etiam ab ipso Rege, originem ducunt: quia

Regis ad exemplum totus componitur orbis.

Cicero 1.3.
de Leg.

Quemadmodum morbi vniuerso corpori exitium afferunt, qui à capite procedunt, & primum cœlum inferiores, quos ambitu complectitur, suo motu rapit. Non tantum mali est, inquit disertissimus Romanorum, ea peccare principes, quamquam est magnum hoc per se ipsum malum, quantum illud quòd permulti imitatores principum existunt. Nam licet videre, si velis scrutari memoriam temporum, qualescumque summi ciuitatis viri fuerint, talem ciuitatem fuisse, quæcumque mutatio morum in principibus extiterit, eamdem in populo secuturam. idque haud paulò est verius, quàm quod Platoni nostro placet, qui musicorum cantibus ait mutatis mutari ciuitatis status. Ego autem nobilium vitâ victuque mutato, mores ciuitatum mutari puto. Quò perniciosius de repub. merentur vitiosi principes, quòd non solùm vitia concipiunt, sed ea infundunt in ciuitatem. Neque solùm obsunt, quòd illi ipsi corrumpuntur, sed etiam quòd corrumpunt, plusque exemplo quàm peccato nocent. Hactenus Cicero.

Quantæ ille integritatis, etiam apud Ethnicos, de quo Lib. 4. cap. 5. Valerius Maximus scribit: Excellentis in regione Etruriæ pulchri-

pulchritudinis adolescens, nomine Spurina; cùm mirâ specie cum plurium feminarum illustrium sollicitaret oculos, ideoque viris ac parentibus earum se suspectum esse sentiret; oris decorem vulneribus confudit, deformitatemque sanctitatis suæ fidem, quàm formam incitamentum alienæ libidinis esse maluit. At quid facturus erat, si culpâ suâ cuiuspiam præbuisset ansam malè agendi, qui adeò sollicitus fuit, vt ne quidem dote suâ naturali quemquam ad illicita sollicitaret?

Væ etiam illis, qui ad has consuetudines impingunt, atque illud solùm ad purgationem sui adferunt, quòd longam seriem enumerare possint eorum qui idem actitant: ideoque putant se peccare impunè, quia peccant non soli. Quasi non perinde sit, si solus, atque cum multis submergaris. Hoc ante alios Iobum inter Æthnicos, Tobiam inter Hebræos commendabiles reddidit, quòd prior habitaret in terra Hus, id est, idolorum cultui dedita, omni que vitiorum genere conspurcata, & tamen verum vnus Dei cultum obseruaret: alter *cùm irent omnes ad vitulos aureos, quos Iob. 1. Ieroboam fecerat rex Israel, solus fugiebat consortia omnium, sed pergebat in Ierusalem ad templum Domini, & ibi adorabat Dominum Deum Israel. Cumq; esset iunior omnibus in tribu Nephthali, nihil tamen puerile gessit in opere.* Puerile est, sine disquisitione, aliorum vestigijs insistere, imitari quod alios facientes videris. Et quis vmquam benè currat, cui cura sit alienis vestigijs pedem infigere?

Quod velim attendas ne locum in te habeat, neque contempleris quid alij vel cõmittant vel omittant, sed potiùs quid facto opus, quid munus à te tuum postulet, quid lex diuina exigat, quid republ. expectet. Ideoque præteritorum oblitus, semper priora melioraque sectare. Acquietendum consilio Sapientis: *Fili, si te lætauerint peccatores, ne acquiescas eis. Si dixerint: Veni nobiscum, insidiemur sanguini, abscondamus tendiculas contra insontem frustra: deglutiamus eum sicut* Prouerb. 1.

infernus viuentem, & integrum quasi descendentem in lacum. Omnem pretiosam substantiam reperiemus, implebimus domos nostras spolijs. Sortem mitte nobiscum, marsupium sit vnum omnium nostrum. Fili mi, ne ambules cum eis, prohibe pedem à semitis eorum. Pedes enim illorum ad malum currunt, & festinant vt effundant sanguinem. Cauendæ in primis illæ societates, quæ malis consuetudinibus detinentur, cauendi nouarum formarum inuentores: plus enim his diabolus quandoque vnius semihoræ spatio promouet, quàm alijs multorum annorum tentationibus. Illa retia & laquei sunt, quos inimicum tetendisse ante pedes nostros alibi conqueritur S. P. AVGVSTINVS, atque illis mundum repleuisse vniuersum. Quidquid enim ferè hodie in vestibus, in mensis, in colloquijs, varijs curiositatibus peccatur; ideo peccatur, quia consuetudo id obtinet. Adeò vt magnæ felicitatis fuerit illis non implicuisse pedes. Finio cum Lipsio:

— *O ille beatus,*

*Qui vitæ infames scopulos, & naufraga saxa,
Festinâ potuit prateruexisse carinâ!*

Quid enim aptiùs per scopulos & naufraga saxa intelligas, nisi corruptos sæculi mores?

§. III. *Parænesis ad prauarum consuetudinum, maximè
vestiendi, inuectores.*

DOMINICA
xix. post.
Pentec.

NVlla quidem tanta est deprauati huius sæculi labes, quam diluere non sit facillimum, si superioris æui exempla, & facta perperam antiquorum adducere satis sit in purgationem delicti. Noui virum doctum, qui vel ex vno Plauto suo omnes omnino morum nostratium corruptiones, etiã vsque ad minuta quædam in sandalijs, & tortura capillorum, assererat se posse ostendere. tam vigeabant etiam Romæ tum hi abusus, qui modò hominibus cordationibus displicent. Adeò nullum sæculum vmquam à vitijs fuit immune; quidquid aliqui antiqua semper deprædi-

cent,

cent, & præ alienis domestica fastidiant. Non quò illorum patrociniū velim suscipere, qui tam auidè quasuis externas vestiendi, equitandi, ambulandi, cœnandi formulas amplexantur, aut etiam nouas comminiscuntur: sed quando quidem hæc rerum humanarum sit series, monitos quosdam hoc tantum velim, vt ne mediocritatem excedant. In extremitatibus siue excessu, offensionis periculum est; & quamuis ipse non pecces, (quod tamen quis ausit asserere?) alijs ad peccandum & inuolandum in malam intentionem incitamento es. Iam inde ab æuo Senecæ aliqui dixerunt: Epist. 31.
 Non ego ambitiosus sum, sed nemo aliter Romæ potest viuere. Non ego sumptuosus, sed vrbs ipsa magnas impensas exigit. Non est meum peccatum, quòd sic vestior, sed consuetudinis sæculi. At consuetudinis sæculi quoque erat quòd diues Epulo bysso & purpurâ operiretur; nec tamen Luc. 15.
 feueram vindicantis Dei dexteram euasit, versaque sunt mollities & decor eius in ignem sulphureum & tenebras, sepulchrumque infernale. Et ô Deus! quas non minas peregrinâ veste inducis, & cum fastu in Ecclesia se ostentantibus intentat Sophonias! Soph. 1.
Et erit: In die hostiæ Domini visitabo super omnes qui induti sunt veste peregrinâ: & visitabo super omnem, qui arroganter ingreditur super limen in die illa, qui complent domum Domini Dei sui iniquitate & dolo.

Sit igitur, nullum vmquam fuisse sæculum sine vitijs, non minus quàm nullus vmquam annus abit sine pluuia: at si vllibi, certè quoad modos hos (vt vocant) audiendus est Ennius:

Moribus antiquis res stat Romana virisq;.

Quod quàm rigidè, tam regiè gloriosus Hebræorum rex Dauid obseruauit: *qui cum cooperiretur vestibus, non calefescibat.* 3. Reg. 1. Quia, vt Caietanus obseruat, non erat moris electam illam & sanctam gentem villo pellibusue fultis vestibus tegi, sed lino vel lanâ: maluitque obseruantissimus Rex fringere, quàm calefcere nouo vestimenti genere. Sed quis

hoc etiam ex priuatīs imitetur ? nullus vetustate gaudet, omnes ad nouitates adspirant; & quidem ij, qui non ita nuper ciceris lentisque emptores, iam domos palatia adæquantur habitant; qui ita splendidè vestiuntur, opiparè viuunt, & superbè incedunt, vt quis non incongruè illud Philistinorum aduersus Samsonem dixerim, *Aliquid alligatum habet*, in eos vsurpauerit. Quo illi quidem, teste Abulensi, indicabant fortissimum illum heroa, cum mediocris tantum esset staturæ, nec plus ceteris vel ederet, vel biberet, nec scirent vnde illi tam portentosa obtingeret fortitudo, dæmonem habere familiarem, cuius ope in tam arduis & humanas vires superantibus vteretur. Hoc, inquam, aliquis non inuenustè, nec absque fundamento aduersus eiusmodi homines trilitteros sphingesque Megaricas vsurpauerit: *Aliquid alligatum habet*. Habet ille dæmonium familiare harpagandi, Regemque deprædandi; habet ista Venus dæmonium cubulare, quod hesternas sordes mendicitatemque in illas elegantias abundantiamque commutauit.

Ideoque vel maximè, quia eò Saluator noster in vita sua, (qui nobis in imitationem, etiam in his tenuibus datus est, vt sequamur vestigia eius) duxit, qui nec ad paucorum vixit exemplum, sed vsitatum & antiquiorem viuendi morem in exterioribus retinuit. *Non veni soluere legem, sed adimplere*. Fuit quidem tam antiquitatis amans & tenax, vt cum Apostolos suos rogaret: *Quem dicunt homines esse filium hominis?* Petrus ex vulgi opinione responderit: *Alij Eliam, alij Ieremiam, aut vnum ex Prophetis*; ita omnia in vestitu, victu & conuersatione præ se ferebat, vt antiquos illos non virtute miraculorum modò, sed & reliquâ vetusti æui simplicitate exprimeret; vt qui non nisi fando de antiquioribus illis audierant, accuratam illorum imaginem in Christo deprehenderent. Fuit etiam cum delicijs, & quæ molitiam quamdam sapiebant, ob reuerentiam antiquitatis, vttere-

Abulens. in
Iudic.

1. Pet. 2.

Matth 5.

Matth. 16.

uteretur. Euangelistas sequens Petrus Damianus scribit: Epist. 106.
 Ne peregrinę adinuentioni studeas superinducere nouitatę.
 Nam & ipse qui est magister Angelorum in cęlo, morem
 in terra tenuit quem inuenit, nec dedignatus est terrenam
 seruare consuetudinem. Cur enim sibi caput & pedes vn-
 guento conspergi muliebri ministerio passus est, nisi quia Lucę 7.
Ioan. 81.
 Palaestinae atque Iudaicę regionis mos erat, vt eius incolę
 crebrius vngerentur? Ecce quos mores reperit, seruauit
 quidem, cum essent indifferentes, sed alicuius nouitatis
 fabricator nequaquam extitit. Et hoc insinuat Ioannes Ba-
 ptista: *Medius vestrũm stetit, quem vos nescitis.* quasi dicat, Matth. 11.
 Vos aliquid extraordinarium in Messia vestro, quoad ve-
 stitum, comitatum, victum, & cetera huiuscemodi, requiri-
 tis; ille autem, qui reuerę Messias est, inter vos communi
 habitu & modo versatur, & hoc solo non agnoscitis.

Agite igitur, ingenui & nobiles Belgę, antiquitatę ama-
 re, ritus moresque patrios asserite: antiquitas probitatem,
 nouitas vt plurimum improbitatem velat. Et fortassis huc
 olim respexit Deus, vbi seuerę lege edicit, vt ne quis alieni-
 genam feminam sibi matrimonio copulet, nisi rasam & vn-
 guibus circumcisam, depositisque in quibus captiua ducta Deut. 22.
 est, vestibus; ne scilicet externo vestitu, aut ficto capillitio
 marito fucum faciat. Quid instar simiarum aliena imitami-
 ni? est vobis potior merx domi, illa decore & pręstantiã
 nihil externę cedit, sed insolentiã quãdam in oculos incur-
 rit, nec generosas & constantes mentes afficit, femineas vi-
 lesque tantum emollit. Nequaquam facere vos improbos
 improbitas debet: quia quemlibet hominem magis sibi prę-
 stare conuenit vt sit bonus, quàm alteri vt sit malus. Euro-
 pa virgo nobilis æquę ac formosa, dum neglecto veteri &
 solito equorum vsu, in tauro equitare maluit, submersionis
 primò periculum, mox pudoris imminutionem adiit. Quid?
 nisi in pœnam curiosę nouitatis?

Quam verò Deus inuehitur in parentes illos, qui vanita-

Jerem. 7:

rem filiorum promouent? Iam non videtur veniæ vllus relictus locus: *Tu noli orare, inquit Ieremias, pro populo hoc, nec assumas pro eo laudem & orationem, & non obstitas mihi: quia non exaudiam te. Sed quæ, ô piissime, te causa impulit, vt inexorabilis fieres? Nonne vides, ait, quid isti faciunt in ciuitatibus Iuda, & in plateis Ierusalem? filij colligunt ligna, & patres succendunt ignem, & mulieres conspergunt adipem, vt faciant placetas reginæ cali, & libent dys alienis, & me ad iracundiam prouocent. Fouent parentes oua vanitatum, & proles excludunt: matres stibio & purpurâ filias exornant, illæ ambulat extento collo, & rapiunt adolescentum corda: patres pyram struunt lignorum vanitatis, aurum addunt & vestes, filij supponunt ignem. Sic omnes libant vanis, & vt luna instabilibus, mundi idolis.*

CAPVT QVARTVM.

S. 1. *Nimia patris coniuuentia AVGVSTINVM perdidit.*

THEMA CONCION.

Doce filium tuum, & operare in illo, ne in turpitudinem illius offendas. Eccli. 30.



TER agebat AVGVSTINVS per plateas Babylonix cum sodalibus æquè vitiosis, aut etiam corruptioribus, & volutabatur in cæno eius, tamquam in cinnamomis, & vnguentis pretiosis: eoque id faciebat libētius, quod in illum finem sibi baptisma dilatatum esse intelligeret, quo omnia peccata, etiam grauissima, etiam maximo numero tolluntur. Atque aliquo modo id tolerari quidem poterat in illo æstu inexpertæ adolescentiæ, nisi illi feueri morum magistri, indiceque veritatis (quo

(quo etiam plerumque Reges laborant) defuissent; aut saltem Patritius, nondum Christianæ fidei præceptis plenè imbutus, eo ad corripiendum filium fuisset animo, quo pia ipsius coniux; vel illa parem cum marito, ad id nacta fuisset auctoritatem. Cùm enim aliquando illa materno affectu, ingenti sollicitudine, secretò moneret ne fornicaretur, maximè ne cuiuspiam abuteretur vxore; monitus videbantur AVGVSTINO muliebres, quibus obtemperare negligebat. Interim à Patritio laxabantur illi etiam ad ludendum habentæ ultra temperamentum seueritatis, in dissolutionem affectionum variarum. Et in omnibus, inquit ipse, erat caligo, intercludens mihi, Deus meus, serenitatem veritatis tuæ; & prodibat *tamquam ex adipe iniquitas mea*. Intelligit per adipem Dauid diuitias, saturitatem, otium; hæc enim causæ sunt & occasio multarum iniquitatum, vt de Sodoma testatur Ezechiel, & de seipso hîc AVGVSTINVS, qui ex saturitate & licentia domestica ruit in varias iniquitates. Quinimò vbi illum pater in balneis vidit pubescentem, & inquietâ indutum adolescentiâ, quasi iam ex hoc in nepotes gestiret, gaudens vxori indicauit; gaudens vinolentiâ, in qua te iste mundus oblitus est creatorem suum, & creaturam pro te amauit.

Lib. 2. Conf.
cap. 3.

Psal. 72.

Ezech. 16.

Optimè, vt hoc parentes præcaueant, monet Ambrosius: Naturæ pignora Dei beneficium sunt, nec quisquam debet plus amare beneficium quàm benefactorem. Amor liberorum æquus & bonus sit, tamen spiritus Domini debet ferri super aquas. Amor Dei, amori liberorum & cuiusque rei creatæ præferendus est. Et hanc sibi aded damnosam patris indulgentiam S. Doctor volens exprimere, ipsum agricolæ, adolescentiam suam luxurianti segeti, æstum libidinis spinis comparat: quam dum negligens agricultor non euellit, exurgunt in ruinam & suffocationem segetis. Excesserunt, inquit, caput meum vepres libidinum, & nulla erat eradicans manus. Cùm interea non

In c. 7, Luc.

Gen. 1.

Lib. 2. Conf.
fess. cap. 3.

fata-

De educat.
liber.

Gen. 27.

Lib. 3. cont.
Marcion.
cap. 24.

fatageret idem pater, qualis crescerem tibi, aut quàm castus essem: dummodò essem disertus, vel desertus potiùs à cultura tua Deus, qui es vnus, verus & bonus Dominus agri tui, cordis mei. Nam veluti terra ipsa, inquit Plutarchus, quò melior est naturâ, eo magis corrumpitur si negligatur: ita qui solùm sequuntur ingenium suum disciplinâ non excultum (quod in AVGVSTINO per parentis conuentionem, omnino locum habuit) magnas faciunt in vitia vicissitudines, & plerumque declinant ad deteriora. Dabat quidem Patritius filio benedictionem, id est, amore proferebatur; sed benedictionem inuersam, qualem Isaac Esau suo impertiuit: *In pinguedine terra, & in rore cali desuper erit benedictio tua.* Potiùs illi præsentia quàm futura, terrena quàm cælestia, prosperitatem corporis quàm animæ optauit. Si qui verò paterno affectu filiis bene precantur, aiunt cum Isaaco ad Iacob: *Det tibi Deus de rore cali, & de pinguedine terra.* Vbi, inquit Tertullianus, animaduertenda est structura benedictionis; nã circa Iacob, qui posterioris populi est figura, id est nostri, prima promissio cælestis est roris, secunda terrenæ opimitatis: nos enim primò ad cælestia inuitamur, cum à sæculo auellimur, & ita postea inuenimur terrena etiam consecuti. Hic quartus AVGVSTINO ad ima inferni gradus fuit: nam, vt illud Terentianum habet, *nimiã licentiã deteriores sumus.*

Excefferunt caput meum vepres libidinum, & nulla erat eradicans manus. Lib. 2. Confess. cap. 3.



*Agricola nemo non indignatur inertii,
Oria quò premitur laeta terente seges.
Et quisquam patri parcat, qui Cypridos inter
Extingui sentes pignora cara sinit?*

§. II. *Verecundè admodum & circumspèctè loquendum de parentum & Superiorum defectibus.*

NON latebat AVGVSTINVM, cùm libros Confessionum scriberet, largiter à parente suo peccatum, qui instar otiosi & inertis rustici, agrum cordis filij sui siuerat siluescere, nec lolia & vepres curauerat euellere, in securitatem nascentis segetis: tamen ita latenter & indirectè hoc S. Doctor insinuauit, vt potiùs de externis quàm domesticis, de ignotis quàm parentibus loqui videatur. Excesserunt, inquit, caput meum vepres libidinum, & nulla erat eradicans manus; & multa eiusmodi. Vt intelligas emũctorium quidem candelæ super candelabro positæ fuisse, sed aureum. Id quod olim præcipiebatur, vt in templo emunctoria essent ex auro purissimo; quo inueneretur correctionem Superioris deberè ex auro sapientiæ & discretionis procedere. Et quidni ita fiat? maledictionem in se paternam experiantur cum Chamo, qui ausi fuerint reuelare verenda parentum suorum. Obseruo ex verbis S. Ignatij: Dathan & Abiron Moyfi resistentes, viui ad inferos depositi sunt; rebelles illos, & Superioribus suis obtrectantes non simplici aliquâ damnationis poenâ fuisse multatos, sed viuos depositos ad inferos, quasi ad tempus, donec commodior expiandis istis tam enormibus delictis locus appareretur. Videtur similitudo translata à modo sepeliendi magnos & nobiles viros, quorum cadauera tantisper alicubi in capella deponuntur, dum monumentum illis dignum fiat, pompa funebris commodè adornetur; aut, si peregrè obierint, inferantur in sepulchra patrum suorum. Vt mirum non sit, etiam viros regiâ dignitate excellentes, parentibus tamen detulisse. Vt pium & sanctum filium decet, hac in re ostendit se Dauid erga socerũ suum.

Cùm enim inscribendus esset Psalmus decimus septimus, ait: *In finem puero Domini, qui locutus est Domino verba cantici huius, in die qua eripuit eum Dominus de manu omnium inimicorum eius.*

DOMINICA
II. post Epi-
phaniam,

Lib. 2. Conf.
cap. 3.

Exod. 25.

Gen. 9.

Epist. 3.

Titul.
Psalm. 17.

*micorum eius, & de manu Saul: ipsum inter inimicos non collocavit, nec infami hac nota nomen & regis & parentis, inquinare sustinuit. Hanc obseruationem Theodoro debemus, qui ad hunc tituli locum ait: Vatis philosophia admiratione digna est; cum enim tot insidias à Saule sustinisset, non cum inimicis eum numeravit. Verum cum ab hostibus eum separasset, non tamquam de inimico mentionem fecit. Id nempe pietas à filio, obedientia à subdito exigebat. Et hanc vicem quoque illi Deus rependit, cum per Nathan Prophetam, perpetrati homicidij adulterijque admonendus foret. Titulus enim Psalmi quinquagesimi: *In finem. Psalmus David, cum venit ad eum Nathan Propheta, siue, ut Hebræi legunt, quando ingressus est ad eum. Vox, ingressus, inquit Eusebius Cæsariensis, ostendit quod non presente aliquo, neque coram vniuerso populo redarguit. Hoc Deus Dauidi quâ regi, deferebat, vt non coram suis subditis confunderetur, sed secretò sceleris argueretur. Idem videre est in filijs Aaron, quos Deus subitâ morte puniuit propter oblatum alienum ignem: sed peccati illius tam sacerdotes dedecentis, quale est ebrietas, textus non meminit, ne honor sacerdotibus debitus apud populum minueretur. Id ex Rabbinis annotauit Oleaster ad illum locum Leuitici: *Vinum, & omne quod inebriare potest, non bibetis, tu & filij tui, quando intrabitis in tabernaculum testimonij. Considera Dei sapientiam, quàm latenter arguat suorum sacerdotum peccata: non enim dicit se iuuenes occidisse propter ebrietatem, sed prohibendo id in quo peccauerant, latentis peccati eos arguere videtur.***

Tit. Psal. 50.

Oleaster in
Leuit. cap 10.

Num. 20.

Peccauerant aliquando & ipsi Moyses & Aaron; dixitque ad eos Deus: *Quia non credidistis mihi, vt sanctificaretis me coram filijs Israel, non introducetis eos in terram quam dabo eis; sed secretò, & non nisi remotis arbitris. Crediderim enim, inquit Oleaster, hæc illis Deum clam dixisse; neque nisi per Moysen hæc populo innotuisse. Hinc collige quan-*

ta cura filijs subditisque incumbat, quanta eos teneat obligatio, ne vñquam parentum vel Superiorum defectus protrahant in lucem, nedum illos exaggerent, & apud alios exosos reddant. Si quidpiam detegendi tanta incumbat necessitas, vt differri non possit, fiat cum verecundia & maxima discretione. *Loquimini ad petras*, id est, eminentes statu & conditione personas, & *dabunt vobis aquas*, dabunt id quo facti iniquitas diluatur: nolite tamquam increduli vel irreuerentes virgâ linguæ & indisciplinati oris percutere. Constate potiùs gladium correptionis in vomeres, & hastam in falcem, quò admonitio messem fructificet. Apostoli non tantum, quantum ab illis Christus exigebat, profecerant in fide, statuitque illos istius admonere; sed quia constituendi erant rectores populorum, & principes super omnem terram, iussit eos nauem conscendere, seduxitque à terra, cumque validus ventus ingrueret, & nauis operiretur fluctibus, incœperunt illi imbecillitatem fidei suæ prodere; tum verò Christus illos monet: *Quid timidi estis modica fidei?* hic respectus illis non suâ, sed subditorum causâ debebatur.

Ibidem.

Isa. 27.

Matth. 8.

§. III. *Quanta sit parentum obligatio corripiendi filios delinquentes.*

SI quis filiorum paulò attentius consideret, quanta parentibus cura necessitasque eos bene educandi, quos genuerunt, incumbat; non facilè benè monentibus obstrepet, aut sollicitudini eorum indignabitur. In primis namque, vt Apostolus ait: *Si quis suorum, & maximè domesticorum, curam non habet*, vt tum corpori, tum animæ prospiciat, *fidem negauit*, non sono verborum, sed executione operis. Deus enim, ipsaque fides dicitur illud Isaia: *Domesticos seminis tue ne despexeris*; si quis verò id egerit, *est infideli deterior*. Infideles enim ipsius naturæ instinctu liberorum curâ gerunt, nec satis habent vt sint, sed vt benè sint. Quis namque se ipsum, vel partem negligat sui? At quiuis pater viuitt in filio:

1. Tim. 5.

Isa. 58.

si verò filij sollicitudinem deponat; sui ipsius obliuiscitur: que d de nullo Scythia vel Thracia existimandum est, cum omnia viuientia vsque ad lumbricos, & vilissima animalcula, esse suum conferuent. Vnde sequitur parentes lege naturæ adstrictos, vt non modò de ijs quæ corporis conseruationem & vitæ commoda concernunt, prospiciant, sed in primis ea quæ animum spectant, ipsis instillare procurent. Si enim liberi per parentum perniciosam indulgentiã corumpantur, frustra est reliquus omnis labor & cura. Quod illi, qui iuuentutem docent, quotidie experiuntur. Inquiretur domi puerorum indoles, atque in amplexibus gremioque matris vitiosi mores inualescant, quos ipsa sæpè etiã risu approbat; difficillimè in scholis, cum iam in grandibus cœperit displicere quod in puerulis placuerat, emendatur. Vbi, quod longè adhuc intolerabilius, si quid puer peccat, indulgentiã eadem cura ac imperium magistri inhibetur. Pœnas sicut meritò ac vapulet, exclamat atque occurrit mater,

Prouocatur pædagogus. Eho senex minimi pretij,

Ne attigas puerum istâ causâ, quando fecit strenuè.

Si quid peccat,

Mihi peccat: ego illi maximam partem feram.

Interim fortunæ tuæ puero, & vires patrimonij clàm instillantur, quæ & proteruiam augent, longiusque animum à studijs abducunt.

Reprehenditur in Euangelio illa parentum sollicitudo, quâ ad promotionem filiorum feruntur, atque omnibus modis satagunt, vt ad dignitates conscendant, opulenta conubia ineanit, mores interim siluescere sinunt. Candidatâ agebat, & intempestiuæ ambitioni deseruiebat mater filiorum Zebedæi, dum Saluatorem nostrum rogabat: *Dic vt sedent hi duo filij mei, vnus à dexteris, alter à sinistris, in regno tuo;* ideoque acerbius responsum retulit suo & filiorum nomine: *Nescitis quid petatis.* Non enim ille impensè liberos suos

suos diligit, qui amplissima patrimonia sedulus quærit, sed qui accuratè instituit, votis modum ponit, & per seuerioris disciplinæ obseruantiam illos vult proficere. Ezechielis tertio dicitur: *Si, dicente me ad impium, Morte morieris; non annuntiaueris ei, neque locutus fueris vt auertatur à via sua impia, & viuat; ipse impius in impietate sua morietur, sanguinem autem eius de manu tua requiram.* Quod omnibus quidem hominibus aliorum curam gerentibus respectiuè imperatum est: tantoque magis parentes ligat, quanto illi propius ex se genitos contingunt. Deinde alibi minatur Deus repetiturum se sanguinem humanum de cunctis animantibus quæ illum hauserint: & animas, potiolem hominis partem, patietur perire impunè, nec petet illas sibi restitui ab eis, quorum fidei prouidus pater commisit? Petet reuerà, & quidem valdè seuerè, quemadmodum cum Heli sacerdote rigidam rationem iniit, quem cum filiis vitâ exiit, posteritatem sacerdotio exauctoratam paupertate multauit. & hoc ideo, quia Heli nouerat indignè agere filios suos, & non corripuit, eo scilicet modo quo debebat. Cùm enim fama ad eum pertulisset, quod paterna cura debebat indagasse, (quod idem de Sylla cognomento Felice traditur, qui cùm vxorem haberet palàm impudicam, non prius tamen illud sciuit, quàm per conuicium ab hostibus audiuisset: qua de re D. Hieronymus inquit, Nouissimi mala nostra discimus) corripuit quidem Heli filios suos, sed non eâ quâ par erat seueritate & auctoritate. Nam cùm non modò Sacerdos, sed etiam Iudex esset totius populi, accuratiore equidem & feruentiore inquisitione opus erat contra impudētissimos profligatissimosque adolescentes; nec verbis, sed pœnis in illos animaduertendum. Amor, qui liberorum grauissimas culpas impunitas esse sinit, amor verus non est, sed odij instar obtinet; odij, inquam, in Deum, in rem publicam, in salutem honoremque filiorum: quos omnes summo dedecore afficit, qui leges publicas pessumdari priuato affectu

Ezech. 3.

Gen. 9.

I. Reg. 3.

Lib. cõt. Io-
uin. sub finē.

lib 3. contra
vitup. vit.
Monast.

affectu permittit. In ceteris quidem Heli vir præstantissimus erat, & quem Chrysoſtomus ſcribit ſine querela rexiſſe Hebræos, imò tantis virtutibus claruiſſe, vt admirandus in ceteris videretur. Et tamen, quia, inquit, illi cura non fuerat & diligentiffima & vehemens ſalutis liberorum; nihil excuſare eum potuit, quò minùs & miſerè & infeliciter periret. Et quamuis diu iudicauit Iſrael, *nomen inter iudices non obtinuit*, quia non talem ſe erga liberos præbuit.

Proverb. 19.

Meliùs fuiſſet ſecutus hoc conſilium Sapientis: *Erudi filium tuum, ne deſperes: ad interfectionem autem eius ne ponas animam tuam.* Quasi dicat, Si habes filium proteruum & inobſequentem, ſeuerè admodum corripe, & prauos illius mores compeſce: & licet ſubinde aliquam in te contumeliam effundat, (vti ſolent hi qui maiores natu parentum correptiones aſpernantur) ne propterea ceſſes, aut deſiſtas: hoc enim filiorum proteruiam & inobſequentiam plurimum alit; quin potiùs vrge, & filij impudentiam nouo ſupplicio vlciſcere, donec tandem acquieſcat, & correptionem æquo animo ferat.

Proverb. 21.

Quia ſtultitia colligata eſt in corde pueri, & virga diſciplina fugabit eam. id eſt, ſtultitia in corde quorundam filiorum adſtricta, arctiusque innexa eſt, ex quo fit vt nõ admonitionibus adhortationibusque, ſed virgâ, hoc eſt verberibus, & acriori correptione reuelâda ſit. Ita enim fert quorumdã indoles, vt verba nil ſint profutura, niſi accedant etiam verbera. Vniuerſo populo peccante, Deus ait ad

Num. 25.

Moyſen: *Tolle cunctos principes populi, & ſuſpende eos contra ſolem in patibulis, vt auferatur furor meus ab Iſrael.* Què locum

Lib. 1. epiſt. 15

expendens Petrus Damianus: Quid eſt, inquit, quòd populus in luxuriæ voraginem labitur, & in eorum præpoſitos vindicatur? ſubditi delinquant, & principes in patibulis ſuſpenduntur? ſcilicet alius eſt qui peccat, alius ille qui vapulat. Cur hoc? niſi quia culpa ſubditorum in Præpoſitorum redundat opprobrium: & quod ab ouibus erratur, negligentix paſtoris adſcribitur. Et vide quàm formidolosa

dolosa sit conditio præſidentium, vt non modò pro ſuis, ſed etiam pro ſubditorum puniantur offenſis. Hinc B. Thomas à Villanoua, magnum lumen & columen Ordinis noſtri, dicebat, ſe numquam tantopere timuiſſe excludi numero Beatorum, quàm dum includeretur numero Prælatorum.

Baxius c. 24.
vitz.

Meminiſſe tamen ante omnia oportet illius Paulini: *Patres nolite ad iracundiam prouocare filios veſtros, ſed educate illos in diſciplina, & correptione Domini.* Et illius: *Patres nolite ad indignationem prouocare filios veſtros, vt non puſillo animo fiant.*

Ephes. 6.

Coloſſ. 4.

A qua re quomodo parentes cauere poſſint, conſilium ſuggerit Sapiens: *Qui diligit filium, conſtanter erudit.* Quod alij vertunt, *Qui amat filium, diluculo querit ei caſtigationem,* id eſt, non ex ira, ſed animo ſedato illum aggreditur. Quod ita dictum eſt, quia ſi manè culpas ſuperioris diei corripiat, iam tunc animus, qui delictis calentibus excitatus fuit, deſiſtã irã deſeruit.

Prouerb 13,

His adde ſimilitudinem S. Anſelmi: Vidiftis, inquit, aliquando artificem ex lamina auri vel argenti, ſolis malleorum percuſſionibus imaginem ſpecioſam formaſſe? non puto. Imò potiùs vt aptam formam ex lamina formet, nunc eam ſuo inſtrumento leuiter premit, ac percutit, & poſtmodùm planat; deinde leuamine læuiùs leuat, & informat. Sic & vos, ſi pueros veſtros cupitis optimis moribus ornatos eſſe, neceſſe eſt vt cum preſſionibus verberum, impendatis eis paternæ pietatis & manſuetudinis leuamen atque ſubſidium. Hic modus præſcribitur, qui in caſtigandis corripiendiſque filiis ſeruandus eſt; vt ſcilicet cum verborum ictibus coniungatur & benignior & placidior conuerſatio, vt ipſi talibus moribus præeant, qualibus filios ſuos, vbi adoleuerint, velint præditos conſpicere. Audite ex alio capite, parentes, obligationem veſtram. Apoſtolus de principibus & Præpoſitis populorum ait: *Non ſine cauſa gladium portat: Deienim miniſter eſt, vindex in iram ei qui malum agit.*

Anſelm. cap.
178.

Ex quibus verbis hoc argumentum deducit Petrus Da-

Rom. 13.

mi-

Lib. 7. epist. 11. mianus : Si Dei , inquit , minister est , qui mala facientes in iram vindicat ; diaboli procul dubio minister est , qui animosos & reprobos suauiter palpat . Et sicut Deo præbet obsequium , qui peruersos vlciscitur : sic minister est aduersarij , qui perpetrantibus iniqua blanditur . Dæmonis ergo partes illi parentes agunt atque tuentur , qui falsâ pietate erga liberos affecti , eorum vitia se videre dissimulant , qui feuerè corripindi erant . Non absque mysterio turtures & pulli columbarum iubebantur olim sacrificari retorto ad collum capite , id est , rostro ad alas reducto : vt indicaretur hoc quasi signo hieroglyphico , non satis esse , Prælatos & parentes ipsos benè viuere , sed eos oculos suos in subditorum & prolium mores reflectere , verbiſque & aliis modis ad pietatem virtutemque efformare debere . Multi , inquit Hieronymus , benè agunt , sed non benè corrigunt , vt fuit Heli : & multi benè corrigunt , sed non benè agunt , vt fuerunt Scribæ & Pharisei , qui sedebant super cathedram Moyſi . Vnde os turturis in lege ad axillas retorqueri iubebatur : ne separetur os ab opere , nec opus nostrum diuidatur ab ore . Verissima certè illa sententia est , quâ dicitur facti culpam habere , qui quod potest negligit emendare : aut , vt Seneca ait :

In Troad.

Qui non vetat peccare , cum potest , iubet .

CAPVT QVINTVM.

§. I. Tandem AVGVSTINVS in hæresim Manichæorum prolapsus est, quæ illi postremus ad profunda inferni gradus fuit.

THEMA CONCION.

Qui spernit modica, paulatim decidet. Eccli. 19.



DEgit diabolus cū AVGVSTINO alijs alijsq; modis, vt mente esset quàm corruptissimâ, quæ varijs cupiditatibus vitijlque ageretur, quò tandem incautum iuuenem funditus peruerteret, prauas de Deo atque fidei mysterijs opiniones ingereret, atque suffosso quasi fidei fundamento, totum Christiani hominis ædificium demoliretur. Nam sicut bona & incorrupta mens, facilè fidem & sanam doctrinam haurit: ita mala & corrupta in hæresim, magiam, aliosq; errores incurrit. Ausimq; dicere, vix aliam in apostatis defectionis à fide nostra esse causam, quàm vitam flagitiosè actam, & mores malos. Vnde Belgicè hæreticum, *letter*, quasi *etter*/ id est pus, vocamus, hominem puridis, purulentis & corruptis moribus. Sed quia ingenio erat admodum perspicaci & animo ad veritatis disquisitionem infatigabili, vt de se cùm varijs locis, tum libro de Vtilitate credendi scribit: Veritatis, vt scis, ab ineunte adolescentia magno amore flagrauimus. antiquus ille generis nostri aduersarius dolum fraudesque, instar experientis aucupis, incauto struere aggressus est. Quamprimùm, inquit S. Ephrem, capta à dæmone fuerit anima, ad alias decipiendas fit quasi laqueus, sicut perdix comprehensa, pro esca illis proponitur quæ laqueo

Lib. de vtilit.
credend. c. 1.

De certa vi-
uendi rat.

nondum captæ sunt: circa illam enim auceps laqueos figit, vt voce suâ perdix reliquas circumuolantes in nassam pelliciat. Obtulit igitur illi hæreticos, blandum & fallax hominum genus, qui nihil nisi veritatem creparent, à veritate tamen ipsa quàm remotissimi forent. In quorum ore laquei diaboli, & viscum confectum commixtione syllabarū nominis tui, sed & Domini Iesu Christi, & paraleti consolatoris Spiritus sancti. Hæc nomina omnia non recedebant de ore eorum, sed sono tenus & strepitu linguæ; ceterum cor inane veri. Et dicebant: Veritas, & veritas; & multi eam dicebant mihi; & nusquam erat in eis, sed falsa loquebantur. Nempe veluti auibus famentibus esca medicata, quâ pereant, obijcitur: ita AVGVSTINVS speciosis illis titulis, studiosus quidem veritatis indagator, sed nonnullorum in schola doctorum hominum disputationibus superbus, inescatus est, iuxta illud Dauidicum: *Virum iniustum mala capient in interitu: vel, vt Chaldaicè est, Virum prauum & malignum venabitur Angelus mortis, & detruedet in gehennam.* Quæ diaboli fraudes sequenti Emblemate tantillum exprimuntur.

Experientiâ didicit AVGVSTINVS idem sibi accidisse, quod octoginta illis viris, *qui rasâ barbâ, & scissis vestibus, & squallentes, & munera & thus habebant in manu, vt offerrent in domo Domini, fecit Ismahel filius Nathaniæ. Quærebant illi loqui Godoliæ filio Ahicam; hunc Ismahel occiderat, & tamen egressus in occursum eorum, incedens & plorans ibat: dixitq; ad eos: Venite ad Godoliam.* Similiter meretrix illa Babylonica hæresis, quæ terram corruptit in prostitutione sua, AVGVSTINO veritatis alloquium desideranti occurrit: & quamuis illam è medio sustulisset, pollicita est tamen se copiam illius facturâ. Interea *cùm venissent ad medium ciuitatis, interfecit eos Ismahel.* Nec mitius cum misero illo hæresis egit. Offendi, inquit, in illam mulierem audacem, inopem

pru-

Lib. 3. Conf.
cap. 6.

Psal. 139.

Jerem. 41.

Apoc. 19.

Lib. 3. Conf.
cap. 6.

prudentiæ, ænigma Salomonis, sedentem super sellam in foribus, & dicentem: Panes occultos libenter edite, & a-
quam dulcem furtiuam bibite. Quæ me seduxit, quia in-
uenit foris habitantem in oculo carnis meæ; & talia rumi-
nantem apud me, qualia per illam vorassem. Proverb. 9.

*In quorum ore laquei diaboli, & viscum confectum commixtione
syllabarum. Lib. 3. Confess. cap. 6.*



*Fistula dulcè canit volucrem dum decipit auceps,
Et fallax panis additur esca plagis :
Sic animas sacri lusas dulcedine VERBI,
Heretico Demon suaue sonante capit.*

Et hæc postrema AVGVSTINO ad maximam dissolutionem miseriamque promotio fuit. Quænam enim illi operario spes superest, cui artis instrumenta auferuntur, quibus antè vitam tolerabat, sine quibus nihil deinceps lucrifacere potest? Capitale salutis nostræ fundamentum est fides, sine qua est impossibile placere Deo. Instrumenta sunt Sacramenta, quibus quisquis per hæresim exiit, desperatissimam miseriamque vitam agit. Etiam si nos in alia atque alia peccata labi contingat, adhuc bona emendationis & veniæ spes superest, quamdiu in Ecclesia, cui ligandi atque soluendi potestas commissa est, manemus: at hanc si per apostasiam deserimus, vel per infidelitatem non intramus, nos ipsos manifesto pereundi periculo committimus. Si magnus ille pater familias propter iniquitates nostras, & præcipuè superbiam, auferat à nobis fidei villicationem, nec amplius quidpiam in Ecclesia mereri possimus; quid spei reliquum est, nisi vt ad incitas redacti, & prorsus desperabundi, cum seruo iniquitatis dicamus: *Quid faciam?* Serpentem scribit Chrysostomus totum corpus tradere ad scindendum, nec minimum curare, dummodò caput integrum retineat. Totius rei Christianæ caput est fides, quod nisi sartum tectumque seruemus, perijmus, ilicet, de vita animæ conclamatum est. Annon huc clementissimus salutis nostræ instaurator respexisse putandus est, quando affectus suos monet: *Estote prudentes sicut serpentes*: Etiam si reliqua omnia amiseritis, vel solam fidem sanã integramque retinete: spes est conualescentiæ aliorum vulnerum, si caput non nutet. Nisi in eo huius similitudinis vim constituas, quòd, veluti serpens ingrauescente ætate arctam fissuram in petra quærit, veteremque in angustijs leberidem, id est pellem veterem, quam inde & spoliū vocant, exiit, & reuiuiscit; ita nobis curæ esse debeat, vt *arctam viam quæ ducit ad vitam*, insistamus: & pressuram pœnitentiæ lubenter subeamus, quã intus in animo renouati, veterem Adamum deponamus.

Hebr. 11.

Matth. 16.

Lucæ 16.

Hom. 43, in
Matth.

Matth. 10.

Matth. 7.

ponamus. Et hoc pacto miser ille ad portas mortis, & profunda inferni descendit. Primò, vt diximus, prauâ & in malum inclinâtâ voluntate; secūdò, dilatione baptismi; tertio, peruersâ sæculi & sociorum consuetudine; quartò, nimîâ patris indulgentiâ; quintò, hæresi, quæ agmen omnium infelicitatum iure suo claudit.

§. II. *Traduntur aliquando docti, sed superbi, qualis AVGVSTINVS tum erat, in reprobum sensum, vt etiam absurda de Deo & mysterijs fidei credant, veriq; in animo fiant hæretici.*

DVM aliqui doctrinâ eminentes, & dignitate conspicui per apostasiam è gremio Ecclesiæ Catholicæ excidunt, quærere & inter se differere vulgus fidelium solet: An eiusmodi etiam homines id in animo sentiant, quod præ se ferunt? An verè cœlibatum damnent? sacrilegas nuptias probent? An credant Christum verè & realiter non esse in Eucharistia? confessionem, ieiunia, aliosque laudabiles Ecclesiæ ritus superstitiones tantùm esse, & institutiones merè humanas, licet id profiteantur apud hæreticos ad quos transfugerunt? Existimabant enim propemodum impossibile, vt illi è tam sublimi ruerent præcipites; quin cum Poëtis secum aliquis dicer:

*In caput alta suum labentur ab aquore retro
Flumina, conuersis solq; recurret equis,
Terra feret stellas, calum findetur aratro,
Vnda dabit flammæ, & dabit ignis aquas,*

citiùs, quàm vt ille Catholicam fidem eieret, quam non semel publicè professus est, alios docuit, toties deprædicauit; & in placita transeat hæreticorum; qui que in Ecclesia cum auctoritatè præerat, extra illam sedeat in ordinè redactus. Et tamen verè sic reshabet. Lapsi sunt ex alto Christianæ dignitatis gradu, quia nimis eleuatum fuit cor eorum in decore suo: quod de Lucifero interpretatur Hieronymus, perdiditque sapientiam, vt scilicet absurdas, & communi homi-

Ouid. lib. 1.
Trist. eleg. 7

Ezech. 28.
17.

hominum sensui repugnantes sententias amplecterentur. & in terram proiecti sunt, id est terrenis hæreticorum commentis, quorum vita cœnum sapit, non cœlum, pertinaciter adhæserunt. Quia in ciuitate parua, per quam humilitatem intellige, saluari non voluerunt, (quod vt sibi fieret, Angelos Loth obnixè rogabat) incendio Sodomæ absumpti, id est fœdo libidinis æstu, quem hæreses nullâ lege coërcent, imò dilaudant, & continentiam impossibilem esse decernunt, conflagrarunt. Illis non secus atque Icaro accidisse dicendum est, de quo Ouidius:

Quid fuit, vt tutas agitaret Dædalus alas,

Icarus immensas nomine signet aquas?

Nempe quòd hic altè, demissius ille volabat.

Ita dum nimiâ superbiâ efferuntur, sibi viam ad lapsum præstruunt, vniuersamque aliquando terram & maria tetropessimi nominis odore complent.

Habebant scientiam, sed charitate destitutam: & quid hæc nisi dux in præceptis? quid nisi ipse casus & mera perditio? *Scientia*, inquit Apostolus, *inflat, charitas adificat*. Sed mira interim hæc antithesis est, inflationis & ædificationis. Nónne potiùs cū diceretur: *Scientia inflat*; opponendū erat, *Charitas ventū subducit*, vel animum deprimit? Aut si præmitteretur: *charitas adificat*; subiungendum fuerat, *Scientia destruit*? Sed non potuit ille qui intus diuino numine agebatur, hæc ignorare: maluitque elationē ædificationi opponere; quia illa non minùs ab illa quàm ipsa distat destructio; videnturque esse synonyma, superbè doctum esse, & destructum siue lapsum, quia elationi casus intrinsecus est vnitus. Ideoque sapientes & doctos, inquit AVGVSTINVS, voco, non cordatos & ingeniosos homines (quamuis hi vulgò pro talibus habeantur) sed eos quibus inest, quãta inesse homini potest, ipsius hominis Dei que firmissimè percepta cognitio, atque huic cognitioni vita moresque congruentes. An Pharisæis tempore Redemptoris nostri, lex aut scientia de-

Vide lib. 7.
Confess.
c. 10. & 14.

Gen. 19.

Lib. 3. Trist.

1. Cor. 8.

Lib. de vitil.
creden. c. 12.

erat, vt non possent, si modò voluissent, & veri Messix aduentum cognoscere, & ipsum, si adforet, populis demonstrare? Nihil minùs. Nam ab Herode interrogati accuratè de loco natiuitatis, responderunt ex illo Prophetæ loco:

Mich. 5.

Et tu Bethlehem Ephrata, paruulus es in millibus Iuda: ex te mihi egredietur qui sit dominator in Israel, & egressus eius ab initio, à diebus aternitatis. Et postea auditis ijs, quæ à Ioanne

Gen. 48.

Dan. 9.

Ioan. I.

ad Iordanem gerebantur, animaduerso què quod sceptrum à domo Iuda translatum esset, & ad finem hebdomades Danielis vergerent *Miserunt ad eum Sacerdotes & Leuitas ab Hierosolymis, vt interrogarent eum: Tu quis es? Numquid tu*

non es promissus in lege Messias? numquid non tu ille es, qui restitues regnum Irael? Cur tamen & ipsius Ioannis testimonio manifestatum, & miraculis diuinitatem suam afferentem, non receperunt? Quia auaritiæ & ambitioni impensè studebant, quia superbia illos transfuersum agebat.

Cùm enim Dominus noster, vera & vnica populi sui salus, fauore apud populum cresceret, tum ob vitæ sanctimoniam, & doctrinæ puritatem, tum propter assiduas omnium morborum curationes; inito illi conciliabulo dixerunt: *Quid facimus: quia hic homo multa signa facit? si dimittimus eum sic, omnes credent in eum: & venient Romani, & tollent nostrum locum & gentem.* Ecce genuinam non modò repudiationis veri Messix causam, sed & mortis eius; quia licet Pharisei doctrinâ excellerent, superbiâ nimiù tumescebant. Pests illa omnium pessima altissimas cedros Libani semper cõuulsi, hæc vna auctõr omnium omnino hereseon extitit. Hæc eadem quæ Arium, Donatum, aliosq; innumeros priscis sæculis hæresiarchas constituit, nostro superiori- que sæculo Lutherum, Calvinum, ceterosque eiusdem

Ioan. I I.

fæcis homines Ecclesiâ eiecit, & in architectos synagogæ Satanicæ promouit. Superbia si exulauerit, nullæ in orbe hæreses reliquæ erunt. Pleræque enim omnes è vana regnandi libidine, inquit Athanasius Sinaita, auaritia, ho-

Cap. 3. Viæ
duc.

minibus

minibus placendi studio, *superbia*, profluxerunt. Et hæc seueritas est iudiciorum Dei, vt crimina criminibus vindicentur, & supplicia peccantium non tantùm sint tormenta, sed & vitiorum incrementa. Vt alios silentio præteream, quis credidisset Henricum VIII. Angliæ regem, tam absolutæ inter principes eruditionis, & inter eruditos principem; qui etiam stylo rem pro Ecclesia contra Lutherum gesserat; qui tam prono in Sedem Apostolicam, & à maioribus per tot sæcula continuato affectu ferebatur; & qui vicissim, tamquam vnigenitus matris, à Christi diligebatur vicario, auarulusque erat honorifico *Defensoris fidei* titulo; tam turpiter aliquando lapsurum; qui antea mansuetudinis & clementiæ laude eminebat, in optimos fidelissimosque regni proceres desæuiturum; nisi præ *superbia*, & libidinis impotētia, stare iudicio Romani Pontificis renuēs, ipse caput Ecclesiæ audire maluisset? Etiamnum animo inhorreo, quoties Tertullianum, Origenem, Luciferum Callaritanum, Hosium cogito: quos nec rãti ingenij dotes, tam immensa eruditio, tam manifesta antea actæ vitæ innocentia à lapsu continuit. De hæreticis quoque in mystico sensu D. Hieronymus illud Dauidicum intelligit: *Decidant*, quod non imprecatiuè, sed enunciatiuè dicitur, à *cogitationibus suis secundum multitudinem* *superbiæ suæ*, atque à malo in peius ruant, & existentes in sordibus, sordescant adhuc. Sed quid est *decidant à cogitationibus suis*? quænam sunt hæ cogitationes, à quibus cadere debent hi? Qui mores & intentiones superborum agnoscunt, facillè attingent cogitationes eorum. Quid enim superbus & elatus nisi *superba* & *elata* nouit cogitare? Non secundum merita cogitat, sed potiùs secundum cogitationes suas merita sua metitur. Quid enim in causa fuit, quòd & Apostoli, antequam Spiritus sancti aduentu in humilitate perfecti firmarentur, primas in regno Christi sedes ambirent, cum pauperes piscatores quidam eorum priùs extitissent? Sanè

August. lib. 5.
cont. Iulian.
cap. 5.

Anno 1534.

Psal. 5.
Bruno citatus à Lorin.

Apoc. vii.

Matth. 20.

persuadere sibi debuerunt, quòd nescio quâ ratione moti, ad tantas sedes possent meritò aspirare. Sic itaque ascendunt superbi ad cor altum, ad mentem altam, ad cogitationes sublimes, eleuantes se supra se, præsumentes altiora quàm postulet iustitia, postulet ratio: vt his propterea casum & ruinam annuncians, dicat Dauid: *Decidant à cogitationibus suis.* Ipsi cogitabant ascendere sine merito; meritò ergo descendunt, cadent, & prorsus corruent.

Carol.
Scriban.

Et nescio quomodo contingat, quòd facilior ab omni vitio reditus ad virtutem, & Deum, à quo excidimus, pateat, quàm ab vna superbia. Quasi reliqua crimina, hominum sint; superbia dæmonum: reliqua carne finiuntur; hæc Deum perat: reliqua medicam aliquando dexteram admittant; & vel inter aduersa, vel cum ætate & morbis aut aliorum exemplis remittantur & cadant; sola superbia vllam ferè medicinam nolit, nec monitis cedat, nec exemplis, siue hæc in terrorem, siue in præmiationem proponantur. Credas igitur superbi pectus, tamquam ferrum malleis, aduersis indurefcere. Atque huc referendum est quòd nullos hæresiarchas, excepto vno Berengario, legamus ferriò vmquam pœnituisse. Stante enim superbiâ, quæ illos sibi obnoxios habebat, hæresim numquam relinquere potuerunt. Vt nihil de ijs dicam, quorum nostro hoc sæculo sapientia huc collimat, vt ijs, quæ in Catholica religione paulò grauiora videntur, cõfessione scilicet, ieiunio, pœnitentiâ, & similibus abscissis; ac prætextu in Deum fiducia, timore eius extenuato, omni religione seipfos, Dei iam securi expediant, atque ad extremum nullum esse Numen asseuerent. Nec mirum, cum hæresis, teste Dionysio, defectio sit à summo bono, si pondere suo, imbecillitate quæ suâ semper in aliud malum prolabatur.

Corn. à Lap.
in cap. 6 ad
Hebr.

De diuin.
nomin. c. 4.

Propter eandem superbiæ culpam, quia non Deo sed sibi suam doctrinam Gentiles arrogarunt, gratiasque illi agere neglexerunt, in fœdum idololatriæ vitium proruerunt.

Cam-

Commatauerunt, inquit Apostolus, veritatem Dei in mendacium: & coluerunt, & seruierunt creaturae potius quam Creatori, qui est benedictus in sacula. Amen.

Rom. 1.

§. III. *Quantopere cauendum, maximè iunioribus, à societate & commercio hæreticorum.*

S omnis societas mala in primis iuuentuti cauenda est; Seoque studiosius, quo maius periculum bonis moribus impendet; quàm sollicitè aduigilandum, ne cum hæreticis vniquam familiaritatem ineat, aut liberius cum ijs conuerferetur, quibus conuiuere & commisceri non minori periculo infectionis animæ potest, quàm pestiferis, contagionis corporalis. Verissimum hîc illud Ecclesiastici: *Qui tangit picem, inquinabitur ab ea.* Quàm enim hæretici lordidi, quàm picei & scabiosi! Quales sint dicat Apostolus, *Hoc autem scito, quòd in nouissimis diebus instabunt tempora periculosa, & erunt homines seipso amantes, cupidi, elati, superbi, blasphemi, parentibus non obedientes, ingrati, scelesti, sine affectione, sine pace, criminatores, immites, sine benignitate, proditores, proterui, tumidi, & voluptatum amatores magis quàm Dei: habentes speciem quidem pietatis, virtutem autem abnegantes.* Inter tot scelerum exempla quis integer & securus persistat? Ipsum ferrum, licèt inuictissimum, quod etiam alia omnia metalla domat, si diutiùs terræ infigatur, paulatim exeditur, & in terrenam substantiam propter societatis commixtionem transit. Instanter hac de causa orat Dauid: *Non veniat mihi pes superbiae, & manus peccatoris non moueat me*, id est, ne finas mihi superbos appropinquare, ne suâ me contagione inficiant, & superbo deinceps gradu, quemadmodum illi, incédam. *Et manus peccatoris non moueat me*, id est, neque exempla, neque eloquentia impiorum me ad malum prouocet. Manus namque apud Aegyptios operis in primis hieroglyphicum est, & Moytes, vt indicaret refractariam illam gentem mira vidisse, quæ Dominus pro populo suo ediderat,

DOMINICA
vii. post
Pentec.

Eccli. 13.

2. Timoth. 3.

Psalm. 35.

Vide Pieriũ
in Hierogl.

Exod. 14.

diderat, ait: *Viderunt Aegyptios mortuos, manum magnam quam exercuerat Dominus.* Deinde etiam, teste Pierio, eloquentia latè diffusa, per dilatatam manum ostendebatur, Dialectica per manum complicatam, siue pugnum. Perinde igitur est, *Manus peccatoris non moueat me,* atque, ne exempla, nec blandiloquentia impiorum me de gradu deiiciat, aut communionem sceleris inuoluat.

Mala faciliùs discuntur quàm bona, & citiùs vel vnum pònum putridum centum recentia corrumpat, quàm centum integra vni corrupto medicentur. Longè facilior imitatio mali est, & quod natura suo pte motu appetit, vehementiùs in id incumbit, si habeat adhortatores & exempla. Neque quispiam hîc mihi prudentiam firmitatemque animi sui prætendat, nimiamque virtutibus suis tribuat. Timuerunt ipse Ioannes Euangelista, & Antonius sanctissimus ille eremi incola: quorum prior in eodem cum Cerintho hæresiarcha balneo lauari non sustinuit; atque suos monuit: *Si quis venit ad vos, & hanc doctrinam non adfert, nolite eum recipere in domum, ne quempiam instar pestilētis, venenato halitu inficiat, nec Aue ei dixeritis.* Alter sic execrabatur, propter periculum contagionis, Arianos, vt integro ab ijs agro semper vellet distare, diceretque sæpiùs: *Hæreticorum & schismaticorum venena vitate, meumque circa eos odium sectamini.* Scitis ipsi. (loquebatur discipulis) quòd nullus mihi pacificus sermo cum eis vmquam fuerit. S. Ioannem, Magistrum suum, imitatus Polycarpus, cùm Romæ Marcioni occurreret, atq; ille rogaret; Agnosce me? Respondit: Agnosco primogenitum diaboli. Et quis cum diabolico semine velit commercium aut familiaritatem? Horum, Catholici adolescentes, æmulamini fidem, sectamini iustitiam, vestigijs insistite. Non ducent, nisi quòd oportet, & maximè vobis expedit. Ne, quæso, blandiùs vmquam quàm par est cum hæreticis conuersemini, nec auidiùs blandiloquentiam eorum auscultate:

Epist. 2.

Athanas. in vita eius.

scultate: neque enim citiùs aut certiùs aliquis apud illos perditur, quàm si olfaciant sua ipsi non displicere. *Recedite*, Num. 16. *à tabernaculis hominum impiòrum, & nolite tangere quæ ad eos pertinent, ne inuoluamini peccatis eorum.* Declinent, inquit Cyprianus, fortiter, & euitent dilectissimi fratres nostri Lib. 1. epist. 3. ad Corn. verba & colloquia eorum, quorum sermo vt cancer (contagiosum & exitiale morbi genus) serpit; nulla cum talibus commercia, nulla conuiuia, in quibus cum vino latenter aliquando venenum hæreseos intrat, nulla colloquia misceantur. *Corrumpunt* enim, teste Apostolo, *bonos mores* 1. Cor. 15. *colloquia mala*: sint quæ ab illis tam separati, quàm sunt illi ab Ecclesia profagi. Cauete in primis, ne simulata illa ouina species, lupinum animum moresque obtegens, vos decipiat. Non sunt humiles, sed fictam humilitatem præ se Calvinistæ ferunt, extenuant se vt lumbrici, quò longiùs gradum promoueant; humiliter irrepunt, vt blandè capiant; molliter ligant, vt latenter occidant.

Quibus heretici sint similes.

Non malè quis illos cygnis comparauerit, qui quidem candidissimi apparent, sed nigras sub albis plumis carnes gerunt. Hieronymus per Sirenes, illos intelligit, quia, inquit, illorum eloquia dulcia sunt carmina, & dulci voce populum decipientia: nec potest eorum cantica præterire, nisi qui cerâ aures obturauerit: imitatus catum humanæ sapientiæ exemplar, Vlysses. Minuta quædam animalia, vt ait Phædon, cum mordent, non sentiuntur, adeò tenuis illis & fallens in periculum vis est; tumor morsum indicat. Idem plerisque in conuersatione hæreticorum euenit. Non deprehendunt quo pacto, aut quando sibi nocuerint; tamè nocuisse deprehendunt, dum sentiunt memoriæ nescio quas species prauorum dogmatum inhæsisse: audaciùs sacra contrectant, & nescio quam nauseam sentiscunt in exercitijs auitæ religionis. Societas illorum est instar aquæ quæ vino miscetur: nam sicut vinum statim atque

atque aquâ diluitur, languet, friget, decoloratur, odorem saporemque amittit, atque demû euanescit; sic ex eiusmodi hominum familiaritate, languet primû ardor Christianæ pietatis, deinde friget, decolor tandem fit atque insipida omnis virtus. De hæreticis alibi S. Paulus: *Per dulces sermones, & benedictiones seducunt corda innocentium.*

Rom. 16.

Plin. lib. 8.
cap. 50.

Ierem. 9.

August. in
Psal. 48.

Psal. 116.

Psal. 78.

Rursus similes sunt capris, frutices & exurgentes arbores lambentibus, quas quidem videntur delinire linguâ, & quasi osculari; interea venenum occultè infundunt, seu potiùs antipathiam quamdam, & occultam vini naturalem, quâ arbusta languent & emoriuntur. Dilucidè id insinuat Ieremias: *Lingua eorum dolum locuta est; in ore suo pacem cum amico suo loquitur, & occultè ponit ei insidias.* Nomen Dei, inquit AVGVSTINVS, & nomen Christi audis, in corde non inuenis, & ita miserè deciperis ô Christiane. Pythacium nomen theriacæ præfert, sed nihil nisi capitale virus continet. Quàm speciosus titulus belli rusticani, & fœderis Smalcaldici? Nos congregati sumus, vt Christi Euâgelium liberè profiteamur, eiusque diuinam iustitiam conseruemus: millies hîc acclamatum: *Viuat Euangelium,* & nihil minùs quàm id quod præcipit Euangelium, obseruabatur: nempe obedientia sub legitimis tum Ecclesiasticis, tum politicis Superioribus, pax, charitas, & innocentium defensio. Rebellionis antesignani in Spirensi conuentu has quinque litteras V. D. M. I. Æ. *Verbum Domini manet in æternum,* pedissequorum etiam & stabulariorum manicis opere phrygio intextas ostendebant. Quid poterat speciosius? Calvinistæ nihil nisi Ecclesiæ reformationem quotidie inclamant: & quid eorum synagogâ deformatius? Dumque luculentos illos titulos vbique præmittunt, omnem verum Dei cultum extirpant, sacra profanant, ponunt *Ierusalem in pomorum custodiam, & carnes Sanctorum & Sacerdotum dant in escam volatilibus cali, & bestijs terre.*

Sunt etiam non pauci, quibus hæresis non absimilis videatur

tur

tur pesti: br euissimo tempore vtrumque ad cor penetrat, hominesq; exanimat; vnum prosternit, centum inficit. Nisi probè Catholici Samosatenses id intellexissent, non tanto studio, etiam ipsum Episcopũ, Arianã peste laborantem, vitassent. Nam, vt est apud Theodoretum, cùm esset in eaciuitate populus Catholicus, & Episcopus hæreticus Eunomius nomine; concionabatur Episcopus in Ecclesia, sed scamnis & parietibus veriùs, (ita omnes eum vt peste laborantem fugiebant;) nemo ex vrbis incolis, vel pressus egestate, quod maximi miraculi loco duco, (quid enim non suadet & persuadet mali sacra fames?) vel diuitijs affluens, famulus vel artifex, agricola vel institor, vir vel mulier, iuuenis vel senex, ad conuentum Ecclesiasticum, vt moris erat, accedere voluit; sed Episcopus solus agebat. Ibat Episcopus ad balnea, & alios qui fortè aderant, vt secum lauarent, comiter inuitabat: at nemo vmquam ipso præsentem locum introiuit; nemo etiam postea, nisi aquã quã ille lotus fuerat, eiecitã. Ludebant aliquando pueri in foro, contigit verò vt lusoria pila pedem iumentum, quo Lucius Episcopus, Eunomij sedis & Arianæ hæresis successor, vehebatur, contingeret; continuò omnes clamant, & magno in ipso foro accenso igne, in eum pilam iniiciunt flammis expiandam.

Sed & aliud memorabile superioris sæculi exemplum accipe ex Florimundo Ræmundo: vrgebatur rex Franciæ Henricus II. & propè inducebatur à sorore ad recipiendum in fidẽ regiam Melancthonem hæreticum venire cupiẽtem in Galliam. Hoc impediuit prudens Francisci Cardinalis Turnonij consilium: qui cùm deditã operã regem adiiisset, in manu tenens S. Irenæi sui in Archiepiscopali cathedra Lugdunensi antecessoris librum, sciscitanti regi quis esset præclarus ille liber, in hæc verba respondit, Verè & meritò præclarum, ô rex, dixisti. Est quippe liber hic vnus ex primis Galliarũ, in Ecclesia Lugdunensi, Episcopis, videlicet S. Irenæi, in cuius libro tres legebam Apostolos, quasi

Theod. lib 4.
cap. 14.
Anno Domini 370.

Lib. 7. de
Orig. hæres.
cap. 4. §. 4.

K pestem

1. Cor. 11.

Hieron. in
cap. 8. Osee.

pestem fugisse eos, qui veritatem corrumpere vel adulterare conarentur. Inde sapiens ille Prælati sermonem suum auspicatus est, quem pro rei dignitate necessitateque produxit tantâ vi & gratiâ, ut rex diploma reuocarit, iureque iurando affirmarit se intra Ecclesiæ fines permansurum, Concilijque generalis decisionem expectaturum. *Nam oportet & hæreses esse, ut & qui probati sunt, manifesti fiant: sed sicut tempore pestis omnes fugiunt, sibiq; certatim metuunt, licet illa bono fine immittatur à Deo, atque ita humano generi sæpè expediat, quòd fæcunditate alioquin laboraret: ita & hæreses, licet malum necessarium, omni studio euitandæ, ne quem corripiant. Nemo nisi malè sanus cum ficario graditur, quicum capitis periculû adit: nemo mensæ assidet, in qua sibi toxicum in cibis porrigendum præno- uit. Semper enim hæretici parati sunt ad pugnas & conten- tiones in perniciem audientium.*

CAPVT SEXTVM.

Quanta inter statum peccati, ipsumque infernum sit similitudo.

THEMA CONCION.

Descendant in infernum uiuentes. Psal. 54.

Lib. 3. Con-
fessi. cap. 6.

Psal. 87.



ENUMERATIS gradibus, quibus ad peccandi consuetudinem descenditur, non dubitauit AVGVSTINVS, experienciâ edoctus, miserrimum peccatoris statum *profunda inferni* appellare; quasi inter profligatum peccatorem ipsosque damnatos nulla aut exigua sit dissimilitudo. Quod ipsum intellexisse videtur ex Dauide: *Quia repleta est malis anima mea, & vita mea inferno appropinquauit*, id est, ipsum infernum adiit, similesque damnatorum pœnas sum expertus. Christus præuidens Pe-
trum

trum quidem peccatorum, sed in peccato non perseveraturum, illi prædicebat: *Et portas inferi non præualebunt adversus te*, quia licet in inferno sis futurus, tamen lacrymis portas illius dilues, & eluctaberis. Vix enim peccauerat, & statim egressus foras, fleuit amarè. Iuerat quidem in infernum, sed portas illius lacrymis fregit, & feræ fornacis carbones extinxit. Hinc S. Anselmus magis peccatum quàm ipsum infernum horrebat. Scribit enim Edinerus Anglus conuictor eius, eum sæpiùs dicere solitum, Quoniam si hinc peccati horrorem, hinc inferni dolorè corporaliter cernerem, & necessariò vni eorum immergi deberem; priùs infernum quàm peccatum appeterem. Addit idem eundem dicere solitum, malle se purum à peccato & innocentem gehennam intrare, quàm peccati sordè pollutum cælorum regna tenere. Quod dictum ne quibusdam extraneum videretur, redditâ ratione temperabat, dicens: Cùm constet solos malos inferno torqueri, & solos bonos in cælesti regno gaudere; patet nec bonos in inferno si illuc intrarent, posse teneri debitâ pœnâ malorum; nec malos in cælo, si illuc accederent, posse frui felicitate bonorum.

Et quis non videat peccatum in quàm plurimis cum inferno conuenire. Infernus, inquit S. Bernardus, quidam est & carcer animæ mala conscientia. Primò, quia vtrumque extremum quoddam est & compendium omnium miseriarum & afflictionum. De inferno canit Ecclesia: *In quo nulla est redemptio*, scilicet à malis, in quo numquam ab inferendis diris & grauibus tormentis turbæ damnatorum, cessabitur. De peccato loquitur Bethsabée ad Dauidem, cùm sibi filioque Salomoni extremam ab Adonia timeret persecutionem, expulsionem è regno, paupertatem, mortem: Si tu rex sinas impunè Adoniam agere, vt per tyrannidem inuadat solium regni tui, *erimus ego & filius meus peccatores*, id est, excipient nos omnia quæ dixi mala. Quia scilicet nihil homini æquè exitiosum atque peccata. Ab hoc fonte

Match. 16.

Matth. 26.
Petrus Cel.
len. lib. de 5.
pan. c 12.
In vita eius
lib. 2. cap 16.

Cap. 17.

Serm. de
Assump.
B. Virginis.

3. Reg. 1.

omnis calamitas humana deriuatur, nuditas primorum parentum, expulsio à sede felicitatis, labores, ærumnæ, pariendi dolor, seruitus, patiendi necessitas.

Secundò, infernus horroris & abominationis plenus est; similiter peccatum. Si enim mors corporalis adeò fœda, adeò est detestabilis, vt quiuis etiam amicissimi putrescēs cadauer fugiat, & sine horrore, & vultus mutatione illud spectare nequeat; quam non concipiemus peccato inesse turpitudinem & abominationem, quod ipsius mortis est parens? Parentem plerumque filia, vel vitio, vel virtute exprimit.

Tertiò, in inferno nullus est ordo, nulla quies, nulla securitas. Hugo, Infernus, inquit, locus est sine mensura, profundus sine fundo, plenus ardore incomparabili, plenus fœtore intolerabili, ibi miseræ, ibi tenebræ, ibi ordo nullus, ibi horror æternus, nulla spes boni, nulla desperatio mali. Similiter status peccati plenus est tribulationis, inquietudinis, timoris & anxietatis. Id olim minatus fuerat Deus apud Isaiam: *Dabo eam*, scilicet Babylonem, & illam inhabitantes peccatores, *in possessionem ericij*, id est, complebo conscientiam illorum, locum aliàs quietis & dormitionis, hamis & scrupulis, quibus indefinenter pungantur & exulcerentur. Tertullianus, Nullum, inquit, maleficium sine formidine, quia nec sine conscientia sui. Chrysostomus, Quomodo, inquit, feret peccator conscientiam redarguentem; acerbam & amarulentam accusationem vbique secum ferens? Quemadmodum enim se ipsum nemo potest fugere, ita nec illam eius curiæ sententiam. Hoc tribunal non pecuniâ corrumpitur, non adulationibus acquiescit, eò quòd diuinum est, & à Deo nostris impositū mentibus. Quidni igitur Oseas peccata amaritudines; Amos, absinthiū vocent? *Ad iracundiam prouocauit me Ephraim in amaritudinibus suis. Et, Qui conuertitis iudicium in absinthiū. Absinthium verè, peccata, & amaritudines.* In

Lib. 4. de
anima.

Isaiæ 14.

Hom. 3. de
verbis Isaiæ.

Amos 5.
Cap. 12.

primis , quia animam vellicant, lædunt, occidunt. Deinde quia qui peccat, Deo quasi absinthium & fel bibendum, cum impijs Iudæis propinat. Postremò, quia modicum mel, & exigua peccati voluptas, æternum fel, doloresque amarissimos peccanti accersit. Hinc Moyses ait: *Vua eorum. vua fel-* Deuter. 32.
lis, &c. Et S. Petrus ad Simonem Magum: *In felle amaritu-* Act. 8.
dinis, & obligatione iniquitatis video te esse.

Quartò, conuenit peccatum cum inferno quoad tenebras, quibus perfunduntur: nec est quòd ille qui in alterutro est constitutus, Ægyptiacas vel Cimmerias requirat. Iob testatur de inferno, quòd sit *terra tenebrosa*, & *operta* Iob 10.
mortis caligine. Ad quem locum Gregorius in Moral. scribit: Natura verò ignis est, vt ex seipso & lucem exhibeat & concremationem. Sed transactorum vltix illa flamma vltiorum concremationem habet, lumen non habet. Annon huc respexit Rex Hebronæus, *Vox Domini intercidentis flammam ignis?* id est, iussu diuino separata est lux ab ætuitate caloris & vrendi; lux sine calore transcendit in cælos, ardor sine luce, sed densissimis inuolutus tenebris, descendit in infernum. Peccatores quoque in tanta calignie versantur, vt solem ipsum, qui vsque ad eò toti orbi conspicuus est, videre non valeant. *Supercecidit ignis,* scilicet prauæ concupiscentiæ, & *non viderunt solem.* A testimonio ad exemplum. Cùm diu illi flagitiosi senes adulterium animo destinassent, *euertunt sensum suum, & declinauerunt oculos vt non viderent calum,* neque recordarentur iudiciorum iustorum. Dan 13.
Hac de causa peccatores æthiopes vocantur, ob nigrorem tenebrarum quibus circumfunduntur. *Numquid non vt filij Æthiopum vos estis mihi, filij Israel?* AVGVSTINVM audiamus Deo confitentem: *Ambulabam, inquit, per tenebras & lubricum, ideoque, ecquid eram mihi, sine te, nisi dux in præceps?* Et quàm tusecretus es habitans in excelsis in silentio, Deus solus magnus lege infatigabili spargens pœnales cæcitates super illicitas cupiditates. Annon ille versa-

Num. 22,
Iud. 16.

batur in tenebris, apertisque oculis nihil videbat, qui sibi minitantem stricto gladio Angelum non vidit, quem asina vidit & declinauit? Quid Dalila nisi caro nostra? cui cum blandimur & indormimus, cum Samfone, animus densâ caligine inuoluitur, excæcatur. Vide plura sequenti capite. §. IV.

Quintò, non malè Poëta de inferno:

Virgil. 6.
Æneid.

— *Facilis descensus Auerni,
Sed reuocare gradum, superasq; euadere ad auras,
Hoc opus, hic labor est.*

Lib. 3. cap. 5.

Gen. 46.

Verissimum quoque illud de statu peccati, facili negotio in illum descendi, peccata sponte & cum delectatione committi: at difficillimum ad emédationem seriam esse regresum. Velle enim nostrum tenet inimicus, & veluti miserrimi captiui in lacu depositi suspiramus quidem ad liberationem & ascensum; sed scalæ quibus ascendamus, desunt. Iuit Iacob cum suis in Ægyptum, blandeque & honorificè à Iosepho, tempore tam famosæ sterilitatis exceptus est: at posteri quàm difficulter, quàm tardè inde se potuerunt expedire? opus erat vi & robore diuino: nec decem plagæ Ægyptios satis docuerunt sapere. Veluti virgo modica cū voluptate concipit, magno dolore parit: ita peccator scelus numquam consummat, nisi cum luctu & dolore præsentis & futuro. Vide Hieron. in cap. 13. Osæ v. 15.

Prouerb. 30.

Sexto, quòd peccator instar inferni numquam expleatur, licèt tamquam aquam bibit iniquitatem. Vnum peccatum aliud, quasi acus filum inducit. *Tria sunt insaturabilia, & quartum quod numquam dicit, Sufficit: infernus, & os vuluæ, (mulieris scilicet libidinosæ, qualem fuisse Claudij vxorem feminam impudicissimam memorat Iuuenalis, quæ libidino delasata quidem, sed non saturata recessit.)* & terra, quæ non satiatur aquâ: ignis verò numquam dicit, Sufficit. Quid hæc de auaro dicam? de quo non minùs verè quàm de hydropico dixeris:

Quo plus sunt pota, plus sitiuntur aqua diuitiarum; & cum Tibullo:

Non opibus mentes, animi curaq, leuantur.

Auarus vir inferno similis est: infernus enim quanto- cumque deuorauerit, numquam dicit, Satis est; sic etsi omnes thesauri confluerint in auarum, numquam satiabitur. Quis honor, quæ dignitas ambitiosi animum impleuit? Si supremum in terris locum consecutus fuerit, de inuadenda cogitat diuinitate. Quis ignorat Herodem, Alexandrum, aliosque Dei nomen non affectasse modò, sed & vsurpasse, atque passos sibi vt victimæ immolarentur? Quibus positis concludo, non minùs à peccato quàm ab ipso inferno formidandum, imò multò magis: quia hic vrere nisi peccatores non potest: peccato abstine, ipsam Ætnam, seu roscidum solum, calcabis impunè.

Lib. de salut. docum. c. 38. est inter opera D. August.

CAPVT SEPTIMVM.

Mala quibus peccatores vt plurimum cum AVGVSTINO mulctari solent.

THEMA CONCION.

Multa flagella peccatoris: sperantem autem in Domino misericordia circumdabit. Psalm. 31.

§. 1. *Aufertur illi cor, siue prudentia & consilium.*



NON vltimum malum ex nimia ambitione & libidine AVGVSTINO accidit, quòd destructo cordis habitaculo, cui immorari solet Deus, iuxta Sapientē, *Præbe fili mi cor tuum mihi*, eum foris per alias qualuis creaturas quæsterit, nec inuenerit. Iam autem abstulerat illi cor nimia libido, & quo deinceps Deus reciperetur;

PROV. 23.

ciperetur, non habebat. Velut illos non habere cor dicimus, quos flaccidos, languentes & nauseabundos videmus: ita AVGVSTINVS tepidissimè in negotio conuersionis in initio se habebat: volebat & nolebat, attollebat paulisper caput, & illicò iterum relabebatur: suscitabatur, iamque instabat vt faceret, & iterum differebat, Sine modò, sine adhuc paulisper. Et vnde hoc illi, nisi quia corde priuatus erat? Testis huius luculentus est Oseas: *Fornicatio, & vinum, & ebrietas auferunt cor. Et, Vinum & mulieres apostatate faciunt sapientes.* Et quo pacto, nisi quia ipsis cor, id est, consilium prudentiamque eripiunt? Sic Salomonem sapientiæ corculum, velut generosæ aquilæ pullum, fœdæ libidinis scarabæus, gremio Iouis, vt est in fabulis, excussit. Fuit autem cor, teste Pierio, semper sapientiæ prudentiæque symbolum; vnde Romani eminentes, Cordatos homines, siue Corcula vocabant. Et sapientissimus ille puer, iussus petere quod vellet, orabat Deum: *Dabis seruo tuo cor docile, id est, sapiens plenumque consilio, vt populum tuum iudicare possit.* Tria præcipuè vitia hoc malû homini accersunt: libido, auaritia, ebrietas: hæc vt plurimû efficiunt vt momentanea æternis, turpia honestis, caduca solidis, fluxa cælestibus præferantur: vt homo omnium oblitus, sui, æternitatis, Dei, toto impetu ceu, bruta animalia, in fœdas corporis voluptates feratur. De libidinoso ait Sapiens: *Qui adulter est, propter inopiam cordis perdet animam suam.* Eò spectabat illud quòd Phidias statuam Venèris, quam ipse ex ebore & auro confecerat, ita efformarit, vt altero pede testudinem, (quam solam inter animalia excordem memorant,) prementem exprimeret: indicans, vt multis placet, Venerem illos excordes ac sine intellectu efficere, quos igne suo incendit ac vrit: Vnde etiam nonnulli nomen obscænx mulieris Græcâ deriuatione promanasse volunt à *ἔαινος*, id est, væ intellectu. Et quia testudo hominis excordis est hieroglyphicum,

Plau-

Cap. 4.
Eccli. 19.

Pier. lib. 34.

3. Reg. 3.

Prou. 6.
Pausan. in
Eliacis poster.

Plautus de muliere impudica ait: Cui pectus sapiat, nam cor non potest, quia nullū habet. Et Tertullianus contra Marcionem, dicit illum nec cor, nec cerebrum, vitio proprio habere. Illustri idem exemplo comprobemus. Theotimus, inquit Ambrosius, cū graui oculorum incommodo laboraret, & amaret vxorem, interdicit ā sibi ā medico facultate coeundi, cupiditatis impatiens, atque impetu libidinis raptus: Vale, inquit, amicum lumen. In æstu cupiditatis sciens se amissurum oculos, maluit illis orbari quā libidinem expugnare. Et an non illi libido cor mentemque eripuerat? Nec ipse id postea fateri dubitauit, cū serò nimis cæcitate amentiamque suā deflens, didicit se nec libidinis voluntatem retinere posse, nec iam perditū lumen recuperare. Ut meritò libidinē non aliud esse dixerim, quā impotentem quamdam sui ipsius vesaniā, & cæcitatem tenebrosam. Cū Saluator noster aliquando apud puteum cum muliere Samaritana de aqua loqueretur, cuius potus ita sitim extingueret, vt eam bibentes ab omni deinceps siti eximeret: ideoque illa sollicitè eam inquireret: *Domine, da mihi hanc aquam, vt non sitiam amplius, neque veniam huc haurire*; ille quasi ā proposito recedens dixit: *Voca virum tuum*. Quid est, inquit S. AVGVSTINVS, *Voca virum tuum*? Per virū suum ei volebat aquam illam dare? An quia non intelligebat, per virum suum eam volebat docere? Fortè quomodo ait Apostolus de mulieribus: *Si quid autem volunt discere, domi viros suos interrogent*. Sed ibi dicitur, *Domini viros suos interrogent*, vbi non est Iesus qui doceat. Denique dicitur mulieribus, quas prohibebat Apostolus loqui in Ecclesia. Cū verò ipse Dominus aderat, & præsens præsentī loquebatur, quid opus erat vt per virum eius ei loqueretur? Numquid per virum suum loquebatur Mariæ sedenti ad pedes suos, & exipienti verbum suum, quando Martha circa multum ministerium etiā de sororis suæ felicitate occupatissima murmurabat? Ergo fratres mei, audiamus & intelligamus quod

Lib. 4. c. 10.

Lib. 4. in
Luc. cap. 4.

Ioan. 4.

Tract. 15. in
Ioan.

1. Cor. 14.

Lucæ 10.

ait Dominus, *Voca virum tuum*, mulieri. Fortè & animæ nostræ dicit, *Voca virum tuum*. Quæramus & de viro animæ. Cur iam non ipse Iesus vir animæ verus est? Adsit intellectus, quoniam quod dicturi sumus, vix capitur nisi ab intentis. Adsit ergo intellectus vt capiatur, & ipse intellectus erit fortasse vir animæ. Videns ergo Iesus, quia mulier non intelligebat, & volens eam intelligere: *Voca*, inquit, *virum tuum*. Ideo enim nescis quod dico, quia intellectus tuus non adest. Loquor ego secundum spiritum, tu audis secundum carnem. Hactenus sanctus P.N. Sed quo pacto intellectum suum amiserat? Nimiâ libidine, *viuendo luxuriosè*: quin transformata in equum & mulum, *quibus non est intellectus*. Concludit igitur S. Doctor: Animam habere, & intellectum non habere, id est non adhibere, bestialis vita est.

Lucæ 15.
Psal. 31.

Matth. 6.

Nec melioris conditionis est auaritia: illa non rarò corda corporea sede suâ reuellit, atque inter pecuniarum acervos recondit. S. Antonius de Padua in funere diuitis auaricùm orationem haberet, instantiusque verba illa Saluatoris nostri vrgeret: *Vbi est thesaurus tuus, ibi est & cor tuum*; enthusiasmo actus: Inspecite, inquit, mortui thesaurum, videbitis quàm hoc Christi dictum sit verum: ibi cor diuitis inuenietis. Quod & ita factum est. Idem narrauit aliquando pro concione, cùm heredes hominis pecuniosi in exentratione cor ipsius non inuenirent, valdè eos quidem hoc portèto obstupuisse; sed postea id inter nummos inuenisse. Viderunt porro diabolum specie draconis assidentem, atque illud diris morsionibus discerpentem, qui dixit, Hoc aurum & argentum est pretium cordis, quod mihi vendidit amicus vester, ideoque iure meum est, eoque pro arbitrato vti possum.

Ebrietas quoque adeò hominem dementat, vt quasi omni rationis vsu exutum in brutum transformare videatur; quin lotium Circes non tam bruta facit, atque vinum. Ideoque quidam ingeniosè ait: Ebrius nihil rectè facit, nisi cùm

in

in lutum cadit: vt scilicet tibi sapientiam & intellectum requirat, quæ in vino perdidit. Aftyages cum rogasset Cyrum, cur vinum non hausisset? Quia, inquit, metuebam ne in cratere mixta venena forent. Etenim cum tu in natalitijs amicum adhibuisti, perspicuè didici, eum vobis venena infudisse. Et quo id pacto, inquit ille, fili dignouisti? Quod videbam vos, inquit, neque corporis, neque mentis compotes. Vnde licet corpore sit præsentissimus, tamen ob impeditum rationis vsum, pro absente habendum vetus pæroemia ebriosum docet, si illum fortè monitum velis.

Xenoph. in
Pæd.

§. 11. *Curis euisceratur.* Lib. 6. cap. 6.

QVIS curas anxietatesque, quibus diu noctuque AV-
GVSTINVS lancinabatur, enumeret? Quis dicat, quo-
modo sanguifugæ illæ carnem sanguinemque ipsi exederint? Dixisses araneum, qui ad eò laboriosè telam suã texit, & diu multumque discurret, huc illucque circuit, sæpiùs in idem redit, nec visceribus suis parcit, vt multiplicem illam filorum rotam tandem absoluat; atque vbi omnia ex arte concinnauerit, & sublimè suspenderit magno tempore, nec minore labore; quid nisi culicem, aut bombizantem alicubi venatur muscam? Non est reuerà operæ tam diligentis pretium, non est istis impendijs digna merces. Impallescebat chartis superbus ille linguæ suæ institor, & panegyricos, & quid non captandæ Romanorum Consulum benevolentia causâ condebat? Sudabat, anhelabat, æstuabat, & mille morsionibus inordinatorum affectuum animus vellebatur: totum penè vitæ tempus vanis laboribus, multis doloribus, varijs terroribus, crebris suspitionibus, sollicitudinibus innumeris exercebatur. Quo verò fine? vt famam, id est, auram & strepitum, atque ex illa breuissimam voluptatem, quæ nascendo interit, adipisceretur. Quod, vt erat ingenio acri & perspicaci, ita se habere tunc pleniùs intellexit, cum pauperem mendicum Mediolani in platea, reci-

DOMINICA
XIV, post
Pentecost,

Lib. 6. Conf.
cap. 6.

taturus Arcadij Imperatoris laudes, offenditiam faturum, iocantem atque lætantem; quem longè seipso feliciorum existimauit, quòd ille pauculis & emendicatis nummulis iam adeptus esset, quod ipse tam ærumnolis anfractibus & circuitibus adhuc ambiebat, solatium scilicet temporalis felicitatis. Inhiabam, inquit Deo, honoribus, lucris, coniugio; & tu irridebas. Patiebar in eis cupiditatibus amarissimas difficultates, te propitio tantò magis, quantò minùs sinebas mihi dulcescere, quod non eras. Nempe vt pelagus venti, sic hominum corda perturbant rerum caducarum cupiditates. Magnam, inquit Ambrosius, faciunt tempestatem multitudines cupiditatum, quæ veluti in freto quodam corporis nauigantem hinc inde perturbant, & in scopulos non rarò impellunt, magnoque scelere demergunt.

In apologia
posteriore
David. cap. 3.

Quid veteres per Prometheum, cui ob cælestis ingenij acumen attribuunt hominis fabricam, raptumque è Solis rota ignem, nisi ciuicemodi homines designabant, qui quidem, instar Promethei, multa pulchra ingenio suo cudunt & efformant, sed quia ignem de cælo rapiunt, id est, inuentorum suorum laudem, non eâ quâ debent modestiâ Deo adscribunt, Palladem quoque ad stuprum sollicitant? ob quod delictum Prometheus maximam illam pœnam (laniationis viscerum) subiit: id est, quòd homines artibus & scientiâ multâ instructi, etiam sapientiam diuinam sensibus & rationi subiicere sæpiùs tentent: ideoque timoribus interstinis cruciantur & conficiuntur. Alligati enim gloriæ desiderio, veluti Caucaſo monti, innumeris cogitationibus (quæ quia volucres admodum sunt, per aquilam,ouis alitem, designantur) iisque pungentibus, & iecur mordentibus ac corrodentibus, quotidie vexantur, vt nec indulgeantur quidem nocturnæ cessationes & feriæ, nisi vt vegetiores redeant ad tormenta, nec vquam desit doloris materia, quemadmodum Prometheo tantum noctu iecoris renascebatur, quantum aquila interdum exederat. Nox, vt quidam

dam ait, reparat *Ingenij vires, fessaque membra leuat,*
 quò rursus fatigentur. Sed illos tandem Hercules, per
 quem Goropius Becanus Christum intelligit; vtpote cuius
 nomen ad insanissimas nugas, ab omni propè natione de-
 cantatas, serpentis calliditas detorsit: si enim veritas Luc-
 reh producta posteriore syllaba per spiritum appositum,
 idem nobis designat, ac si Latinus diceret felicitatis præ-
 paratorem, *die het geluck aenrecht*; miseros, inquam, illos,
 ac in primis AVEVSTINVM, Christus liberat, volucresque
 configit, dum modestiam exemplo præit, exigitque. *Discite*
à me, quia mitis sum & humilis corde, & inuenietis requiem ani-
mabus vestris, quam frustra alibi requiretis. At quàm ani-
 mo serenus, quàm expeditus à curis & inutili timore AV-
 CVSTINVS esse cœpit, vbi superba colla miti Christi iugo
 subdidit, atque plus ponderis Christianæ modestiæ inesse,
 quàm omnibus aliorum subtilitatibus, & typho doctrinæ
 expertus est. Tum ferò, licet ferò, intellexit veram animi
 stabilitatem & quietem non in ambitione, diuitijs, vel cor-
 poris voluptatibus, sed in illarum contemptu, & volunta-
 ria sui ipsius abiectione dilitescere. Ceterùm quis non vi-
 deat, homines auaros, libidinosos, aulicos, curis euiscerari,
 qui veluti echini ex se spinas gignunt, illisque perpetuò in-
 uoluuntur; ita suarum inquietudinū promotores existunt,
 neque vmquam nisi hoc satellitio cincti incedunt?

Lib. 2. hic.
 roglyph.

Matth. II.

In primis auari homines, quàm luridi, quàm cogitabun-
 di & tristes, quàm pallidi semper! pallore fortassis à num-
 mis mutuato, quos ideò pallorem quidam contraxisse scri-
 bit, quò d semper insidias metuant. Ecquando illi non sunt
 solliciti & intenti, vt aliquid lucelli captent: ecquando non
 anxij, ne in damnum incurrant, mille curas & negotia ani-
 mo voluentes? Similes videntur coruo quem Noë ex arca
 emisit, qui cum inuenisset passim fluitantia cadauera, illis
 adhæsit, pellectus escà, nec reditum ad quietudinem illam
 pristinam arcæ cogitauit: ita dum viles illæ animæ, terrenis

Matth. 13.

& cadauerosus huius sæculi bonis tantâ auuiditate insident, tranquillitatis animi, etiam volentes, obliuiscuntur: nec magnum Noachum Deum, nec beatam cōscientiæ pacem curant. Iure merito Dominus diuitias spinas appellauit, quia earum sollicitudo assiduè animum pungit, non secus ac spinæ corpora eorum qui in medio illarum versantur. Quo fit vt cælestium & æternorum obliti, rarò admodum & perfunctoriè de salute sua cogitent, neque solùm fures externos & latrones, sed etiam domesticos formident. Sæpè frater fratri, & filius parenti mortem machinatur, vt in opes & hereditatem inuolet.

Val. Max.
lib. 11. cap. 2.

Videre mihi videor, quoties auarum quempiam inter saccos nummis distentos constitutum video, fortissimum illum Romanorum, & integerrimæ fidei legatum Attilium Regulum machinæ inclusum, in qua vndique peracuti stimuli eminebant, vt nec diurnam nec nocturnam quietem capere posset, sed vigiliâ pariter & continuo doloris tractu necaretur. Ita & illi caput suum singulis penè momentis diu noctuque ad aliquem saccum, ad euentus rerum quas sibi imaginantur, ad computum, ad aliquam monetæ speciem allidere videntur. Nisi illos habere caput Medusæ, cum Isidoro Pelusiota malis dicere. quod serpentibus horridum aptâ similitudine curas & morsiones auarorum exprimit. Ex quo illius ciuis lamentationes semper mihi placuerunt, qui cùm ab Imperatore multis esset locupletatus diuitijs, sæpè dicere solitus erat, illius insidijs se otio & somno fuisse priuatum: ac si dixisset cùm illo apud Horatium,

Lib. 2. epist.
133.Plutarch. in
Sympos. 1. 2.

Serm. 1. satyr. 1.

*Me vigilare metu exanimem, noctesq; diesq;
Formidare malos fures, incendia, seruos;
Ne me compilent fugientes, quid iuuat? horum
Semper ego optarim pauperimus esse bonorum.*

Et Anacreon Teius, vt Stobæus Sermon. 19. refert, cùm à Polycrate Samiorum tyranno quinque talentis donatus esset, & duas propterea noctes varijs agitatus curis tradu-

xisset

xisset infomnes, manè Polycratem adiit, gratias egit, pecuniamque ad pedes eius deposuit, afferens se tantum pondus ferre non posse.

Si quis est qui hunc metum in se non est expertus, is Euclionem interroget Plautinum, & mox discet nihil plus timoris, inquietudinis & curarum adferre, quàm aulam multo auro grauem, quam qui diligenter occultare studet, ipsos etiam coruos crocitanes timebit.

Transeo ad procos qui libidini suæ seruiunt, quos non absque curis viuere indicat illa macilenta & cadauerosa facies. Ipsum infelicem Amorum magistrum audi:

Sed tamen hæret amor, crescitq; dolore repulsæ,

Et tenuant vigiles corpus miserabile curæ,

Adducitq; cutem macies.

Metam, 3.

Euiscerant se miseri, succum omnem vitalem concoquant, amplâ patrimonia exhauriunt, optimos vitæ dies perdunt, sibi ipsis spem ad maiora incidunt. *Ruben effusus est tamquam aqua, & non creuit, quia ascendit cubile patris; id est, vt Chaldæus explicat, cùm illi tamquam natu maiori sacerdotium & regnum deberetur, ad neutrum dignitatis locum ascendit, libidine illi viam intercludente, quæ & ipsum ad scædandû patris cubile impulerat. At quo fine hæc tam multa & pretiosa? potiundi vili mulierculâ. Et quid hoc tandem, nisi serò pœnitere? iuxta illud disertissimi Græcorum, à quo cùm Lais, nobile scortum, pro vna nocte decem drachmarum millia peteret, respondit: *Pœnitere tanti non emo.* Voluptas hæc aliquammodo quidem, dum suadet, vngit; sed vbi persuaserit, vsque ad mortem animam pungit. Semper illos, etiam cùm prosperè res videntur succedere, recurrentes curæ, mœrores, alternantesque spes & metus circumstant, nec se illis expediunt, nisi amoribus nuntium remittant. Qui amorem in animum admittunt, videntur mihi cum Troianis ciuibus maximâ festiuitale & gaudio fatalem Palladis equum intra mœnia inducere,*

Gen, 49.

re,

Sap. 1.

re, ex quo postea exierunt qui urbem incenderent, veteres Priami thesauros diriperent, omnia vastarent atque occiderent. Prodeunt ab amore tot curarum & inquietudinis agmina, ut omnia animæ corporisque bona funditus evertant. Etiam puerorum carminibus damnantur sub nomine Sirenum voluptates, quia quos ad se pellexerint, occidunt, atque tot albentia mortuorum ossa, quæ eminus videntur, illarum crudelitatem produunt. Hinc Sapiens ait, *Deus mortem non fecit, nec latatur in perditione viuorum: sed homines impij manibus ac verbis accersierunt illam.* Elegans quidem metaphora: qui alium longiùs stantem verbo vocat, si vocatus audire non potest, manibus signum facit ut accedat. Longè à nobis distabat mors, verùm hanc & voce & opere homines ad se vocarunt; sed super omnes luxuriosi, quia magis temperamentum corporis corrumpunt, & id sanitate priuant. Quod Romani fortassis innuebant, qui teste Plutarcho, ad ianuas templi Veneris funerea, hoc est, mortalia, vendebant: ut significarent, illam ipsam mortis causam esse, quæ voluptatum erat aduocata.

2. Reg. 14.

Citiùs mihi vberis campi aristas, onustæ cerasi fructus, Rhenanæ vitis acinos enumeraueris, quàm curas palatini, qui fauori principis sui inhiat: non tot vndarum fluctus, turbato mari, sibi inuicem succedunt propelluntque, atque in aulis aliæ ex alijs curæ succrescunt. Pulcherrimum quidem reddebant Absalomum, iuuenem omnibus aulæ artibus instructissimum, capilli, qui quo longiores erant, eo aptiores videri poterant ad augendum illius splendorem & pulchritudinem; *sed tamen casaries grauabat caput eius, & ingenti capitis dolore tenebatur, crescentibusque capillis ipse quoque crescebat dolor.* Accedat cuiuscumque aurea ab aula cæaries, non in comitata veniet, dolor curæque accedent. Quid incertius & magis inane, atque sine pondere, quàm somnia? & tamen vel ipsis summi Monarchæ terrenatur: sic enim de Nabuchodonosore ait Daniel: *Conterti-*

Dan. 2.

tus

us est spiritus eius, post visum somnium. aded etiam leues coniecturæ & suspiciones motum solitudinemque in aula creant. Et cuius hac in re validius testimonium adduxero, quàm illius qui etiam Cæsares docuit?

*Aurearumpunt testa quietem,
Vigilesq; trahit purpura noctes.
O! si pateant pectora ditum,
Quantos intus sublimis agit
Fortuna metus!*

Senec. in
Agam. &
Hercule
Octo.

Hinc illi qui vitæ integritatem, & bonæ conscientiæ non minoris quàm eruditionis testimonium existimarunt, motus temporum ac procellas non indiligenter vitarunt: neque aliter quàm si lapidibus in curia, republica ac foro pluat, domo se incluserunt. Bion interrogatus quis in vita maximè videretur anxius? Illum arbitror, respondit, qui in maximis rebus cupit esse fortunatus: mille curis angitur, vt assequatur quod optat, assecutus torquetur ne amittat. Omnes habere satagimus, non adepti dolemus, adepti timemus: mouent erepta, sollicitant eripienda.

Annon aulicus simili anxietate torquetur, ne gratiâ principis excidat, quâ Democles Siculus Dionysij tyranni assentator, mensæ quidem instructissimæ accumbebat, cum è laquearibus setâ equinâ suspensus mucro vertici impenderet? nec minus anxietatis, minusue periculum subesse dubitem asseuerare. Vnde, vt hoc per digressiunculam dicam, eos optimo vsos consilio arbitror, atque etiamnum esse qui vtantur, memores, potentiam in aula rarò consenescere: & non minùs certò interitum gratiæ expectandum esse, quàm vitæ; ideoque sacrum Cardinalitium ordinem lubenter adoptant non ambitiosi, sed prouidi: nempe vt liberum habeant in supremis casibus, ad templum aramque perfugium. Attamen quid plerumque aulicus, vltioris iam moræ impatiens, saturque vitæ, domum defert, nisi, vt quidam aiebat, serò sapere, atque

Strada lib. 3.
Bell. Belg.

pœnitere? Putant miseri, quamdiu sperant & expectant grandia, se multum proficere. Interim vix centesimus, quod somniauit, assequitur: tum postquam subduxit rationes, & curarum sarcinam, euentus lubricos, fœdissimam seruitutem, timores, insidias, cruces, fastidia, inuidias, simulationes, noxas, nequitias numerauit (quæ vnâ semper habitant, semperque aulæ asseclas diuexant) sine dubio inueniet seipsum turpissimum atque egentissimum esse mancipium.

Placeat magis vita suo contenta, quam illa alienis semper inhians, suis affatim diues, si fatura. Præfer liberale otium huic tam operoso, & periculosa pleno aulæ negotio, vbi non nisi per maxima pericula ascenditur ad grandius periculum, vt S. Pater noster ait. O felicem à rerum aulicarum tumultu recessum! vbi mens libertate suâ fruens, nullis obnoxia est terrificationibus, Dei beneficentiâ cum gratiarum actione fruitur, & quod Superi ætatis adiecerint, transigunt in rerum diuinarum contemplatione. Sæpè sæpiùs dico, atque in animo meo sentio cum illo apud Senecam, & vtinam plures mecum!

Lib. 8. Confess. cap. 6.

In Thyeste.

Stet quicumque volet potens

Aula culmine lubrico:

Me dulcis saturet quies.

Obscuro positus loco

Leni perfruar otio.

§. III. *Absconditur illi Deus.* lib. 10. c. 2.

DVm attentâ cogitatione super hac peccatoris amentia non nihil hæreo, non occurrit cui aptiùs eum, quam struthioni, comparem: quem grauissimi Auctores scribunt caput inter frutices abdere; & licèt toto reliquo corpore extet, credere se à nullo conspici, nec à venatoribus capi posse. Vis huius simplicitatis imitatore virum alioquin magnum & Prophetam? Is Ionas est: qui de se refatur,

statuatur, quòd fugerit à facie Domini, naulum dederit, soluerit in Tharsis, cùm iussus esset à Domino pergere in Niniuen ciuitatem grandem, & prædicare in ea; quasi fugâ se Dei potuisset subducere imperio, atque Deus desisset esse præsens, quia ipse locum mutauerat. Magna stoliditas: hoc ipso alijs visum eripis, quo oculos claudis? Id luaui risu in puerulis familiares & consanguinei interdum excipiunt, quòd faciem à matribus tecti, dum aliquid metuunt, reliquo corpore se putant inuisibiles. Abscondas tibi miser peccator, quantum volueris, Deum, & lucem irradiantis gratiæ abdito cordi pessulo ab animo exclude; numquam efficies vt ab ipso, futuro quandoque iudice tuo, & iustissimo flagitiorum vindice, non videaris: ille intimis consilijs rebusque remotissimis interuenit. Si Psal. 138. ascenderis in cælum, illic est; si descenderis in infernum, siue (vt antiquum prouerbium habet) licet Orci galeâ tegaris, fortunato Gygis anulo manum armaueris, adest Deus, & omnia coràm inquetur. Quoties alicui vehementiori affectui succumbis, vel irâ furis, vel libidine æstuas, vel superbiâ inflaris, vel inuidiâ liues; serenitatem animi tui exasperas, & quietem illam, in qua tibi inueniri viderique solebat Deus, turbas: quemadmodum aqua stagnans & limpida priusquam moueatur, rerum sibi obiectarum imagines quidem refert; sed agitata, nihil.

A mortalibus peccatis abstine, & in te perpetuò Dei imaginem similitudinemque seruas; at si, vt dixi, animum inquinaueris, absconditur tibi Deus. Tum enim, vt aliò declinemus cogitationem, sis reus, & quemadmodum Amanno statim operuerunt faciem, nec non Susannæ; illâque ceremoniâ declarauerunt ministri regij esse morti obnoxios; ita vbi in culpam lethalem incidere, velaris non quòd non videaris, sed sempiternæ pœnæ designeris debitor. Quod deprecans illa ait: *Indica mihi, vbi pascas, vbi cubes in meridie, ne vagari incipiam.* quod Septuaginta vertunt, *Ne efficiar,*

sicut velata, id est, rea mortis. Velabant quidem sacrilegi carnifices Saluatori nostro in passione sua faciem, & quasi ignaro à quo percuteretur, alapas certatim impingebant: at ipse, quid quisque moliretur, optimè nouerat, omnia propiùs intuebatur. Absconderant tantùm sibi benigna Iesu lumina, qui peccantes respicere solet, atque ad lacrymas prouocare; at illum magnum, & omnia videntem diuinæ præsentia oculum non eruerant. Non caret mysterio, quod Euangelista ait de Iuda proditore: *Cùm ergo accepisset ille buccellam, exiuit continuo. Erat autem nox.* Facinus nempe illud proditionis horrendum, excluso omni lumine gratiæ, talem animo ipsius noctem adduxerat, vt deinceps Dominum suum numquam viderit, licèt ipse semper visus. Non ideo cælo suæ faces & lumina exciderant, quia duo senes illi Babylonij, destinato animis adulterio, *declinauerāt oculos suos, vt non viderent calum, nequis recordarentur iudiciorum iustorum.* Contēplatus est omnia, sed patienter, ex alto Deus, & immisso spiritu suo in puerum Danielelem, facinus detexit, cortinam sustulit, & iniquas illorum machinationes protraxit in lucem, lapidibusq; obruendos decreuit. Adulter quidem ait: *Quis me videt? tenebræ circumdant me, & parietes cooperiunt me, & nemo circumspicit me: quem vereor: delictorum meorum non memorabitur Altissimus. Et non intelligit quoniam omnia videt oculus illius, quoniam expellit à se timorem Dei huiusmodi hominis timor, & oculi hominum timentes illum. Et non cognouit, quoniam oculi Domini multo plus lucidiores sunt super solem, circumspicientes omnes vias hominum, & profundum abyssi, & hominum corda intuentes in absconditas partes.* Optimè S.P. AVGVSTINVS: Oculum tuum non excludit cor clausum, nec manum tuã repellit duritia hominum: sed soluis eam cùm voles, aut miserans aut vindicans, & non est qui se abscondat à calore tuo.

Nocte ubi noxa latet, mens sibi luna domi est.

Quanto meliùs sapientiusque assiduis à Deo precibus flagitares,

Ioan. 13.

Dan. 13.

Eccli. 23.

Lib. 5. Confess. c. 1.
Psal. 18.

gitares, ne auertat faciem suam, plenam consolationis & misericordix, sed illam iustitix & indignationis, à peccatis tuis; & Spiritum sanctum ne auferat à te. Ingemina sæpè cum Dauide: *Tibi dixit cor meum, Exquisiuit te facies mea, faciem tuam Domine requiram.* Aut cum Philippo: *Domine, ostende nobis Patrem, cuius benignus in filios est aspectus, & sufficit nobis.* Illos oculos, mi suauissime Iesu, in me vibra, quibus dum Petrum respiceres, *egressus foras fleuit amarè:* quibus dum Magdalenam ad pedes tuos prostratam intue- ris, reatu omnium delictorum absoluis: quos dum in humilitatem sanctissimæ matris tuæ iacis, omnium charismatum copiam in illam supereffundis: *atque ex hoc beatam eam dicent omnes generationes.* In quas miseras ille deuenerat, qui Deo dicebat: *Ecce iicis me hodie à facie terra, & à facie tua abscondar,* non utique ab irata illa facie feueri iudicis, sed à miti & indulgente optimi patris. Hanc quoque tu tibi, ô ter infelix, abscondis, quamdiu in pristina perditionis via uersaris: ac similis es cæco, cui licet color adsit & lumen, nihil tamen uidet: Deū licet Sancti videant, nec tibi minùs quàm illis sit præsens, illum uiderenon potes. *Ecce qui elongant se à te, peribunt: perdidisti omnes qui fornicantur abs te.* Quæ locum alibi S. P. AVGVSTINVS ad propositum nostrum elucidat. Recedit, inquit, à te Deus, cum tu recedis à Deo: præsentia sunt cæcis omnia, sicut uidentibus. vno loco stant cæcus & uidens, iisdem formis rerum vterque circumfunditur: ille est præsens rebus, ille absens: ex duobus vno loco stantibus, vnus est præsens, alius absens, non rebus ipsis ad alterum accedentibus, sed propter dissimilitudinē oculorum: ille qui cæcus, quia extinctum est ibi, quod contemplari solet, luce cuncta perlustrante, frustra est præsens rebus quas non uidet; imò rectiùs, absens quàm præsens dicitur, ubi non est sensus eius: hoc est, absentem esse, sensu abesse. Sic Deus præsens, vbique totus est: sed fructu præsentix eius infelix peccator non gaudet.

Psal. 50.

Psal. 16.

Ioan. 14.

Luc. 21.

Luc. 7.

Luc. 1.

Gen. 4.

Psal. 27.

Enarrat. in
Psal 99.

§.IV. *Ambulat per tenebras & lubricum.* Lib. 2. c. 3.

Eccli. 11.

POtiores huius assertionis partem confirmat Ecclesiasticus: *Error & tenebra peccatoribus concreata sunt.* q. d. Veluti illi qui densâ caligine iter faciunt, bonæ fortunæ imputare debent, si non exerrent: ita ijs accidit qui intellectum peccato obfuscatum gerunt, & longius quotidie à via, qui Christus est, recedunt. Dauid de se ait: *Timor & tremor,* (id quod etiam Caino propter paricidium accidit) *venerunt super me, & contexerunt me tenebrae* Meræ noctis & tenebrarum similitudinem peccatum habet. Non sic, ait Chrysológus, nubes cælum, nox diem, solem caligo, quomodo mentem cæcat inuidia. Quod ante illum D. Ioannes quoque asseruit: *Qui odit fratrem suum, in tenebris est, & in tenebris ambulat, & nescit quò eat: quia tenebrae occæcarunt oculos eius.* Idem alibi volens ostendere, Verbum quidem humanam assumpsisse naturâ, sed omnis peccati expertem, quam nec aliena scelera inquinare potuerunt, inquit, *Et tenebrae eam,* scilicet lucem diuinitatis, *non comprehenderunt.* Similiter Apostolus scribit: *Nox præcessit, dies autem appropinquauit.* Nox est tempus ante Christum, plenum tenebris infidelitatis & peccatorum: dies est tempus præsens Euangelij, quo sol Christus lucis suæ, id est, gratiæ & fidei, radios toto orbe diffudit. quod diu antè Isaias vaticinatus fuerat: *Populus qui habitabat in tenebris, vidit lucem magnam, & sedentibus in regione umbræ mortis, lux orta est eis.* Et Saluator noster confirmauit: *Ego sum lux mundi: qui sequitur me, non ambulat in tenebris.* Præsentem igitur iam Christo, & in luce Euangelij, quo nox peccatorum abiit, dies gratiæ, iustitiæ & salutis illuxit, *abiiciamus opera tenebrarum,* id est, peccata quæ tenebras quærunt, lucemque Dei & hominum fugiunt, iuxta illud Iobi: *Oculus adulteri obseruat caliginem, dicens: Non me videbit oculus: & operiet vultum suum: perfodit in tenebris domos, sicut in die condixerant sibi, & ignorauerunt lucem. Si subito appa-*

Psal. 54.

Gen. 4:

1. Epist. 2.

Ioan. 1.

Rom. 3.

Isa. 9.

Ioan. 8.

Rom. 13.

Iob 24.

paruerit

paruerit aurora, arbitrabuntur umbram mortis, & sic in tenebris quasi in luce ambulant. Non igitur sine mysterio fuit quòd Christus ante auroram resurrexit, vt eò nempe ostenderet se mortuum in nocte peccati, atque iam propriâ luce auspicari diem remissionis & gratiæ.

Quid manifestius quàm quòd peccata nox & tenebræ in S. Scriptura appellentur? Possunt enim huius comparationis variæ assignari rationes. Inprimis, sicuti in nocte omnia quiescunt, nemo aliquid operatur: ita in nocte peccati mortalis opera meritoria cessant, quantumcumque aliquis oret, ieiunet, eleemosynas faciat; frustra sunt omnia: donec rursus sit in statu gratiæ, nihil omnibus illis promeretur.

Deinde quemadmodum tunc serpentes & venenata animalia egrediuntur antris suis, sic inducâ nocte vel vnus peccati lethalis, omnes malæ inclinationes insurgunt. *Posuisti, ô peccator, tenebras, & facta est nox, in ipsa pertransibunt omnes bestia siluæ, catuli leonum rugientes vt rapiant.* Verissimè dixit etiam Ethnicus, vnum perpetratum scelus, gradum esse futuri. Quid Dauidi accidit, etiam vulgo notum. Ille qui antea infensissimo sibi hosti, & quem ei Deus in manus tradidisse videbatur, quiq; nocens erat, pepercerat, quia iam tum adhuc erat

Psal. 103.

Seneca.

Integer vita, scelerisq; purus;

Horat.

iam adulterio infamis, etiam sibi fidelissimum, & cuius vtilis illi erat opera, & innocentem. *percussit gladio filiorum Ammon.* Qualis bestia ex vnus flagitij nocte, quantus sæuientis leonis catulus prodijt!

2. Reg. 12.

Rursus, quid euidentius quàm cæcos in densissima nocte, & Cimмериjs tenebris assiduè versari? At peccatoribus in Scriptura varijs locis cæcitas tribuitur. Sophonias ait: *Ambulant vt cæci, quia Domino peccauerunt.* Et Sodomitæ, cum Lot vim facerent, *iamq; propè esset vt effringerent fores,* etiâ corporali ab Angelis *cacitate percussi sunt a minimo*

Sophon. 1.

Gen. 19.

que

Lib. I. Conf.
cap. 18.

August. lib. I.
quæst. 34. sù-
per Gen.

4. Reg. 6.

Num. 22.

que ad maximum, ita vt ostium inuenire non possent. Igitur peccatores in tenebris ambulant: quia, vt alibi AUGUSTINVS ait, Deus solus magnus, habitans in excelsis, lege infatigabili spargit pœnales cæcitates super illicitas cupiditates. Idemque peccatoribus, quod Sodomitis accidit: Cetera omnia videbant, plateas, domos, arbores, aërem, & tantum ostium domus Lot non videbant. Aquilinis oculis sunt quidam mercatores in struendis fraudibus, in lucrando centum in centum, in cambijs, alijsque negotijs: curiosè se puellæ ornant, omnes nouas formas imitantur, faciem pingunt, crines crispant, vt fatearis illas vel Argo fuisse oculatiores, vel non omnia potuisse ita perspicere. Quis etiam perspicaciùs videt, quàm plures ex leguleijs & Cerberis forensibus, ad emungendam Euclionis alicuius aulam? Et tamen hi omnia alia cum videant, partem aulae cælestis non vident, ambulant *vt cæci, quia Domino peccauerunt*. Quin similes sunt militibus missis à rege Syriæ vt Eliseum comprehenderent, eò quòd is regi Israel omnia quæ habebat in corde, reuelaret, quos Dominus ad preces Prophetæ ἀπορασία, id est inaduertentiâ (quod S. AUGUSTINVS audentiam vertit) percussit; ita vt cum ipso Eliseo irent, nec tamen aut illum agnoscerent, aut quòd ducerentur, scirent, donec in medio ciuitatis Samariæ constituti se delusos agnoscerent. Sic, dico, sunt peccatores, qui aliâ atque aliâ viâ vadunt, sed velati oculos, vt nihil aduersum, nihil triste cernant, nisi vbi fuerint in medio terræ hostilis, vnde rebus integris nullus vnquam euasit. Quàm multis olim in Belgio imposuit hæresis, quàm blandè pellexit, fouit! nec nisi iam morte imminente illius fallacias perspexerunt, quamque parum foret præsidij, & spei salutis in religione, quam perperam vocant Reformatam. Alius ab avaritia excæcatus, similis Balaamo, qui, a sinâ vidente Angelum, nihil omnino videbat, ad furta pergit, & latrocinia exercet; at, cum ducitur, aperiuntur ipsi oculi,

oculi, videtque imminentem mortem & infamiam, atque tum seriùs cæcitatem suam deplorat. Tertius aliquis falsæ amore libertatis deceptus, sana amicorum consilia respuit, nec iuuentutem suam Musis, nec Mercurio, nec labori consecrare curat, qui vbi vita effluerit, iamq; grandiori ætate se necessarijs ad vitam honestè tutandam præsidijs destitutum videt, frustra illam serò sapientium cantilenam canit:

O mihi præteritos referat si Iuppiter annos!

Virgil.

Nónne illas quoque cæcitate laborare dixeris, quæ nullas procorum blanditias, nulla lenocinia, vergere in ruinam suæ virginitatis credunt? quæ nullos Danaos, nullos donaferentes, nullos etiam magnates, suspectos habent? Sed positæ in medio Samariæ, factæ iam fabula & ludibrium 4.Reg.6.

vulgo, propter intumescentem vterû, se cæcas fuisse agnoscunt, doloremque lamentabili voce exponunt: Ah! quò deueni? quò flos decorque iuuentutis meæ decedit? &c. Similiter adolescens amoribus meretriciis deditus, vbi alicui flagitium persuaserit, noctemque à formosa impetrauerit, vadit exultabundus, gaudensque, & summam sibi felicitatem obtigisse stolidus imaginatur. Irretiuit, inquit Sapiens, Prouerb.7.

eum multis sermonibus, & blanditijs labiorum protraxit illum.

Statim eam sequitur quasi bos, qui, quia ei cornua inaurantur, floribus coronatur, cum tympano lituoque circumducitur, alicui videri posset ceteris felicior: sed, eheu! ductus

ad victimam occiditur, & quasi agnus lasciniens, & ignorans

quòd ad vincula stultus trahitur, donec transfigat sagitta iecur

eius. Donec exhaustâ bursâ, patrimonio absumpto, acquisita infamiâ, fracto delumbatoque corpore, antea actæ vitæ

infamiam videat, atque miretur se antè non prævidisse

hanc se, illam in quam pronus vehebatur. Audi quid ceteri

qui peccauerunt, non in medio Samariæ, sed in inferno dicant: Errauimus à via veritatis, & iustitiæ lumen non luxit nobis, & sol intelligentiæ non est ortus nobis. Nempe illis idem

accidit quod Archimedi captis Syracusis. Marcellus ma-

Sap.5.

Val. Max. l. 8.

cap.7.

chinationibus Archimedis geometræ multū ac diu victoriam suam inhibitam senferat : eximiâ tamen hominis prudentiâ delectatus , vt capitî illius parceretur, edixit. At is dum animo & oculis in terram defixis formas describit, militi quî prædandi gratiâ domum irruperat, stricto quæ in caput gladio, quisnam esset interrogabat; propter nimiam attentionem studium quæ inuestigandi quod requirebat, nomen suum indicare non potuit. Sed protracto manibus puluere, Noli, inquit, obsecro, istum disturbare: ac proinde quasi negligens imperij victoris, obtruncatus, sanguine suo artis liramenta confudit. Ita, etiamsi diuina ultio stricto gladio in ædes illorum non semel irruerit, palam quæ edixerit, *Nisi conuersi fueritis, gladium suum vibrabit, arcum suum tetendit, & parauit illum*; non præsentis vel futuri temporis significatione, sed præteriti vsa, quò altiùs animis eorum imprimeret, vt pulueres illos vanitatis, & nugæ huius sæculi defererent, aut saltem oculos attollerent ad præsentissimum periculum, ne perirent; tamen pulueribus suis immortui sunt.

Psal. 7.

Iudic. 16.

Lib. 7.
Moral. c. 13.

Psal. 11.

L. I. Ornith.

Ad verba illa Sophoniæ, *Ambulabunt vt cæci, quia Domino peccauerunt*, dum iterum cogitationem reflecto, occurrunt varij modi ambulandi cæcorum, qui in ipsos peccatores apprimè quadrant. Alij enim ad hoc excæcantur, vt in orbem ambulent, & molam circumagant; in quem finem Samsoni fortissimo Hebræorum Philistæi oculos eruerunt. Qui modus ambulandi miserrimus est, & quasi infinitus. Peccatori diabolus quoque, inquit D. Gregorius, intus aciem contemplationis offundit, deinde foras in circuitu laborum mittit, iuxta illud Dauidicum, *In circuitu impij ambulant*, instar equorum in molendino. Alij circumagunt, seu potiùs circumaguntur, in pneumática mola superbiæ, alij in argentea auaritiæ, alij in oleacea adulationis, & ad centrum, quod nobis Deus est, numquam pertingunt. De aquila scribit Aldrouandus, illam dum pugnat contra ceruum,

uum,

nam, puluerem alis collectum in oculos istius excutere, vt mox excæcatum præcipitet: ita aduersarius noster diabolus, quos aggreditur, obiectis diuitijs & voluptatibus, alijsque illecebris excæcare, & in casses suos præcipites dare annitur.

Est etiam alius modus ambulandi cæcorum, nempe dum puerum vel canem viæ sequuntur ducem. Nec absimili ratione multi à pueris suis, quorum causâ scœnus committunt, alijsque sceleribus & iniustitijs seipsos commaculant, ducuntur, quasi cæci ad infernum. Alij canem ducem habent, ij scilicet qui gulæ, mordacitati, inuidiæ, alijsque vitis caninis indulgent.

Et quanta hæc, ô Deus! calamitas & miseria, ambulare in tenebris, & suauissimâ lucis vsurâ priuari! Meritò Tobias cum ab Angelo salutaretur, *Gaudium tibi sit semper*; respondit: *Quale gaudium mihi erit, qui in tenebris sedeo, & lumen cali non video?* Quia nimirum tenebræ & cæcitas, sunt quasi omnium malorum quoddam compendium. Quod indicare videntur illa Saulis verba, quando angustijs vnde quaque circumdatus, dixit armigerò suo iuxta translationem Septuaginta: *Confice me: nam apprehenderunt me densæ tenebræ.* 1. Reg. 31. quemadmodum & epitheton *horribilis*, quod solis tenebris inter decem Ægyptiorum plagas, tributum est. *Factæ sunt,* Exod. 10. inquit textus, *tenebræ horribiles in vniuersa terra Ægypti tribus diebus.* Quid inferno tristius, quid miserabilius? Hoc vt Iob exprimeret, *terram* vocauit *tenebrarum*, ductâ quadam Iob 10. similitudine à diuersis terræ nostræ habitabilis partibus, quarum alia terra auri, alia terra butyri, alia terra ferri, alia terra equorum nominatur: sed hæc tenebrarum, quia nimirum non habebat aliud epitheton paratius ad manum quo diras damnatorum pœnas aptiùs exprimeret. Vt enim in cælo lucerna eius est agnus, efficitque vt non aliâ luce, Apoc. 21. neque sole indigeant inquilini cælestis Ierusalem, matris nostræ; sed omnes affatim exhilarat, summâque beati-

rudine perfundit: ita tenebræ infernales, quas fumidus ille & vaporosus ignis exhalat, summam mœstitiam & dolorem damnatis adferunt:

Quantum denique malum peccatum homini accersat, colligi vel inde potest, quòd non tantùm per tenebras, sed & per lubricum incedat, & qui in vno offendit, factus sit ad omnia procliuis.

Iac. 2.

§. V. *Dæmonibus est voluptati & derisui.*

Lib. 4. cap. 2.

DOMINICA
III. Quadra-
gesimæ.
Heb. 1.
Lib. de ani-
ma cap. 2.

De vita con-
templ. c. 3.

Iob 2.

Lib. 8. Vit.
Patrum c. 44

Nonne ijs qui à Lucifero ad ruinam nostram procurandam destinantur, quemadmodum beati illi & cælestes genij in ministerium missi sunt propter eos qui hereditatem capiunt salutis? Cui enim hominum, (vt Tertulliani verbis utar) non adhærebit nequam, ab ipsa etiam ianua natiuitatis animam aucupabundus? Quod S. Prosper valdè deplorans ait: Heu! quàm subtiliter nos ille decipiendi artifex fallit! quantâ cæcitate oculos nostræ mentis obducit, ne discernamus gaudendi auidi, vnde iustiùs gaudeamus! Siste hîc paulisper cogitationem tuam ad illa verba D. Prosperi: Quanta cæcitas oculos nostræ mentis obducit! & simul in animam reuoca qualem Belgarum pueri ludant lusum. Hi vni è grege suo tâdiu oculos velant, donec ex socijs quempiam manu apprehenderit; interea omnes lusitabundi circumcurstant, & exertis digitis errabundum & auras prestantem irritò conatu derident: ita dæmonibus peccatores sunt voluptati & derisui. Quod ne sanctissimo Prophetæ Iobo accideret, edixit Deus satanæ: *Ecce in manu tua est, verumtamen animam illius serua.* Quod quidem alij aliter interpretantur, sed Olympiodorus sic exponit; Animi partem ne attinge, intellectum delusoriis phantasmatis ne perturbes, nec rationis lumen quauis ratione obfusces, quòd tibi ludibrium debeat. Cõtrâ accidit viro summæ abstinentiæ, qui labore manuum quotidianum victum comparabat,

in

in oratione noctu diuque persistebat, cūctis denique animi virtutibus florebat. Ad hunc enim accedens tentator, & laqueos parans, finxit se decoram mulierem sub noctem oberrantem per eremum: quæ velut fessa post nimios itineris labores, cū ostium inuenisset apertum, ingressa est speluncam; & procumbens ad viri genua petijt, vt sibi illic liceret quiescere, vtpote quam nox apprehendisset. Ille cū mulieris esset misertus, quod quidem non debuit, eam admisit in speluncam, & de errore varia est percontatus. Illa & narravit, & blanda ac fallacia verba insperfit, sermonem diutiùs cum eo protrahens; sensim interea nescio quomodo pelliciebat ad amorem: adeò vt plura deinceps inter se verba conferrent, riderentque ac in gaudia soluerentur, donec eum ipsa multo denique sermone seduxisset. Itaque tandem cōrectatione manus, & genæ, & ceruicis, exercitorem meum redegit in seruitutem. Nam licet ille internis fluctuaret cogitationibus, reputans tamen habere iam se in manibus rei opportunitatē, & voluptatis explendæ securitatem, cogitationi assentitur, tentatque cum ea commisceri, vt qui iam euasisset insipiens, & equus in feminas infaniens. Illa verò cū repente magnâ voce exclamasset, vmbra ad instar ex illius manibus euanuit. Cachinni autem in aëre auditi sunt multorum dæmonum, senem irridentiū, ac magnis vocibus insultantium: *Qui se exultat, humiliabitur.* Ex quo facile est colligere in inferno non minus esse gaudium super iusto aliquo, virtute & meritis eccellente, si corruat, quàm in cælo super peccatore pœnitentiam agente.

Luc. 13.

Luc. 15.

Inexplebiliter, inquit D. Prosper, diabolus de perditorum captiuitate tripudiat. Tormentis nostris delectatur, doloribus refrigeratur: effusio nostri sanguinis, est ei poculum mellis. Nullum saccharum, nullum vinum, ita exhilarat dæmones, atque nostræ ebrietates, & sordes libidinum.

De vita contempl. c. 15.
Petrus Cellens lib. de 5. panibus, c. 20.

Et Chrysologus de illo ait: Caput fatietatem, voluptatem

Serm. 12.

percipit, expletur epulis, quando nos libido soluit, quando moriuntur virtutes, viuunt vitia.

Sed quoniam puerorum nostrorum mentionem supra fecimus, est & aliud quo impensè se oblectant. Simulant se velle compedes fatuo, qui per plateas vagatur, iniicere; & filum vel stramen expediunt, vt ad anulum ostij vicinioris alligent: ille verò existimat se fortiùs ligatum, quàm Martem cum Venere Vulcanus implicauerat; flet, eiulat, extremam opem implorat, nec vel pedem mouet, non ob impotentiam, sed iudicij errorem. Interea pueri

Perſius.

ingeminant tremulos naso crispante cachinnos,
fortissimè ligatum clamant, atque illi in vinculis permanendum esse. Quo edicto non secùs percellitur, atque reus iudicis sententiã. Hunc quoque ludum seriò ludunt dæmones, dum non inscitiam affectuum nostrorum, sed insaniam rident, quòd peccatorum illecebrâ irretitos, ad excutendum tam futile iugum, nullus ardor inuadat; quòd velut herculeo quodam nodo, sic terrenis rebus illigatis, nulla sursum euolandi voluntas potiùs quàm potestas suppetat. Verissimum quidem est quod Sapiens ait: *Iniquitates suæ capiunt impium, & funibus peccatorum suorum constringitur.*

Prou. 22.

Lib. 4. Moral.
cap. 25.

Quinimò, vt Gregorius, Quot vitiis peccator astringitur, quasi tot vinculis ligatur. Et sic multiplicatur captiuitas & seruitus peccati, duriorque fit ac miserabilior multiplicatis vitijs. Sed quid tandem est, quo vniuersim mundus detinetur? Si libet, propiùs inspiciamus, & enumeremus. Honores sunt, inquires. At quid, nisi fumi? diuitiæ, vmbre sunt: nomen & fama, aura ac strepitus: voluptates, fallax prurigo, primò blandiens, postea dolens. Atque seriò iam tecum statue an fumi, vmbra, aura & strepitus, vilis denique prurigo captiuare nisi insipientem possint? Vt verò ab vniuersalibus magis ad particularia descendamus; quàm ridiculum, si pulicem post se trahentem auream catenulam conspiciamus? in ostentum eiuscemodi pulex circumfer-
tur:

rur:ita & dæmones viros diuitiarum quasi ostentui habent, quibus cùm imposuerint diuitiarum iugum, quocumq; voluerint inclinant, per terras agunt & maria; & omnigenas perpeti itinerum molestias, atque aëris incommoda miseros illos cogunt. Si homo adolescens, robustus alioquin & eruditus, arbitretur se aheneis vinculis præditum, dum amasiæ suæ amoribus implicatur, & assiduè secum murmuret, nõnne ridiculum? Illane formæ præstantia, illud oris decus, illæ genæ, illæ sororiantes mammæ, totus denique lepos, vincula sunt, ne Herculeâ quidem rumpenda manû? O insane! stramen tantùm, vel tenuissimum filum est, animum si regas. Tecum cogita, quemnam illa quæ diximus, vel pilo vno effecerint aut sapientio rem, aut longæuiorem, aut tranquillio rem, aut denique beatio rem? Nemo non pèior amoribus illicitis euasit, tantum abest vt melior vmquam effectus, aut horum auxilio firmiora latera, ingenium uè subtilius sit assecutus. Verè stramen, & nullius momètiaut expectationis crepundia te detinent, vt sis dæmonum pila & ludibrium. Vt alios omittam, nulli histriones, nulli parasiti, fatui nulli, tam regibus sunt voluptati, atque diaboli magis suis & incantatoribus delectantur: horum verbis & impijs cæremonijs simulant se cogi, cùm nihil libentiùs faciant, quàm vt se præbeant turpissimis perditorum hominum vitijs vel impulsores, vel ministros. Simulat se dæmõ captum, vt te capiat; se vincitum, vt te vinciat; se tuo imperio subditum, vt te sibi subdat; à te inclusum, vt te finaliter includat; fingit se arte tuâ, vel imagini, vellapidi alligatum, vt funibus peccatorum ad inferos te perducatur. Qua in re tam callidè pessimi illi genij versantur, vt, si quis apicem ex incantandi formula omiserit, mox ei aut ingentem terrorem, aut vitæ periculum, aut mortem etiam ipsam inferant; quasi in læsæ maiestatis suæ, vel seruitij coacti vindictam: cùm tamen nihil minùs quàm lædantur, vel cogantur inuiti. Interdum quò fraus meliùs

succe-

succedat, vera quædam produnt, & nonnumquam ea faciunt, velut quadam verborum vi inducti, quæ in speciem bona piæque videntur; sed nullo profus veritatis pietatisque studio, quod minimum habent; sed vt commodiorem aptioremque imposturæ suæ larvam prætexant. Quoties verò hos fanaticos, maximè mulierculas, vanis pollicitationibus, mentitis choreis, epulisque maginariis, illudunt? Et quid nisi vt miserrimos hosce deceptissimosque voluptati & derisui habeant? quibus nihil magis cordi est, quàm homines supplantare: & quia Deo quem oderunt nihil nocementi inferre possunt, illos tentant ire perditum qui expressam in se Diuinitatis imaginem gerunt.

Sic etiam dæmon nimis credulos idolorum cultores deridebat, dum ambiguâ responsione ignorantiam suam, (quidquid Plutarchus in Pythia reclamet) contegens, consultores suos veluti naso suspenderet. Quemadmodum responsum fuit Pyrrho ab Apolline Delphico,

Aio te Aeacida Romanos vincere posse:

& Cræso regi Asiæ expeditionem in Persidem paranti,

Cræsus Halym superans magnam peruertet opum vim.

Ex quo erui non poterat suamne an hostium vim esset euerurus. Simili quoque versutiâ Epaminondâ Thebanum ante Leuctricam victoriam ludere conatus est. At ille, cum duo contraria auguria, quo tempore moturus erat castra, apparuissent, quorum altero victoria, altero clades portendebatur; anxios inde milites conspiciatus, ac sciens res huiusmodi esse vanas, generosè dubia responsa interpretatus est; dixitque mouens castra, altero suis promitti victoriam, si fortiter hostem aggrediantur; altero autem cladem, si ordinem in acie non tenuerint, vel ducibus non obtemperarint. Sic ipse dæmones sibi ludum facientes, hac interpretatione ludificatus est.

Quid postremò de ebriosis dicam? Plato mira refert de iuuenibus quibusdam Agrigentinis, qui cum tantum vini hau-

Vide Eugubinum in sua Cosmopoeia.

& Euseb. l. 5. c. 10. Præparat. Euang.

Diodor Sicul. lib. 15.

In Timæo.

hausissent, vt mentis emotæ essent, sibi que in triremi cubare, ventisque grauibus agitari viderentur, timentes ne nauis onere depressa mergeretur, eam exonerare certatim adorti sunt; atque è fenestris extra domũ mensas, lectos, arcas, alia que plura proiecerunt: vigilibus factum admirantibus, & (quis dubitet?) dæmonibus voluntariam hominum insaniam irridentibus. O ventres, ô congij, quot ludibria dæmonibus debetis! Quàm illi lubenter de vestro vomitu, de corijs ludunt! Quo quid miserabilius grauiusque excogitari potest? Nemo enim, tametsi vilissimæ conditionis, explodi ab amicis sustinet; quantum ergo tormentum fuerit, si hostes, ijque infensissimi, ingenuum & liberalem naso adunco suspendant, ei que acerbè insultent?



LIBER SECVNDVS,

CAPVT PRIMVM.

*S. I. Causa fundamentalis conuersionis S. AVGVSTINI
fuit æterna Dei prædestinatio.*

THEMA CONCION.

Quos autem prædestinauit, hos & uocauit. Rom. 8.



SEPTEM per hiemes in mari iactatus fuit Troianus Æneas, varijsq; erroribus exercitus, dum fugientem sequitur Italiam, & omnium quæ futura erant ignarus. Sciebat tamen diuina prouidentia, quæ hæc inferiora è vertice despicit, quæ que se ad omnes omnino res creatas extendit, quemadmodum prædestinatio ad solos homines, cui rei tot circuitus, tot itinerum volumina, tanta temporis mora deferuaret. Errabat quidem Æneas, sed non Deo: qui & initium, & medium, ac finem tantæ peregrinationis contemplantur, iamque æternæ urbis conditores, ex erronis istius cum Lavinia coniugio designarat: iam tum, inquam, tot heroas, tot animas illustres, imperio orbis terrarum natas in lumbis eius præuidebat. Deflexerat quoque à recto tramite AVGVSTINVS, neque iam septem modò, sed ferè quot vixerat annos, oberrauerat plateas Babylonis, videbaturque ipsum, ad quem sine iudicio tendebat, salutis portum fugere; donec de longè miserans, illumque circumuolitans ex alto, diuina benignitas ad meliora inflexit, & nihil minùs cogitantem magnum Patrem tot Ordinum constituit. Enumerantur enim cum militaribus sacri Ordines & Congregationes, sub regula ipsius militantes, supra sexaginta;

Vide Lanci-
lott sub finē
vitæ S. Aug.

ginta. Dormiebat adhuc vetus ille Adam somnum peccatorum, & oculis grauatis lucem Christianam excludebat; & iam tum ex latere ipsius formosissima virgo à Deo plaste rerum omnium formabatur. Religionem intelligo, quam postea AVGVSTINVS ex Italia primùm in Africã inuexit, & ob quam verus pater Monachorum extitit. Nempe, *qui regis Israel, intendis*, qui te in æterna vita videntes gubernas, (Israel enim tantum dem est ac videns Deum) etiam harum inferiorum rerum curam non negligis: & quamuis ab incredulis existimeris nostri sollicitudinem à te ablegasse; tamen *deducis velut ouem Ioseph*, id est, eos quos in vltima temporis senectute genuisti, & à fratribus suis persecutiones magnas sustinent, & somniatores vocantur; tu paulatim in tribulationibus crescentes deducis per ignem & aquam, sicut ouem mansuetam ad macellum, mortificatam totâ die, vt per compedes & carceres transeant ad regnum, & ad pascua viriditatis æternæ: tantum abest vt tuorum memoriam, etiam tum cùm grauissimæ aduersitates ingruunt, vniquam deponas. Sed & aliter interea hunc locum ad propositum nostrum adaptemus. *Qui regis Israel, intendis, & deducis velut ouem Ioseph*, id est, qui videntes te, seruos tuos, fideles tuos, regis & protegis, etiam ad peccatores oculos conuertis, & eos velut ouem, quæ aberrauerit, & reuerti ad gregem nescit, quæris, in humeros sustollis, ad pascua reducis: ita tamen vt habere debeant (quod per Ioseph designatur) augmentum bonæ voluntatis. quo gratiæ tuæ cooperentur, & dignos præsent fructus pœnitentiæ.

& Prosperū
Stellarium
in nucleo hi-
stor.

Psal. 79.

Rom. 8.

Matth. 3.

Certè prima ratio, cur ex peccatore iustus, ex impudico castus, ex superbo humilis, ex hæretico Manichæo Christianus Catholicus euaserit AVGVSTINVS, fuit æterna Dei prædestinatio: quam nouisse possumus ex ijs quæ nobis accidunt in tempore, ideo quòd ab æterno à supremo illo Numine fuerint ordinata. Hæc verò ad eò non opera nostra

- bona prærequirit, vt etiam pessimos quosque ad altissimos
2. Timot. 2. sanctitatis gradus prouehat. *Vocauit nos vocatione sanctâ, non secundùm opera nostra, scilicet liberi arbitrij, vt volebant Pelagiani; sed secundùm propositum suum & gratiam.* Cuius illustrem figuram habemus in Genesi. Iacob rogatus à filio Iosepho, vt nepotibus benediceret, extendens manum dextram, posuit super caput Ephraim minoris, sinistram super caput Manasse maioris natu, commutans decussatam manus. Nam quemadmodum Iacob Ephraim, qui sinistræ manui erat oppositus, dextram imposuit; ita diuina benignitas in sinistro latere consistentes, frequenter ad felicissimum dextræ suæ confessum vocat, atque ex priuilegio gratiæque speciali manus suas commutat. Quid in Apostolo Paulo Deus inuenit, nisi innumera opera mala? *Ibat Saulus spirans minarum & cadis in discipulos Domini:* at quia ab æterno prædestinatus erat vas electionis, derurbatum illum in terram, postea Deus erexit & illuminauit. Quid in AUGUSTINO? Nihil nisi sordes, & variorum scelerum inquinamenta: & tamen vide profusam Dei bonitatem, quem ex massa æternæ damnationis elegerat, (quemadmodum & de Iacob scriptum est, *Cùm enim nondum nati fuissent, aut aliquid boni egissent aut mali (vt secundùm electionem propositum Dei maneret) non ex operibus, sed ex vocante dictum est: Iacob dilexi, &c.*) huic in tempore efficacia adminicula gratiæ subministrauit. Nempe ex illis erat, de quibus Apostolus ait, quod *secundùm propositum vocati sunt sancti*, id est, æterno Dei placito, liberali decreto, voluntariâ & gratuitâ constitutione, definito consilio, vocati sunt ad sanctitatem; licet ipsorum antea acta vita nihil fortasse nisi iram & indignationē diuinam fuerit promerita. Enimvero quod peccatores vocentur, excitentur, iustificentur, soli Deo miseranti, non humanis meritis, aut naturæ viribus adscribendum est. Hinc Angelus in nocte natiuitatis Dominicæ, vt indicaret Deum prædestinasse nobis per natiui-

natiuitatem filij sui, internam animi tranquillitatem & pacem, quæ gratiam consequi solet, canebat: *Gloria in excelsis Deo*, & *in terra pax hominibus bonæ voluntatis*: Græcè est *εὐδοκίας*, id est, beneplaciti, & beneuolentiæ diuinæ, eò quòd Deus iam destinasset hominibus per Verbum incarnatum exhibere bonam suam voluntatem & amicitiam.

Vocauit autem Dei benignitas AVGVSTINVM, tum vocatione externâ & vocali, putà pueruli canentis: *Tolle lege, tolle lege*; per exempla item Victorini, Antonij, & aulicorum; per flagella timoris de morte & iudicio concepti; per conciones Ambrosij, Monicæ lacrymas: tũ maximè internâ, & in animam penetrante, per gratiam quæ externæ vocationi non tantummodò commensa est, sed eam sèpiùs superat. Et hæcerat AVGVSTINI prædestinatio, quæ vel ipso teste nihil aliud est quàm præscientia & præparatio beneficiorum Dei, quibus certissimò liberantur quicumque liberantur. *Oues*, inquit Saluator noster, *mea vocem meam audiunt, & ego cognosco eas*, id est, diligo: iuxta illud Apostoli: *Nunc autem cum cognoueritis Deum, imò cogniti sitis à Deo*, id est, dilecti: & *Cognouit Dominus qui sunt eius*: scire enim, siue nouisse, Dei, fauorem & affectum connotat. *Et ego vitam aternam do eis: & non peribunt in aeternum, & non rapiet eas quisquam de manu mea.* Et quare hoc fit in tempore, nisi quia erant ante tempus prædestinati? Et Itaias de se ait: *Iuxta est qui iustificat me, quis contradicet? Ecce Dominus auxiliator meus; quis est qui condemnet me?*

Adeò vt ipsi miserabiles AVGVSTINI errores vitiaque non videantur aliud fuisse, quàm illa aqua, quâ Elias, contra quadringentos pseudopphetas decertans pro veritate Numinis, ligna sacrificij sui consperfit. Non modò enim humor ille, licet copiosè effusus, ignem, quem S. Propheta precibus è cælo elicuerat, nõ extinxit, vt potius eum instar adipis vel olei accenderet. *Ad preces Elia cecidit ignis Domini, & vorauit holocaustum, & ligna, & lapides, puluerem quoque,*

Luc. 2.

Lib. de bono
persecutant.
cap. 14.
Ioan. 10.

Galat. 4.

2. Timot. 2.

Isaiæ 50.

3 Reg. 18.

Num. 22. *Et aquã, quæ erat in aquaductu, lambens, in sui scilicet ipsius nutrimentum, non aliter atque bos solet linguâ herbascarpere, & canis aquã lambere. Crediderim idcirco deprauatæ volūtatis, (vt cum Valerio loquat) AVGVSTINVM nubilo fuisse perfusum, vt virilis ætatis eius decus lucidiùs enitesceret.*

Rom. 8. *visa enim fuerunt ipsa scelera ei cooperata ad salutem. Refruxerat, madebat quæ, sed vt ardentius ignem conciperet, luculentius flagraret: retrò cesserat, vt longiùs saliret: instar nerui altiùs ab arcu retractus erat, vt iaculum sanctæ conuersationis postea cælo sublimiùs immitteret.*

Psal. 118. *Passus est clementissimus Deus illum labi, vt tanto efficacius ceteros ab erroribus reuocaret. Errauit ipse sicut ovis quæ perijt, vt aliorum effectus pastor palantes oues non contemneret, quin potiùs humeris imponeret, & ad salubria doctrinæ Euangelicæ pascua reduceret, iuxta illud Didonis apud Virgil.*

Æneid. 1. Non ignara mali miseris succurrere disco.

Neque iam inde ab initio obscuris indicijs hanc eius præelectionem Deus indicauit. Vnde enim, aut à quo alio, quàm à te, ô summa & inexhausta bonitas, in adolescente octodecim plus minùs annorum, tam insatiabile ad veram sapientiam desiderium, tantus sanctissimi nominis tui amor? Cùm enim legisset aliquando Ciceronis Hortensium, qui adhortationem ad philosophiam continebat; Ille verò, inquit, liber mutauit affectum meum, & ad te ipsum Domine mutauit preces meas, & vota ac desideria mea fecit alia. Viluit mihi repente omnis spes, & immortalitatem sapientiæ concupiebam ætù cordis incredibili: & surgere iam cœperam, vt ad te redirem. Quomodo ardebã, Deus meus, quomodo ardebam euolare à terrenis ad te? & nesciebam quid ageres mecum; apud te est enim sapientia. Tam altè verò imbibitum in animo gerebat amorem nominis Dei sui, vt etiam hac solùm de causa tantus in ipso ardor deferueret, quòd nomen Christi non inueniebatur in Hortensio.

ſio. Quoniam, ibidem ait, hoc nomen Saluatoris mei, filij tui, in ipſo adhuc lacte matris, tenerum cor meum piè biberat, & altè retinebat: & quidquid ſine hoc nomine fuiſſet, quamuis litteratum, & expoliturum, & veridicum, non me totum rapiebat.

Cumque iam cognitâ falſitate Manichæorum ſectæ, eam deſerere ſtatuiffet, nec tamen illi omnino reluceret claritas Chriſtianæ fidei; hærebat dubius quò vela ſecteret: tranſuiſſetque ad philoſophos, ſed quia ſine nomine ſalutari Chriſti erant, curationem languoris animæ ſuæ illis committere omnino recuſabat.

Lib. 5. Conf.
cap. 14.

Iam verò ita cordi inſculptum geſtare nomen Dei, ecquis euidentiffimum prædeſtinationis ſignum eſſe negauerit? De Saulo dicitur: *Vas electionis eſt mihi iſte, vt portet nomen meum coram gentibus, & regibus, & filijs Iſrael.* AA. 9. quaſi dicat, Quia Saulus eſt prædeſtinatus, quia illum mihi elegi in vas honoris; portabit nomē meum in corde, ore, calamo. quod ad eò conſtanter fecit, vt etiam recisâ ceruice, diuinum illud os tertio ſuauiffimum in ſu nomen efferret. Liceat ergo dicere, eum quicumque aſſiduè Ieſum in corde gerit, prædeſtinationis ſuæ quaſi teſtimonium gerere: ad eò vt ſint inſtar conuertibilium, (ſicut appellant) eſſe prædeſtinatum, & nomen Dei eo modo, quo Sancti illi, portare.

Conuerſio AVGVSTINI diu antè diuinitus reuelata.

Longè tamen id euidentiùs, nouem ante conuerſionem AVGVSTINI annis, D. Monicæ oſtenſum eſt. Nam, cum inceſſabili Deum oratu vt ita dicam, defatigare; exaudiuit eam Deus, nec deſpexit lacrymas eius, cum profluentes rigarent terram ſub oculis eius, in omni loco orationis eius, conſolatusque eſt eam ſomnio diuino, ſomnio veraci, quod ab ipſo, quemadmodum & Ep̄ſcopi cuiuſdam reſponſum, proculdubio profectum erat: qui inſatigabili miſericordiâ tot annos AVGVSTINI *peccata diſſimulauit, propter pænitentiam.* Sap. 11.

Lib. 3. Con-
fess. cap. 11.

tiam. Vidit enim Monica stantem se in quadam regula li-
gnea, & venientem ad se iuuenem splendidum, hilarem, at-
que ei arridentem, cum illa esset mœrens, & mœrore con-
fecta. Qui cum ab ea mœstitiæ suæ, & quotidianarum la-
crymarum (docendi, vt assollet, non discendi gratiâ) causas
quæsisset, atque illa respondisset, perditionē meam se plan-
gere; iussisse illum vt secura esset, atque admonuisse, vt at-
tenderet, & videret, vbi esset illa, ibi esse & me. Quod illa
vbi attendit, vidit me iuxta se in eâdem regula stantem.
Vnde hoc, nisi quia erant aures tuæ ad cor eius? Et tu bone
Onnipotens, qui sic curas vnumquemque nostrūm, tam-
quam solum cures; & sic omnes, tamquam singulos. Vnde
illud etiam, quod cum mihi narrasset ipsum visum, & ego
ad id trahere conarer, vt illa se potius non desperaret futu-
ram esse, quod eram; cōtinuò sine aliqua hæsitatione, Non,
inquit, non enim mihi dictum est; *Vbi ille, ibi & tu:* sed, *Vbi
tu, ibi & ille.* Et vnde hæc fiducia & certitudo, nisi quia in-
trabant in conspectum tuum preces eius, licet me dimitte-
res adhuc volui & involui illâ caligine.

Lib. 3. Con-
fess. c. 12.

Et dedisti alterum responsum per Sacerdotem tuum,
quemdam Episcopum nutritum in Ecclesia, & exercitatum
in libris tuis (is verò non fuit Ambrosius; at quis fuerit, Oe-
dipo opus est.) Quem cum illa femina rogasset, vt dignaretur
mecum colloqui, & refellere errores meos, & dedocere
me mala, ac docere bona, (faciebat enim hoc, si quos ido-
neos inuenisset;) noluit ille, prudenter sanè, quantum sensi
postea. Respondit enim me adhuc esse indocilem, eò quod
inflatum es nouitate heresis illius, & nonnullis quæstion-
culis iam multos imperitos exagitassem, sicut illa indica-
uerat ei. Sed sine, inquit, illum ibi, & tantum roga pro eo
Dominum; ipse legendo reperiet, quis ille sit error, & quan-
ta impietas. Simul etiam narrauit se quoque paruulum, à
seducta matre sua datum fuisse Manichæis, & omnes penè
non legisse tantum, verum etiam scriptitasse libros eorum:
sibi que

sibi que apparuisse, nullo contrà disputante & conuincente, quàm esset illa secta fugienda: itaque fugisse. Quæ cùm ille dixisset, atque illa nollet acquiescere, sed instaret magis deprecando, & vbertim flendo, vt me videret, & mecum differeret; ille iam substomachans tædio, *Vade*, inquit, *à me, ita viuas: fieri enim non potest, vt filius istarum lacrymarum pereat.* Quod illa ita se accepisse, inter colloquia sua mecum sæpè recordabatur, ac si de cælo sonuisset.

Adde, cùm ex Africa in Italiam trajiceret, ortaque tempestate metueretur naufragium, illa & in periculis omnibus de promissione Dei secura, & internâ reuelatione de conuersione filij, quem ante mortem visura esset Lib. 6. Conf. cap. 1. Catholicum, confirmata, per marina discrimina ipsos nau-tas consolabatur, à quibus rudes abyssi viatores, cùm perturbabantur, consolari solent, pollicens eis peruen-tionem cum salute, quia hoc ei tu Deus per visum pollici-tus eras. Et hæc certissima quasi signacula sunt prædesti-nationis AVGVSTINIANÆ. Absit enim, ait S. Doctor, Lib. 5. cap. 9. vt tu falleres eam in illis visionibus, & responsis tuis, quæ iam commemoravi, quæ illa fideli pectore tenebat: & sem-per orans tamquam chirographa tua ingerebat tibi. Digna-ris enim, quoniam in sæculum misericordia tua, eis quibus omnia debita dimittis, etiam promissionibus tuis debi-tor fieri.

Habebat, vt hoc obiter dicam, D. Monica gratiã discre-tionis spirituum; cogitationum, scilicet, & intentionum cordis, & consequenter actionum & sermonum, vt sciret an à naturæ, an dæmonis, an à Dei vel Angeli spiritu & in-stinctu proficiscerentur. Cùm enim vellet aliquando filio suadere coniugium, vt eum ab illicito concubitu abduce-ret, videbat quædam vana & phantastica, quò cogebat im-petus de hac re satagentis humani spiritus. Et narrabat mi-hi, inquit S. Doctor, non cum fiducia quâ solebat cùm tu Lib. 6. c. 13. demonstrabas ei, sed contemnens ea. Dicebat enim, disce-

re se nescio quo sapore, quem verbis explicare non poterat, quid interesset inter reuelantem te, & animam suam somniantem. Inter alia autem signa, quibus veræ reuelationes à falsis discernuntur, præcipuum est interna inspiratio, quâ certior fit anima, vtrum ex Deo sit aliquid, an ex diabolo. Et hic est ille sapor, cui explicando D. Monica non sufficiebat. Gerson plura adfert, & reuelationes ad similitudinem monetæ, quinque indicijs explorandas censet: primò, pondere; secundò, flexibilitate; tertio, durabilitate; quartò, configuratione; quintò, colore. Ponderus reuelationi dat humilitas, discretio flexibilitatē, patientia durabilitatem, veritas configurationem, charitas colorem. Qui color isti visioni D. Monicæ deerat, quia non spiritualem, sed humanum & carnalem spiritum sapiebat.

Lib. de probat. spirit. de disting. ver. à fals. vision.

§. II. *Quòd nomen Prædestinationis neminem panico metu concutere debeat.*

DOMINICA
Septuag.

IN illa quidem sententia, quæ statuit electionem ad gloriam ante omnia omnino vel merita vel demerita propria actualia, (quia sine dubio peccatum originale omnem præelectionem antecedit) tam difficilis est conceptu prædestinationis (neque enim omnes ita animo comparati sunt, vt sentire possint quod velint) vt occurrant animo sæpius eiusmodi, quæ ad pusillanimitatem proritant. Non hoc fortassis accideret, si quid in alterutram partem foret ab Ecclesia decisum: captiuandus enim tum esset intellectus in obsequium fidei, quemadmodum in alijs mysterijs, putà SS. Trinitatis, Incarnationis, Eucharistiæ. At iam tot salubræ se offerunt, tantus animo mœror & melancholia obrepit, tanta interdum afflictio inuadit, vt homines infirmioris iudicij nonnumquam ad desperationem & spontaneam mortem adigat. Quemadmodum scribit S. P. AVGVSTINVS monachum quemdam sui monasterij eò fuisse hac argumentatione deductum: *Vel sum prædestinatus, vel sum reprobatus:*

Lib. de bono
perfeuerant.
cap. 15.

2. Cor. 10.

probatus: si prædestinatus, certissimò saluabor, quomodoque tandem vixero; si reprobatus, necessariò damnabor, quocumq; me verterò: vt desertâ virâ Religiosâ rediret ad sæculum, & periret. Nam putando se efficaciter prædestinatum esse ad gloriã ante præuisa merita, & hanc prædestinationem esse infallibilem & immutabilem, quid aliud cogitare poterat, quàm se infallibiliter peruenturum ad gloriã, etiam si perditissimè se gereret? Similiter putando se negatiuè reprobatum esse ante præuisa opera, quid aliud poterat cogitare, quàm nihil sibi profuturum, quantumuis benè viueret, quandoquidem illa negatiua reprobatio habitura sit infallibilem euentum? Sic & alius quidam vir Religiosus, difficillimis huius materiæ cogitationibus implicatus, sæpè sæpiùs inter orandum ingemiscens dicebat: Ah! si scirem vtrùm forem prædestinatus, & certò essem aditurus hereditatem regni cælestis, quàm benè viuerem, quàm deuotè orarem, quàm facerem omnia mea feruenter & accuratè! accepitque diuinitus inspirationem, Sic viuas quasi fores prædestinatus, & curam hanc à te abdica: Deo salutem tuam committe, & præteritam argumentationem sic mitiga, tecumque statue: Si prædestinatus sum, id est, si à Deo ordinatus sum ad vitam æternam, per certa media, quæ in mea potestate sunt, consequendam; certò consequar vitam æternam, modò illa media adhibuerim. Rursus, Si sum reprobatus, id est, à Deo ordinatus ad perpetuos cruciatus propter peccata mea, quæ liberè commissurus sum; certò damnabor, si peccata illa committam, & ab eis non abstinerim. Et hæc vna ex causis fuit, quæ R. P. Lessium impulit ad euulgandam disputationem de prædestinatione & reprobatione Angelorum & hominum, quia longo vsu deprehenderat, multorū animos prædestinationis consideratione valdè perturbari. Scio, inquit, in præfatione ad lectorem, quosdam in grauissimos melancholiæ affectus incidisse; alios pænè totam vitam in anxietate versari, prædesti-

Thom. à Kempis l. r. de imit. Christi cap. 25.

nationem Dei semper suspectam habentes : alios studium pietatis, & statum Religionis abieciſſe. Tenuit etiam ea res me aliquot annis perplexum. Si enim de omnibus, ante præuisionem eorum quæ sumus facturi, iam est firmiter & absolutis decretis statutum; si numerus saluandorum, qui nec augeri, nec minui potest, nullo operum vel laborum nostrorum habito respectu, immutabiliter est definitus; si ante examen operum de omnibus irreuocabili præiudicio est definitum: sunt qui putent, tolli omnem sollicitudinem rectè viuendi, quia si illo numero es comprehensus, nulla incuria faciet vt excidas; si non es comprehensus, nulla sollicitudo faciet vt intres. Atque huic perplexitati ad eò medicinam non faciunt, vt potius eam exasperent, qui ita ratiocinantes obiurgandos censent, nullâ aliâ ratione, in qua mens possit acquiescere, allatâ. Et quamuis simplicioribus, qui tantæ subtilitatis non sunt capaces, interdum obiurgatio rectè adhiberetur; tamen apud ingeniosos & eruditos nihil prodest. Cùm enim de re maxima agatur, meritò aliqua ratio exigitur, quâ mens tranquilletur: quæ si dari non potest, repudianda erunt potius eiusmodi principia ex quibus talis ratiocinatio ducitur, quàm quies animi perdenda, cùm ab Ecclesia nihil hîc sit definitum. Hactenus ille. Malè tamen hinc Calvinistæ, alijque hæretici occasionem confundendi prædestinationem cum reprobatione desumere conati sunt; quasi idem sit Deum quosdam præeligere ad æternam beatitudinem ante præuisionem meritorum, & finalis perseuerantiæ, atque deputare æternis supplicijs, non antè visis demeritis, & obstinatione animi in peccatis. Quæ quidem toto cælo ab inuicem differunt: Deum ab æterno quosdam ex mero beneplacito & liberali voluntate sua ad gloriam, nullum nisi ex iustitia & æquitate ob præuisam finalem impœnitentiam deputasse ad pœnas. Hæreticorum, præcipuè Caluini, placitum est, Deum pari ratione vtrosque sine vlla præuisione prædestinasse vel ad

vitam,

vitam, vel ad mortem; vel ad coronam, vel ad pœnam. Quòd verò id cum sacra Scriptura pugnet, manifestum est, atque pulchram huius rei accipe à veteri Testamento figuram. *In diebus Assueri, qui regnavit ab India vsque Aethiopiâ super centum viginti septem prouincias: quando sedit in solio regni sui, Susan ciuitas regni eius exordium fuit. Et iussit septem diebus conuiuium præparari in vestibulo horti & nemoris, quod regio cultu & manu consitum erat. Vasthi quoque regina fecit conuiuium feminarum in palatio, vbi rex Assuerus manere consueuerat. Itaque die septimo, cum rex esset hilarior, præcepit vt introducerent reginam Vasthi coram rege, posito super caput eius diademate, vt ostenderet cunctis populis & principibus pulchritudinem illius. Quæ renuit, & ad regis imperium, quod per eunuchos mandauerat, venire contempsit. Vnde iratus rex, &c.* Donec tandem humilis Esther illius loco suffecta placuit oculis regis. Historiam legimus, nucleum requiramus: Maximus ille regum dominator Deus, creatis cælo & terrâ, & quasi omnibus regnis & prouincijs omnipotenti imperio subactis, cum auspiciatus fuisset exordium regiminis sui, hortus Eden exordium regni fuit, fecitque conuiuium septem diebus, illis scilicet quibus omnia creauit, perpoliuit, exornauit, vocauitque principes & pueros suos, id est, administratorios spiritus, & illis, quemadmodum & astris, & elementis, causisque secundis omnium rerum sublunarium curam demandauit: atque hoc eis conuiuium fecit, quòd semper adstet vt causa prima, nec quidquam sine eo possint peragere: nisi enim calorem quemdam auramque vitalem & viuificatricem rebus creatis infundat, exarescent, & in vetus chaos relabentur, iuxta illud: *Pater meus vsque modò operatur*, scilicet per omnipræsentiam suam, influentiam, prouidentiam, & dispositionem. Cum, inquam, inexhausta illa bonitas pluribus diebus cum Angelis, astris, aliisque causis secundis regimen suum partitus esset, demum sexto die ad ostendendam magni-

Esther i.

Hebr. i.

Ioan. 5.

ficentiam gloriæ suæ , ebrius non vino , sed amore nimio ,
 desiderioque illius æstuans , quam tam formosam fecerat ,
 nempe ad imaginem & similitudinē suam; ebrius, inquam,
 instar Noachi , qui nuditatem suam filijs deridendam ex-
 posuit, quia & Deus à Lucifero contemptus est , quòd na-
 turam humanam (in qua diuinitas quadammodo inuestis
 apparuit) angelicæ prætulisset , atque cum infirmitate
 nostra coniungi maluisset. Iussit ergo super illa spiritali
 mensa , vt regina Vasthi prodiret, id est , humana natura,
 quam sibi ab æterno desponsauerat , etiamsi nulla vmquam
 peccati labe fuisset coinquinata. Quam sententiam tenet
 Doctor Subtilis , alijque plures in 3. sentent. dist. 7. Pro-
 baturque ex eo quòd Apostolus dicat de Verbo incarnato,
 quòd prædestinatum sit vt humanam naturam assumeret,
 atque etiam ipse homo fieret filius Dei: *Qui prædestinatus est
 filius Dei in virtute secundum spiritum sanctificationis. & Quos
 prædestinauit conformes fieri gloriæ eius. & Quos elegit ante mun-
 di constitutionem.* Et S. P. AVGVSTINVS , & ex illo Hugo
 Cardinalis , obseruant Adamum etiam ante transgressio-
 nem diuinæ legis contemplatum fuisse mysterium Incar-
 nationis , atque in ecstasi dixisse: *Hoc nunc os de ossibus meis,
 & caro de carne mea.* Prodiit quidem Vasthi hæc , Eua , in-
 quam , totius humani generis seminatrix; sed regis imperio
 parere renuit, præscriptasque conuiuij leges præuaricata
 est: placuit illi in escam, suadente diabolo, pomum vetitum,
 & oris delicijs , coronam capitis , totiusque corporis deco-
 rem amisit. Donec tandem humilis virgo regi placuit , lo-
 cumque amissum recuperauit. Ad propositum nostrum
 quod attinet , Deus humanam naturam non nisi peccatis
 fœdatam cælo exclusit , morti adiudicauit. Bonus , inquit
 S. P. AVGVSTINVS , est Deus , iustus est Deus; potest sine
 bonis meritis liberare , quia bonus est; non potest sine ma-
 lis meritis damnare , quia iustus est. Ex quo deduci possit
 eiusmodi argumentum: *Quod Deus in tempore non potest
 iustè*

Gen. 9.

Rom. 9.

Ephes. 1.

Gen. 2.

Lib. 3 contr.
Iulian. c. 18.

iustè facere , nec hoc potuit ab æterno iustè decernere: non igitur eiusmodi quippiam decernit ab æterno , nisi antè peccata , & dignitatem pœnæ præuidisset. Finio, & acquiesco in historia quæ aliquid similitudinis in se continet, & ad rem nostram facit, quã refert S. Bernardinus Senensis. Adolescens quidam ætatis annorum decem & octo in ciuitate Sui, prope Valentiam in Catalonia, cùm ob suam in parentes impietatem, & alia multa crimina, in patibulo suspenderetur; defunctus, adhuc tamen è patibulo pendens, vidente & admirante populo, barbam primùm emisit, mox canos, & demum rugatam frontem. quod Dei virtute contigisse Episcopus populum docuit, vt omnes dignoscerent, quàm diu infelix ille vixisset, si parentibus debitum præstitisset obsequium. Quæ paulò fusiùs deduximus, quo faciliùs fidelis populus intelligat, quàm longè Calvinistæ à via veritatis exerrent, qui ex Deo, cuius natura est bonitas & misericordia, crudelissimum simul & iniquum tyrannum faciunt, audentque palàm asserere, illum quotannis multa hominum millia interminabilibus inferni ignibus addicere, tantùm quia sic libet. At longè aliter ac meliùs D. Fulgentius, Prædestinauit, inquit, illos ad supplicium, quos à se præsciuit volûtatis malæ vitio discessuros: & prædestinauit ad regnum, quos ad se præsciuit misericordiæ præuenientis auxilio redituros, & in se misericordiæ subsequenti auxilio esse mansuros.

Hæc ergo sententia, quæ pluribus, & plano obuioque sensu sacre Scripturæ testimonijs nititur, cui communis SS. Patrum doctrina consentit, & iudicium naturale suffragatur, de electione ad gloriam ex præuisis meritis, ad eò est consolatoria, vt animum humanum seruare possit, omnemque mœrorem & teporem abstergere; dummodo enim bonis moribus, pœnitentiæ operibus, pietatis cultui insistere quis velit, (namque per Dei gratiam potest) videtur ipsam prædestinationem quodammodo in manibus habere. Non quòd

Tom. 2. Do-
minica 2.
Quadrages.
serm. 18. art.
3. cap. 9.

Lib. 2. ad
Monimum
cap. 24.

quòd vllò pacto vel cum Pelagianis, vel Semipelagianis sentiamus: absit hæc à nobis impietas, vel eius leuissima suspicio. Putabãt Semipelagiani in nobis esse quoddam initium, quò sine interna gratia per solas naturæ vires possimus incipere & conari benè agere, quod deinde gratia Dei ad nostrum conatum & desiderium promouendum velut formula dominam subsequatur. Vnde eiusmodi propositiones statuebant: Labori humano subiungitur gratia. Et, Conatus nostri irriti sunt, nisi gratiâ Dei adiuuentur & promoueantur. Hæc hæresis colligitur ex Cassiano, qui illius defensor extitit contra S. P. AVGVSTINVM. At nos Catholicorum sententiam firmiter tenemus, & pro illa etiam cum Dei gratia mori parati sumus, Gratiam omnem omnino conatum humanum præuenire, nec nos quidpiam vel minimum sine illa posse: iuxta illud, *Sine me nihil potestis facere.* &, *Non sumus sufficientes cogitare aliquòd à nobis, quasi ex nobis; sed sufficientia nostra ex Deo est.*

Et quia illa sententia de prædestinatione ad gloriam ex præiis meritis nobis magis arridet ob rationes iam dictas; paucis conabimur illam testimonijs, ijsque clarissimis ex sacra Scriptura petitis extra aleam controuersix ponere, priusquam de illius effectu, (qui est consolatio in animis nostris,) agamus. In primis, in illo extremo iudicij die, dicetur electis à supremo iudice Christo: *Venite benedicti Patris mei, possidete paratum vobis regnum à constitutione mundi.* At quam ob causam? *Esuriui enim, & dedistis mihi manducare.* Et reprobis: *Discedite à me maledicti in ignem æternum, qui paratus est diabolo & angelis eius. Esuriui enim, & non dedistis mihi manducare.* Deus ecce ab æterno alijs præparauit vitam æternam propter præiis merita, alijs mortem perpetuam propter præiis peccata. At illa præparatio vitæ & mortis nihil aliud est, quàm prædestinatio & reprobatio: ergo vtraque fit ex præiis operibus. Deinde, *Deus vult omnes homines saluos fieri.* Id verò non potest intelligi de volunta-

Collat. 13.

Ioan. 15.
2 Cor. 3.

Matth. 25.

1. Timoth. 2.

te Dei absoluta & efficaci, alioquin omnes omnino homines saluarentur: quod tamen falsum esse rei effectus conuincit; igitur de voluntate conditionata & inefficaci oportet intelligas. Ergo Deus ante præuisionem bonorum & malorum, habuit simplicem & inefficacem voluntatem dandi omnibus vitam æternam, prout Apostolus ait, *Deus uult omnes homines saluos fieri, & ex illa voluntate præparauit omnibus sufficientia media, quibus si uti uelint, ad æternam uitã queunt pertingere.* Hæc autem uoluntas simplex & inefficax non potuit fieri absoluta & efficax, nisi ex præuisis meritis. Deus igitur æternam uitam nemini dat, nisi quem præuidet benè gratiã suã uisurum. Probatum etiam ex alijs S. Scripturæ locis, ubi uita æterna præmium, merces, brauium, retributio, corona iustitiæ appellatur.

Si autem filij, & heredes: heredes quidem Dei, coheredes autem Christi: si tamen compatimur, ut & conglorificemur. Et, *Quodcumque facitis, ex animo operamini, sicut Domino, & non hominibus, scientes, quod à Domino accipietis retributionem hereditatis.* Et, *Inclinaui cor meum ad faciendas iustificationes tuas propter retributionem.* Et, *Reposita est mihi corona iustitiæ.*

Rom. 8.
Coloss. 3.

Psal. 118.
2. Tim. 4.

Valdè enim improprie gloria cælestis eiuscemodi nominibus toties & tam enucleatè uocaretur, nisi illa nobis coningeret ex meritis bonorum operum. Postremò, non uideretur ea phrasis, quã SS. Litteræ dicuntur plenæ consolationis, habere pondus suum & ueritatem, nimirum: *Vt per patientiam & consolationem scripturarum spem habeamus.* & *Nos cum nullo horum indigeamus, habentes solatio sanctos libros, qui sunt in manibus nostris;* nisi hanc sententiam amplectamur, quia opposita, ut iam dictum est, animum anxietatibus & mœroribus obducit, & nonnullos in extremas angustias, quousque amplius progredi non possint, adigit.

Rom. 15.

1. Machab. 12

His ergo positis, facilis intellectu, etiam mediocribus ingenijs, uidetur prædestinatio, nec tam in sublimitate cogitationum, quàm bonis operibus consistit. Id quod

Sedulius in
Comment.
super vitâ
S. Francisci.

B. Ægidius, qui tertium inter socios S. Francisci locum sortitus est, optimè intellexit. Cùm enim quispiam curiosiùs de prædeterminatione quæreret, in hunc modum respondisse fertur: Sufficit ripa maris ad lauandum pedes, manus, & totum corpus. Stultus est qui altum profundumque petit. Sufficit scientia ad benè viuendum; nimis alta non sunt quærenda: neque recondita consideranda, sed quæ ante te.

Matth. 3.
Matth. 19.

Pœnitentiam agite, appropinquabit enim regnum celorum. & Si vis ad vitam ingredi, serua mandata. Vbi si vis, designat quòd voluntatis & arbitrij nostri, non tamen sine gratia Dei, sit vita æterna, quam certè adulti non nisi per obseruantiam mandatorum Dei acquirimus; nec illâ excidimus, nisi propter delicta liberè commissa. Qui nobis indicat manifestè voluntates suas, quomodo nimirum iram ipsius placare possimus, *Notas fecit vias suas Moysi, filijs Israel voluntates suas*; an non in manus videtur nobis tradidisse clauis remissionis peccatorum, & consequenter vitæ æternæ? Apud

Psal. 102.

Lucæ 12.

Lucam suos Christus consolatur: *Nolite timere pusillus grex, quia complacuit Patri vestro dare vobis regnum.* Sed quale regnum? quod *vim patitur*, & non nisi *violenti* per bona opera exercitationesque virtutum *rapunt*, quod otiosis & laborem detrectantibus non datur. Ideoque à Salvatore nostro edocti sumus orare hoc pacto: *Pater noster, qui es in calis,*

Matth. 6.

Sanctificetur nomen tuum: Adueniat regnum tuum: Fiat voluntas tua, sicut in celo & in terra. Vide, inquit Chrysostomus, quàm cautè locutus est; non dixit, Pater sanctifica nomen tuum in nobis: Adueniat regnum tuum super nos: Fiat voluntas tua in nobis. Nec iterum, Sanctificemus nomen tuum: Sufficiamus regnum tuum: Faciamus voluntatem tuam. Ne hæc aut Dei tantum, aut hominis tantum esse videantur; sed mediè dixit, & impersonaliter. Nam sicut homo non potest facere bonum, nisi habuerit adiutorium Dei: sic nec Deus bonum operatur in homine, nisi voluerit homo. Certè qui creauit nos sine nobis, (vti quidam ait) non saluabit

August tri-
uirur.

nos

nos sine nobis. Vnde cum Saluator noster infirmo illi ad piscinam Probaticam, habenti triginta octo annos in infirmitate, pararet non modò corporis incolumitatem, sed & electionem ad gratiam, in qua poterat perseverare vsque ad finem vitæ, atque gloriam cælestem adipisci, quod est esse prædestinatum; quasi explorans an saltem vellet his beneficijs donari, rogat: *Vis sanus fieri? vis iuvari?* Eodem modo scilicet, quo adolescens aliquis in honesta chorea exquireret vel nutu, vel verbis, an placeret amata suæ saltare? diceretque, Si volueris, leuo te quidẽ à terra, sed interim adiuua mihi tuâ pròptitudine onus: etenim non possum inuitam. Quòd autem tunc illi morbido simul cum sanitate gratia iustificans sit infusa, patet ex remissione quæ illi contigit peccatorum. Cùm enim Christus illũ inuenisset, monuit: *Iam amplius noli peccare, ne quid deterius tibi contingat;* abstuli morbum, & morbi causam, peccata; caueas ne iterum pecces, & grandius tibi accersas malum. S. Ioannes adhortatur Philadelphix Episcopum ad assiduum bonorum operum studium, ne per negligentiam suã prædestinatione excidat: *Tene quod habes, ut nemo accipiat coronam tuam,* id est, retine fidem & patientiam quauis occurrente tentatione & afflictione, ne quis coronam tuæ fidei & patientiæ promissam & præparatam (non absolutè, sed sub conditione, si videlicet, perstes & perseveres) te non perstante, sed cadente, accipiat. Pulchrè Rupertus, *Tene quod habes,* quasi dicat: Tu in humilitate firmo pede consistite, ne moto pede corruas, corruendo coronam tibi præparatam amittas, & alius tibi succedens eam accipiat. Hinc patet, posse quemuis cum Dei gratia in prædestinatione sua perseverare; posse etiam prædestinatos absolutè à gratia excidere: possunt enim gratiam prædestinationis negligere, ac proinde non eligi ad gloriam, nec coronari. Hoc quoque loco vtitur Gabriel Vasquez ad probandum electionem ad gloriam fieri ex præiudicis meritis. Si, inquit,

Ioan. 5.

Apoc. 3.

1 p. q. 23.
disp. 89. c. 10

Apoc. 3.

electio ad gloriam facta esset ante præuisa merita, frustra electo diceretur: *Tene quod habes, ne alius accipiat coronam tuam.* Nam si nullus ita eam haberet in manu sua, ut posset amittere, rectè responderet, depositam esse in manu Dei, de qua nec ullus alius rapere, nec ipse electus amittere posset. Si enim Deus habet clauem, & ita claudit, ut nemo aperire possit; & aperit, ut nemo claudere; rectè ita electis clausa erit ianua inferni, & aperta regni cælorum, ut nec in manu eorum sit apertam sibi claudere, nec clausam aperire: adeoque non erit ipsis liberum clausis ianuis in infernum introire: contra verò ostio regni cælorum eis aperto, nemo impiediet illos, si velint ingredi, quacumque tandem ratione hîc vixerint. Hactenus ille. Atqui Apostolus scribit ut coronam teneat; vnde sequitur quòd possit eam amittere, & alius illam præripere; itaq; certum euadit prædestinationem fieri ex præuisis meritis, atque illam in manibus nostris, siue libertate positam esse, ita ut vel in illa perseuerare, vel ex illa excidere nostræ sit facultatis.

2. Epist. 1.

Hac de causa monet Apostolus Petrus: *Quapropter, fratres, magis satagite, ut per bona opera certam vestram vocationem & electionem faciatis.* quasi dicat, Satagite, ô Christiani, ut electionem vestram ad fidem & gratiam per bona opera stabiliatis, ne excidatis tam sublimi vocatione per incuriam, sed in illa constanter perseuerate. ita enim futurum est ut etiam vocationem ad gloriam in certo ponatis: eo ipso enim quo salutari lauacro regenerati Christum induistis, ad gloriam destinati estis, atque locum inter iustos & fideles sortiti estis, non quidem absolutè, quia, ut Apostolus ait, vocatione & electio vestra non omninò est certa, sed conditionata, si nimirum perseuereris vsque ad finem. *Sic itaque currite ut comprehendatis.* Dei est, inquit Theophylactus, vocare; electos autem fieri, aut non fieri, nostrum. Optimè igitur ille monachus apud Ludolphum, socio suo, qui sibi dicebat reuelatum diuinitus ipsum esse

In 22 Matt,
De Vita
Christi p. 1.
cap. 50.

de

de numero damnandorum, respondebat: Benedictus Deus, nec tamen sic desperabo, sed pœnitentiam quam per ingressum Religionis assumpsi, de cetero duplicabo, & triplicabo, donec gratiam & misericordiam apud Deum altissimum, qui pius est, inueniam. Atque post aliquot dies ille alter intellexit hunc esse adscriptum catalogo prædestinatorum.

Habet nempè Deus duos libros vitæ, siue prædestinationis, vnum ad gratiam, alterum ad gloriam: ille ad gratiam est instar aduersariorum, vbi sæpè aliquid additur, & deletur. Id verò quod in illo, qui propriè liber vitæ dicitur, & æternam prædestinationis felicitatem cõtinet, scriptum est, non ampliùs immutatur. de què eo verè dixeris ex Dei nomine: *Quod scripsi, scripsi*. De priori libro Dauid loquitur: *Deleantur de libro viuentium, & cum iustis non scribantur*, non quidè precatore, quasi alicui tam grande malù S. Prophetæ velit; sed declaratorie quòd eorum qui peruersè agunt, nomina ex catalogo iustorum, eo ipso quo peccant, expungantur. Vnde cùm Moyse, pro populo suo Deum deprecans, diceret; *Obsecro, peccauit populus ipse peccatù maximum, feceruntq; sibi deos aureos: aut demitte eis hanc noxam, aut si non facis, dele me de libro quem scripsisti*; responsum est illi: *Qui peccauerit, delebo eum de libro meo*. Quàm paternis, inquit S. P. AVGVSTINVS, maternisque visceribus, quàm securus hoc dixerit: *Dele me de libro*, attendens iustitiam & misericordiam Dei, vt quia iustus est, ne perderet iustum, quia misericors, ignosceret peccatoribus. Nemo, inquam, de libro expungitur, nemo etiam inscribitur, nisi qui per bona opera satagat vocationem suam certam facere. *Qui vicerit, sic vestietur vestimentis albis, & non delebo nomen eius de libro vitæ*. Euagrius, & plures alij narrant Anastasium Imp. hæreticum, qui totum fermè Orientem persecutione sæuissimâ exhaustis, ex oraculo intellexisse sibi igne cœlesti pereundum esse: cumque fatalis annus, scilicet 518. adesset,

Ioan. 19.
Psal. 68.

Exod. 32.

Serm. 18. de
verb. Dom.

Apoc. 3.

Euagr. lib. 3.
cap. vlt.

horribilibus somnijs & spectris perterritum fuisse, atque hominem quemdam terribilem cum libro in manu ei dixisse: Ecce ob peruersitatem fidei tuæ annos quatuordecim deleo vitæ tuæ: moxque fulmine ictus impius Imperator obiit. Contrà, reuerâ propter preces & lacrymas Ezechix quindecim anni vitæ adiecti sunt. S. quoque Irenæus arcantum illius sacræ historiæ sensum profundius penetrans, quâ dicitur cuidam de filiis Prophetarum excussum ferrum de securi, submersumque aquis, donec Eliseo aduentante qui misit lignum in aquam, natare cœpit, atque ferri naturam exiit, obseruat per securim non incongruè illud æternum & inuiolabile Dei decretum intelligi, primò propter ferri soliditatem, iuxta quod & Apostolus ait: *Firmum enim fundamentum Dei stat.* Deinde quia hoc decreto veluti securi excindimur ex statu peccati, & trāsferimur in sortem filiorum adoptionis. Hæc prædestinationis securis deperdita atque submersa iacebat sub colluione peccatorum, veluti amarissimæ aquæ fluctibus: sed Christus misso in aquas, id est, remissionem peccatorum, viuifico crucis ligno, illam supernatare fecit, atque omnibus fieri manifestam, vt iam prædestinationem suam consequi per Dei gratiam possit, quisquis efficaciter velit. Ideoque, inquit sanctus ille Pater, dictum est: *Tolle securim*, quia per crucem Christi reconciliati sumus Deo, atque ad æternæ hereditatis gloriam admissi, concessumque mortalibus, vt Dei filij effici possimus.

Cuius Catholicæ veritatis posteriorem partem, quia cum hominis libertate, rerumque natura congruit, ipsi Ethnici per vmbra[m] quamdam videntur conspexisse. Est enim celebris apud Poëtâs gnome: *Cùm Minerva quoque manū moue*, orta vel ab agasone, cuius asinus cùm luto infixus hæreret, deberetque illi succurrere, otiosus Hercule[m] implorabat. Huic respondit Deus: *Admoue manum asino laboranti, ita demum numen tibi aderit. Vel à palæstrita, qui in palæstra luctaturus, Mineruam consuluit, num̄ futurus esset victor?*
audiit.

4. Reg. 20.

Lib. 5. contra
hæres. c. 17.

4. Reg. 6.

2. Tim. 2.

audijtque fore. Verùm cùm ille ingressus in arenam, in certamine manibus staret otiosis, percussus ab aduersario, victusque fuit. Huc facit illud Suidæ: *Fac interim aliquid ipse, dein deos voca.* Celebre quoque est illud Græcorum: *Dij bona laboribus vendunt.*

Pendet ergo tam reprobatio quàm prædestinatio ex præuisione nostræ futuræ cooperationis. Cooperatio verò sub libertatem nostram & electionem cadit. Neque enim id de Deo audeo vel dicere vel cogitare, quòd ex proposito gratias seligat, quæ aliquibus, nempe prædestinatis, sint congruæ & efficaces; alijs verò incongruæ & inefficaces, sufficientes tamen, quia dat omnibus (*vult* namque *omnes omninò saluos fieri*) gratiam quacum possint benè viuere, & æternæ vitæ fieri participes; quinimò ex animo optat ne vel circa vnus animam pereat sanguis Christi, pretium salutis nostræ; ideoque iubet & mandat, vt gratiæ datæ cooperemur, & regnum cæleste adipiscamur. Quisquis igitur gratiæ sibi à Deo ad salutem datæ constanter & strenuè cooperabitur; hoc pacto, illam sibi faciet congruam & efficacem: quod sine dubio Deus non tantùm otiosè, vt fiat, sinit; sed verè optat, & vult: isque reuerâ erit prædestinatus, non reprobus. Quanta verò hæc diuinæ benignitatis erga nos homunciones dignatio! quanta humanæ conditionis dignitas, quanta consolatio! Quem mœrorem, quam melancholiam non abstergat hæc spongia! Hinc Apollo Abbas, si quem ex quingentis suis monachis videret subtristem, causam inquirebat, & quæ erant in occulto cuiusque corde, renuntiabat. Dicebat autem: Non oportet esse tristes propter salutem, cùm futuri simus heredes regni cælorum. Tristes autem erunt Gentiles, flebunt Iudæi, lugebunt peccatores; iusti autem lætabuntur: & qui terrena quidem animo agitant, lætantur in rebus terrenis; nos autem, qui tantâ spe digni sumus habiti, quamobrem non lætemur perpetuò, cum nobis Apostolus suadeat, vt semper lætemur?

1. Tim. 2.

Palladius
hist. Laus.
c. 52.

Hom. 55. ad
Pop.

At aliquis dicis gratiâ obijciat: Si hoc verum est, potentiâ nos Deo similes sumus. Respondeo, non quidem absolute hoc posse dici, sed aliquo modo: ideoque obijcienti non mea, sed S. Chrysoctomi verba reponam, qui introducit Deum homini dicentem: Feci ego cælum & terram, do tibi quoque creationem, fac terram: nam potes, corpus scilicet terrenum cæleste faciendo. Feci ego speciosum corpus, do tibi meliorem formationem, tu bonâ fac animam. Dixi ego: Germinet terra herbâ virentem, & omne lignum pomiferû: dic tu, Producat terra in me fructum proprium, & exhibit quidquid velis. Facio ego oriri solem super bonos & malos: imitare tu quoque, communica quæ tua sunt & bonis & malis. Cõtumelias patiens tolero, contumeliasque parantes beneficijs prosequor: imitare etiam tu, nec ita benefacias propter retributionem, neque propter gratiarum actionem. Accendi ego luminaria in cælo: his splendidiора tu accende; potes enim eos, qui sunt in errore, illuminare, maius est illud beneficium, quàm solem intueri, me agnoscere: hominem tu facere non potes, sicut ego, sed iustum facere potes, & ideò gratum. ego substantiam creavi, tu voluntatem exorna. Vide quomodo te diligam, & in maioribus dederim virtutem. Videtis dilectissimi, qualiter per virtutem honorati simus. Ita S. Chrysoctomus.

Adiuti diuinâ gratiâ possumus mandata obseruare.

DOMINICA
XVII. post
Pentecost.

I. Epist. 5.

Objiciet alius, nos quidẽ eòsque prædestinatos, quamdiu diuina mandata custodimus: hîc verò hæere aquam, hîc Rhodum, hîc saltum esse, non posse hæc à quocquam obseruari, neminem aliquem eâ fortitudine & constantiâ præditum, qui potens sit ea facere quæ Decalogo iubentur, etiamsi alioquin valdè velit. Huic obiectioni respondit D. Ioannes, qui non modò illa esse obseruatu possibilia asserit, sed nec difficilia quidem. *Hæc est enim charitas Dei, ut mandata eius custodiamus: & mandata eius grauiasunt.*

sunt. Quæ etiam si plurimum in se molestiæ haberent, tamen quia tanta illorum obseruantia est proposita merces, tam ineffabilis remuneratio, vt etiam iure merito omnium animi exstimulari deberent, etiam ad quantumlibet graua & molesta. Nec abs re foret, si quis ea repeteret quæ serui Naamo Syro olim dixerunt, cum ille domuitionem cum indignatione pararet, eò quòd iussus esset ab Eliseo septies lauare in Iordane: *Pater, et si rem grandem dixisset Propheta, certè facere debueras; quantò magis quia nunc dixit tibi: Lauare, & mundaberis?* Mundaberis tu, ô Christiane, si tantum diligas, non à lepra corporis, sed animæ, atq; omni agno & niue candidior ad cælestem patriam repedabis. Solum hoc Deo, hoc hominibus debeamus, vt illum supra omnia, istos sicut nosmet ipsos diligamus: ama, & quidquid lege & Prophetis continetur, adimplesti. quod etiam eo est facilius, quòd homo animal sociale sit, beneuolentiæ amorisque naturâ suâ appetens. *Quid hinc molestum est aut difficile, inquit Philo ludæus, Diliges Dominum Deum tuum, tui amantissimum, summum benefactorem? non iuberis maria numquam prius tentata trajcere, & tempestate furente in medijs fluctibus susque deque iactari procellis inter se conflictantibus; non itinera ingredi feris infesta & latronibus: fatis est si annuat animus.* Et Idiota de diuino amore ait, *Amor facilis res est, omnibus se exhibet, nulli se negat, rapit eum iuuenis & senex, vir & mulier, sanus & infirmus, diues & pauper, summus & infimus, liber & seruus, sæcularis & Religiosus, debilis & fortis, nec est qui se abscondat à calore eius,* id est, possit se excusare, quòd locum diuino huic igni in corde suo concedere non possit: nam vt alia sint difficultia, amare facile est. Cùm magnificentia Saluatoris nostri in Salomone describitur, Scriptura ait: *Ferculum,* sic dictum à ferendo, in quo reges portari solent, *fecit sibi rex Salomon de lignis Libani, columnas eius fecit argenteas, reclinatorium*

4 Reg. 5.

De victim.
offcent.In Contemp.
cap. 1.

Psal. 18.

Cant. 3.

torium aureum, ascensum purpureum, mediacharitate constravit propter filias Ierusalem. Quod ita explicat Hugo Cardinalis: Quia non omnes poterant martyrium sustinere, siue ascendere ascensum purpureum; ideò Media, id est, communem viam, paravit propter infirmos, quæ sunt filia Ierusalem. Si Martyr esse non possis, sis amator, Dilige Dominum Deum tuum. Quidni igitur cum antiquo illo & electo populo dicamus? Cuncta quæ locutus est Dominus, faciemus: quia certum est illum omnia facilia, nihil impossibile præcipere, quem admodum impius & blasphemus Calvinus blaterat, atque cum Eva quærit excusationes in peccatis, præceptaque diuina simul exaggerat. Illa enim fidenter dixit, sibi à Deo vetitum ne de arbore scientiæ boni & mali ederet, imò ne tangeret quidem. quod falsum erat, quia esu, non tactu Deus interdixerat. Ita Calvinus nobis ait præceptum, quod obseruatu sit impossibile, cum tamen id minimè diuinam bonitatem deceat, ut à nobis in rebus ad æternam salutem consequendam necessarijs, exigat quod extra nostram firum sit potestatem.

Concludo huc discursum breui apostrophe. *O Deus inexhaustæ bonitatis, quis tibi dignas repēdat gratias? quis debita tua erga nos dilectioni præconia? quis infinites promeritas laudes? Tua immensa planè in nos est benignitas, quia nobis tibi in filios adoptatis, potestatem fecisti regni tui, tamq̃ suauis & potenti prudentiâ nos gubernas, ut aterna vita & gloria sita sit in manu nostra, & nulla creatura salutem nostram impedire possit, nisi ipsi velimus. Certi enim sumus, iuxta Apostolum, quod neque mors, neque vita, neque Angeli, neque principatus, &c. neque creatura alia poterit nos separare à charitate Dei, quæ est in Christo Iesu Domino nostro. Neque tu, benignissime Deus, etiam si maximè possis, vis nos diuelli à te, qui tam sincerè & validè omnibus tribuis auxilia gratiæ tuæ, quibus uti libuerit. Quidni igitur sit mihi prædestinatio tua consolationi, qua spiritus fernorem auget, ad ea quæ meliora sunt sectanda*

Exod. 19.

Gen. 3.

Rom. 8.

Et anda inclinât; studiosis bonorum operum, non desidiibus & otiosis esse sinit; nullum mœrorem, nisi ob peccata commissa adducit: illa enim sola in causa sunt, si prædestinatione contingat excidere. Tibi soli, ô Deus, sit honor & gloria.

CAPVT SECVNDVM.

§. 1. *Huic, scilicet æternæ Dei prædestinationi, nihil æquè ad AVGVSTINI conuersionem faciendam in tempore, atque lacrymæ D. MONICÆ deseruierunt.*

THEMA CONCION.

Dominus misericordiâ motus super eam, dixit illi: Noli flere. Luc. 7.



IV E fabula sit, siue vera narratio, quod Samosatensis Sophista de Hercule Gallico prodit, valdè istius populi antiquissimi recondita Philosophia præsentî proposito deseruit: apud quem eiusmodi extabat pictura, index rei arcanæ, qualis est prouidentia supremi Numinis. Senem repræsentabat, caluum illum quidem magna ex parte, sed quod capillorû reliquum erat, valdè canum, cute item admodum rugosâ, & in atrum colorem adustâ: simillimum denique genti nautarum, nihilquæ habentem Herculanum nisi clauam & leonis exuium. Ab hoc sene magna hominum turba trahebatur catenulis ab extrema ipsius lingua perforata: prædeuntibus, quæ tantum abest vt inuita sequeretur, vt vltro accurrens laxas catenulas relinqueret. Sunt qui totam narrationem ad ciuilibus vitæ institutum transferant, velintquæ per hunc senem designari quempiam in republicâ au-

toritate florentem, ætate venerabilem, eloquio dulcem, qui efferi populi seditiones comprimere, & in suam sententiam perducere nullo negotio possit. de qua re elegantissimè scribit Virgilius :

Æneid. 1.

*Ac veluti magno in populo cùm sapè coorta est
Seditio, sæuitq; animus ignobile vulgus,
Iamq; faces & saxa volant; furor arma ministrat:
Tum pietate grauem ac meritis si fortè virum quem
Conspexere silent, arrectisq; auribus adstant:
Ille regit dictis animos, & pectora mulcet.*

Dan. 7.

At in præsentiarum malo id totum de Deo, eiusque suauissimè omnia gubernante prouidentia, cuius magna pars est prædestinatio, intelligi; vt omnia ab illius antiqui dierum lingua ita dependeant catenulis aureis, vt vtrò ad illum accurrant, & vnumquodque ad finem suum dirigatur. Prædestinatos ita impellit, vt suoapte motu ire videantur; tam suauiter gubernat disponitque, prudenter attingens omnia à fine vsque ad finem, vt solæ causæ secundæ videantur illa omnia egisse, quæ vt fierent, erant ab æterna Dei prædestinatione. Vis euidentius exemplum quàm conuersionem S. P. AVGVSTINI? hanc non dubitauit ipse maximus Doctor, lacrymis & orationibus pientissimæ matris suæ adscribere. Et nõne, quia catenulæ illæ aureæ non cogunt, sed inuitant, ducatum tantùm præstare videntur? Et

Lib. 3. Conf.
cap. 11.

misisti, inquit, manum tuam de alto, & de hac profunda caligine eruisti animam meam: cùm pro me fletet ad te mater mea, fidelis tua, ampliùs quàm flent matres corporæ funera. Videbat enim illa mortem meam ex fide & spiritu quem in te habebat, & exaudisti eam Domine. Exaudisti eam, nec despexisti lacrymas eius: cùm profluentes rigarent terram sub oculis eius, in omni loco orationis eius, & exaudisti eam.

In lacrymis S. Monica notanda quatuor.

QUæ verba non possum quin paulo copiosius excutiã, annotemque istarum lacrymarum originem, assiduitatem, copiam, & efficaciam. Originem quidem trahebant ex afflicto & sollicito corde materno, eò quòd pensulatiùs quàm plerumque feminæ solent, negotium animæ filij sui consideraret. Videbat enim illa mortem meam, inquit, ex fide & spiritu quem in te habebat: vnde angebatur ne æterna mors abriperet, quem in breuem & mortalem hanc lucem priùs effuderat: exactã scilicet lance ponderabat pericula eorum, qui extra Ecclesiam Catholicam viuunt, qui sine Sacramentorum præsidio hinc excedunt. Horrebat ad æterna, & maxima illa infernalis ignis supplicia. Postremò optimè nouerat plus apud Deum gemitibus quàm sermonibus agi, plus fletu quàm affatu. Quid? quòd **AUGVSTINVS**, præter magnum oculorum imbrem, quo Monica parentauit, pro illa famula Dei longè aliud lacrymarum genus fuderit, quod manat de concusso spiritu, solâ consideratione periculi omnis animæ quæ in Adam moritur. Vt mirum non fuerit,

IN FESTO
S. M. MOE
NICÆ,

Lib. 9. Conf.
cap. 13.

Si toties Monica signata sacraria fletu,

Et toties vdis tacta sepulchra genis,

propter eum, quem tam obstinato vestigio videbat pergentem indies ad deteriora.

Indicibilis quoque erat falsi istius humoris assiduitas: nam in omni loco illum fundebat, neque minùs diem sine fletu trans mittebat, quàm Rhodon insulam sol radijs suis non saluaret. Eoque exemplo monstrauit verum esse, quod sub fabulæ cortice narrat Plutarchus in Apophthegmatis, solem breuiùs efficere, clementi radiorum suorum emissionem, vt homines itinerantes calefaciat, & vestibus exuat; quàm Aquilo eos infrigidet, licet asperrimo & sæuissimo flatu spiraret. Plus nempe potuere maternæ charitatis suauiter

ter vrentes flammulæ, quàm alia quælibet asperior ob-
iurgatio, vt ille vestem veteris Adami exueret.

Copia verò tanta extitit, vt viam in oratorijs & templis
signaret, facileque appareret vbi illa genua flexisset, quem-
admodum de Cerere & Venere fabulantur poëtæ, illam
iter suum sparso vbi que terrarum frumento, hanc relicto
rore prodidisse. Vt certè non absque miraculo fuerit, quòd
fundendo tantum humorem, illud tenerum & exsuccum
vigilijs & ieiunijs corpusculum, sufficere per nouem annos
potuerit. Quidni hîc verba D. Bernardi vsurpem, quibus
luctum Samuelis super Saulis reprobatione describit? Mo-
nica lugebat AVGVSTINVM, tanto cariorem, quanto pri-
mogeniti ceteris prolibus, etiam à Deo, præferuntur, & ad
ignem charitatis incallescète pectore, liquefactus intus pie-
tatis adeps foras erumpebat per oculos. Erumpebant la-
crymæ de pinguedine cordis, gratiæ prodittrices. Amor
ignis iste, quo dum sancta parens flagrat erga filium, visus
est in duo quasi lacrymarum flumina conuerti. Atque hic
ipse liquor, etiam maiorem amoris ignem reaccendit, cum
iam per lacrymas suas conuersum vidit non tantum Ca-
tholicum, sed contemptâ felicitate terrenâ, seruum Dei.
Ita vt quasi renouatum in illa videatur vetus miraculum,
quando ignis in sicca spelunca absconditus apparuit post
captiuitatē Persicam eundem requirentibus, aqua crassa,
quæ cum lignis sacrificiorū inspergeretur, rursus ignis for-
mam assumpsit. Ignis amoris genuit liquorem lacrymarū,
& rursus ipsæ lacrymæ maiorem charitatis ignem accen-
derunt. Idem ipsius peccatoribus accidere non dispari ra-
tione obseruat B. Petrus Damianus. Audiuimus, inquit, an-
tè, quòd aqua pro igne reperta est; nunc è contratiō dicitur,
quia per asperisionem aquæ ignis magnus accensus est.
Ergo & ex igne aqua nascitur, & ex aqua ignis inui-
cem procreatur. Quia & ex diuini feruore ignis gratia
compunctionis oritur, & rursus ex compunctione la-
cry-

Serm. 11. in
Cant.

2. Machab. 1.

Opus. 13.
cap. 13.

crymarum desiderij cælestis ardor augetur : alterum siquidem pendet ab altero , & sibimet vtrumque inuicem præstat, dum & ex amore Dei lacrymarum compunctio profluit, & rursus per lacrymas ad amorem mens nostra feruentius inardescit. Atque hæc quidem de origine siue causa, assiduitate & copia lacrymarum, dicta sunt.

Quanti sint lacryma apud Deum.

Sequitur nunc de efficacia: nam Deus exaudiuit eam, DOMINIC A IX. post Pentecosten. nec despexit lacrymas eius: dicoque, si tantum lacryma apud Deum habeant pondus, vt nullus vnumquam illas frustra fuderit, videntur parisi pretij esse apud Deum, cuius hic inter mortales est pecunia: nam illis Deus in cælo videtur obedire, veluti isti omnia parent in terra. Oratio, inquit Hieronymus, Deum lenit, lacryma cogit. Et Ambrosius ait, Vim facimus Deo, non compellendo, sed flendo: beata sanè violentia, quæ numquam indignatione percutitur, sed misericordiâ condonatur; quam cæli defensores & incolæ non repellunt, sed iuuant. Vniuersim enim testatur Dauid, & de omnibus, *Qui seminant in lacrymis desideria sua aliquid obtinendi à Deo, in exultatione metent* Ia cap. 38. Isaiæ. Serm. x 3. de natiuit. Domini. adimplere vota sua & postulationes, fructus scilicet desideratos. Quanta Nemesis capiti ipsius Regis Hebræi, toti que regno imminēbat! prosternebantur vno aliquo die, *de mane vsque ad tempus constitutum, septuaginta millia virorum*: at posteaquam cum lacrymis orasset Dauid, placatus est Dominus, dixitque *Angelo percutienti populum, Sufficit: nunc contine manum tuam.* Cumque præstantiam huius aquei liquoris describit, ait: *Posuisti lacrymas meas in conspectu tuo,* tamquam Psal. 125. scilicet rem pretiosam & caram, quam sæpius intueri volupetit & iucundum, cuius recordatione multa mihi præstas. Ezechiaæ ægrotanti nigrum mortis theta Haïas Propheta afferebat; at ille, conuerso ad parietem lecti vultu, flebat pro peccato suo. *Factumque est verbū Domini ad Isaiam, dicens: Vade & dic Ezechia, Hæc dicit Dominus Deus Dauid patris tui:* Psal. 55.
Audiuisti Isaiæ 38.

Audiui orationem tuam, & vidi lacrymas tuas, id est approbaui, placuerunt mihi: Ecce ego adiciam super dies tuos quindecim annos: & de manu regis Assyriorum eruam te. Videre Dei, inquit Beda, eligere vel amare est. Vnde & illud: *Oculi Domini super iustos.* Nam & nos quæ amamus, videre; ab ijs quæ execramur, intuitum festinamus auertere. Fleuerunt Agar & filius eius Ismael, leuaueruntque vocem suam ad Dominum, cum aquæ penuriâ pressi iam mortem oppeterentur: audiuitque Dominus vocem eorum, & lacrymas non despexit.

Quid non maternæ valeant lacrymæ, quæ tantâ pietate, tanto affectu, tam bono fine, copiosissimè effunduntur apud diuinam bonitatem? Quidni tangatur miseratione illius animus super Monica vidua, qui *non despiciet preces pupillæ; nec viduam, si effundat loquelam gemitus?* Ideoque viduas Apostolus monet, *Quæ autem verè vidua est & desolata, speret in Deum, & instet obsecrationibus & orationibus nocte ac die.* Qui cum iret in ciuitatem quæ vocabatur Naim, & vidisset viduam efferentem vnicum filium, *misericiardiâ motus super eam, dixit illi: Noli flere.* Sed quàm historia hæc Euangelica instituto nostro per omnia prorsus congruit! *Ibat Iesus in ciuitatem, &c.* id est, venit Saluator noster in hunc mundum *peccatores saluos facere:* quod & de seipso testatus est Pharisæis, *Non veni vocare iustos, qui ope meâ non indigent, & quales vos esse arbitramini, sed peccatores.* Ibat vltro, minime vocatus. *Et ibant cum eo discipuli,* id est, prædicatores & homines pij, qui verbo & exemplo laborabant, & adhuc laborant cum Christo in conuersione animarum, laxantque retia in rapturam piscium rationalium: quos inter tum eminebant S. Ambrosius, S. Simplicianus, Potitianus, alijque, qui quâ priuatis colloctionibus, quâ publicis concionibus reuocare palantes oues sunt conati. *Etece defunctus efferebatur* AVGVSTINVS, qui infeliciter in hæresim Manichæorum inciderat; ferebatur tamen adhuc in spe viuifici

uifici ligni S. crucis, necdum terrâ obrutus iacebat, quam postea remouere, prò nimis fuisset difficile, quia non ex obstinatione & malitia, sed præpostero & vitiato veritatis adipiscendæ desiderio, & zelo quærendæ legis Dei, in eam abreptus erat: sed lex Dei non inuenitur nisi ab humilibus, iuxta illud, *Confiteor tibi Pater, Domine cali & terra, quòd abscondisti hæc à sapientibus & prudentibus, & reuelasti ea paruulis.* Cum vidua illa, Monicam intellige, comitabantur S. Ambrosius, congregationesque fidelium, qui assiduis precibus cælestis aulæ ianuam pro AVGVSTINI conuersione feriebant. *Quà cum vidisset Iesus, misericordiâ motus est;* ille inquam vidisset, qui est *Pater misericordiarum, & Deus totius consolationis*, qui *consolatur nos in omni tribulatione nostra:* qui adest in tribulatione, vt eripiat & glorificet afflictos. Motus es, ô Iesu, misericordiâ: Manus enim, inquit S. Doctor, tuæ, Deus meus, in abdito prouidentia tuæ, non deferebant animam meam: & de sanguine cordis matris meæ, per lacrymas eius diebus ac noctibus, pro me sacrificabatur tibi. Et egisti mecum miris & occultis modis; tu illud egisti Deus meus: nam *à Domino gressus hominis diriguntur, & viam eius volet,* aut quæ procuratio salutis præter manum tuam reficientem quæ fecisti? Nota, *de sanguine cordis matris meæ,* quia illum etiam sanguinem, qui vltimus ad cor coit, illud fouet & animat, filio impendere voluisset, si adfuisset facultas. Lacrymæ originem à corde, sanguis ab hepate, pituita & mucor à cerebro originem habere perhibentur: & quasi aqueus lacrymarum humor Monicæ non suffecisset, videbatur etiam sanguinem velle ex intimo cordis depromere. Videte ergo vos dyscoli filij, vos immorigeræ puellæ, quanti pretij rem eatis perditum, quum refractarij & rebelles, & matribus duri, ad lacrymandum eas compellit; de sanguine cordis illarum hauritis, & in terram profunditis; quin & quasi rem nullius momenti, pedibus, id est, contemptu proteritis, dum preces maternas spernitis,

Lu cx 10.

2. Cor. I.

Psal. 90.

Lib. 5. Conf.
c. 7.

Psal. 36.

ris, & sana consilia non auscultatis. *Pro me sacrificabatur.* An ergo & Monica Sacerdos? Vt Sacerdos non fuerit, tanti lacrymas maternas AVGVSTINVS æstimat, vt conferre cum sacrificio non dubitet, idque ex mente Psalmographi, *Sacrificium Deo spiritus contribulatus, cor contritum & humiliatum Deus non despicies.* Certè, Monicæ non despexit, sed *miseri cordiâ motus dixit illi, Noli flere.* satis iam lacrymis, satis iam luctui datum est, viuet filius tuus. Tangam non loculum sed cor eius, & sagittabo illud charitate meâ, gestabitque verba mea: *Tolle lege, tolle lege, transfixa visceribus.*

Psal. 50.

Luca 7.

Lib. 9. Conf. cap. 2.

Gen. 22.

Nec etiam abludit alia historia ex Genesi, vbi per Agar Monicam intellige, quæ dum videret filium siti, non aquæ vel vini, sed veritatis, morientem, quia iam omnino desperabat se eam vllibi hominum vel locorum reperire posse, *sedit è regione procul, quantum potest arcus iacere; numquam enim potuit hæc sollicita parens etiam talem filium deserre, illum secuta per terras & maria, longum profectò iter, & leuauit vocem suam, & fleuit. Exaudiuit autem Dominus vocem pueri, veritatem sitientis, & longam illam sitim abundè Catholicæ veritatis mero expleuit. De qua re ecce tibi breue Epigramma:*

Quis Monicam flagrasse Dei dubitabit amore?

Quis natum modicè dicet amasse suum?

Non tantùm, commune quod est, fuit ore locuta:

(Nutibus & signis sæpè notatur amor.)

Est lacrymis affata Deum, flexitq; morantem,

Est quoque cum lacryma pondera vocis habentæ.

O! nati miserere Deus, miserere, rogabant

Hæ lacrymæ: atque harum filius iste fuit.

Exultat nunc lata parens, natoq; triumphat,

Qui legi paret, consilioq; Dei.

Legis fuit, vt baptizaretur; consilij verò Euangelici, vt fieret Religiosus. Et quamuis antea Ismaelis malitiam fortassis adæquaret, tamen longior illi debebatur vita, quia in gentem

gèntem magnam futurus erat, caput paterque tot illustrium Ordinum, fundator Eremitarum.

Matrum sollicitudinem & preces aliquid plus aliorum intercessione apud Deum posse, etiam in veteri testamento euidenti indicio demonstratum est. Neque alterius quàm Gen. 27. maternis auspicijs ausus fuit Iacob primogeniti hirsutas manus collumque pellibus caprinis mentiri, atque primogenita præripere. Maternus fauor, materna pietas & benedictio fuit, ut impunè hoc ageret, imò tantam patris benedictionem adipisceretur. Certè nisi mater negotium egisset filij, Iacob maximis illis copiosisque bonis excidisse. Et quamuis mater filiorum Zebedæi precibus suis extorquere charissimis pignoribus suis Iacobo & Ioanni Math. 20. non potuerit, ut sederent vnus ad dextram, alter ad sinistram Christi in regno Dei; tamen florentissimam illis martyrij coronam obtinuit: *Calicem quidem meum bibetis.* Precabatur Bethsabee mater Salomonis pro salute filij apud Dauidem coniugem suum, ut ne Adonias per factionem 3. Reg. 1. regnum inuadens, illum non tantùm legitimâ successionem, sed & vitâ excluderet. Et tantum maternæ valere preces & lacrymæ (quis enim illas abfuisse dubitet?) ut statim regni decora, diadema scilicet, & vinctio, & mula regia, solemnisque inauguratio concederetur.

Pro corollario huius capituli obserua, inter prædestinationis signa, & salutis adiumenta, non infimum esse, habere apud Deum intercessores & patronos, pios etiam & sollicitos parentes, Confessarios, qui indefessis precibus bonitatem ipsius sollicitent; & vel nolentem, saluum esse velint, imò cogant. Multi proprijs sceleribus perirent, qui alienis precibus saluantur. Vnde cum optimus regum Iuda ab Assyrijs intra mœnia Ierusalem obsideretur, iamque ipse cum vrbe, & vniuersa regione nutaret, expertus aliàs quantum momenti apud Deum Prophetarum haberent preces, Isaïæ 37. misit Eliacim & Sobnam, & seniores de sacerdotibus, oper-

ros faccis ad Isaiam , quò miserabili hoc Schemate efficacius Prophetæ animum ad commiserationem inflecterent, vt is negotium conciliandi Numinis arriperet. Tunc cùm Samuel diem suum obiisset, & planxisset eum totus Israel, atque sepeliisset in ciuitate sua Ramatha, dicuntur Philistæi mouisse bellum aduersus Saulem & populum. Commemoratur, inquit Caieranus ad hunc locum, priùs mors Samuelis illo capite, quamuis iam diu antè obiisset, quo maximæ calamitates, & infelicissimus belli euentus describuntur, ad manifestandum tempore quo Saul fuit desertus à Deo, etiam ope Samuelis, vtpote mortui, fuisse destitutum. Quasi ideo illi omnia infortunatissima acciderint, quia iam diu interprete apud Deum & deprecatore carebat, Nempe, vt Hieronymus Abazam ait, ligatum habent Sancti Deum, vt non feriat nisi ipsi permiserint. Expectat Deus in cælo Petri ligamina & solutionem, neque eum in cælis ligat aut soluit, nisi quem Petrus in terra ligauerit vel soluerit. Quantum bonum, habere quempiam, qui nobis Deum placet! Indignus alioquin omni cælesti fauore, ob fœdum murmurationis peccatum, erat populus Hebræorum, nec erat quòd expectaret sibi mitti carnes è cælo, nisi Moyse illorum vicem miseratus, precibus apud Deum institisset.

• Vnde etiam si vniuersus populus esum carniū postulasset, tamen vni Moyse dicitur: *Numquid manus Domini inuvalida est? iam nunc videbis vtrum meus sermo compleatur;* Hebraicè, *Videbis vtrum eueniat tibi verbum meum?* Non dicit, inquit Oleaster, vtrum eueniat eis verbum meum; sed tibi, ait Dominus: vt ostendat se nihil velle malis subditis dare, sed cuncta bonis Prælati. Quos idcirco non malè lauro comparaueris, quia sicut illa fulmen, ita illorum preces cælestes punitiones auerruncant. Peccauerat olim idem peccatum Giezi famulus Elisei, quod Simon Magus, à quo nomen retinuit; & tamen ille infamè leprâ percussus est, hic nihil simile perpeffus. Et vnde hæc eiusdem culpæ dispar punitio?

1. Reg. 28.

In cap. 32.
Exodi.

Num. 11.

4. Reg. 5.

A voto siue desiderio Simonis, quo Apostolos optabat sibi patronos, & apud Deum intercessores, ne quid eiusmodi ei accideret, quod D. Petrus illi comminatus erat. Tanti est apud Deum, vt vel saltem sanctorum hominum precibus te commendes. Vt nihil nouum vel insolens fuerit, quòd S. P. AVGVSTINVS matri oranti & lacrymanti salutem suam acceptam retulerit. Nam cùm Deus promiserit se exauditurum orationem ritè susceptam, obstringitur quodammodo ad faciendum quod petitur, pro quocumque constanter ac piè peratur. Hanc enim promissionem non ad solam orantis personam, sed ad eos quoque pro quibus oramus, extendi putat Suarez, quem vide tom 3. de Religion. lib. 1. cap. 27.

AG. 8.

§. II. *Plurimum quidem lacrymæ orationesq; S. Monica AVGVSTINO profuerunt; sed serò suum sortiri potuerunt effectum, quia ipse operam suam non adferebat.*

Quales & quantæcumque fuerint lacrymæ D. Monica, nihil tamen nouem annis integrè effecerunt, adeoque Beudum dolijs pretiosus hic liquor exceptus est, quia ipse, cuius causâ fundebantur, conuersionem suam nimis obstinatè differebat. Frustra enim sudatur & operatur, cùm tu, ô peccator, otiosus es, & stertis: velis saltem, si non possis: & ita velis, vt intra verba tantùm non constet hæc voluntas. Quid si dicam etiam ipsi Deo hoc opus graue esse? nam S. Thomas non veretur asserere maius esse iustificationem vnus peccatoris, quàm cæli & terræ ex nihilo creationem. Videturque inde ratio desumi, quòd aliæ omnes res creatæ, cùm ratione & libero arbitrio careant, plenissimè subiacent imperio conditoris, nec est quidpiam in eis quod vel minimum reluctari velit, vel possit: verùm, quia homini sua constare debet libertas, diuinæque benignitas vt plurimùm conformiter naturæ cuiusque rei operatur; non est mirum hanc ob causam iustificationem peccatoris, crea-

DOMINICA
XVI. post
Pentecost.1. 2. q. 113,
art. 9.

Ioan. 1.

creatione aliarum rerum, aliquid maius esse; non quidē ex parte Dei, cui omnia prorsus æquē sunt facilia, sed ex parte hominis, qui oblectatur & diuinæ gratiæ refractarium se reddit. alioquin cū peccatum non solūm nihil sit, iuxta S. AVGVSTINVM, qui locum illum explicat: *Sine quo factum est nihil*, id est, peccatum; sed etiam nihilo deterius, iuxta S. Chrysostomum; creatio autem sit productio ex nihilo; patet equidem quòd iustificatio terminum à quo, habeat viliozem. Adde, quòd, si creatio opus sit infinitæ potentiæ; iustificatio est infinitæ misericordiæ. Quapropter quisquis AVGVSTINI mores erroresque aliquando imitatus es, illius cunctationem ne sequare, nec satis habeaste aliorum orationibus commendasse: sed ipse ora, & ad opus conuersionis te accinge. Nullus vel exiguus calor eis accedit, quibus super cœna ab alijs calefacta mantilia porriguntur: surgendum de mensa temulentia mundanæ, deponendus de manu calix Babylonicus, & igni, qui Deus est, per pœnitentiæ Sacramentum, & solida Christianæ pietatis exercitia appropinquandum. Quàm ridicula & miserabilis quorundam fiducia est, qui cū extra omnem Dei timorem viuant, Baccho & Veneri quotidie litent; maximam tamen spem in piorum aliquot hominum precibus fatis aliquando frigidis, collocant: imò, quod adhuc longè deterius est, pœnitentiam à Confessario iniunctam, si paullò grauior videtur, inter combibones sociosque partiuntur: quasi sufficeret aliquid boni fieri, à quocumque id demū fiat.

— *Que non fecimus ipsi*

Vix ea nostra puto.

Psalm. 82.

Meritò eiusmodi homines Dauid execratur, qui dicunt, *Hereditate possideamus sanctuarium Dei: Deus meus, pone eos ut rotam, & sicut stipulam ante faciem venti*. Execratur, inquam, eos qui sine proprio sudore quietem, sine puluere palmam, sine prælio victoriam, sine violentia cælum appetunt,

runt, sub titulo hereditatis; cùm tamen ipsum Dei filium, Heb. 1.
 heredem vniuersorum, oportuerit pati, & sic intrare in Lucæ 24.
 gloriam suam: quanto magis nos, si contendimus possidere
 alienam? Consuetudo apud Romanos vigeat, vt ille qui
 bonorum scriptus foret heres, mortuum efferret:

Horatius.

— *Cadaver*

Vnctum oleo largo nudis humeris tulit heres.

Quò videbantur innuere, heredem, sicut bonorum; ita etiam
 debere potiorem funeris luctuque esse partem. At
 quàm tristitia, quàm grauiam & infanda, caput nostrum Chri-
 stus pertulit! Nos sumus *heredes quidem Dei, coheredes autem* Rom. 8.
Christi: & manū tantùm lætis, non tristibus, adhibebimus?
 Vnde Zorobabel & Iesus, & reliqui zelatores diuinæ legis,
 cùm reædificandum esset templum, atque etiam hostes Iu-
 da & Benjamin operam suam offerrent, dixerunt: *Nos ipsi* 1. Esdr. 4.
ædificabimus. Quomodo enim aliena opera placeat Deo?
 Bene aiunt, inquit D. Bonauentura, ædificantes, Nos ipsi fa-
 ciemus opus. Quod opus, nisi de quo Apostolus ait, *Dum* In specul.
tempus habemus, operemur bonū. Benè autem dicunt: Nos ipsi virg. c. 11.
 faciemus, nos ipsi ædificabimus, non nostri vicarij. Vnde Galat. 6.
 alibi: *Exhibeamus nosmetipsos sicut Dei ministros.* Locum hîc
 habet quod Vlpianus scribit ex Pompeio, non omnes a ctio-
 nes per procuratorem posse institui. quod sanè in primis
 obtinet in lure Christianæ legis, vbi vitæ emendatio per
 procurator fieri omnino nequit. Sed obijciat quispiam
 illud Iacobi: *Orate pro inuicem, vt saluemini: multum enim va-* Iacobi 3.
let deprecatio iusti assidua. At, inquit Athanasius Sinaita, iun-
 ge clamorē tuum cum Sacerdote pro te deprecante, da re-
 ipsum pro salute tua, multum valet deprecatio iusti assidua
 & efficax; sed efficax erit, si tu cum sacerdote partes tuas
 copules, fructuque pœnitentiæ demonstres: quia vnus
 ædificans, & vnus destruens; quid prodest illis nisi labor?
 Hinc egregiè ad hanc obiectionem profanus scriptor: Res-
 pice ne sit parum prouidum sperare ex alijs, quod tibi ipsi Plin. lib. 2.
epist. 10.

NON

Coniurat.
Catal.

non præbes. Et Salustius, Vigilando, agendo, benè consulendo prospera omnia cedunt; vbi fœcordiæ te atque ignauiæ tradideris, nequidquam Deos implores.

Gen. 21,

Sed ad sacra reuertamur. In illis dicitur, *Exaudiuit autem Deus vocem pueri, vocauitq; Angelus Dei Agar de calo dicens, Quid agis Agar? Noli timere: exaudiuit enim Deus vocem pueri de loco in quo est.* Quæ verba indicant Ismaëlem non fuisse contentum precibus & lacrymis quas mater fundebat; sed vocem suam pariter eleuasse in cælum cum eiulatu & fletu, atque pro peccatis suis fuisse deprecatum. Erat enim tunc, vt Lyranus ad illum locum notat, facilè viginti annorum.

In Genes.

Vt discas, inquit Olcafter, quòd plus nobis ad misericordiam valeat fletus noster, quàm amicorum & aliorum pro nobis. Quamdiu Martha tantùm pro Magdalena conuersione orauit (quod illam sapiùs fecisse charitas erga fratrem Lazarum persuadet) nihil obtinuit, nihil effecit: Magdalena adhuc in sordibus volutabatur, domiciliũ septem dæmoniorum permanebat, de remissione peccatorum ipsius nulla mentio. At vbi, neglectis hominum obloquijs, immemor ornatus & decoris feminei, memor salutis, datâ occasione irruit in domũ Simonis cum alabastro vnguenti,

Ioan. 11.

Lucæ 7.

vbi Saluator noster accumbebat, retrò stans fleuit, pedes eius lacrymis lauit, capillis terfit, osculata est; illicò veniam peccatorum est consecuta, mirabileſque diuinæ benignitatis effectus experta, & ad intimam Christi familiaritatem admissa. Non tum, inquit Chrysologus, Christus accubuit, pocula soporata melle, floribus odorata sumpturus; sed pœnitentis lacrymas ex ipsis oculorum fontibus potaturus.

Serm. 93.

Adde, qui riuulum profluentem ex oculis Marthæ fastidiuerat, quia ille alienus erat, largiter de hoc Magdalena fonte, quia proprius illi & domesticus, hausit. Per ironiam mittebantur fatuæ virgines ad vendētes pro emendo oleo, meritoque exclusæ sunt, quia ab alijs bona opera quasi emendicare, quàm ipsæ præstare maluerunt. Duodecim illi

Matth. 25.

lapides

lapides in pectorali summi Sacerdotis, singuli proprio fulgore radiabant: quo designabatur vnamquamque tribum, imò vnumquemque hominem, debere propriæ virtutis nitore fulgere; non aliorum labores inuadere, non merere quod alius seminavit. Iubet patientissimus Propheta, vt à brutis animalibus discamus: *Interroga, inquit, iumenta, & docebunt te.* Quod verò ex irrationabilibus animalibus id facit meliùs quàm canis, qui captum; occisumq; ab alio leporem non attingit? Tu verò, ô homo, qui venationem regni cælorum instituis, qui in stadio huius vitæ es constitutus vt ipse curras, ne alijs negotium salutis tuæ committe, sed ipse venare, ipse labora, & quidem sic curre, vt comprehendas. Cùm Dauidi ingrauescente ætate natiuus calor deficeret, non calefiebat, etiamsi operiretur vestibus: ita nec peccator ex aliorum bonis operibus iustitiæ viuificantē calorem haurit. Frustrà eras, ô Beata Monica, etiamsi diuini ignis tui fomenta non pauca filio circumponeres, quamdiu nihil ab interiori ipsius animo proficiscebatur.

Quantum verò, & quã efficax diuinæ indulgentiæ assequendę medium, si ipse peccator genas lacrymis riget, aut, vt Scriptura ait, effundat cor suum in conspectu Domini? eiuscemodi enim sacrificio promeretur Deus. Olim filij Israel, cùm se criminibus fœdatos & denigratos agnoscerent, congregati sunt omnes in Masphath coram Samuele inducente illos ad pœnitentiam, & adhortante vt ex toto corde reuerterentur ad Dominum; proiectisq; idolis illi soli seruirent, & corda vitijs cõmaculata, virtutum floribus Domino adornarent, atque præpararent. in signum veræ pœnitentiæ, inquit sacer textus, *Hauerunt aquam, & effuderunt in conspectu Domini, & ieiunauerunt die illa, atque dixerunt ibi, Peccauimus Domino.* Quæ ceremonia effundendi aquam coram Domino, si intelligatur vt sonat, noua, & Israelitis videbitur inusitata, vt Caietanus obseruat. Voluerunt igitur illâ significare, inquit, sicut aqua totaliter effunditur,

Exod 35.

Iob 12.

Ælian. de
animal. l. 8.
cap. 2.1. Cor. 9.
3. Reg. 1.

Heb. 13.

1. Reg. 7.

ditur, nihilq; remanet in vase, ita se penitus idola abieciſſe, deosq; alienos abdicatſe, & ſcleribus nuntium remiſiſſe. Quæ quidẽ explicatio tamenſi non diſplicet; magis tamen ad rem facere videtur tranſlatio. Variabli, quæ & commentarij vicem ſupplet. *Hauſerunt, inquit, aquas à puteo cordis ſui, & abunde lacrymati ſunt coram Domino.* Neque enim filij Iſrael uſi ſunt ceremoniâ inuſitatâ, nec aquam ex puteis è terræ uisceribus, ſed è cordis penetralibus liquorem lacrymarum eduxerunt, fuderuntq; duobûs ueluti oculorum modioliſ in conſpectu Domini. Hinc eâdem phraſi peccator admonetur: *Effunde ſicut aquam cor tuum, ante conſpectum Domini.* Et Anna amaro animo flens largiter, Heli improperanti reſpondit: *Effudi animam meam in conſpectu Domini.* Id uerò age, & quidquid à Deo poſtulaueris, impetrabis; adentq; aliquid etiam preces alienæ.

Thren. 2.

1. Reg. 1.

CAPVT TERTIVM.

S. I. Testimonium propriæ conſcientiæ eludere peccator non poteſt, nedum AVGVSTINVS id potuit.

THEMA CONCION.

Quæ lex in cordibus ueſtris ſcripta exigit, præſtate. Rom. 2.

DOMINICA
XXI. poſt
Pentecoſt.



oc quidẽ ſingulare habuit AVGVSTINVS, & paucis alioquin contingit, quòd matrem habeant, & quidem talem, & tam diu ſuperſtitem, quæ nouem annis nihil ferè niſi oret atque fleat pro filio: at commune illi cum alijs peccatoribus fuit, quòd conſcientiæ ſuæ narratione potuerit imponere ſilentium. Minentur laqueum, & crudeliter in illam læuiant, palpent & demulceant, pecunias & munera offerant; illa numquam tacebit, imò urgebit, ſemperq; teſtabitur peccatum eſſe illicitum, turpe, fugiendum. Et ideo, vt præclarè Lipſius, nemo

crimen

In florib.

crimen gestat in pectore, qui non idem Nemesis in tergo. Est siquidem, vt benè Delrius notat, anima nostra vrbi quàm simillima, in cuius superiore & turtiore parte princeps manet, in inferiore verò plebs: sunt eius ianitores quinque sensus, per quos necesse est transire, quidquid in urbem introducitur: est eiusdem scriba phantasia, quæ omnia quæ intrant, ex ipsis ianitoribus excipit: sunt quasi eius tribuni plebis, concupiscibilis & irascibilis facultates, qui se mutuo fouent & auxiliantur: vnus ex eis concupiscibilis, quod pulchrum est, à phantasia exhibitum adipisci curat: impedimenta alius, putà irascibilis, expellit. Hinc tumultus non parui, nec infrequentes exoriuntur, seditiones contra principem mentem, dum quod iniustum est, appetunt: at menti quasi vigil adstat conscientia seu synderesis, quæ concedenda & neganda continuò docens, semper contra peccatum clamat; *Caue ne aliquando peccato consentias: &, Quasi à facie colubri, fuge peccatum.* Quòd si mens illã audire renuat, & potius prauæ consuetudini se subdere velit, non ob id à suis illa cessat clamoribus, sed vt timorem incuriat, continuò pœnas proponit meritas, clamat: *Fuge, caue, imperium reassume, concupiscentiam subde.* Ex quo fit, vt quemadmodum inter tyrannum imperium inuadentem, & legitimum eiusdem imperij dominum numquã pax esse potest, quòd omni ope & arte contendat in regni sui possessionem rex legitimus restitui; ita in anima, cuius mens & ratio tyrannidi concupiscentiæ per peccatum sunt subditæ, numquam quies esse potest, sed continua insurgunt in ea tormenta, & intestini dolores, semper reclamante conscientia, & rationis imperium prouocante. Nam humano generi, inquit Chryostomus, concessit diuina misericordia, vt vnique nostrum infitum sit indeprauabile iudiciũ conscientie habentis iustum inter bonum & malum discrimen, id quòd potissimum omnem nobis defensionẽ tollit, quòd non per ignorantiam in peccata incidimus, sed per animæ

In opere
Mariano.

Iob 10.
Eccli. 21.

Hom. 5. in
cap. 1. Gen.

Lib. 3. Conf.
cap. 18.

Lib. 1. c. 18.

Rom. 2.

desidiam, & virtutis negligentia. Et S. P. AVGVSTINVS ait, Flagitia contra naturam vbique ac semper detestanda atque punienda, vis illa interna animi suggerit. Et certè nulla est tam intima litterarū scientia, quam scripta fit in conscientia, id se alteri non posse facere, quod nolit pati. Nec videtur alibi Apostolus quidpiam amplius exigere, quam vt conscientie testimoniū, (quod legem naturalem vocat,) audiamus. *Quæ, inquit, lex in cordibus vestris scripta exigit, præstare.* Vbi Christianis loquens vult, vt nullā deinceps ignorantie legis prætexant causam, quemadmodum olim alij homines, ideoq; data sit ijs lex Moyfaica siue decalogus, qui nihil nisi legem naturalem continebat. Sed cum neque hæc plenè obseruaretur, eò quòd præcepta adessent, abesset gratia; data est postea lex Euangelica, id est, plenitudo gratiæ, quâ non tantum lex illa cordibus nostris inscripta illustraretur, sed vires omnia obseruandi conferrentur. Et quamuis nulla vmquam peruersitas, vel intellectus obsecatio hanc naturalem legem potuerit ex animis quorumcumque mortalium euellere; tamen obscurata & quasi saburrâ obruta iacuit. quia enim grauiſſima illa pæderastiæ, idololatriæ, concubinatus flagitia, quibus etiam Platones, Socrates, Menedemi, Aristoteles, Antisthenes, teste Laërtio in Vitis illorum, dediti erant, inter vitia nō numerabantur; non ideo desierunt esse contra naturam, utpote quæ recta ratio detestetur. Omnes profus homines ostendunt opus legis scriptum in cordibus suis, *Testimonium illis reddente conscientia ipsorum, & inter se inuicem cogitationibus accusantibus, aut etiam defendentibus, in die cū iudicabit Dominus occulta hominum.* A quo non longè abit sapiens Hispanus, Multos, inquit, fortuna liberat metu, pœnâ neminem. *Quare?* quia infixâ nobis eius rei auersio est quam natura damnauit. Ideoque numquam fides latendi fit etiam latentibus, quia coarguit illos conscientia, & ipsos sibi ostendit. Plutarchus refert Bessum quemdam in matrem

Rom. 2.

Seneca
lib. 18. epist.
98.

Lib. de

trem

trem adeò excanduisse, vt ipsam tandem vnà cum ædibus
 incendio absumpserit; illum verò multò pòst tempore de-
 lituisse: qui tamen cùm aliquando ad hospites cœnatum
 pergeret, hirundinum nidum hastâ impellens deturbauit,
 pullosque pedibus protriuit. Cumque, vt par erat, adstan-
 tes ab illo requirerent, quâ occasione rem tam indecoram,
 & crudelitatis cuiusdam indicem perpetrare ausus esset?
 respondit, iam diu falsum illæ loquaculæ aduersus me testi-
 monium ferunt, clamantque me propriam matrem occi-
 disse. vosipsi audistis. Atque hoc indicio coinquinatæ con-
 scientiæ Bessus regi proditus, meritas paricidij pœnas luit.
 Annon hæc interna lex est amaritudo illa animæ, de qua Iob
 ait: *Scribis contra me amaritudines, & consumere me vis peccatis* Iob 13.
adolescentia mea? quasi dicat, Solâ recordatione peccatorû,
 quæ in adolescentia cõmisi, ita perterreor & consumor, vt
 vita mea sit omni amaritudine amarior: tantû abest vt mihi
 persuadere possim peccata illa prioris ætatis nõ fuisse pec-
 cata. In remoto siluæ recessu Lamech occiderat Cainum; la-
 tebatq; alios facinus, si conscientiam ipsius latere, aut in a-
 nimum inducere potuisset, etiã cùm alia lex data non esset
 nisi illa naturæ, se contra legẽ non peccasse. Sed quia inter-
 na illa Nemesis fataliter quodãmodo peccatores flagellat,
 & tintinnabulum illud internum scelere perpetrato cõtri-
 nenter sonat, id quod perpetratum fuerat, maximo animi
 dolore vxoribus suis confessus est. *Audite, inquit, vocem* Gen. 4.
meam uxores Lamech, auribus percipite sermones meos, quia vi-
rum occidi in vulnus mihi, & adolescentem in eiatricem mihi. Ita
 hæc citat Chrysostom. & benè ex nomine suo, id est aureè, Hom. 20.
 illa explicat: *Mentem vestram, inquit, intentam præbete,* in Gen.
 & diligenter auscultate quæ dicturus sum. Non enim de
 fortuitis vobis loquar, sed occultas quasdam res vobis ape-
 riam. & confitebor, & quas nullus scit, sed solus ego, &
 oculus ille qui sopiri nescit: quæ mrimens anhelat, vt vo-
 bis manifesta faciam, quæ à me sunt acta: & quantis pœnis

Tob. 11.

ego meipsum nefarijs obnoxium fecerim operibus, qui virum occidi in vulnus mihi, & adolescentem in cicatricem mihi. Quoniam septies vltus est de Cain, de Lamech autem septuagies septies. Quis, dic obsecro, ad talem eum confessionem adegit? Nullus alius quàm conscientia, & incorruptus ille iudex. Nam simul ac in peccatum declinauerat, & opere perfecerat malum, statim infurrexit conscientia (similis cani Tobix, qui herum numquam deseruit, sed præcurrit) inclamans & ostendens peccatorum magnitudinem, omnibus ipsam pœnis obnoxiam facit.

Ita se habet peccatum, vt priusquam fiat, & in opus exeat, obtenebret & decipiat mentem: postquam verò fuerit consummatum, manifestam suam nobis absurditatem proferat & ostendat. Vnde breuis illa & leuis voluptas continuum menti dolorem ingerit, conscientixque fiduciam aufert, & confusione replet. Misericors enim Deus eiusmodi nobis accusatorẽ adistere voluit, vt numquam soli relinquamur, sed indefinenter ille ingrediens clamet, & pœnam exigat delictorum. Et hoc quis non viderit manifestè ex factis ipsis? Scortator enim vel adulter, vel qui aliud planè quiddam admisit, etiamsi omnium obliuisci queat; numquam tamen sic in solitudine versatur, quin habens acrem illum accusatorem, suspiciones timeat, umbras tremiscat, & eos qui conscij sunt, & qui non sunt: perpetuaque in animo eius tempestas, & reciprocantes ac contrarij fluctus sint. Insuper neque somnus ei suavis, sed terrore & formidine plenus: neque cibus voluptatem præbet, neque amicorum colloquia refocillare, vel liberare ab urgente anxitate possunt, sed quasi carnificem circumgestaret perpetuò se verberantem. ita post commissum etiam nemine conscio facinus, sustinet intolerabiles pœnas, sicut iudex sui ipsius, ita factus tortor. Nempe vt Isidorus ait, Omnia fugere poterit homo præter cor suum: non enim potest à se

1. Sent. c. 26.

LIBER SECVNDVS. CAP. III. 151

à se quisquam recedere: quocumque enim abierit, reatus sui conscientia illum non derelinquet. Et S. P. AVGVSTI-
 NVS, Seruus, inquit, hominis aliquando domini sui duris imperijs fatigatus fugiendo requiescit; seruus peccati quò fugit? secum trahit se quocumque fugerit: non fugit seip-
 sam mala conscientia, non est quò eat, sequitur se, imò non recedit à se: peccatum enim quod facit, intus est. Vnde etiãsi grauisissimi illi peccatores exhilarari in facie & gaude-
 re videantur, non gaudent verum gaudium: rident, sed fi-
 ctum risum: quemadmodum ij, qui capitis damnati in car-
 cere attinentur, & talis interdum aut tessellis fallere otium conantur, nec fallunt. Quia, vt elegantissimè ille,

Tract. 48.
 in Ioan.

*Lex scripta in cordibus hominum, quam ne ipsa quidem
delet iniquitas. 2. Confess. 4.*



*Spernit aquas pluiias, longumq; inuicta per auum
Permanet in duro marmore sculpta nota.
Cordibus incisa est hominum lex omnibus vna,
Crimina quam numquam diluere vlla queant.*

Lex, inquã, in cordibus nostris incisa est, quam peruerſitas nulla eradicare vñquam poteſt, vt homo videlicet ſibi perſuadeat peccatum non eſſe malum, confuſionem ſecum non ferre, ordinem rerum non perturbare, non deficere à bono, quod ſecundùm naturam humanam nobis competit. Itaque licet quis ad furta propenſus ſit, homicidia, adulteriaũe; tamen is eadem in altero crimina deteſtatur; atque eiũdẽ mens malè conſcia, quæ ſumma & intima eſt ſcientia, eum admonet, dictatque fore, vt ab altero id nolit pati quod in proximum ipſe perperam commiſit. Ea res vt euidentiũs exprimatũr, adſtat peccatum ſpecie Cupidinis, aquam plenã manu adfundens, quò poſſit delere hanc legem naturæ; ſed fruſtrã eſt omnis opera, quantumcumque adlaboret: nimis altè enim animis mortalium Deus illam incidit. Atque id bonum, quod homines etiam flagitioſos numquam deſerit, AVGVSTINO non parum proſuit ad vitæ conuerſionem. Hinc enim in eo paulatim augmentũ ſumpſit horror peccati, & naturalis quædam à malo auerſio mentem ad meliora impulit. Quot verò putas hiſce ſtimulis adactos ad Deum rediſſe? Sunt non modò inter hæreticos, ſed etiam Catholicos, qui vt ſe conſcientiæ torminibus liberent, imitãtur ſacrificulos Moloch, & ne paruulorum inter candelicia idoli brachia proiectorum eiulatus audiantũr, magno ſtrepitu perſonant, animoquẽ ſuo perſuadere contendũt, reſtitutiones proprio domino non eſſe faciendas, peccata Sacerdotibus non eſſe conſitenda; ſufficere ſi illa Deo cum dolore & deteſtatione in abdito cordis enarremus. quamquam interim perſuaſionem hanc animus non omnino malus non ſuſcipit, quinimò ſemper angitur & torquetur, donec peccati virus per os euouerit. Similes in hoc Marthæ, quæ quidem fratrem ſuum Lazarum excitatum volebat à mortuis, ſed abſque ſepulchri apertione, ne quatrìduo defuncti foetor præſentium nares offenderet. Quãm feruenter & ſeriò vitam illius deſiderauerit, teſtatur

2. Reg. 16.

Ita Theodo-
rerus ex Io-
ſepho.

Ioan. XI.

illa legatio, quam ad Saluatorem, cum eiusmodi libello supplicis, misit: *Domine ecce quem amas, infirmatur.* Deinde cum iam diem suum obiisset, atque Saluator noster venisset illam visitatum, processit illi obuiam plenam œrere, plena tristitiâ, aitque, *Domine, si fuisses hîc, frater meus non fuisset mortuus,* præsente vitâ mors non fuisset ausa intrare. & quid velit, verecundè insinuat: *Sed & nunc scio quia quacumque poposceris à Deo, dabit tibi Deus.* Pergit etiam cum Iesu ad sepulchrum: at vbi ille lapidem tolli, & aperiri monumentum iubet, tum verò incipit illa elatâ voce clamare: *Domine iam factet, quatrduannus est.* Ita & illi, alia quidem opera pietatis facere parati sunt, aliquid etiam perpeti pro Deo volunt; sed confiteri, restitutionem vel famæ vel pecuniarum facere, detrectant, querulantur, tergiuersantur, excusant. Et tamen manet lex illa cordibus inscripta, quæ docet eos verè ad id obligari. Veniunt nempe, quantumuis tergiuersentur, *in cogitationem peccatorum suorum timidi,* & traducunt illos *ex aduerso iniquitates ipsorum.* Quemadmodum quibusdã ex illis scelestissimis Batauo-Francis contigit, qui oppidum Thenense omni flagitiorum & crudelitatis genere, anno 1635. conspurcarunt: ijin quibus extrema adhuc naturæ bonæ scintilla supererat, quia illius reclamantis voces extinguere non poterant, in eiusmodi verba eruperunt stimulante conscientia: Si Deus est aliquis, & ille iustus, fieri non potest, quin ista impietas, ei pœnas luat. Puduitque eos videri fecisse, quorum non pudebat cum facerent. Vnde enim Lamech ille, inquit Chryostomus, qui neque legem habuit, vnde hoc discere posset, neque Prophetas audiuit, neque admonitionem vllam, vnde, inquam, nisi ex iudicio quod naturæ datum est, didicit? Conscijs eorum quæ ausus fuit aperit, & in medium affert quæ patrauit, & seipsum condemnat. Quòd si quando eò desperationis & nequitia homo deuenit, vt fiduciam immortalitatis excutiat, neque Deum esse sibi persuadeat; tamen vbi suprema

hora

Sap. 4.

Vid. Armaceni Martem Gall. lib. 2. cap. 29.

hora aduentauerit, reuiuiscit illa lex cordibus humanis inscripta, & quasi ex longo ueterno expergeficeret, ijs se cogitationibus tum occupat animus, quæ immortalẽ eum esse conuincunt, siue metuens Deum quẽ offendit, siue conuersus ad illum per ueram contritionem, vsumque Sacramentorum speret sibi lenem. Negari enim illud nec ab ipsa natura potest, flagitia digna esse pœnã, virtutes præmijs.

§. 2. *A lege scripta in cordibus nostris est, quòd etiam
scelèstissimis virtus sit uenerationi.*

NEquè tantum nobis inest appetitus boni & honesti, quem peccatum omnino delere non potest, & à quo intra nos ipsos uicia, etiam quibus delectamur, reprehenduntur; sed, ut Dauid ait, *Signatum est super nos lumen uultus tui Domine*, quo illustrati, virtutem hominẽque sanctos non possumus non honore afficere, atque venerari. Id ipsum, petitã ab exordio rerum historiã quemadmodum superiori discursu fecimus, comprobemus. Cùm Deus Euæ aliud semen pro Abele crudelissimè interempto posuisset, atque ille, Seth nomine, magno studio supremum Numen coleret, omniq̃ue virtutum genere ornatus existeret; rationem apertissimam transmittendi cognitionem veri Dei, præceptaque ad amorem illius inducentia excogitauit. Nam teste Iosepho, duas tabulas, siue, ut alij uolunt, duas columnas erigi iussit, ex lapide alteram, alteram ex ligno: ut, si aqua orbi terræ incumberet, seruarietur lignea; sin verò ignis exardesceret, lapides perstarent. Qua de causa tanta illius posterorumque eius apud Cainitas, (homines alioquin ferros, & paternorum scelerum, impietatis in primis erga Deum heredes,) fuit æstimatio, ut propter virtutis & scientiæ rerum cælestium admirationem, illum pro Deo, filios verò eius pro Dei filijs uenerarentur. Id colligitur ex Cyrillo, & Suida, uocabulo *Seth*. Et Hieronymus locum illum: *Cùm uidissent filij Dei filias hominum*, de posteris Seth intelligit.

DOMINICA
III. Aduetus.

Psal. 4.

Gen. 4.

Lib. i. Antiq.
cap. 3.

l. 9. aduersus
Iulianum,
Gen. 6.

ligit. Nisi quis malit posteros Abelis, id est, æmulatores pietatis & castitatis eius, intelligere (vixit enim virgo ad annū ætatis suæ centesimum, quo occisus est) quibus piaculum erat filias hominum contingere: alioquin quæ culpa fuisset potius illis quàm alijs vxorio complexu iungi? Quæ sententia tamen si noua, probabilitate suâ fortè non caret, vt aliquando, Deo dante, pluribus ostendemus in *Ferijs Academicis*.

Hæc est virtutis vis, habetque testimonium excellentiæ & dignitatis ita manifestum, vt illam veneratione & cultu dignam nullius scelerati impudentia negare possit. Neque enim vsque adeò in anima humana imago Dei terrenorum affectuum labe detrita est, vt nulla in ea lineamenta remanserint, & ardor honesti. Quæ etiam in Lycaonia effecit, quemadmodum Pauli indiuiduus peregrinationis comes scribit, vt homines virtutem & doctrinam Sanctorum Pauli & Barnabæ obstupescerent, humi prostrati tamquàm deos adorare, atque sacrificium offerre voluerint: *Dij*, inquit, *similes hominibus facti descenderunt ad nos.* & D. Paulum Mercurium propter excellentiã sermonis & eloquij, Barnabam autem propter vultus sanctimonixque maiestatem Iouem nominabant. Nabuchodonosor, inquit Chrysostronus, magis quàm fornax, accensus fuerat in tres pueros dicentes illi; *Dij suis non seruiamus*; postquam verò per opera suam virtutem pueri ostenderunt, non solùm non indignatus est, sed laudauit & admiratus est quòd ei non obediissent. *Benedictus*, inquit, *Deus, qui misit Angelum suum, & eruit seruos suos qui crediderunt in eum, & verbum regis immutarunt, & tradiderunt corpora sua ne seruirent diis alienis.* Tantum bonum virtus, quòd ipsos hostes habeat laudatores & admiratores: illi pugnauerunt & superauerunt, & victus gratias agebat, quòd ipsos non terruit flammæ aspectus; sed spes in Dominum consolata est. Hæc Chrysostronus. Nec enim idololatræ illi ac Gentiles debitum honorem virtuti negare potue-

A.C. 14.

Hom. 6. ad
populum.

Dan 3.

potuerunt, ad quam venerandam & maximi æstimandam, semen diuinum pectoribus nostris infusum, ab ipso summo conditore, in prima naturæ nostræ productione nos continuò excitat & mouet. Quin, vt Seneca ait, adeò gratiosa virtus est, vt insitum sit etiam malis meliora probare. Lib. 3. de benef. Quemadmodum cetera animantia pantheræ adhærere propter odoris fragrantiam aiunt; ita etiam mali Sanctos æstimant, illorumque vestigia obseruant propter odorem virtutis: atque hac de causâ fortassis sponsa virgulæ fumi Cant. 3. ex aromatibus comparatur.

CAPVT QVARTVM.

§. 1. Quia homo infiniti boni est capax, atque ad illud possidendum creatus, non aliquâ aliâ re humanus satiatur animus: nec vllibi extra Deum, veram cordis quietem potuit AVGVSTINVS inuenire.

THEMA CONCION.

Beatus vir cuius est nomen Domini spes eius, & non respexit in vanitates & insanias falsas. Psalm. 39.

APOSTERIORE tituli parte auspicabimur. Lex naturæ (de qua superiore capite) AVGVSTINVM à peccando non tam vehementer deterruisset, si modò in re aliqua creata, secluso Deo, omnimodis animi sui desiderium explere potuisset. Atqui cùm in se deprehenderet, Deum esse homini non tantùm instar formæ seu exemplaris, ad cuius similitudinem arte profus diuinâ efformatus est, verùm etiam ipsum existere finem hominis vltimum, vnicumque desiderium; hæc inquit AVGVSTINO ausam dedit, vt ad extremum in Deo con-

Lib. 3. Con-
sol. Philof.
profã 2.

retur inuenire, quod nusquam locorum poterat inuestigare, summum scilicet bonum, siue felicitatem. quam Boëtius describit statum omnium bonorum aggregatione perfectum. Quo adepto, iam tum solum mens humana conquiescit, & in quem omnes naturali & necessariã inclinatione, quoad specificationem actus, ut vocant Philosophi, non exercitij, feruntur, & etiamsi ab illo longissimè per improbam vitam aliqui se abducant, tamen nemo est qui non appetat. Quia, inquit S. P. AVGVSTINVS, omnium scientia est, qui ratione quoquo modo vti possunt, beatos esse omnes homines velle.

Lib. 10. de
ciuitat.
Dei cap. 1.

Mimus quidam in theatro Romæ promisit se proximis ludis dicturum quid quicque vellent. cumque ad diem constitutum conuenissent plurimi, omniumque mira esset expectatio, prodijt mimus, iussitque esse attentos. deinde dixit: *Hoc omnes vultis, vili emere, & caro vendere.* Alius quidam dixit: *Omnes mortales se laudari exoptant,* iuxta illud Ciceronis: *Omnes ducimur gloriã.* Reprehendit hos S. P. AVGVSTINVS, quia multi inueniuntur viri iusti, qui neutrum velint, vtrumque vitiosum esse dicant; illud contra iustitiam, hoc contra æquitatem. At si dixisset, inquit, *Omnes beati esse vultis, miseri esse non vultis;* dixisset aliquid, quod nullus in sua non agnosceret voluntate. Quidquid enim aliud quisquam latentè velit, ab hac voluntate quæ omnibus hominibus satis nota est, non recedit. Itaque non abs re cor humanum amusio comparatur, quod non quiescit, donec gelidi plagam Septentrionis monstret, & id quidè occultã vi magnetis, quem attingit amusij siue indicis acies altera. Polus animæ nostræ Deus est, nec alius aliquis

2. Paralip. 31
Lib 6. Conf.
cap. 16.

præter illum præstat ei requiem per circuitum. **Q**uin ipsum S Doctorem de seipso loquentem audiamus: *Væ, inquit, animæ audaci, quæ sperauit, si à te recessisset, se aliquid melius habituram. Versa & reuerfa in tergum, & in latera, & in ventrem, & dura sunt omnia. Et tu solus requies, ô*

Do-

Domine. Neque in his omnibus, quæ percurro consulens te, inuenio tutum locum animæ meæ, nisi in te, in quo colligantur sparsa mea. Lib.10.c.40. Quinimò tumultuosis varietatibus Lib.11.c.29. dilaniantur cogitationes meæ, intima viscera animæ meæ, donec in te confluam purgatus, & liquidus igne amoris tui. Lib.2.cap.5. Habent hæc ima dilectationes, sed non sicut Deus meus, qui fecit hæc omnia, quia in ipso delectatur iustus, & ipse est deliciæ rectorum corde. Quapropter idem S. Doctor concludit pulcherrimo Emblemate:

Inquietum est cor nostrum, donec requiescat in te.
 Lib. i. Confess. cap. i.



*Axem dum Borea spectet gelidæ sue Triones,
 A motu numquam nautica cessat acus.
 Extrà nulla Deum dabitur tibi pausa quiesque;
 Hic cordis polus est, solaq; meta tui.*

Fecisti nos Domine ad te, id est, indidisti portiunculam quamdam diuinitatis tuæ, splendorem siue radium quemdam, vt Philo Iudæus ait, quemadmodū magnes vim suam ferro communicat, & quocumque se cor humanum inclinauerit, rapis ad te. Saniter tamen hoc accipiendum est, non quasi anima humana beatę illius naturæ sit pars aliqua, sed sigillum expressum siue imitamentum. Hinc cū anima creaturam desiderat, continuam famem habet; quia licet quod desiderat de creaturis, adipiscatur; vacua tamen remanet, quia nihil est quod eam impleat, nisi tu Domine, ad cuius imaginem est creata. Quare & Bernardus ait, Ceteris occupari potest; repleri nō potest. Cū enim infinitæ sit cuiusdam capacitatis, etiamsi ab illa omnia quæ à condito orbe fuerunt, & sunt, & futura sūnt, & numquam futura, sed tamen possibilis, sciantur & habeantur; plura adhuc desiderabit, nec solidam quietem humana mens persentiscet. Quin totus hic mundus animæ humanæ pro alimento est. Nec tamen satiatur vnus cognitione; nec Alexandri auaritia expleta est vnus possessione. Querit mundos infinitos in luna, sole, stellisq̄ue reliquis, aut plures inuenit: aut, quod puto probabilius, inuenisse se somniat. Deus verò solus obiectum hominis est infinitum, ille solus meta & scopus, quò humana desideria collimant: quò habitò, plenitudine quadam veritatis & bonitatis cum summa delectatione mortalium animi explentur. Neque enim vlla anima vquam potuit, poteritq̄ue cogitare aliquid, quod te, ô Deus, sit melius, qui summum & optimum bonum es. Hinc optimus ille Regularium S. AVGVSTINI, Etiamsi omnia creata bona haberes, non posses esse felix & beata: sed in Deo, qui cuncta creauit, tota beatitudo tua & felicitas consistit. Neque poteris aliquo bono temporali satiari, quia ad hæc fruenda non es creata.

Lib. 1. cap. 11.

S. August. in Soliloq. c. 3. a.

Thomas à Kempis lib. 3. de imit. c. 16.

Diuitia satietatem non præstant.

DOMINICA
VIII. post
Pentecosten.

ENimvero quòd nec diuitiæ, nec honores, nec voluptates, ad quæ tria omnia quæ vulgò vocantur bona, reuocari possunt, id præstent; non tam difficile est vt probeamus, quàm ex plurimis pauca, ex bonis magis conducentia feligamus, velut è magna aliqua silua fascem lignorum, ex onusta malo elegantiora poma, ex hortis Hesperidum vel Alcinoi aliquot flores.

Et quidem diuitiarum, hoc verè aureo sæculo maxima est æstimatio quas alij propter seipsas adamant, & miserima illarum sunt mancipia, vt ad quarum nutum, imò stuporem asininum, viuunt. Alij multo sudore & industriâ illas conquirunt, non quòd multum auri vel alterius metalli possideant, sed quia diuitiæ sunt id, quo omnia ad humanã vitam non modò necessaria, sed commoda & delicia, vestes, famulitia, domus, horti, edulia, & quid non? comparantur. Aristoteles multiplex instrumentũ opes vocat, non tantùm rei familiaris, sed etiam reipublicæ: vnde nec immeritò nerui rerum gerendarum appellantur, habentque plurimas in omnem vitam opportunitates. Nihil tam arduum aut difficile natura constituit, quòd vis pecuniaria non enitatur, nihil quod Deo nummo non primas in quocumque confessu, in quacumque societate cedat, vt in prouerbium abierit, *Pecuniæ obediunt omnia.* Et, *Argentum sanguis & vita est mortalibus.* Hinc diuitiæ Latinè facultates appellantur, quia homini potestatem tubministrant perpetrã vel honestè plurima perpetrandi. Quodcumq; scelus mente diues decreuerit, statim aduolant te terrimæ ministræ pecuniæ, quæ cupiditati ipsius ancillètur, & quidem, quæ maxima peccati illecebra est, impunitatem polliceantur. Propertius inquit:

Lib. 1. Polit.
c. 10.

Lib. 3. eleg. 3

*Auro pulsa fides, auro venalia iura,
Aurum lex sequitur, mox sine lege pudor.*

Et

Et Horatius:

Lib. 2. ferm. 3

— *Omnis enim res,**Virtus, fama, decus, diuina humanaq̄, pulchris**Diuitiis parent: quas qui construxerit, ille**Clarus erit, fortis, iustus, sapiens, etiam rex,**Et quidquid volet,*

Contra, vt ait Iuuenalis:

Sat. 5.

— *Plurima sunt, quæ**Non audent homines pertusâ dicere lenâ.*

Vnde mirum non est improbos etiam per grauissima scelera
viam ad illas sternere: neque enim, vt cum eodem pergam,
unde habeas querit quisquam, sed oportet habere.

Sat. 14.

Et hinc quidem dico tanti fiunt apud vulgus diuitiæ, vt il-
las veluti Numen quoddam plures adorent & venerentur.

Patet id Matthæi sexto, vbi Saluator noster ex sententia
vulgi Mammonam Dominum vocat, pari que cum Deo

gradu constituit: *Non potestis duobus dominis seruire, Deo* Matth. 6.

scilicet, & Mammonæ. Et quæ astutia regis Babylonij, vt au- Dan. 4.

ream statuam populis proponeret adorandam; aurum est
in quo omnis ætas delirat, aurum quod cuncti pro Deo

fuscipiunt. Atque *beatum* dicunt *populum cui hæc sunt*, cui Psalm. 143.

copiæ pecorum suppetit, cibi abundant, horrea plena sunt,
domus ab omnibus instructissimæ diuitijs, argenti, agro-

rum, frumenti & lactis. Si enim habitationem moliri con-
tigerit, non incommodè alibi victurus est, qui pecunias vnâ

secum fert: quacumque & quocumque peregrinatus fue-
rit, instar testudinis domum suam, id est, commoditates

circumfert; nulla regio tam inhospitalis & frigida est, quæ
auro humanitatem non induat, & ad obsequia externorum

incalescat. Mirum est quod Vincentius Beluacensis scribit Lib. 3. specul.

de auro; illud frigescere sole aduentante, cum nocte fue- natural. c. 7.

rit calidius: quasi aurum omnes calefaciat qui noctium
studijs delectantur, atque illorum præsentia, & præcipuè

Dei frigescat, qui diem amant, virtutumque, id est, operum

diei, sunt studiosi, ita vt ad cælum acquirendum, virtutes comparandas, diuitiæ pallescant. Atque vtinam! (vt hoc in transitu moneam) feminæ omnes in hunc finem aureis annulis vtantur, vt moneantur cum ipso die surgere, atque amicum illud & desiderabile frigus sentiant, & ad Deum laudandum excitentur! Alij plerisque gestandorum annulorum fines præfiguntur. Vanitatem, luxum, sæpè etiam incitamentum libidinis, & memoriam præteriti flagitij in ijs circumferunt & ostentant. Valeant diuitiæ quantum velint, velintque plura quàm possint; nimis tamen clarum est in illis solidam felicitatem non inueniri. Non enim non tantùm ibi nullam quietem mortales inuenerunt, vt etiam plurimi internæ pacis & securitatis animi naufragium fecerint: & quamuis aliqui deforis auro purpurâque splendeant, famulis abundant, ædibus habitent magnificis, laute viuant; tamen intus mille curis, anxietatibusque discerpuntur, opibusque suis exsuccis illi veluti impudicus spado virginis irritò amplexu suspirat. Ita vt plerique Sanctorum, etiam si diuitijs benè vti potuerint, maluerint illas relinquere, vsumque abdicare, quòd sit procliuior ad malum. De Romanis siquidem iam omnium gentium spolijs auctis, & diuitijs affluentibus, ait Iuuenalis:

*Nullum crimen abest facinusque libidinis, ex quo
Paupertas Romana fuit.*

Vnde & de Cratete, magno inter Græciæ philosophos memorant, illum ingentem thesaurum in mare abiecisse, quòd malebat illum aquis quàm animum curis mergi. Præclare Horatius:

*An vigilare metu exanimem noctesque diesque,
Formidare malos fures, incendia, seruos,
Ne te compilent fugientes: hoc iuuat? horum
Semper ego optarim pauperrimus esse bonorum.*

Lib. i. ferm.
Sat. i.

Epist. 103.

Hac de causâ D. Bernardus quemdam hortatur ad paupertatem Euangelicam his verbis: Beatus, inquit, qui post illa

illa non abijt, quæ possessa onerant, amata inquinant, amissa cruciant: an non satius ea cum honore spernis, quàm cum dolore perdis? an non prudētius ea Christi cedis amori, quàm morti? Quam porro beatitudinem illę adferre possunt, quæ adedò incertæ & instabiles, vt per Timotheũ suum diuites præcepto adigendos censuerit Apostolus: *Diuitibus*, inquit, *huius sæculi præcipe, non sublimè sapere, nec sperare in incerto diuitiarum.* Quid enim magis stolidum quàm inniti imbecillis fortunæ membris, vel potius ludibrijs? Rectè Chrysofomus vocat opes seruum fugitiuum, quòd faciliè ab hero suo discedant, illumque turpi fugâ deferant dum minimè aliquando cogitat; & Diogenes Cynicus, quia viles sunt & fluxæ, vomitum fortunæ indigebat.

1. Timot. 6.

Hom. in Eutrop.

Appellantur quidem apud Latinos aliquando vires & ærui; sed tamen nihil illis infirmius fluxibiliusque; affluunt resfluuntque instar maris, nullis radicibus nixæ consistunt. Nec quidpiam insolitum est & inauditum, vt qui hodie diues fuerit, cras aut etiam mox pauper euadat. Enixa est Eua Cainũ, cuius nomen sonat possessionem, sed & postea Abelem protulit, quod idem est atque vanitas. quasi diuitiæ & possessiones eisdem principijs promanent, quibus vanitas & inopia. Sit Iuno dea diuitiarum, dummodò etiam aëri & nubibus præsideat, quia diuitiæ ab aërea instabilitate & leuitate non multum abeunt. Assumpserint etiam Reges quacumque ex causa purpureum in trabea sua colorem, certè sanguis piscium est; originem hic color à mari trahit, quo purpurati reddantur memores, fortunam suam tam esse mutationi obnoxiam, quàm mare tempestatibus. Exempla vide apud Val. Maximum, cuius hic est epilogus: Caduca, inquit, nimium hæc & fragilia, puerilibusque consentanea crepundijs sunt, quæ vires atque opes humanæ vocantur. Affluunt subitò, repentiè dilabuntur; nullo in loco, nulla in persona stabilibus nixa radicibus consistunt, sed incertissimo flatu fortunæ huc atque

Lib. 6. cap. 9.

illuc iacta, quos in sublimè extulerunt, improviso decursu destitutos, profundo cladum miserabiliter immergunt. Itaque neque existimari, neque dici debent bona, quæ vt inflictorum malorum amaritudine desiderium sui duplicent; propensiore fauore primò delinitos, maiore postea malorum cumulo opprimere solent.

Et quis sapiens bona confidat fragili? Confide quisquis voles, & experieris te instar elephantis inniti arbori à venatoribus ferrâ penè sectæ: cedent enim aliquando diuitiæ ponderi mortis, tuncque non in terram, vt elephas, sed fortassis in infernû prosterneâs. Quænam etiam beatitudo in tanto vitiorum, & præcipuè superbiæ, comitatu reperiri potest? Nihil enim est, inquit S P. A VG V S T I N V S, quod sic

Serm. 5. de
verbis Dom.

generent diuitiæ quomodo superbiam: omne pomum, omne granum, omne frumentum, omne lignum habet vermem suum. Vermis diuitiarum superbia est. Et Apostolus radicem omnium malorum cupiditatem non dubitauit appel-

1. Tim. 6.

lare. Et ibidem ait: *Qui volunt diuites fieri, incidunt in tentatione & laqueum diaboli*, quo nemo se facile expediat, etiam si discipulus vel Apostolus fuerit, quin ad grauiora scelera quasi captiuus protrahatur. Quid igitur mirum, si eas Saluator noster falsitatis in simulauerit, atq; cõparauerit cum spinis, quas contingere non potes, nisi manum lædas: diuitias amplecti, possessori periculosû. spina extremâ sui parte

Luc. 8.

pungit, diuitiæ in morte longè sunt acerbissimæ; *Omors quâ amara est memoria tua homini pacem habenti in substantia sua!*

Eccli. 41.

Tunc experiuntur se caput aspidum, vt ille ait: bat, suxisse, id est magnam in acquirendis possidendisque diuitijs voluptatem cepisse, velut pueri dum vbera materna sugunt, gaudent, sed quam venenum insanabile diræ mortis tandem amarissimam facit. Sunt enim qui scribant venenum aspidum tam dulce esse atque lac aut mel, sed quod præsentissimam mortem adferat. Verè ergo fallaces diuitiæ non præstant quod pollicentur; felicitatem summam spondent,

Sophar Job
20.

Deut. 32.

calami-

calamitates inducunt ; gaudium præ se ferunt, & intus plena sunt omnia amaritudine , nec ipse parens securus est à liberis, & ipsi liberi se inuicem suspectos habent: & quæ non aliquando scelera etiam inter amicissimos & proximâ consanguinitate coniunctos ab inordinato diuitiarum desiderio? Præclare Seneca, Isti quos profelicibus aspicitis, si non quâ occurrunt, sed quâ latent, videritis, miseri sunt, sordidi, turpes, ad similitudinem parietum suorum extrinsecus culti. Non est ista solida & sincera felicitas : crusta est, & quidem tenuis. Itemque Solymæus rex diuitias *mendaciū*, & *insanias falsas* vocauit; & filius ipsius, *fascinationem nugacitatis*. Quæ nomina quantum ab sunt à vera felicitate, vt illam aliquo qualiter exprimant? Cato verò apud Senecam in epistolis diuitias inter vera bona nullo pacto esse connumerandas asserit, quòd illas etiã iniqui possideant : quum summa felicitas nullis nisi virtute præditis patere possit; illis solis hæc merx est publica. Ideoque Cicero in sola virtute veras diuitias latere asserit. Quis, inquit, dubitet, quin in virtute diuitiæ positæ sint, quoniam nulla possessio, nulla vis auri & argenti plus quàm virtus æstimanda est? etiam si callidi rerum æstimatores prata & areas quasdam magni æstiment, quòd ei generi possessionum minimè quasi noceri possit; quanti æstimanda virtus, quæ nec eripi, nec furripi potest vniquam, neque naufragio, neque incendio amittitur nec temporum, nec tempestatum permutatione mutatur? quâ præditi, sunt soli diuites, soli enim possident res fructuosas & æternas.

Postremò ecquæ felicitas ijs rebus inesse possit, quæ nullam animo quietem, nullam satietatem præstant. Quòd Semiramis fugillans, vt refert Herodotus, super portas vrbs celeberrimas in loco edito atque conspicuo sepulchrum extruxit, cum hac inscriptione: Si cui regum Babylonis post me futurorum fuerit pecuniæ penuria, aperto sepulchro sumat quantumcumque liberit, pecuniæ dumtaxat

Lib. de provident. sub finem.

Psal. 4.
Psal. 39.
Sap. 4.

Paradox. 1.
& ult.

Lib. 1. post med.

taxat indigens ; aliter, ne aperiat : non enim id ei profuerit. Itaque monumentum hoc tam diu fuit immotum , donec regnum peruenit ad Darium, qui indignum ratus non sumere pecunias ibi repositas, ipsumque prouocantes, referauit monumentum : in quo non quidem pecunias inuenit, sed litteras ita dicentes : *Nisi pecuniâ esses inexplebilis, & turpis lucri cupidus, haud aperuisses urnas defunctorum.* Quibus verbis & illius auaritiam esse maximam, & illi micam beatitudinis abesse indicabat Assyriorum regina. Quapropter non aliter diuitibus quàm hydropicis accidit, de quibus canit Horatius :

Lib. 2, odar.

*Crescit indulgens sibi dirus hydrops,
Nec sitim pellit, nisi causa morbi
Fugerit venis, & aquosus albo
Corpore languor.*

Epist. 51.

Cur autem viri sapientes & probi, vt plurimum non sint pecuniosi, rationem dat Pius II. Ne mirere, inquit, non fortuna est quæ viros bonos pecunijs priuat: sed habent ipsi nummi nescio quid sensus. Sunt enim ambitiosi, & honoris cupidi; non teneri, sed tenere volunt. Ipsi quietem amant, lubenterque apud auaros sunt, qui eos serinijs claudentes singulis horis visitant ac honorant, nec alibi cor habent quàm cum eis. Apud sapientem sunt pecuniæ quasi ancillæ, nunchuic nunc illi rei seruientes: quinimò vt cum Iuuenali loquar, fortunæ laqueum sapiens mandat, medioque digito illam per ludibrium demonstrat.

Nec in honoribus est summa felicitas.

NON defuerunt olim, nec modò defunt, qui summum huius vitæ bonum, animiq; felicitatem saturitatemque, constituent in honore diuitijs suffulto, & hi se vocari Politicos gaudent, atque cum Cicerone maximum virtutis premium censent honorem, nec posse homini maius quidpiam obtingere. Vnde & religionem ipsam huic idolo subdunt, eoque tantum omnis eorum conatus, & fidei intentio vergit,

git, vt principatus vel acquiratur, vel retineatur, vel amplificetur, verarum virtutum exercitijs monachis & timidioris conscientix hominibus demandatis. Ideoque larvã iustitiæ, pietatis, misericordiæ Principibus necessariam esse, non ipsas virtutes, audacter cum impio suo Machiavello pronunciant. At eos quàm longissimè exerrare vel inde patet, quòd summum bonum, cuius possessione beatus efficitur, debeat esse quiddam intrinsecum, & intimè unitum: alioquin enim non magis afficiat, quàm oculus parietem non exornat quem videt. Honores bona sunt extrinseca, & ab aliena pendent voluntate, vt, si alij velint, maximè sis gloriosus; si nolint, summè despectus. Et omnis gloria *velut somnium aëolans non inuenietur, transiet sicut visio nocturna*, quæ numquam fuit in possidentis libertate, vt potuerit illâ frui, vel non frui.

Iob 20.

Quid porro communis in hac fluxarum rerum vicissitudine, quàm vt ille qui hesterno die sedebat omnibus formidabilis, eratque venerationi, hodie deturbetur de folio, irrideatur & adigatur ad manticam? Tu mihi ex antiquis Scianos, Belisarios, Rufinos, Andronicos, Mauritorios; superioris & nostri sæculi Cæsares Borgias, Bironios, Buckinghamios, Marchiones Ancreos, Calderonios, & nuperum Fridlandium cogita.

DOMINICA
Palmarum.— *Non umquam tulit**Documenta fors maioræ, quàm fragili loco**Starent superbi.*Seneca in
Troade.

Nempe vt homines, ita honores facilè mutant. Et quid homo? *Numquam in eodem statu permanet*, licèt princeps fuerit aut Monarcha maximus, à cuius maiestate etiam quod lo-

Iob 14.

quitur, pondus habet. Vnde & David monet: *Nolite confidere in principibus, in filijs hominum in quibus non est salus.*

Psalm. 145.

Si nec in illis stabilitas, quantò minùs in ceteris, qui instar maris Euripi non septies in die, sed continenter fluunt refluuntque? Et vbi diurnitas non est, vera felicitas adesse

Sap. 5.

Iosue 10.

4. Reg. 10.

Seneca in
Troad.

non potest. Ideoque nobiles Romani, siue ut ad modestiam reuocarentur animi, siue ut fortunæ inconstantiam riderent, calceamenta lunulis ornabant, quia tam facile prospera rerum, & præcipuè auræ popularis, quàm lunæ facies mutatur. Vis & ipsos purpuratos testes? Audi quomodo producantur in theatrum à Sapiente, miseriarum suarum partes acturi: *Quid nobis profuit superbia? aut diuitiarũ iactantia quid contulit nobis? Transferunt omnia tamquam umbra.* Umbra sequitur solem, aut eius motum. Nihil autem in rebus, quæ oculis conspiciuntur, magis mobile inuenimus, quàm solem, qui nec per breue momentũ in vno insistit loco. Semel tantum à creatione sua, fixus ad breue tempus stetit, famulatusque precibus fortissimi ducis est. Neque enim Ezechix tempore loco quieuit, sed retrocessit nouem gradibus, nec id sine maximo miraculo. Nec tantum incessabili cursu magnus ille lucis dispensator, & astrorum rex mouetur, sed adeo celeri & festinato, ut viginti quatuor horarum spatio totum orbem decurrat & lustret. Et quia umbra assiduè solem comitatur, nihil poterat assignari illã aptius, quod honorum & pompæ mundanæ instabilitas & declinatio designaretur. *Transferunt* igitur, inquit illi, *omnia & tamquam nuntius percurrens*, &c. Et ideò ille Pelasgæ classis ductor Agamemnon excisâ Troiã, & instabilitatem fortunæ & breuitatem edoctus, prudentissimè aiebat:

— *Fateor, aliquando impotens*

*Regno ac superbus altius memet tuli,
Sed fregit illos spiritus hæc quæ dare
Potuisset alij causa, fortunaæ fauor;
Tume superbum, Priame, tu timidum facis.
Ego esse quidquam sceptræ, nisi vano putem
Fulgore tectum nomen? & falso comam
Vincolo decentem? Casus hæc rapiet breuis,
Nec mille forsân ratibus, aut annis decem:
Non omnibus fortuna tam lenta imminet.*

Quare

Quare Gelon dux strenuus post subiugatam Carthaginiem, regnumque Siculum tributarium sibi effectum, cum tantis victorijs nondum satiaturum se expletumque cognosceret, sibi ipsi indignatus, nudus in plateas exiliens regno se opibusque, quæ numquam satiant, renuntiare dixit.

*Ælian, lib. 6
variar. hist.*

Ad hæc summum bonum debet esse tale, ut eius appetitio non possit esse vitiosa aut nimia, quia summè appetendum est, omnesque cogitationes & conatus ad illud dirigendi. Appetitio verò honoris non tantum non potest esse nimia & vitiosa, sed talem sæpè legimus, sæpè vidimus, & improbavimus; quoties enim limites suos egreditur, degenerat in ambitionem & cenodoxiam, quæ ubique gentium est detestabilis. facilè igitur erit hinc colligere, in honore summam felicitatem sitam non esse. Quid verò detestabilius quàm omnes vitæ suæ rationes ad proprios honores dirigere, & per tyrannidem publica priuatis postponere? Annon tyrannum, omnibus gentibus odiosum nomen, eum appellaueris, qui hoc vnum, ceteris neglectis, studet, ut summum honorem consequatur, aut retineat? Et tamen id ei liceret, si honor summum bonum foret.

Porrò Reges & Imperatores, qui summum honorem inter mortales sunt adepti, hanc sine dubio fuissent experti beatitudinem; sed quotus quisque illorum in summis honoribus non sensit summas difficultates & molestias? Teneat quis orbis imperium, & omnes huius vitæ præstò sint ei voluptates, non ideo desinet innumeris aliunde affligi modis. Nam agmen curarum, quæ illi quotidie è tot regnis obuenient, & assidue supplicantium interpellationes, tristes euentus, crebræ seditiones, multiplices indignationes, & infinitæ suspiciones animum exulcerabunt & lancinabunt, ut nullam vel quietem vel solidam voluptatem capere possit. Vnde qui exterius ita splendent, vulgoque videntur felicissimi, plerumque interiùs sunt miserimi, infinitis aculeis confixum gestantes animum. Quis vel quinque

sæculis felicior honoratiorque Carolo Quinto? Ille tot victorijs inclytus, tot regnis potens, tantis Indiarum thesauris locuples, tot encomijs celebratus, ille, inquam, Carolus, satur honorum & gloriæ, vt se onerè hoc, & molestijs innumeris eximeret, & saluti suæ consuleret, maturè, nempe anno ætatis suæ quinquagesimo quinto, Imperium in fratrem Ferdinandum, Hispaniarum aliaque his adiuncta regna & prouincias in filium Philippū transtulit. Quod cum in solempni procerum confessu Eruxellæ ann. 1555. faceret, ex commiseratione illacrymans hisce verbis vsus est: *Miseret me, Proceres, filij carissimi, cuius humeris tam graue onus imponitur, quod dum gesturus est, vita ei in summis laboribus & molestys est transigenda. Quam verè & sincèrè magnus ille Cæsar, id quod est, de honoribus huius sæculi pronuntiauit.* Magna, inquit Seneca, seruitus est ex magna fortuna, Omnium somnos vigilia Principis defendit, omnium otium illius labor, omniū delicias illius industria, omnium vacationem ipsius occupatio. Brabanti rogati suâ linguâ quot annis magistratum gesserint, non inficèrè respondēt, se tot annis reipublicæ seruiisse, quot honore claruerunt: quia hæc honores comitari solet seruitus, vt alijs potius, quàm nobis ipsis viuamus. At regum quot sunt, quotque fuerunt, felicissimum æquè ac sapientissimum, audiamus de honoribus & alijs humanæ mentis illecebris pronuntiantem: *Vanitas vanitatum, & omnia vanitas. Vidi cuncta quæ fiunt sub sole, & ecce uniuersa vanitas, & afflictio spiritus.* Hæc ille, qui & sapientiâ, & opibus, & pace, & gloriâ, & voluptatibus huius vitæ præ omnibus, propter diuturnum illorum vsus, putâ quadraginta annorum, abundauit; breuem tamen delectationem, nullam satietatem est expertus. Et patet illius crebrò ingeminabat: *Omnis consummationis vidi finem, latum mandatum tuum nimis*, id est, omnis structuræ, & omnis rei consummatæ & perfectæ finem vidi; quia omnis humana potentia, opes, imperia & regna finem habent celer-

Pontus Heu-
terus in hist.
Belgic.

Lib. de conso-
lar. ad Po-
lyb. c. 26.

Eccles. 1.

Psal. 118.

Ex interpret.
Arnobij.

celerrimum, & nihil tam consummatum & perfectū, quod non habeat terminum & interitum; solo mandato tuo excepto, quod ita latum est, vt ad omnia tempora se extendat, omni ætate sit firmum, & sui obseruatores ad beatam æternitatem deducat. Quare & Ioannes in Apocalypsi sua omnem mundi gloriam vidit, sub imagine maris vitrei, quod aqua citò defluat, & vitrum frangatur. Nempe Genesim, primum librum Moyſis, sequitur Exodus, quia quidquid generatione mortali producit, exitum molitur. Licet magna vbique videatur felicitas, nihil tamen est nisi vanitas & afflictio spiritus. Quid enim prodest quòd in loco aliquo quies & tranquillitas sit, si in habitatoribus vitiorum tumultus, & colluctatio passionum? si exteriora serenitas teneat, & interiora tempestas? Herodotus ait, reges Babylonicos scepra gestare solitos, in quibus rosa aut alius quiuis flos erat affabrè factus. At rosa, vt Plutarcho placet, contra ebrietatem valet. Apponebant igitur scepro, quod eos ebrios reddere solet, remedium, rosam; quæ licet pulcherrima & florum regina, marcescit tamen illicò, quemadmodum regum honor euanidus est. Ideò etiam triumphanti homo assidere solebat, qui subinde clamaret: *Respice post te, hominem memento te*; vtpote cui breues termini temporis sunt præscripti. Rex ille Assyriæ, qui à delicijs & purpuratâ vitâ innotuit, tamen idem ab ebrietate longa sobrius sepulchro incidi curauit symbolum, quo, quid honores & voluptates sint, exprimeret, & ad modestiam elatos vocaret. Erant digiti duo, qui collisi inter se crepitum edebant, signantes omnia regna, omnia aut excelsa, aut magna, nec tanti quidem esse, vtpote momentanea. Quid enim totum id quod viuimus? Dicat D. Iacobus, *Vapor est ad modicum parens, & deinceps exterminabitur.*

Apoc. 19.

Euseb. Emiff.
hom. ad mon.

Lib. 1.

Tertull. l. de
coron. mil.Sardanapa-
lus.

Iacobi 4.

Nec in voluptate summum bonum situm est.

QUòd autem multò minùs hæc animi quies, & omnibus exoptata beatitudo, in voluptatibus corporis sita sit, patet ex ijs quæ Propheta Amos asserit: *Væ, ait, qui opulenti estis in Sion, cõfiditis in monte Samaria, qui dormitis in lectis eburneis, qui canitis ad vocem psalterij, qui lætamini in nihilo.* Ecce quid sint voluptates quibus homines tãto perè delectantur: nihil delectatur in nihilo, id est, in rebus vanis, qui vanitas sunt & nihil. lætantur, sicuti Ionas sub vmbra hederæ, lætitiã magnã, diuites sub vmbra diuitiarum, nobiles sub vmbra honoris, voluptuosi sub vmbra delectationum: at sicuti subito Ionæ lætitiã cum hedera euauit: *parauit enim Deus vermem ascensu diluculi in crastinum, & percussit hederam, & exaruit;* sic vmbatile gaudium harum rerum euanescit, dum illæ breui tempore exarescunt. & sicuti qui nihilo & vanitate pascitur, semper magis exuritur: ita etiam hi miseri, dum his mundi gaudijs, quæ nihil sunt, repleri quærunt, semper maiore fame laborant. Et quantus error est, ab ijs rebus sperare felicitatem, quæ non tantùm ita inanes sunt, vt famelicum semper destituant beatitatis appetitum; sed etiam ita perniciosæ, vt funesto tandem exitu lacrymas sint daturæ! Animaduertit hoc Dauid, quare post indignè susceptas voluptates, se delusum cognoscens, ait: *Lumbi mei impleti sunt illusionibus, & non est sanitas in carne mea.* Ac si diceret: Dum his mundi voluptatibus repleri posse confiderem, peccaui: at ô me miserum! illusus sum irrisionibus, ludibrijsque mundi, dæmonis carnisque repletus. Facit mundus, dum suas proponit voluptates, vt sollet pater erga famescentem puerum, vberaque matris lacrymis affectantem, cui porrigit digitum, quem simplex papillam mammaram existimans, nec illudi se animaduertens, auidè arripit, & sugendo, licet nihil eliciat, quasi quod poscebat sit adeptus, quiescit. Sic, inquam, mundus, dum

famescen-

Amos 6. per
torum.

Ionæ 4.

Psal. 37.

famescentes homines, lacque veræ consolationis exposcentes, considerat, vt illudat, offert steriles suas voluptates, quas miseri æquè auidè excipiunt, ac si lac veracium consolationū porrigeret. At quale gaudium inde eliciant si lætantur in nihilo, si lætantur in re nullius veri gaudij particeps?

Deinde absurditas huius rei patet ex irrita toti orbi sententia Epicuri, hominis voluptarij, cuius sectatores veluti gulæ ventrisque mancipia egregius ille vates vocat Epicuri de grege porcos.

Sirenum voces, & Circes pocula nosti,

Quæ si cum socijs stultus cupidusq; bibisset,

Sub domina meretrice fuisset turpis & excors,

Vixisset canis immundus, vel amica luto sus.

Horatius.

Agit ibi de Vlysse, homine contemptore voluptatū, quem Homerus velut ideam ciuilibus prudentiæ & virtutum moralium orbi proposuit. Hoc verò plures meritò mirantur, quòd Epicurus omnem beatitudinem in voluptate constituerit, hominibus ad meritum spem immortalitatis, dixeritque, nihil hominis post hanc vitam superesse; cum tamen nihil æquè mortales consoletur, atque credita animæ immortalitas, & vita in alio sæculo beatior. Quare euauit stolidi & bruta hæc doctrina, nec nisi apud atheos quosdam & Turcas pondus habet. Qui quâ ratione nos Christianos canes vocent, non ostendunt, cum tamen ipsi instar canum & porcorum, nihil nisi ventrem, & ventri subiecta etiam in altera vita somnient. Ita pseudopropheta Mahomet illis persuasit. Bonos, inquit, Dominus in paradysum inducet, vbi dulcissimas aquas, pomaque multa, fructus varios, & decentissimas ac mundissimas mulieres, omneque bonum in æternum possidebunt. Nec hæc mysticè, sed prout verba sonant, intellexeris. Hinc & Mahometani, vt superioribus annis quidam Hierosolymâ perscripsit, pecuniarum sunt auidissimi; atque illas in remotis & occultis

Azoara 2.

P. Henticus
du Bois
Bruxellensis

locis 1634.

locis defodiunt, vnde habeant ad deliciosè in altera vita cum suo Mahometo viuendum. Talis quoque erat ille Cyclops apud Euripidem, qui dicebat se Iouem non curare, sed maximum deorum sibi esse suum ventrem: huic se assidue sacrificare. Longè aliter olim Ethnici, quos inter diuine Plato escam malorum voluptatem appellabat, quòd eà videlicet homines capiantur, vt hamo pisces. Et Seneca, Indulgere, inquit, voluptati initium omnium malorum est. Tantum abest vt voluptatibus aliquid boni inesse existimauerint. Impedit enim in primis voluptas prudentiam, eoque magis, quo maior existit. Qualis, inquit Aristoteles, est ea, quæ ex rebus venereis percipitur. Nam simplex consideratio boni spiritualis, quâ videlicet homo benè apprehendere dicitur & intelligere, quàm bonum sit rectè viuere, seruire Deo, relinquere sæculum, & similia; per eiusmodi voluptatem admodum turbatur, & impedimenta maxima persentiscit: tum quia vehementissima est, & omnè seriam cogitationem de rebus cælestibus impedit, vtpote quæ omnes animæ potentias, velut violentus prædo, inuadat & incidat: tum quia est infimarum partium, & nihil nisi quo bruta perfruuntur, excellens habet, adeoque illis voluptuosi assimilantur: tam parum, quàm ipsa bruta, rebus spiritualibus idonei. Inspice propiùs, quia corporis voluptas mentem excæcat, virtutem elidit, in vitia præcipitat; corpus & animam eneruat, naturam humanam dedecorat; molles, inglorios, viles & despicabiles efficit.

At concedamus etiam aliquid boni ibi latere: quàm id imperfectum, quantis sordibus & foetoribus inquinatum, quot doloribus permixtum? Quid enim voluptas edendi nisi solatium molestiæ quam adfert fames? bibendi, quam fitis? Veneris, quam incitatio libidinis? proinde pares sunt leproforum & scabiosorum voluptati, quam sentiunt dum scabuntur. Et nescio ecquis mortalium non malit necessitate edendi & bibendi & carnis incentiuus carere, quàm il-

In Cyclope.

Cicero in
Caton.
Epist. III.

Ethic. cap. 15.

lis seruire, cum tanta temporis iactura, tanto periculo amitendæ sanitatis. Nam, vt verissimè Afrorum doctissimus, Tertull. lib. de Spectac. cap. 18. Quæ maior voluptas, quàm sæculi totius contèptus, quàm vera libertas, quàm integra conscientia?

Et sanè nulli rei aptiùs voluptates profanas comparaero, quàm mensæ Heliogabali, quam ad ludibrium amicis instrauerat, in qua cibi omnes è vitro, ad imitationem veritatis efficti, iritandæ potiùs, quàm sedandæ orexi inseruibant. Alium cibū mensæ voluptatis magis accommodatum nullū inuenio, nisi fortè poma Sodomitica, de quibus scribit S. P. AVGVSTINVS, præ se ferre quidem illa speciem Lib. 21, de Ciuit. cap. 5. maturitatis, ceterum speciosæ cutis ambitione fauillacæa intrinsecus fuliginem abscondi, quæ vel leui attractu fumum exhalet, & desinat in vagum puluerem. Nihil certè à voluptate sperandum est maius. Hoc igitur firmiter statuamus, neque ingentium diuitiarum splendorem, neque eximæ potentæ magnitudinem, neque voluptatum affluentiam hominibus elargiri posse quod optimum est. Etenim rogo vos, si in omni vitâ spectaculis & vanitate obiectorum pasceretis oculos, num oculi vestri pinguescerent? Si mentem cupiditatibus, essetne ditior? Si aures rumoribus, essentne pleniores? Si carnem dapibus, num fieret immortalis? Vt etiam sileam alia, quibus hæc quæ diximus, deficiunt, perfectum nullum gaudium esse potest, quod non sit sempiternum; quia quod aliquando non est, ei, vt Aristoteles ait, multum ad omnes perfectionis numeros absoluendos deesse intelligitur. Leuit. 25. Apud ludæos quoniam contractus ad centesimū diem finiebantur ex legis præscripto, quo temporis interuallum erat breuius, hoc leuior erat rerum iudicatura. Quanto igitur viliora nobis esse debent hæc omnia momentanea, tot casibus obnoxia, quæ vt nullus casus eripiat, certè mors omnibus adimit. Atqui si, pretia rerum mundanarum breuitate æstimamus, vilissima sint oportet, quæ nec horam habent certam.

Enarrat. in
Pſalm. 9.

Hac de cauſa optimè monet S. P. AVGVSTINVS: Ne ſperent in his rebus, quæ temporis volubilitate præterfluunt, nihil habentes niſi, *erit & fuit*. Quoniam quod in illis futurum eſt, cùm venerit, fit ſtatim præteritum; & quod expectatur cum cupiditate, amittitur cum dolore.

Auguſt.
in Pſalm. 30.

Et ſperas in pecunia, obſeruas vanitatem; ſperas in honore & ſublimate aliqua poteſtatis humanæ, obſeruas vanitatem; ſperas in aliquo amico potente, obſeruas vanitatem. In his omnibus cùm ſperas, aut tu expiras, & ea hæc dimittis; aut cùm viuis, omnia pereunt, & in ſpe tua deficiſ.

Lib. 3. de
imitat. c. 16.

Pulcherrimè etiam Thomas à Kempis: Quod ſi omnia, inquit, ſolatia mundi ſolus haberem, & omnibus delicijs frui poſſem, certum eſt quod diu durare non poſſent. Vnde non poteris anima mea plenè conſolari, nec perfectè recreari, niſi in Deo conſolatore pauperum, & ſuſceptore humilium. Sunt quidem qui voluptates & illecebras ſenſuum ſtare cupiunt, & quantum poſſunt, retinent, ſibi que longævitatem polliceri audent; ſed non minùſ inſipienter, quàm ſi quis ſtans in ripa conaretur retinere aquam fluminis præterlabentis, aut ſolis quadrigam, quia horologium ſuum à curſu impedire poteſt, quia mors, ſive interitus, omnibus rebus humanis interuenit, atque illas à nobis tollit, ſeu potiùſ nos illis eximit. Quemadmodum enim in ſcena, obduſtâ cortinâ totus ille theatri ſplendor euaneſcit, & ad mendicabula reges principesque perſonati reuertuntur; ita poſtquam huius vitæ cortinam mors obduxerit, omnis illa falſorum bonorum ſpecies, & mortalitatis huius fucus extinguitur. Et quemadmodum emicante fulmine, nocturnæ tenebræ momento diſſipantur: ita fulminatrix illa Iudicis ſententia, *Discedite à me maledicti in ignem æternum*, adumbratam huius vitæ felicitatē, vanam, mendacem, adeoque nullam fuiſſe demonſtrabit. Quare prudentiſſimè Sapiens monet: *Ne intuearis vinum, quando plenduerit in vitro colore eius: ingreditur blandè, ſed in nouiſſimo*

Matth. 25.

mor-

Prouerb. 23.

mordebit vt coluber, & sicut regulus venena diffundet. Caue scilicet tibi à mundi vino, hoc est voluptate, quod splendet quidem & flauescit, sed in vase vitreo, in vita nempe hac misera & fragili, quæ instar vitri facilè frangitur. Ne intuearis vinum hoc, quando in tali vitro splendescit color eius: nam blandè ingreditur, suaue est palato & gutturi; sed in nouissimo mordebit vt coluber, & sicut basiliscus venenum per totam animam corpusque diffundet. Non itaque intuearis initij dulcedinem, sed finis amaritudinem.

Concludo cum S. P. AVGVSTINO, Inquietum est cor nostrum, donec in vno summoque bono, id est Deo, acquiescat, ad quem non nisi per virtutem itur. Innocentissimum Prophetam lobum paupertas, infamia, irrisiones, summi que dolores obsederant; & tamen serenitatem animo semper retinuit, sicco vestigio cum Israelitis ingens illud tribulationum mare pertransiuit: verè stabiliterque pacatus fuit, quia iuxta Deum equè virtutem colebat. Nempe *beatus vir, cuius est nomen Domini spes eius: & non respexit in vanitates, & insanias falsas.* Et quaquaer sum, inquit S. P. AVGVSTINVS, se verterit anima hominis, ad dolores figitur alibi, præterquam in te Deus: tametsi figitur in pulchris extra te, & extra se. Quin ipse Plato amicos Dei tantum veris delectationibus frui dicit. Illud solum & verum est gaudium, quod non de creatura, sed de creatore suscipitur: & omnis aliunde iucunditas, mæror est; omnis suauitas, dolor est; omne dulce, amarum; omne decorum, fœdum; omne postremò quodcumque aliud delectare potest, molestum.

Psal. 39.

Lib. 4. Confess. cap. 10.

In Philebo.
Bernardus
epist. 114.

§. II. *An interna illa quies, solidaque felicitas in hac vita obtineri possit. & quousque S. AVGVSTINVS eam possederit?*

VTRUM in hac mortali vita diuinam quispiam viderit essentiam, quæ summa & interminabilis nostra est felicitas, solum & verum bonum, columnæ, vt ita dicam, Herculeæ, quæ ultimam beatitudinem terminant; adhuc inter

Lib. 2. Dial.
c. 35.

Theologos controuertitur. Sunt qui illâ fruitum velint Moysen, alij addunt D. Paulum, quidam S. Benedictum. refert enim S. Gregorius, illum quadam vesperâ ad fenestram orantem vidisse tantam lucem, quæ diem vinceret, omnesque omnino tenebras fugaret. Et in hac, ait, luce omnis mundus velut sub vno solis radio collectus ante oculos eius adductus est; atque inter alia, in splendore huius coruscæ lucis, vidit Germani Capuani Episcopi animam in sphaera ignea ab Angelis in cælum ferri. Quærit deinde Petrus, qui totus mundus ab eo oculis conspici potuerit? Respondet Gregorius, quia animæ videnti creatorem, angusta est omnis creatura, eò quòd per lumen diuinum mentis intimæ sinus laxetur, tantumque expandatur in Deo, vt superior existat mundo & seipsâ. Referunt alij de alijs Sanctis, prout cuiusque dicitur partialis deuotio. sed neque ego quidquam eorum gloriæ detractum eo: hoc tantum ausim asserere, si verum est quempiam mortalem hoc priuilegio usum, de nemine id clariùs euentiùsque, post S. Scripturæ testimonia, quàm de S. P. AVGVSTINO demonstrari posse: idque ex ipsius AVGVSTINI diuinis ingenij monumentis, cuius quanta in Ecclesia semper fuit auctoritas, tantum ad confirmationem illius, quod asserui, facit. Et quamuis sententia hæc verisimilitudine suâ non careat, tamen negatiua mihi semper visa est S. Scripturæ cõformior, & rationum pondere firmior. Cùm enim beatitudo hæc viribus humanis, velut opes, honores, ceteraque vitæ humanæ commoda, obtineri non possit, sed à solo Deo, decursu huius vitæ stadio, veluti præmium & merces bonorum operum detur; euentissimum est aliquem simul mortalem, & perfectè beatum esse non posse. Nam Deus, tamquam agonotheta & munerator, statuit, fixâque lege sanciuit, vt præsentis vitæ spatium certamini cederet, corona illa dependeret ex tholo cælestis aulae, quamdiu hîc viuimus: atque ad illam, quamdiu benè viuimus, voluit nobis

semper

semper ius tantum esse, non possessionem; illos verò qui male agerent, eodem iure excidere. Atque hocposito decreto diuino (quod sanè æquissimū hominiquè peraccommodum) fieri non potuit vt beatitudinis laurea in hac mortali vita cuiquam daretur. Laurea enim non datur nisi finito certamine, neque certamen mortalium finitur nisi cum vita: ad præmium igitur perueniri non potest, nisi & vitæ finis imponatur. quemadmodum nec quisquam ad metam peruenit, nisi ex carceribus egressus transierit per medium, viamque decurrerit. Præterquam quòd præmium hoc tale fit, vt omnia prorsus mala excludat, nec vel vnum secum pati possit, homini in primis immortalitatem, & diuinum quemdam fulgorem præstat: quod sanè minimè gentium cum mortalis vitæ statu consistere potest. Hinc cum Moyses intanter peteret claram Dei intuitionem, siue visionem beatificam, ideo quòd eum familiariter toties fuisset allocutus, velut amicus amicum solet, remotis arbitris; desideraretque de facie nouisse, quem voce & colloquio nouerat (erat enim aliàs Deus tectus & inuolutus nube quâdam, quæ præsentiam ipsius dumtaxat indicaret.) respondit ei Dominus: *Non poteris videre faciem meam: non enim videbit me homo, & uiuet*, id est, homo qui me viderit, non poterit amplius viuere, quia iam erit in portu, nec deinceps fluctibus huius sæculi iactandus: nam de clara visione, quam Moyses petebat, hîc sermo est, sicut hæcenus persuasissimum Patribus fuit. Vnde cum Angelus apparuisset Manue patri Samsonis, atque cum illo sermonem vtrò citroque habuisset, isque putaret Deum fuisse, ait vxori suæ: *Morte moriemur, quia vidimus Deum.* Piè quidem gloriabatur Iacob se vidisse Deum facie ad faciem citra mortis periculum, id est, aiebat saluam factam animam suam. Sed ne putes eum vidisse Deum clarè; textus siquidem habet: *Nocte luctabatur Angelus cum eo*: quare nec faciem eius videre potuit; & cum Angelo, non cum Deo luctabatur; denique non aliter illum

Exod. 33.

Iudic. 13.

Gen. 32.

facie ad faciem, quàm Moyses vidit, id est, obscurè. Et quanta hæc differentia Deum videre, & eius vicarium Angelum? Vt mirum non sit, si vrgeatur Moysen amplius aliquid vidisse quàm vllum alium ex Prophetis. Vidit enim ipse Deum, reliqui Angelos. Præterea etiam ipsi particulari priuilegio concessum est, vt Deum humanâ cerneret figurâ, non quidem in facie, sed in posteriore apparentis corporis parte. Erat lapis scissus, siue foramen habens, medius Deum inter & Moysen: dixitque Deus se ab altera parte lapidis transiturum, verumtamen foramen manu obstructurum, vsquedum facies transiisset; deinde ablatâ manu permissurum vt posteriora videret. Quod quidem alij metaphoricè accipiunt, & vt plurimum ad mysterium Incarnationis referunt: sed non videtur vlla notabilis ratio, cur à sensu litteræ recedatur.

Exod. 33.

Postremò quod aliqui vrgent Deum dixisse ibidem, *Ego ostendam omne bonum tibi, & vocabo in nomine Domini coram te*, atque ibi intelligi visionem beatificam: Respondeo locum admodum esse intellectu difficilem & obscurum, sed ex sequenti capite elucidari sufficienter ad propositum nostrum, vbi, quæ hîc promittuntur, complentur: scilicet

Ibid. c. 34.

quod ipse sit Dominus Deus, misericors & clemens, tardus ad iram, & multæ misericordiæ, & verax: *Et miserebor, inquit, cui voluero; & clemens ero in quem mihi placuerit.*

Exod. 33.

Quia nimirum omne bonum sit misericordia Dei, quod & verissimum esse miseri peccatores experimur, & se expertos gaudent, quotquot gaudet in æterna societate Sanctorum. Quæ cum ita sint: non hoc agimus vt conuincamus AVGVSTINVM, Videntem vidisse, vltimâque affectum beatitudine in hac vita; sed eousque profecisse, atque id in initio statim perfectissimæ suæ conuersionis fuisse consecutum, quò vsque humana potest pertingere imbecillitas. Est enim quædam pax interna, & animi quies, quam mundus dare non potest, sed Angeli nascente Domino nuntiarunt, quæ

Lucæ 1.

pecca-

peccatis abolitis, edomitisque sensibus nos Deo conciliat vnitque. Et quamuis gratuitum Dei donū sit; tamen multis orationibus, vigilijs, austeritatibus, & heroicā charitate id sibi quasi extorqueri diuina gaudet benignitas. Quando, scilicet anima in virtutibus quotidie proficiens, concupiscentiam suam purificat, vsque, inquam, dum sibi bene conscia sit, atque testetur se purè & sanctè iuxta legem Dei viuere. Et hic murus aheneus esto. Tum verò in gratia se esse Dei cogitat, Deo se amicam & filiam, Deum sibi patrem, & quidem longè amantissimum, qui summam filiorum suorum & curam & prouidentiam gerit, omniaque facit eis cooperari in bonum, ad maius & gratiæ & gloriæ meritum. Et hinc pax illa, quæ ne quidem totius mundi pretio, si foret vendibilis, comparari potest, intima viscera animæ summâ suauitate peruadit. Quare eiusmodi animam non ineptè Saræ vxori Abrahami comparaueris. *Visitauit*, inquit Scriptura, *Dominus Saram, sicut promiserat: & concepit, vocauitq; Abraham nomen filij sui, quem genuit ei Sara, Isaac.* Quod nomen risum significat. Illa enim, quæ mente ex diuina visitatione concipimus, risum afferunt, & gaudium internum, ac iucunditatem spiritus. In hoc autem filio multiplicatio generis promittitur, sicut stellæ cæli, quia nihil deest illi, qui sic concipit, imò cum Dauide dicit: *Ego dixi in abundantia mea, Non mouebor in aeternum.* Tam arcto namque diuini amoris vinculo tenetur, qui eius dulcedinem gustat, vt nihil eum ab ipso Deo separare possit. Nec delectationi rerum pereuntium ampliùs incumbit, qui huius cælestis benedictionis cognitionem per gustum habet. Verè *delectationes in dextera eius.* Nam dextera ibi pro voluptatis & dulcedinis exuberantia ponitur. Hoc Philipensibus bonum optabat Apostolus: *Pax Christi quæ exuperat omnem sensum, impleat corda vestra, & intelligentias vestras in Christo Iesu.* Pacem, quam Sancti habent cum Deo, dum & summâ conscientiæ tranquillitate perfruuntur, nemo nisi

Gen. 21.

Psalm. 29.

Psalm. 15.

Philip. 4.

nisi

nisi qui illam experitur, intellectu aut cogitatione assequi potest. Atque hæc pax custodiat voluntatem & intellectu vestrum, ne abducamini per persecutiones & suggestiones diaboli à recta fide, iustitia & sanctitate. Hoc enim maximè diabolus conatur, vt pacem vel per consensum in peccatum eripiat, vel certè inutilibus scrupulis, anxietatibus, mœroribus, diffidentiâ interturbet: similis callido piscatori, qui libenter in aqua turbida piscatur; aut instar petulantium iuuenum, qui conuiuia nuptialia insolentijs suis infestant. Quin & ipsa, promulsis quædam cælestis gloriæ est, ideoque S. Teresa, virgo illuminatissima, illum Orationis Dominicæ versiculum: *Adueniat regnum tuum*, sic explicat, quasi non aliud ibi iubeamur à Deo petere, quàm aliquem huius boni gustum etiam in hac vita, & experimentum, quo faciliùs omnes terrenæ delectationes fastidiantur & repudientur; mensque nostra in bonis illis, quæ sola vera bona sunt, acquiescat. Sed interim super hoc conuiuio diabolus rixas & iurgia frequenter excitare gaudet. Quem non Sanctorum aliquândo importunis vexationibus exercuit? atque tum vel maximè, se in Angelum lucis transformat, & prætextus melioris boni non rarò prætexit.

Hoc bono cum Dauid per peccata excidisset, iamque sibi redditus, & præteritorum pœnitens foret, tam sollicitè, tam instanter id recuperare postulabat: *Redde mihi letitiam salutaris tui, & spiritu principali confirma me*. Redde quod per peccata mihi abstulisti, redde quod culpâ mea perdidisti: redde, obsecro, per merita eius qui nasciturus est de Virgine, qui asperget & viuificabit emortua membra peccatis sanguine suo, quem ex nunc in spiritu cōspicio ad dexteram tuam: per dilectum, per vnigenitum, qui etiam interpellat pro nobis, vt per ipsum sentiam te mihi placatum: vt sit ipse signaculum super cor meum, quò certior intus in anima fiam, quantum salutis meæ expediat, vt pax illa redeat quæ exuperat omnem sensum. *Confirma me spiritu prin-*

Psalm. 50.

principali, siue principe digno, id est, qui constātiā & magnanimitatem donet: *spiritu principali*, quo potiozem dare non potes, spiritu sereno, tranquillo, beato, confirma me Deus.

Quantum verò hac in re AVGVSTINO fauerit Dei clementia, [& licet exigui sapè temporis hoc donum sit, vel sic tamen huius mundi delectationibus & brutis voluptatibus sit potius, atque indefinenter à benigna Dei manu dependeat] testatur copiosè atque eleganter S. Doctor: Et aliquando intromittis me in affectum multum inusitatum

Lib. 10. C5.
fess. cap. 40.

introrsus, ad nescio quam dulcedinem: quæ si perficiatur in me, nescio quid erit, quod vita ista non erit. Sed recido in hæc ærumnosis ponderibus, & resorbeor solitis, & teneor, & multum fleo, sed multum teneor. Tantum consuetudinis sarcina digna est. Hic esse valeo, nec volo: illic volo, nec valeo; miser utrobique. Ex quibus verbis colligimus sanctissimam illam animam, non tantum firmâ & indubitatâ fide Deum apprehendisse, atque cognouisse, spe solidâ & ardentissimâ in illum se erexisse, charitate dilexisse, totoque affectu coniunctissimum fuisse; sed insuper aliquid fuisse expertum, quod nō est fas homini loqui, quod efferri extra cordis conclaue non datur. Quod & ille experiebatur cùm diceret: *Quam dilecta tabernacula tua Domine virtutum! concupiscit & deficit anima mea in atria Domini.*

Psal. 83.

Et ille, *Satis est Domine, satis est.* Neque diu humana mortalitas affluentiam illam cælestis gaudij sustinere potest, nimis citò exigui cordis angustix oceano inexhausto diuinæ dulcedinis obruuntur. Sed an hic Nicolaum Tolentinatem silentio præteribo? Ille cùm vitam sanctissimam ageret, incredibili voluptate in anima perfundebatur, idque tum vel maximè cùm metam spectaret. Nam sex ante obitum mensibus, quot noctibus ante preces matutinas hymnodiam suauissimam percipiebat, quâ adeò reficiebatur, ut identidem exclamaret: *Cupio dissolui, & esse cum Christo.*

S. Xauerius.

Surius in vita eius, 10. Septemb.

Philip. 1.

nique cùm ergastulo carnis anima solueretur, exultationis & salutis vox audiebatur: cumque adstantes ab eo quærent, quæ noui gaudij causa foret? respondit lætabundus, Dominus meus Iesus Christus suæ Matri, & nostro Patri

Matth. 25. AVGVSTINO innitens dicit mihi: *Euge serue bone & fidelis, intra in gaudium Domini tui.* Hæc est magna multitudo dulcedinis tuæ Domine, quam abscondisti timentibus te. Hieronymus quoque de se testatur, quod post quotidianos gemitus & multas lacrymas, post cælo inhærentes oculos, nonnumquam sibi videretur agminibus interesse Angelorum, & lætus gaudensque cantabat; *Post te curremus in odorem unguentorum tuorum.*

Epist. ad Eustoch.

Cant. 1.

Contigit etiam, vt imminente die, quo B. Monica ex hac vita erat exitura, AVGVSTINVS recens adhuc à baptismo, & illa starent apud Ostiam incumbentes ad quamdam fenestram, vnde hortus intra domum prospectabatur, vbi remoti à turbis post longi itineris laborem instaurabant se navigationi. Tunc, inquit, colloquebamur soli valde dulciter, & præterita obliuiscens, in ea quæ antè sunt intenti, quærebamus inter nos apud præsentem veritatem, quod tu es, qualis futura esset vita æterna Sanctorum, *quam nec oculus vidit, nec auris audiuit, nec in cor hominis ascendit.*

Lib. 9. Conf. cap. 10.

1. Cor. 2.

Psal. 35.

Sed inhiabamus ore cordis in superna fluenta fontis tui, *fontis vita, qui est apud te*, vt inde pro captu nostro aspersi, quoquo modo rem tantam cogitaremus. Cumque ad eum finem sermo perduceretur, vt carnalium sensuum delectatio quantalibet, in quantalibet luce corporea, præ illius vitæ iucunditate, non comparatione, sed nec commemoratione quidem digna videretur: erigentes nos ardentiore affectu in id ipsum, perambulauimus gradatim cuncta corporalia, & ipsum cælum, vnde sol, & luna, & stellæ lucent super terram. Et adhuc ascendebamus interius cogitando, & loquendo te, & mirando opera tua. Et venimus ad mentes nostras, & transcendimus eas, vt

attira-

attingeremus regionem ubertatis indeficientis, ubi pascis Israel in aeternum veritatis pabulo: & ubi vita sapientia est, per quam fiunt omnia ista, & quæ fuerunt, & quæ futura sunt. Et ipsa non fit, sed sic est ut fuit, & sicerit semper; quin potius fuisse, & futurum esse, non est in ea, sed esse solum, quoniam æterna est. Nam fuisse, & futurum esse, non est æternum. Et dum loquimur, & inhiamus illi, attingimus eam modicè toto iētucordis, & suspirauimus, & reliquimus ibi religatas primitias spiritus, & remeauimus ad strepitum oris nostri, ubi verbum & incipitur, & finitur. Et quid simile verbo tuo Domino nostro in se permanenti sine verustate, atque innouanti omnia? Et paulò pòst: Sicut nunc extendimus nos, & rapidâ cogitatione attingimus æternam sapientiam super omnia manentem; si continuetur hoc, & subtrahantur aliæ visiones longè imparis generis, & hæc non rapiat & absorbeat, & recondat in interiora gaudia spectatorem suum, ut talis sit sempiterna vita, quale fuit hoc momentum intelligentiæ, cui suspirauimus. Nōne hoc est, intra in gaudium Domini tui? Et istud quando?

Matth. 25.

Ex quibus locis si non conuincimus S. Patrem nostrum hîc vidisse diuinam essentiam (quod ramen valdè vult Coriolanus noster,) certè nemo iuerit inficias, illum, instar eorum, qui cum spongijs aquâ imbutis stata sacrificia quotannis facturi conscendere consuerant Olympum montem, superasse, atque notas ibi quasdam inscripsisse, quas rerum sublunarium varietates non delent: sensit, inquam, quod illi nemo mortalium tollere potuit, nulla turbatio confundere: sensit ibi puram & defæcatam auram, & solem illum cælestem miro quodam & indicibili splendore radiantem.

Libet verò etiam hîc paulisper subsistere, & mentis aciem reflectere ad rerum primum exordium, atque aliquã creationis partem propiùs contemplari; vnde mihi similitudo oppidò venusta, & apprimè proposito nostro deseruiens elucet. S. Pater AVGVSTINVS scribit, volatilia non volare

Lib. 2. de
Genesi ad
litter.

per sublimem aërem qui serenus tranquillisque est, sed per hunc turbidum & crassum, terræ proximum, qui excipit omnes vapores terræ & maris, & in quo pluviæ cōcrescunt, ita vt ea eius pars aqua potiùs extenuata, quàm aër esse videatur: atque ita principium ex quo factæ sunt aues, & habitaculum earum, simile, ac ferè idem esse. Quo loco insinuat S. Doct̃or, natatilia & volatilia facta esse ex aqua; illa verò ex crassa quæ in mari fluctuat; hæc ex tenui, quæ in aëre volitat: quod non parum cum earum natura consonare videtur. Sed mirum alicui primâ fronte videbitur, quòd aqua fluida sit & frigida, aues verò solidæ & siccæ substantiæ. Atqui obseruandum est, res non ex similibus, sed contrarijs fieri, neque eas productas ex aqua manente tali, sed ex alterata: quemadmodum sal licèt temperie siccus sit & calidus; tamen ex aqua fit, & faciliè maceratus in aquam resoluitur. Similitudo etiam quam aues cum piscibus habent in pluribus, & in quibus ab alijs animantibus discrepant, vtrorumque idem ortus arguit principium. Vtraque enim sunt ouipara, vtraque vesicâ carent, & partim nullo, partim exiguo vtuntur potu. Terrestria omnia habent vesicam, & largiùs bibunt. Porrò squamæ & pennæ ad aquam videntur pertinere, pili quadrupedum ad terram: generantur enim ex fuliginibus, quarum est terrea & exusta natura: squamarum verò & plumarum materia aqua est, vnde & aues non mingunt, sed teste Aristotele vrina illarum in plumas transit. Quæ omnia tantùm eo fine dicta sunt, vt probemus aues ex aqua in prima creatione, à solertissimo atque omnipotente illo opifice esse productas, atque in hoc **AVGVSTINVM** cum auibus habere similitudinem quamdam, quòd & ipsum tum maternæ, tum propriæ, quas ante, & in ipsa conuersione abundè effudit, lacrymæ in auem Euangelicâ, (cuius habitatio in ramis arboris sinapi) transformarint. Itaque ex salutifero hoc pœnitentiæ balneo perspicax illa aquila, quæ tam fixè altissima quæq; diuinitatis

myste-

Lib. 3. de partib. animal, cap. 7.

Matth. 13.

mysteria inspexit, emerfit: quemadmodum Olaus Magnus Lib. 16.
 scribit circa insulas Orcadas in mare cadere quædam ex
 arboribus folia, quæ in aues mirabili metamorphosi trans-
 eunt. Quid verò homo? *folium quod vento rapitur.* AVGVSTI-
 NVS ergo eiusmodi folium, raptus priùs omni vento do-
 ctrinæ in mare amarissimæ contritionis incidit, atque inde
 nouo & admirando miraculo auis candidissima eua sit, se-
 ipsum terræ subduxit, & in altissima diuinæ contemplatio-
 nis sublimitate cõstitit: necnon ab oculis Liæ lippientibus,
 perpetuoque aqueum humorem fundentibus, ad pulcher-
 rimæ Rachelis suauissimos amplexus admissus est. Iure verò
 meritissimo tum illud Dauidicum vsurpare poterat: *Anima Psal. 123.*
nostra sicut passer erepta est de laqueo venantium, quia iam om-
 nia impedimenta sanctioris vitæ præciderat, & plenissimâ
 spiritus libertate fruebatur, laqueis hostium liberatus, & ab
 impetu eorum securus. O beatissimam auem! ô diuinam
 aquilam! quæ nidum tuum in ramis sanctissimæ arboris vi-
 tæ, id est, stabilitate fidei Catholicæ, collocasti; *protegèris Eccli. 14.*
sub tegmine illius à feruore, & in gloria illius requiesces. Verè
beatus qui requiescis iuxta domũ Dei, & in parietibus eius figens
palum, statuisti casulam tuam in manus illius, & requiescent in
casula tua bona per æuum.

Quòd aliquod eiusmodi bonum sit, testatur etiam de-
 uotus & verè Deo carus ille Thomas, Non qualis beatitu-
 do, inquit, videtur & laudatur à stultis mundi amatoribus:
 sed qualem expectant boni Christi fideles, & prægustant
 interdum spirituales & mundicorde, quorum conuersatio
 in cælis est; animæ Christianæ est exoptanda.

Lib. 3. de
 imitat. c. 16.

CAPVT QVINTVM.

§. I. AVGVSTINVS adeò nullam in rebus creatis, relicto Creatore, quietem inuenit, vt etiam maximam vbique amaritudinem & molestias expertus sit, quò se ad Deum perennem omnis boni fontem citiùs reciperet.

THEMA CONCION.

Multa flagella peccatoris, sperantem autem in Domino misericordia circumdabit. Psal. 31.



VM fugentem adhuc puerulum nutrices cogitant ab lactare, pro more habent vberum papillas sinapi vel alio amariori succo oblinere, vt citra magnum eiulatum discat mammam respuere, malitque lacte carere, quam amaritatem experiri. Ita inexhausta diuina bonitas, cum AVGVSTINVS diutiùs tergiuerfaretur insanam hanc rerum illicitarum dulcedinem relinquere, aderat misericorditer sæuiens, & aspergens amarissimis euentis omnes illicitas iucunditates ipsius, vt tandem quæreret sine offensione iucundari: adeoque fuit eum cædi virgis ferreis ardentibus zeli, & suspicionum, & timorum, & irarum atque rixarum. Cumque aliquando grauissimum scelus in ipsa Ecclesia perpetrare sacrilegus fornicator decreuisset, grauissimè intus in animo à Deo cæsus est. Et circumuolabat, inquit, super me fidelis à longè misericordia tua. In quantas iniquitates distabui, & sacrilegam curiositatem secutus sum; vt deserentem te deduceret me ad ima infida & circumuentoria obsequia dæmoniorum; quibus immolabam facta mea mala, & in omnibus flagellabas me.

Ausus

Aufus sum etiam in celebritate solemnitatum tuarum, intra parietes Ecclesiæ tuæ concupiscere, & agere negotium procurandi fructus mortis. Vnde me verberasti grauibus pœnis. Sed nihil ad culpam meam, ô tu prægrandis misericordia mea! Deus meus, refugium meum à terribilibus nocentibus: in quibus vagatus sum præfidenti collo, à longè recedendo à te, amans vias meas, & non tuas; amans fugitiuam libertatem.

Non idè sanè, quòd omnium rerum Conditor huic alteriue quidpiam inuideat eorum, quæ hominis causâ effecit; sed ne contingat filios Adam seduci vitiorum dulcedine, nec sint creaturæ *in muscipulam pedibus insipientium*. In muscipula enim spargitur pollis triticeus, adustum laridum, vel frustum casei, quo mures pelliciuntur: creaturæ quoque vnâ aliquâ parte sunt delectabiles; sed ne illo breui & fallaci melle mortalium abripiantur animi, indiuiduos Deus comites ire iussit labores & cordolia. Vbi vber, ibi tuber; vbi mel, ibi fel. Dicuntur à veteribus, qui optima morum præcepta fabulis incrustabant, Ioue iudice litigasse voluptas & dolor, in qua lite neque illa huic, neque hic illi cessurus videbatur. Quod vbi aduertit Iupiter, sub stomachans ait: Bene est, ego vos ita componam, vt dirimi nequeatis. Quo dicto, adamantino vinculo colligauit dissidentes. Inde ergo numquam non simul sunt. Idemque approbat Sapiens: *Risus dolore miscebitur, & extrema gaudij luctus occupat*. Vbi tamen nota quòd non dicat, Dolor miscebitur risu; nam frequentissimè dolori non succedit risus, sed vni dolori maior dolor superuenit, & huic alius maximus. id quod patientissimo lobo contrigit, prout consideranti facile patebit: sed, *Risus dolore miscebitur*, quia risus numquam ita placidè aduenit, quin statim superueniat dolor, qui ei admisceatur, eumque extinguat.

Cerne rosas Paphias, iuncta omnibus horrida spina est:

Omnibus at spinis non sua iuncta rosa est.

Bern. Bau-
huf,

Quo-

Quocumque oculos conuertas, ad summa, ima; profana, sacra; priuata, publica: mel vbiq̄ felle temperatum inuenies, & quidem ita, vt amara multò maxima sint. Quod prandium, quę cœna est, cui suum non admiscetur acetum? Ita semper Bacchanalibus proximus hæret dies Cinerum, & lætum Pascha tristissima Parasceue indiscriminatim antecedit. Quàm commode porrò AVGVSTINO id acciderit, testatur de seipso sequenti Emblemate. Cùm enim anima eius instar meretriculæ, quæ apud Oseam dicebat: *Vadam post amatores meos*, diceret, Fruar delicijs, inebriabor, & satiabor libidine; non verbis, sed re ipsâ diuinitus illi responsum est: *Propter hoc, vt te auocem & coërceam, ecce ego sepiam viam tuam spinis*. Persequere, vt libet, voluptates tuas, sed non apprehendes: quæres, & non inuenies. Atque tamdiu te duris exercebo, donec fatearis omnibus relictis melius esse sequi Dominum Deum tuum, sponsam animæ tuæ, præ cuius amore reliqua sunt adulteria & scortationes.

Osee 1.

Quanto

*Quanto felle mihi suauitatem illam, & quàm bonus
asperfisti! Lib. 3. Confess. c. 1.*



*Spicula quòd gestent, arcent examina fures;
Non cuius rapitur quòd rosa, spina facit.
Ne placeant nobis quæ mundus mella propinat,
Felle bonus multo miscuit illa Deus.*

Id, inquam, maximo suo bono expertus est AVGVSTI-
 NVS. Deus pungebat sensum vulneris animæ eius, vt reli-
 ctis omnibus conuerteretur ad se, assuesceretque pani illi
 solido (quoniam valdè famelicus veritatis erat) & succu-
 lento, qui est summa veritas cognita & amata. *Quem*, in-
 quit Isaias, *docebit sapientiam? & quem intelligere faciet au-* Cap. 18.
ditum? ab lacte à lacte, auulsos ab vberibus. Neque enim pri-
 us homo rerum cælestium & sublimium est capax, qui solidi-
 us cibus est, quàm lac consolationis humanæ inceperit
 fastidire. Id experiuntur qui conuertendis ad fidem Catho-
 licam infidelibus allaborant, tum facili illos cæleste fidei
 lumen in animū admittere, cū à prioris vitæ licentia & vo-
 luptatibus paulisper abduci cœperint. Verissimum quidē
 est, quòd mundus & caro sint similes lenoni & lenæ, mise-
 roque peccatori continenter persuadeant: *Veni, inebriemur* Prou. 7.
vberibus, & fruamur cupitis amplexibus, donec illucescat dies, id
 est, quamdiu opportunitas finit. Sed Deus vbera illa aloë
 & ablinthio aspergit, quò animos fugentium auertat, &
 nauseam inducat. Nam sicut uua acerba dentibus tormen-
 tum est, & fumes oculis, sic iniquitas vtentibus eâ. Cui
 vniquam magis acciderunt omnia ad nutum, quàm super-
 bissimo illi, quem rex Assuerus exaltauit de stirpe Agag? *Et* Esth. 3.
posuit solium eius super omnes principes, quos habebat. Cuncti ser-
ui regis, qui in foribus palatij versabantur, flectebant genua, &
adorabant Aman. Et tamen quantâ amaritudine illi omnes
 honores, deliciæ & voluptates constiterunt; ita quidem, vt
 ipsemet nihili omnia duceret, quibus perfruebatur, suaui-
 præ vna re, cuius morsicabatur felle. & quantula res hæc
 erat? Nimirum quòd Mardocheus palatium ingredienti
 & egredienti non assurgeret, nec poplitem prætereunti sub-
 mitteret, quòd lege diuinâ facere vetabatur. *Quapropter* Esth. 5.
indignatus est valdè: & dissimulatâ irâ, reuersus in domum suam,
conuocauit ad se amicos, & Zares uxorem suam, & exposuit illis
magnitudinem diuitiarum suarum, filiorumq; turbam, & quantâ

eum gloriâ super omnes principes & seruos suos rex eleuasset. Et post hæc ait: Regina quoq; Esther nullum alium vocauit ad conuiuium cum rege, præter me: apud quam etiam cras cum rege pransurus sum. Et cum hæc omnia habeam, nihil me habere puto quamdiu video Mardocheum Iudæum sedentem ante fores regias. Ecce, quantâ eminentiâ, quàm prospero rerum successu, quantis gaudijs hic Palatinus fruebatur; attamen quia præ animi impotentia, & immani fastu concoquere animo non poterat, quòd vel ab vno Mardocheo præteriretur quasi incognitus, quantum fellis, quantum cordolij & laborum omnia illa etiam mellitissima admixta habebant? Plus exigua in imo pede hærens spina cruciabat, quàm tanta Astueri potentia dare posset boni. Vsq; adeò nulla est sincera voluptas, sollicitum semper aliquid lætis interuenit. Poterat-que illud Iuuenalis vsurpare:

Ouidius in
Metamorph.

Satyr. 10.

Doctr. 12.

Est rebus lætis maior mensura malorum.

Hinc S. Dorotheus animum peccatoris morbidò corpori comparat: Vt corpus, inquit, melancholicum & distemperatum, continuè ab ipsa melancholia & distemperantia vratur & affigitur: sic anima vitijs subiecta, quantamlibet in se habere videatur delectationem & voluptatem, semper à malitia & iniquitate sua torquetur, atque in perpetuo angore, dolore & amaritudine est. Idem testatur Ecclesiasticus: *Via peccantium coramplanata est lapidibus, & in fine illorum inferi.* id est, vt Dionysius Carthus. exponit, via salebrosa, confragosa, siue aspera, in qua multa faxorum impedimenta. iuxta illud Osee, *Ecce sepiam viam tuam spinis*, ne scilicet exeres, & ad decerpandos vicinorum hortorum fructus rapiaris. Alludere videtur ad morem, quo iuxta vias publicas pomaria sepibus contra viatorum petulantiam muniuntur. Quantum etiam ipsa Venus, quam tamen multi mortales putant omnium dulcissimam voluptatem, acrimoniæ & fellis habeat, testantur infames illi morbi, paupertas, hebetudo, & stupor animi, accelerata deni-

Cap. 21.

Osee 2.

denique mors, Perierunt prodigo Euangelico vniuersa pa- Luc. 15.
terna bona non naufragio, non ægritudine, non bello, non
subitaneo aliquo casu; sed *viuendo luxuriosè*: honoris famæ-
que iacturam adiit, & pænè fuit vt fame necaretur, nisi
porcorum cõtigisset fieri simul & custodem & conuiuam.
Vt prudentissimè Demosthenes Laidi meretrici pro vna
nocte decem millia drachmarum postulanti responderit:
Tanti pænitere non emo. Sciebat enim disertissimus Græco-
rum, inhonestæ voluptati indiuiduam comitem ire pœni-
tentiam. Quis vniquam obscenæ huic Deæ vel horam, vel
momentum seruiuit, quem non statim huius impuræ pu-
duerit seruitutis? Certè magnus ille Persarum domitor,
non dubitauit veneream voluptatem breuem epilepsiam
appellare: morbi est genus hominem mente alienans, om-
nesque animi impediens functiones. Magnus quoque Phi- Arist. Rhet.
losophus Venerem amentia præfectam appellauit, ita vt cap. 24.
nullus se istâ brutâ delectatione oblectare possit, quin vnâ
amentia incommoda persenscat. Mala, ô superi! copula-
tio, vt illâ simul sint Venus & amentia. Et quis non mente
constare, sapiens, suusque etiam sine ista voluptate, esse
malit? Et crimine ab vno disce omnes, quotquot sunt vitæ
huius, voluptates.

Optimè ad rem ait Psalmographus: *Multa flagella pecca-* Psalm. 38.
toris, quibus magnus & benignissimus pater filios suos de-
terret & auocat ab illicitis: *sperantem autem in Domino mise-*
ricordia circumdabit, id est, omne bonum illi velut vestimẽ-
tum circumponetur. Audi, quid de delicijs & voluptatibus
huius sæculi illi ipsi testentur, qui tanto studio eas sectati
sunt, tam magni fecerunt, tam studiosè adhæserunt;
idque viciniam morte, quando decretorius adest dies, &
nullum fugiendi superest tempus, nullus mimo locus,

Sed vera voces tum demum pectore ab imo

Eliciuntur:

Lassati sumus, iniquiunt, in via iniquitatis & perditionis, & am- Sap. 5.
bulauimus

būlauimus vias difficiles, viam autē Domini ignorauimus. Et quomodo vias difficiles? vt vel sic occasionem arriperent illas relinquiendi. Quod non leue diuinæ, etiam erga perditissimos moribus homines, benignitatis argumentum est.

§.II. *E contrario licet virtutum exercitia suis etiam molestijs non careant, interna tamen animorum consolatio longè præponderat.*

NEquē ad cælum aut virtutem scanditur nisi per scrupulos scopulosque, & sudorem ante locum virtutis Dī posuerunt: & iuxta commune Græcorum adagium,

Dī laboribus omnia vendunt.

Quo significabant, præcipites illas rupes & difficiles, quas virtus inhabitat, non adiri nisi laborioso itinere. Vnde Romani, vt altiùs liberorum animis virtutis amorem imprimerent, atque horrorem laboris, qui virtutibus adnascitur, mitigarent, imò necessitatem strenuè agendi ostenderent; duplex templum ædificauerunt, seu fixerunt, prius Laboris, alterum Honoris: quæ quidem ita structa erant, vt nemo illud Honoris intrare posset, nisi Laboris priùs pressisset. Silius Italicus virtutem his verbis loquentem inducit:

Casta mihi domus, & celfo sunt colle penates,

Ardua saxoso perducit semita cliuo,

Aspera principio mox celsus ab alto

Infra te cernes hominum genus.

Nec absimili de causa docta antiquitas, Musas in Parnasso monte collocauit. Et Cicero deliberantem ex Xenophonte inducit Herculem, an amœnā voluptatis, an verò asperam virtutis viam insistere expediat? Sed nunc etiam ad sacra veniamus. *Quàm angusta, inquit Saluator, porta, & arcta via est, quæ ducit ad vitam!* Quomodo, ô Deus! *porta arcta*, vbi regnum tuum tam amplum, vbi domus tam capax & magnifica? Ecquæ harum exiguarū portarum cum spatio-

Lib. 15. de bello Punico.

Lib. 1. Offic.

Matth. 7.

spatiosissimo palatio, siue etiam ciuitate proportio? & pauci sunt qui inueniant eam. Quasi dicat, Difficulter inuenitur, & quamuis inuenta fuerit, non sine molestia & compressione transitur. Testantur id tot illustres animæ, atque in primis Isaias, Ieremias, Machabæi ex veteri Testamento: ex nouo Ioannes Baptista, Paulus, Bartholomæus, qui non nisi caput vel pellem totius corporis exuti intrare potuerunt: testes omnes Apostoli, quibus, vt hanc portam intrarent, incidenda fuit omnis spes rei temporariæ,

Patria relinquenda & placens uxor.

Ex quatuor partibus difficultas virtutis nascitur.

Angustia autem huius portæ nascuntur ex necessitate possidendi quatuor virtutes, scilicet fidem, spem, charitatem & humilitatem: quæ arctæ sunt, atque exiguam in se longitudinem & latitudinem habent, vt mox patebit. Correspondent autem hæc quatuor virtutes quatuor portæ partibus; fides & spes vtrumque lapidem lateralem, charitas superliminare, humilitas limen constituit.

Fides viam arctam ad cælum reddit.

Quam angusta in primis & acciã fides! quàm signanter quiditati humanæ, cui innatum est teste Philosopho vel scire per demonstrationes, vel minimum per rationes admodum probabiles, aduersatur! Plura enim Philosophiæ naturalis principia elidit: Ex nihilo nihil fit: A priuatione ad habitum non datur regressus: Accidentis esse est inesse: Mundus est æternus: Quæ sunt eadem vni tertio, sunt eadem inter se: Omnis substantia, maximè rationis capax, non subsistit in alia. Prætereà iubet nos credere SS. Trinitatē, Incarnationem Verbi, & omnia quæ hanc secuta sunt salutis nostræ mysteria, carnis resurrectionem, æternitatem pœnarum. His adde: vitanda esse omnia peccata, vt etiam de verbo otioso reddenda sit ratio: & si quis in peccatum

Matth. 23.

MOR-

mortale prolapsus fuerit, confitendum esse Sacerdoti: opera bona, quantumuis laboriosa & difficilia, esse facienda, si à Prælatis præscribantur : regnum cælorum esse bonis operibus promerendum, vt coronam iustitiæ & mercedem laboris: Ecclesiasticis sacrisque hominibus cælibatum esse colendum: vota Monachorum & sanctimonialium esse seruanda. Neque tantùm præcipit vt credamus *in captiuitatem redigentes omnem intellectum in obsequium Christi*; sed id etiam ipsis factis & vitæ sanctimoniâ ostendamus; nec vult, vt opera à fide discrepent. Has fidei angustias, partim hæretici & infideles, partim mali Christiani, dilatare sunt conati: illi intellectu & sensibus suis blandiundo rationabiliora, vt ipsis videtur, proponendo, & facilia & prorsus contraria veræ fidei: isti aliter viuendo atque se credere profiterentur; neque aliud quidpiam hætenus lucrificerunt, quàm quòd sibi alijsque largam fecerint portã ad inferos.

Quòd etiam aliud huius portæ latus humile sit & compressum, patet ex eo, quòd spes hominem parux & imbecillæ conditionis tam magna & eximia, putà hereditatem regni cælorum, adoptionem in filium Dei, omne denique bonum, sperare iubeat: in aduersis subsistere, omnemque in illum, cui cura de nobis est, curam abijcere, neque ore tenus tantummodò, sed intimè & ipso corde, & effectu operis dicere cum Propheta: *Dominus mihi adiutor, non timebo quid faciat mihi homo.* &, *Si consistant aduersum me castra, non timebit cor meum.* & cum Apostolo, *Si Deus pro nobis, quis contra nos?* solitudinem inordinatam rerum temporalium abijcere, cum tamen illas curare, homines putent primarium suum debere esse studium: nullum præsidium in labore, industria, vel astutia nostra ponere, nedum ad artes diabolicas confugere: sua dispergere & dare pauperibus, atque illorum remunerationem tantùm in altera vita sperare: præsentia fastidire, futuris inhiare: ab omni denique immoderato mœrore, luctu, diffidentia, & murmure
contra

2. Cor. 10:

Secundò
Spes.

1. Pet. 5.

Psal. 117.

Psal. 6.

Rom. 8.

contra Dei prouidentiam, alijsque grauioribus abstinere.

Deinde etiam charitatis superliminare, quæ iubet vt Deum super omnia, proximum sicut nosipfos diligamus, suas angustias habet. Inter quas si quis cum Abrahamo deprehendatur, audiatque ex Deo: *Tolle filium tuum vnigenitum*, nec filij, & quidem vnigeniti, nomen sufficit, *sed quem diligis Isaac*, vt & paterni affectus & promissi diuini, *In Isaac vocabitur tibi semen*, refricetur memoria. Et quamuis iam effæcto sis corpore, nec sobolem propagare valeas, & heredem valdè velis, tamen amicæ spem tam amatæ posteritatis tolle: nec simpliciter occide, sed immola: vt inter hæc sacrificaturi cruciet animum. Prætereà, perge in montem, quem tibi post iter tridui monstrabo, vt varijs & pugnantibus cogitationibus paterna mens plus exerceri valeat. Audi etiam Isaac lignis onusti, quibus exuratur, blandam compellationem, *Pater mi*: deinde simplicem obedientissimi pueri interrogationem, *En ignis & ligna, sed ubi victima?* Audiatur, inquam, aliquis præceptum eiusmodi, & in quantis angustijs se constitutum clamabit? verè saxum inter & sacrum hærare se sentiet. Et quoties ferè ad aliquod transgrediendum diuinum præceptum tentamur, eiusmodi aliqualem luctam possumus mente concipere; licèt tot impedimenta, tot difficultates non intercurrent: sed exerceri tamen heroicus ille Dei super omnia dilectionis actus, nisi cum mortificatione sensuum non potest: neque enim præcipitur, vt Deum linguâ & verbo, sed *opere & veritate diligamus*, seu ex toto corde & viribus; atque illius amori & obseruantix præceptorum eius, vxores, liberos, diuitias, honores, quin vitam ipsam, postponamus. Ita diligendus Deus, vt nulla res creata æquè atque ipse appetitiuè diligatur.

Iam verò nec dilectio proximi suâ difficultate caret: iubemur siquidem non tantùm amicos & honoratos, sed inimicos & ignotos, viles & abiectos diligere, sicut nosipfos.

Tertiò, charitas.

Gen. 22.

1. Ioan. 3.

Cogitet verò quisque quantum seipsum diligat, & quantæ huius præcepti sit obligatio. Consule, si placet, hac de re S. Basilium, & S. Bernardum super illis verbis: *Ecce nos reliquimus omnia.*

Orat. ad diuit.

Quartò, humilitas.

Lucæ 14.
Matth. 11.

Galat. 6.

Atque postremò humilitas est limen pedis plani: cùm enim homo naturâ suâ sit auidus præminentia & honoris, sibi que blandiens primas vbique sectetur; Deus contrà edicit: *Vade, recumbe in nouissimo loco, & humilem & pauperem Iesum potiùs imitare, qui etiam ait: Discite à me quia mitis sum & humilis corde.* Cauete aliquâ prælaturâ vel honore dignum existimes. Nam *si quis existimat se aliquid esse, cùm nihil sit, ipse se seducit.* neque dixit, *Qui se existimat magnum esse, aut maiorem alijs, aut saltem ceteris parem, sed, aliquid esse.* Deinde etiam omnia momenta honoris, vt vocant, sunt omittenda: imminutio puta honoris, vel illius metus, neminem ad duella, rixas, odia, contentiones, inuidiam transuersum agere debet: verba interdum dura, & irrisiones, & iniuriæ, illi sunt propter Deum tolerandæ, qui limen hoc ingredi velit. Atque hæc quidem hætenus ex limpidissimo fonte Bellarminiano, quamuis fortassis minùs luculentè hausta: quem, obsecro, Lector, Auctorem inspicere & pro indicio integræ alicuius Concionis gratias forsitan debebis.

Lib. 3. de ætern. felicit. c. 6. & seq.

Matth. 10.

Lucæ 14.
Lucæ 6.

Matth. 5.
Matth. 11.
Matth. 10.

Sunt & alia sexcenta loca in sacris Litteris, quæ difficultates & molestias, quæ virtutum exercitationibus adnascuntur, indicant: nec enim cælum facilè expugnatur. Pauca aliquot seligamus. *Qui vult venire post me, abneget semetipsum, & tollat crucem suam, & sequatur me. Qui non renuntiat omnibus quæ possidet, non potest meus esse discipulus. Et qui te percutit in maxillam, præbe & alteram. Benefacite eis qui oderunt vos. Regnum calorum vim patitur, & violenti rapiunt illud. Nolite arbitrari quia pacem venerim mittere in terram; non veni pacem mittere, sed gladium: veni enim separare hominem aduersus patrem suum, & filiam aduersus matrem suam.* Et dubium

non est, quin, dum hæc viriliter exercentur, dum talia quis sustinet, interdum tædia, cordolia, vexationes, mœrores, aliæque difficultates obuenant.

Virtus plurimum consolationis habet.

ET quamuis hæc ita se habeant, certissimum tamen est, plus inesse virtutibus voluptatis & gaudij, quàm habeât aurum quærentes: quod non relinquitur, licet terræ innascatur: nam & vniones etiam ex caluarijs & conchis summo studio eruuntur. Dic age, quis vñquam vel plura, vel grauiora sustinuit rege Hebronæo? Hic tamen tam gaudebat intus in animo, ac tantæ consolationi erat illi seruitus Dei, vt non aliam expectans mercedem vel redhostimentum, diceret: *Confitebor nomini tuo Domine, quoniam bonum est.* Et ille, qui in laboribus plurimis, in carceribus abundantiss, in plagis supra modum, in mortibus frequenter, de se confidenter ait: *Repletus sum consolatione, superabundo gaudio in omni tribulatione nostra. Sed & gloriamur in tribulationibus,* quia in illis Deus nobiscum agit, & illas suâ gratiâ dulcorat, vt etiam inter dona & beneficia, posse pro illo pati, reputemus. Numquid ab hac internæ consolationis dulcedine erat quòd S. Terefia aduersitates morti postponeret, atque hoc quasi vocali symbolo indefinenter vteretur: *Aut pati, aut mori?* Sentiebat nempe ibi aliquid boni, quod ægrius sibi tolli quàm vitam pateretur. Et *Apostoli ibant gaudentes à conspectu concilij,* quemadmodum alij à conspectu lautæ mensæ, quâ se largiter refecerunt, *quoniam digni habiti sunt pro nomine Iesu contumeliam pati,* saturati opprobrijs tamquam cibus delicatissimis. Non modò, inquit S. Bernardus, patienter & libenter, verùm & ardentem ad tormenta sicut ad ornamenta, ad pœnas sicut ad delicias S. Andreas properabat. Quis enim vñquam sponsus sponsam suam, aut peregrinus patriam, aut parens reducem de regione longinqua filium, maiore vel affectu, vel ardentiore dilectione, vel excellentiori gaudio,

DOMINICA
II. Aduent.

Psal. 53.

2. Cor. 11.

2. Cor. 7.

Rom. 5.

Act. 5.

Serm. de
trip. gen. bo-
nor.

dio, quàm ille destinatam sibi crucem salutauit: *O bona crux, qua decorem ex membris Domini mei suscepisti, diu desiderata, sollicitè amata, sine intermissione quasita, & aliquando cupienti animo praparata, &c.* Nempe vt Cato ad milites suos in Africa cum siti, arena, serpentibus luctantes ait:

Apud Luca
num.

— *Serpens, sitis, ardor, arena*

Dulcia virtuti: gaudet patientia duris.

Quocirca Carolus rex Neapolis in insignibus habuit rupem ferrâ scissam, in cuius cacumine erat crux, in summa crucerosa, cum hoc lemmate: *In patientia suauitas.* Id olim promittebatur fidelibus apud Isaiam, *Delectaberis super Domino, & sustollam te super altitudines terræ, & cibabo te hereditate Iacob patris tui.* Et Sapiens, *Viam, inquit, sapientia monstrabo tibi, ducam te per semitas equitatis,* id est, ostendam tibi viam non mundanæ sapientiæ, quæ tantum honorum & voluptatum satagit; sed sapientiæ diuinæ, quæ omnia hæc despiciere docet, quæ nos instanter ad aspera & contemptibilia huius mundi vrget: quæ omnes huius ærumnosæ vitæ molestias & aduersitates mitescere facit spe præmij æterni. Quod verè est esse sapientem. Ducam te per vias non vanitatis, aut Babylonis, quæ plenæ sunt offendiculis & cassibus, quibus animæ capiuntur; sed per vias virtutis, quæ rectæ & planæ sunt. *Quas cum ingressus fueris, non arctabuntur gressus tui,* id est, non lassaberis, veluti in via iniquitatis: testatur enim Aristoteles illos qui norunt grandire gressus suos, non citò ex itinere fatigari. *Et currens non habebis offendiculum,* id est, Deus auferet omnia illa, quæ iter tuum cæleste impedire possent, complanabit aspera, attollet depressa, quemadmodum fit in hastiludijs, & alio certamine equestri, cum verbi gratiâ, lanceas equo sedentes in suspensum annulum inserunt, vel oculos Hermæ feriunt: tunc, quia de victoria certatur, viæ sternuntur arenâ, & omnia complanantur, necubi equi impingant.

Isaiæ 58.

Prouerb. 4.

In Problem.

Ita & Deus militibus suis facit, qui dum currunt vt cæleste capiant brauium, ne difficultatibus vel mœrore impediti offendant, sternit illis viam planam, facilemque reddit. Pulcherrimè in hanc rem S. P. AVGVSTINVS: Tu Domine, inquit, es dulcedo inæstimabilis, per quem omnia amara dulcorantur: tua dulcedo craticulam B. Laurentio dulcè fecit. Hæc tua dulcedo ipsos Apostolorum principes ita repleuit, vt pro ipsa crucis patibulum vnus eligeret, alter quoque caput ferienti gladio supponere non timeret. Pro hac emenda Bartholomæus propriam pellem dedit. Pro hac quoque gustanda veneni poculum intrepidus Ioannes potauit. Hanc verò vt gustauit Petrus, omnium inferiorum oblitus, clamauit quasi ebrius, dicens; *Domine bonum est nos hîc esse, faciamus hîc tria tabernacula: hîc moremur, te contemplemur, quia nullo alio indigemus; sufficit nobis Domine videre te, sufficit, inquit, tantâ dulcedine recreari. Vnam enim stillâ dulcedinis ille gustauit, & omnem aliam fastidiuit dulcedinem. Hanc tum dulcedinem ineffabilem & illa gustauerat virgo, (S. Agatha) de qua legimus quòd lætissima & glorianter ibat ad carcerem, quasi ad epulas inuitata. hætenus ille.*

Soliloq. c. 21

Matth. 37:

Tantâ intus fuit perfusus lætitiâ S. Tiburtius, vt, cùm in prunis candentibus iuberetur incedere nudis pedibus, diceret se super rosas ambulare. S. Bonifacius vngulis excarnificatus iubilabat: *Gratias tibi ago Domine Iesu Christe fili Dei.* S. Barlaam manu thure plenâ igni à carnificibus ante idolum impositâ, vt, si manum ab igne retraheret, thusque in ignem excuteret, videretur idolo thurificasse, manum ardentem immotam in igne continuit, psallens, *Benedictus Dominus Deus meus, qui docet manus meas ad prælium, & digitos meos ad bellum.* Ioannes Episcopus Rossensis damnatus ab Henrico VIII. Angliæ rege schismatico, cùm duceretur, hymnum (quem Ecclesia in rebus lætis & prosperis canere solet.) *Te Deum laudamus,* magna cum exulta-

In vitis apud Sur.

Psalm. 143:

Sander. de Schismate Anglic.

tionè cecinit, instar illius qui, vt Martialis ait,

Dulcia defectâ modulatur carmina linguâ

Cantator cygnus funeris ipse sui.

In Epist. Iap.
pon. Societ.
Iesu,

Et hoc ipsū testimonio suo confirmat illustri Martyr Iapōniæ Michael passus anno 1609. in epist. quam scripsit ex carcere. Nunc, inquit, intelligo, irrisiones, cōtemptus, fastidia, quasilibet denique iniurias pro Dei amore æquo animo toleratas, omnibus regum & Imperatorum sceptris & diadematis esse infinitis partibus anteponenda. Quadriennio fui in carcere ita lætus & alacer, vt vno tantum die mihi fuisse videar. Prô Deus! quantum illud gaudium fuit necesse est, quod infinities omnem huius mundi lætitiā superabat. Certè vbi abundat delictum tyrannorum, superabundat gratia Christi in auxilium suorum. Quòd si ille dixerit:

Horatius,

Dulce & decorum est pro patria mori,

numquid & Martyres dicant: Dulce & decorum est omnia perpeti, vincula, carceres, rotas, mortem denique ipsam pro Deo & cælesti gloria?

Hom. 18, ad
popul.

Quinimò Chrysostrōmus inductione quadam probat Christianos innocentia vitæ insignes, non posse non gaudere doloribus, aut aduersitatibus gloriari: Et in illis sit, inquit, aliquis, nihil in se damnandum habens, sed bonâ fretus conscientia, & ad futura anhelans, & expectans illam beatam spem; quid hunc, quæso, poterit in tristitiā inducere? nam primò omnibus rebus intolerabilior mors esse videtur: sed huius expectatio non tantum ipsum non contristat, sed & delectat: nouit enim quòd mortis præsentia, malorum liberatio sit, & cursus ad coronas. Secundò, sed filiorum acerba mors est. Verum & hanc generosè fert, dicitque cum patientissimo Prophetarum: *Dominus dedit, Dominus abstulit: sit nomen Domini benedictum.* Tertiò, quòd si filiorum mors non potest contristare, multo minùs pecuniarum iacturæ, accusaciones & calumniæ, tam magnum

Iob 1.

& generosum animùm tangere possunt. Neque corporis dolores: Quoniam Apostoli flagellabantur, & tamen *ibant* Act. 5. *gaudentes à conspectu concilij, quoniam digni habiti sunt pro nomine Iesu contumeliam pati.* A Christo in contumelijs gaudere instituti sunt. *Gaudete, inquit, & exultate, cùm dixerint* Matth. 5. *omne malum, mentientes aduersum vos, quoniam merces vestra multa est in calis.* Quartò, sed in morbum incidere durum est. Verùm audiuit alium monentem & dicentem, *Quoniam sicut in igne probatur aurum, sic homines acceptabiles in fornace humiliationis.* Eccli. 27. Cùm igitur neque mors, neque pecuniarum iactura, neque corporis ægritudo, neque ignominia, neque conuitium, neque quippiam huiuscemodi ipsum contristare possit; sed potiùs magis delectet, quam vmq̃ tristitiæ materiam habeat? Concludo igitur hunc discursum testimonio sapientissimi mortalium de sapientia increata; ait enim de Christo, quòd coronatus fuerit coronâ mortalitatis à Beatissima Virgine, quæ materiam suffecit non lauri vel oliuæ, sed carnis, quia mors & bellum ipsum manebant, & tamen intimè in corde gauisus est: *Egredimini & videte, inquit, regem Salomonem in diademate, quo coronauit eum mater sua, quia letatur, & exultatione gestit, eò quòd per carnem mortalem illi à matre suggestam, occasionem inuenit patiendi: quod illi sicut decorum extitit, nobis quàm dulcissimum fiet.* Cant. 3.

CAPVT SEXTVM.

S. 1. Nihil aequè AVGVSTINVM intimè in animo percussit, & ad conuersionem disposuit, ac metus mortis, & futuri iudicij.

THEMA CONCION.

Verebar omnia opera mea, sciens quòd non parceres delinquenti. Iob 9.

DOMINICA
I. Aduent.



In Satyrico.

VCTORES fide digni referunt, apud Ægyptios olim morem fuisse, inter epulas solemnes inferre ossa hominis arida, vel caluariam; alij volunt fuisse argenteum sceleton, siue ligneum simulacrum, excitandis conuiuis, atque ad hilaritatem prouocandis. Tamquam si illato cranio epulantibus voluissent dicere: Agitedum, sic facite, manducate, bibite, frontem exporrigite: cras erit fortassis, vt huic caluarix similes fiatis: nec aliud habituri estis, quàm hîc decerptos flosculos voluptatis. vel, vt Petronius,

Eheu nos miseros! quàm totus homuncio nilest!

Sic erimus cuncti, postquam nos auferat orcus.

Ergo viuamus, dum licet esse benè.

Cap. 32.

Hac etiam de causa utebantur quàm plurimæ gentes inter conuiuandum musicâ, gaudij & hilaritatis conciliatrice. Vnde & Ecclesiasticus ait: *Gemmula carbunculi in ornamento auri, & comparatio musicorum in conuiuio vini.* Sed nota, quod sequenti versu dicitur: *Sicut in fabricatione auri signum est smaragdi, sic numerus musicorum in iucundo & moderato vino:* quia nisi ad sit mediocritas, musica non ornat, sed dedecorat, & ad libidinem incendit, maximè moduli lasciuiores. Ideoque cum Pythagoras in ebrios olim incidisset, iussit tibicinem

bicinem conuiuio luxurioso præcinentem mutare modulationis genus, ac Doricum ipsis canere (erat autem Doricus sonus, honestus, qui animis moderationem inspirabat) ut hac ratione illos ad sobrietatem reduceret. quod & factum est, nam coronis capitibus detractis, pudere illos temulentiaæ cœpit. Euripides hanc consuetudinem vniuersim damnat, dicitque multò rationabilius, ut super mensa de rebus tristibus, & quæ mentem componant, differatur, cum vinum & mustum in hominum societate sufficiens hilaritatis sit suscitabulum, ut musicâ nequaquam opus sit. Quapropter alij aliter de Ægyptijs sentiunt, nec ferunt eiuscemodi insolentiam ijs hominibus attribui, apud quos tanto perè semper, etiam antequam Græciæ illuxisset, Philosophiæ studium floruit. Est autem Philosophia, ut Plato ait, assidua mortis meditatio, siue quâ mortalis caro extinguitur, siue quâ prauæ animi affectiones edomantur. Afferunt autem eo spectaculo Ægyptios, ad mediocritatem accumbentes adhortari voluisse, quæ mortem protelat, cum contra plures crapulâ quàm gladio occumbere soleant, longæuitatemque ut plurimum tribuit. Aut etiam ut mortis memoriam ingererent, meminissentque cõuiuæ post hanc etiam vitam aliud quidpiam superesse; ac proinde sic viuendum, quomodo in morte hinc demigrare velimus. Ut ut est, hoc ferè modo AVGVSTINVM diuina excepit benignitas. Quocumque animi cogitationes inflecteret, ubicumque locorum versaretur, continenter animo eius obseruabatur à diuina ultione immisssa mortis ingrata species, iudicijque horror diuini mentem lætam exagitabat. Cumque aliarum rerum posset inducere obliuionem, hæc vna memoriæ inerat fixa clauo trabali. Quamobrem eâ anxietate & solitudine semper vixit, ut hac sola de causa dicat se rediisse ad gremium Ecclesiæ, (vestibulum potiùs debbam dicere) atque penes se statuisse in illa tam diu permanere, (quamuis iam tum adhuc desperaret, se in ea reperi-

Plato in
Phædonè.

turum eam quam deperibat veritatem) donec illi aliquid clarius certiusque apparuisset. Qualis, ô Deus! Ecclesiæ tuæ prærogatiua, vt etiam securiores mortis & imminentis iudicij faciat, qui doctrinam ipsius non planè probant! Sed agedum ô errans & cespitans adolescens, quæ securitas tibi esse possit, si veritas non est? Veritas tua, ô Deus! verbum promissorium tuum indulgentiæ & remissionis peccatorum, & quæ ibi in Sacramentis tuis dispensatur gratia, hæc animo fiduciam præstant. Talia, inquit S. Doctor, volebam peccatore misero, ingratiulato curis mordacissimis de timore mortis: & non inuentâ veritate, stabiliter tamen hærebat in corde meo, in Catholica Ecclesia, fides Christi tui, & Domini & Saluatoris nostri, quam non relinquebat animus, imò indies magis magisque imbibebat. Et quamuis eum tædium viuendi grauissimum apprehenderet, moriendi metus non dimittebat. Et qui id quod vitari non potest, metuit, is viuere animo quieto nullo modo potest? Quot exempla vidimus, & à maioribus audiuius narrari, quamplurimos extra Ecclesiam Romanam vixisse, hæreticorum licentiosam vitam approbasse; non ausos tamen extra illam mori, & iudicium æquissimi iudicis præstolari: tum verò, cùm lecto decumberent, sacerdotes ad se aduocasse, quos antea expulerant, tum bonum Confessionis deprædicasse. Id Henrico VIII. Angliæ regi accidisse, quis nesciat? Hic in fatali ægritudine præsentiam sacerdotis Catholici desiderabat, nec in spatioso illo regno vel vnus reperiri, ô cælestem Nemesis! potuit: & qui tot innocentes occiderat, illorum auxilio indignus periit. Quin etiam cùm in Ecclesia AVGVSTINVS viuere vellet, sed necdum statuisset carnis valedicere illecebris; expressis verbis testatur, se non alio aliquo æquè reuocatum ad valedicendum voluptatibus, atque saluberrimo hoc timore. Aderat, inquit, iamque dextera tua, erepturam me de cœno, & ablutura, & ignorabam. Nec me reuocabat à profundiore

Lib. 7. Conf.
cap. 7.

fundiore voluptatum carnalium gurgite, nisi metus mortis, & futuri iudicij, qui per varias quidem opiniones, numquam tamen recessit de pectore meo. Quæ aliquatenus sequenti Emblemate expressa vide.

Metus mortis & futuri iudicij. Lib. 6. Confess, cap. 16.



*Horrida Niliacas terrent spectacula mensas,
 Et viuos mortis viuere larua docet.
 Multa AVGVSTINI perturbant horrida mentem,
 Sed nil morte magis iudicioꝝ Dei.*

Addit eodem loco S. Pater, se tum etiam disputasse cum amicis Alipio & Nebridio de finibus bonorum & malorū, atque Epicurum accepturum fuisse palmam in animo suo, nisi credidisset post mortem restare animæ vitam, & tractus meritorum, quod Epicurus credere noluit. Veinam etiam hodie non sint, qui vt omnem de morte & futura damnatorum pœna metum ab animo excludant, infernum tantum volunt esse commentum eruditorum; & quo liberiùs viuant, illos Lucretij versus sæpiùs vsurpant:

*Et metus ille foras præceps Acherontis agendus,
Funditus humanam qui vitam turbat ab imo,
Omnia suffundens mortis nigrore: neque vllam
Esse voluptatem liquidam puramq; relinquit.*

Lucretius.

De eiusmodi hominum monstris B. Iudas in canonica ait: *Hi sunt in epulis suis maculæ, conuiuantes sine timore, arbores autumnales, infructuosæ, bis mortuæ, eradicatæ.* Verè bis mortui, quos à somno peccatorum, nec ipsa mortis iudicijque instantis recordatio excitare, nec ad fructificandum circumfossa scrobs vegetare potest. Hoc ille à patrefamilias, cum iussus esset sterilem ficum succidere, petebat: *Domine dimitte illam & hoc auno, vsque dum fodiam circa illam, & mittam stercora: & siquidem fecerit fructum: sin autem, in futurum succides eam.* Quid magis obuium in Scriptura, quàm vt per arborem homo intelligatur? fossa quæ circa illam foditur, memoria est mortis, quâ si nec peccator moueatur, & fiat frugi, excidij tempus imminet. Cum Episcopus Laodicensis valdè perniciosâ sui ipsius ignoratione & perfidiâ laboraret, monuit illum D. Ioannes: *Collyrio inunge oculos tuos, vt videas,* sumptâ metaphorâ à pharmaco oculorum, quod confectum ex saccaro, aqua rosacea, & tuzia, id est, spuma subnigra argenti, pituitam & noxium humorem impedit: vt peccatum sit instar lippitudinis, memoria mortis & iudicij instar collyrij. q. d. Consideratione futurorum bonorum & malorum expurga mentis oculum terræ in-

Verf. 12.

Ephes. 5.

Luc. 13.

Apoc. 3.

fixum, & per eam excæcatum & obtenebratum. ita Prima-
 sius. At persuasio hæc AVGVSTINI animum occupare
 numquam potuit, vt morte crederet omnia finiri. Quin
 etiam coarctatus & compressus spiritu, frequentissimè in-
 gemiscebatur: Vita hæc misera, mors incerta. si subito ob-
 repat; quomodo hinc exibimus? Vnum reuera ex ijs, quæ
 mortem valdè horribilem faciunt, est illius aduētus incer-
 titudo, quòd nemini exploratum sit, quo temporis momen-
 to ex hoc corporis ergastulo sit euocandus: quo fit vt im-
 parati plerique moriatur, atque longè aliter accidat quàm
 putauerant, breuitq; incuriæ numquã terminabiles pœnas
 luant. Pendet mors à vita, à morte æternitas; & si ceciderit
 lignū ad Austrum, aut ad Aquilonem, in quocumque loco
 ceciderit, ibi erit. Ab hoc salutifero metu erat quòd Iustus
 Lipsius D. V. Mariã, cuius eximius fuerat cultor, ardētissimã
 prece in extrema lucta inuocaret: *O mater Dei ad sis famulo tuo
 cum tota aternitate decertanti, nec me deseras in ista hora à qua
 pendet aterna anima mea salus.* Mortē immediatè subsequitur
 vniuscuiusque particulare iudicium, siue illud in ipso ad-
 huc corpore, siue in cælo peragatur, neque minùs quàm ip-
 sa mors est extrimescendum. Peragit enim illud iudex infi-
 nitæ maiestatis, quem nec preces, nec minæ mouent, in
 quem solum, quidquid homines peccant, delinquitur, cu-
 ius oculis nuda & aperta sunt occulta cordium, nec latere
 minimum quiddam potest: nec ab hoc tribunali datur
 prouocatio; qui coram eo causa ceciderit, non habet quò
 se referat. Mihi videtur terræ motus quoddam esse iudi-
 cij vniuersalis simulachrum, quo nimirum illi calamitati
*qua vniverso orbi superuentura est: quando confractioe confrin-
 getur terra, contritione conteretur terra, commotione commo-
 uebitur terra, agitatione agitabitur terra sicut ebrins,* præludi-
 tur. Gẽtiles enim ignorabãt, quò se in horribilibus illis ter-
 ræ quassationibus conuerterent? Quam enim latebram, in-
 quit Seneca, prospicimus, quod auxilium, si orbis ipse ruinas
 agitet?

Eccles. 17.

Aub. Miræus
in Elog.
Belg.

Isa. 24.

quæst. natur.
Lib. 6.
cap. 1.

agitet? si hoc, quod nos tuetur & sustinet, supra quod vrbes fixæ sunt, quod fundamentum quidam orbis esse dixerunt, discedit ac titubat? quid tibi esse nõ dico auxiliij, sed solatij, potest, vbi timor fugam perdidit? Non perdidit tamen, & nos Christiani, (vt hoc breuiter dicam) Deum habemus, quò confugiamus. Ille qui solus immobilis habitat æternitatem, firmare nos potest. Illi solidissimæ petræ, cuius *fundamenta in montibus sanctis*, & cui omnis alia moles siue cælestis, siue terrestris incumbit, nos ipsos alligemus per fidẽ, spem, & charitatem velut firmissima vincula: & quamuis omnia alia circa, aut infra nos diffluant, aut cadant, immobiles & imperterriti stabimus, & ætatem, imò æternitatem feremus. Sed *illuc, vnde abij, redeo.*

Isa. 57.
Psal. 86.

Veluti, inquam, Ethnici inopes consilij & auxiliij, in vehementibus illis terræ motibus non habebant cui se applicarent: ita in iudicio tam vniuersali, quò illa quæ diximus præcipuè spectant, quàm particulari, qui condemnati fuerint, non inuenient vllum, aut fugæ aut appellationis, ne quidem dilationis locum. Quapropter terribilis quædam expectatio iudicij scilicet, relinquitur obstinatis, & ignis necessitas quæ consumptura est aduersarios. Atque hic metus valdè perculit AVGVSTINI animum, non ob aliud, quàm vt ignis cælestis flammam citiùs validiusque conciperet, atque annosus ille phœnix cætu noui feruoris ablumptus renasceretur.

Horat. lib. 1.
serm. satyr. 1.

§. II. *Quantum momenti habeat mortis & iudicij memoria, non solum ad conuersionem peccatorum, sed etiam ad repellendas carnis tentationes.*

IN omnibus operibus tuis, (Græcè est, *in omnibus sermonibus tuis*), memorare nouissima tua, & in æternũ non peccabis. Adde, etiã in cogitationibus tuis, memorare nouissima, atque imprimis mortis (in qua verè cominus res geritur, nec est velitatio, sed vtrimque summã vi de rerum summa decernitur) necessi-

DOMINIC. 1.
XV. post
Pentecost.
Eccli. 7.

necessitatem & iudicij, quæ omnibus omnino accidunt. Mors nemini omnino parcat: non docto, non nobili, non filio vnico matri suæ, verè immutabilis Atropos, id est, sine ordine, siue non seruato vlllo, vel ætatis, vel dignitatis, vel meritorum ordine. Vnde Apostolus omnibus vniuersim edicit: *Statutum est hominibus semel mori.* Theophylactus legit, *destinatum*: destino autem apud nonnullos alligo significat. Apuleius: *Acceptum me valido loco ad insulam destinabo.* Quia scilicet moriendi necessitas ita hominibus alligata est, vt dissolui nullâ ratione possit. Mors inhumana omnibus, terribilis regibus, rigida subditis, pauperibus formidabilis, diuicibus inexorabilis, potentibus valida, pueris ineuitabilis, senibus infesta, omnibus omninò imminens. Appositè ad propositum nostrum illa corâ optimo Regum perorabat: *Omnes morimur, & quasi aque dilabimur in terram, qua non reuertuntur.* Ioan. Reuchlinus dicere solebat, si sibi optio in deligendo iudice daretur, electurum potius mortem quàm Baldum, Iasonem, vel Bartholum, quòd apud illam nulla sit personarum exceptio. Euidens huius rei exemplum habes in statua visa regi Babylonio, quæ cum diuersis materijs cõstare videretur, *contrita sunt pariter ferrum, testa, æs, argentum & aurum, & redacta quasi in fauillâ estina area, quæ rapta sunt vento.* Quid aurum nisi reges, argentum magnates, æs lætitiâ personantes, ferrum fortes & animosos, testa pauperes & proletarios significat? Omnes pariter in fauillam & puluerem mortualem abierunt, & abeunt. An & hoc ipsum etiam Gentiles indicatum voluerunt, quia

Omnes metam properamus ad vnâ,

cum memoriæ prodiderunt Terminum nulli deorum, ne quidem ipsi Ioui, loco cedere voluisse? Disposuerat Tarquinius Priscus ædem augustissimam illi in Tarpeia rupe ædificare, & vt Romani impensè erant superstitiosi, cum fundamenta foderet, consuluit per auguria aliorum deorum simulacra, an non volentes loco cederent: sed ceteris pro-

spira

Lucæ 7.

Heb. 9.

2. Reg. 14.
Doctrinal.
mortis.

Dan. 2.

Aug. lib. 4 de
ciuit. cap. 23.

spera nuntiantibus Terminus cedere nolens, ius aræ suæ retinuit. Qua de re apud Agellium extat ænigma eiusmodi, cuius explanationem, si vacat, vide apud Politianum Noct. Attic. lib. 12. c. 6. in Miscellaneis:

Semel minùsve, an bis minùs sit, non sat scio:

An vtrumque eorum, ut quondam audiui dicier:

Ioui ipsi regi noluit concedere.

Semel & bis minùs conficiunt Terminus, &c. Verùm ad sacra redeamus.

Homo Hebræicè *Enos*, quasi anus, id est desperatæ salutis, & certò moriturus dicitur. Quò referre licet symbola duorum regū, quibus Europa hæctenus nihil maius vidit. Franciscus enim primus Gallorum rex, amisso prælio Papiensi detinebatur Madriti captiuus. Cumq; in pariete scriptum legisset Caroli V. Imperatoris symbolum, *Plus vltra*, adscripsit, *Hodie mihi, cras tibi*: tacitè scilicet necessitatem moriendi omnibus etiam victoribus innuens. nam quasi *Plus vltra* significaret, ad vltiora, ad alteram vitam esse transmigrandum, addidit, *Hodie mihi*, qui in hoc carcere incipio mori, & paulatim plus vltra tendere, cras tibi, victor Carole, eò eundi par incubitura sit necessitas. Non succensuit Francisco Carolus, sed intellexisse se testatus subscripsit: *Fateor me hominem*. Ita duo magni heroës, pariter mortalitatem lubenter & apertè professi sunt. *Statutum est hominibus semel mori, post hoc autem iudicium*. Id verò, ô homo, *memorare, sed maturè, sed morosè*.

Memorare mortem, quemadmodum ille perditus & flagitiosus primùm adolescens, sed postea magnæ sanctitatis, Cap. 2. vitæ §. 8. qui ex consilio S. Philippi Nerij, cùm alias grauiores pœnitentias auersaretur, saltem quotidie septies recitabat antiphonam, *Salve regina*, & in fine terram deosculando dicebat, *Cras fortassis ero mortuus*. Pauca verba, sed multæ Luc. 12. significationis. Hac nocte fortè repetet Deus à me animam meam, inueniarq; minùs habens, & ego infelix quò ibo? Dan. 5.

quis poterit, vel audebit tam scelerati hominis suscipere patrociniū? Hæc forsità vltima vitæ meæ scena erit, claudetur cortina, & personam ponam? cum luce proxima exanime fœdumque cadauer in lecto inueniar. Neque ego primus, cui aliquid huiusmodi possit euenire. Plures benè passi, benè sani cubitum concesserunt, somnusque breuis in æternam mortem transijt. Hoc solùm & quidem breue tempus ex omni æternitate temporum superest, quo valeam benefacere, & diuinæ opis auxilium implorare: hæc nox si sine pœnitentia mihi transigitur, in æternum non potero quidpiam ampliùs benè operari. An non igitur vel semel ex corde, pro tot commissis flagitiis ingemiscam? Numquid vel semel iudicem meum deprecabor? *Cras ero mortuus. O breue spatium! ô exigua mora!*

Memorare cum Saladino, qui aliquamdiu Christianorum terror extitit, & Syriam, Ægyptum, Africamque perdomuit, sed tandem morti vicinus intellexit omnia humana nihil esse: ideoque per exercitum solam interiorem tunicam pro omni pompa funebri, in hasta sublimem ferri iussit cum acclamatione: Hoc vnum ex domitore Orientis restare. *Memorare*, quemadmodum S. Ioannes cognomento Eleëmofynarius, Archiepiscopus Alexandrinus: qui curauit sibi extrui monumentum, sed imperfectum relinquit; deinde eos qui operû erant præfecti, cum celebrius festum incidisset, accedere iussit, & omni Clero adstante sibi infonnare: Venerande Præsul, monumentum tuum hodieque incompletum manet: iube ergo illud perfici, cum incertum sit, quâ horâ fur venturus sit. Aut etiã tibi mortis viuacem memoriamingere, ad imitationem Maximiliani I. Imperatoris. Nam ille memor fragilitatis humanæ, triennio (alij biennio) ante mortem capulum funebrem è querno ligno, arcæ viatoricæ inclusum, circumferri secum iussit: cauitque testamento vt exanimum corpus suum, rudi linteo inuolutum, sine vlla exenteratione illi imponeretur, naribus, ore, auri-

Leont. in vita eius apud Surium,

Matth. 24.

Lipf. in Monit. Polit. lib. 2. c. 14.

auribusque viuâ calce oppletis. Quid sibi voluit magnus ille vir, nisi monumentum illud assidue in oculis habere, quod suggerere ei posset, *Cogita mori?* quasi nimirum diceret: Quid te diffundis & extendis? quid multa possides, plura appetis? quem tot prouinciæ & regna non capiunt, locus iste capiet. Sed cur interim cauis illis partium calcem immerfit, nisi quia hoc spectauit, ut corpus putredini natum ab ea quoque materiâ exedente & consumente citius consumeretur, & iret in suam terram? Maximiliane, magnus fuisti: & res tuæ dicunt, præsertim hæc circa mortem à te gesta. Et tanto auo dignus nepos Carolus V. ab eius cernodi imitatione non abscessit: namque illius iussu in templo Hieronymiano anno 1558. 30. Augusti excitata est tumuli moles, funalibus illuminata, atrati circumsteterunt famuli, mortuale sacrum mœsto monachorum cantu peractum est. Ipse funeri superstes suo, spectabat in illo imaginario officio veras suorum lacrymas: audiebat exequiale carmen, plaudam sibi requiem beatas inter sedes implorantium: eademque ipse sibi suffragia psallentibus immixtus exposcebat. Donec sacrificanti propior factus, ei que tradens, quam gestabat, accensam facem, sublatis in cælum oculis, *Ego te, inquit, vita & mortis arbiter, oro quasq; ut, quemadmodum oblatum hunc à me cereum sacerdos capit, sic commendatam in manus tuas hanc animam, tu, quando cumque libuerit tibi, in sinu complexusq; tuos suscipias.* Tunc ut erat pullâ fluxâque opertus veste, humi procubuit: renouatisque omnium qui aderant lacrymis, quasi depositus, supremâ lamentatione comploratus est. Atque hoc videlicet rudimento Carolus vicinæ iam morti præludebat. Et quia hoc nimis magnæ operæ fortassis tibi esset, saltem *memorare* cum quodam Religioso, qui quoties ad illicita tentaretur, ut vitiorum incentiua citius exstingeret, flexis genibus singultiens, & illacrymans dicebat: O mors! (& fœdum aliquod cadauer, scatens vermibus, & diffuens putredine, sibi præsentissi-

Famian
Strada lib. 1.
Belli Belg.

mum imaginabatur) quàm suavis est memoria tua homini tentato eiusmodi tentationibus, quibus modò vexor vsque ad tædium etiam vitæ meæ! Aut etiam assiduè cum D. Hieronymo de iudicio cogita. Ille siue ederet, siue biberet, siue studeret, siue aliud aliquid operis ageret, siue dormiret; semper sibi videbatur audire illam nouissimam tubam horribile insonantem: *Surgite mortui, venite adiudicium.*

Quod Schonæus his versiculis illigauit:

*Seu vigilo intentus studijs, seu dormio, semper
Iudicis aterni nostras tuba personat aures.*

Vt verò hæc recordatio altius in animum penetret, addenda semper oratio, & secessus à strepitu, & commercio multitudinis, quò viuaciùs hæc animus percipiat. Atque hîc memorare mortem & iudicium: & tunc, quisquis es, etiam inueteratus peccator, intelliges verum esse quod in titulo huius discursus diximus, plurimum ad peccatorum conuersionem momèti habere duo illa nouissima. Gulielmus Baldesanus scribit de quodam adolescente Italo nobili, qui omni flagitiorum genere coopertus, ita obriguerat in malo, vt, cum à sacerdote, viro valdè probo & zeloso, sapiùs moneretur, si vitam illam nollet deferere, saltem aliquid boni quotidie faceret, exempli causâ, semel in septimana ad honorem D. Virginis ieiunaret, vel eleemosynam daret, vel partem aliquam recitaret rosarij; ipse verò semper responderet se vel nolle facere, si leuiâ essent; vel non posse, si quidpiam exigeretur durius: Hoc vnum saltem à te, inquebat optimus monitor, impetrauero, vt facias quod Domitianus aliquando fecit ioci causâ. Scribit enim de illo Xiphilinus, quòd primoribus senatoribus, & equestris ordinis conuiuium fecerit in hunc modum. Apparuit ædes ex omni parte nigerrimas, erant atra laquearia, parietes ac pavementum, in eo que sedes nudæ eodem modo collocatæ erant: quibus paratis, eos de nocte introduci iubet absque comitibus; ac primùm omnium iuxta vnumquemque columnam

Lib. 2. Stim.
vart. cap. 19.

Xiphilinus.

lumnam statuit factam instar sepulchri, in qua nomen eius scriptum erat; pendebatque de ea lychnus paruus, vt affollet in monumentis: tum nudi pueri, atramentoque oblitii, tamquam spectra quædam, ingrediuntur, eosque horribili saltatione circumeunt, eoque facto ante ipsorum pedes consistunt: ad extremum omnia quæ in exequijs mortuorum adhiberi solent, in vasis, eadem ratione apposita fuerunt. Cæna interim peragebatur magno omnium silentio, vt qui timore penè exanimati essent, Domitiano interim sermonem de ijs quæ ad mortes & funera pertinent, super mensam ingerente. Hoc, inquam, mi adolescens, age, & similem tragœdiam, sed solus exhibe, Deo & Angelis spectatoribus. Statue in medio cubiculi tui feretrum, muros nigro panno tege, diem exclude, & tenuis candelæ flaccidum lumen, ad tantum nigrorem quasi palpandum, infer: tum verò lectum scande, atque tamquam si capulus ille te expectaret vitâ perfunctum, supino iace corpore, manibus complicatis, & Crucifixi imaginem amplexantibus. Dein cogita rem illam aliquando seriò peractum iri, Neque hoc tantum, sed in extrema illa vitæ periodo, dæmones horribili specie adfuturos, qui ad desperationem moribundum inducant. Alia non addo, sed scio ita iacenti vltro occurrent. Pollicitus est adolescens, siue nouitate rei & curiositate delectatus, siue meliora animo consilia voluens, sacerdoti se facturum, atque etiam fecit. Sed vix dum per quadrantis horæ spatium ita iacuerat, quin statim ad optimi istius consilij datorem aduolaret, atque seriò de confessione generali facienda loqueretur, & vitæ melioris studio cogitaret. Nempe, vt Hieronymus ait, qui se recordatur quotidie moriturum, contemnit præsentia, & ad futura sustinat. Vnde quis, inquit Clemens Papa, peccare poterit, si semper ante oculos Dei iudicium posuerit, quod in fine mundi certo certius peragetur? Ideoque cum Dauide homo salutis suæ avidus orat: *Confige timore tuo carnes meas, à iudicij*

Epist. ad
Iacob.

Psal. 118.

enim tuis timui. q. d. Confige carnalia membra, & appetitiones meas, ne ad illicita diffluam, quemadmodum illi nec manus, nec pedes mouere possunt, qui confixi clauis pendent. *A iudicijs enim tuis timui*, id est, à iusta tua vindicta, quam iuxta legis tuæ minas in impios exercuisti, & in omnes in die iudicij exercebis. Sunt enim iudicia tua horribilia, da vt profundius in animum, quam clauis in corpus penetrant. Quamuis enim peccatores sint obstinatissimi, & in iniquitatibus suis volentur, sicut in cinnamomo, dicantque, *Quis est Omnipotens vt seruiamus ei? Qui tenent tympanum & citharam, & gaudent ad sonitum organi: qui dicunt Deo: Recede à nobis, scientiam viarum tuarum nolumus*, &c. iamque in diem perditionis seruentur, & ad diem furoris ducantur: tamen si mortis memoriam ingerere quispiam possit, licet alioquin talium conuersio opus sit difficillimum, adhuc spes salutis eorum superest. *Ipse, talis peccator, ad sepulchra ducetur, & in congerie mortuorum euigilabit.* Causam cur peccatores non tantum peccent, sed & peccatorum cœno implicati hæreant, assignat Dauid: *Non est respectus mortis eorum*, id est, non respiciunt, nec oculos aduertunt, vt futuram mortem attentè intueantur. Vide S. P. AVGVSTINVM serm. 101. de Tempore de serpente æneo Num. 21. quem qui intuebantur morsu ab ignitis serpentibus sanabantur, id est, qui finem & mortem peccati, vt ita dicam, intuentur, liberantur à veneno peccati.

Mortis memoria præseruat à tentationibus.

DOMINICA
XXIII. post
Pentecost.

In vita
S. Antonij.

Quòd autem mortis memoria non tantum à peccando reuocet, sed præseruet, tentationes elidat, testatur S. Arhanasius: Posteaquam diabolus, inquit, orationibus Antonij ad Deum per passionis fidem se intellexisset eludi, consueta aduersus omnes adolescentes arma arripiens nocturnis eum inquietabat illecebris. Nam & ille cogitationes

tiones fordidas conabatur ingerere, & hic eas oratu sub-
 mouebat assiduo: ille titillabat sensus naturali carnis ar-
 dore; hic fide, vigilijs & ieiunijs corpus omne vallabat: ille
 per noctem in pulchræ mulieris vertebatur ornatum; hic
 vltrices gehennæ flammæ, & dolorem vermium recor-
 dans, ingestæ sibi libidini opponebat. Et assignant quidem
 Physici causas aliquas naturales quæ libidinis æstum miti-
 gant, vt sunt lactucæ semina in vino hausta, salicis folia
 contrita & pota, vrticæ folia substrata cubili, lilia alba
 thoro imposita: & vt Aristoteles in Problematis ait, lam-
 minæ plumbeæ lumbis superpositæ, atque ante omnia fri-
 gus pedum; sed nihil conuenientius asserit animosus ille
 Lutheri antagonista Ioannes Eckius, quàm mortis medita-
 tionem, quâ nihil efficacius contra faces Cupidineas inue-
 niri aut excogitari potest. Quemadmodum enim, inquit
 ille, sanguisugæ carni adhærentes, admoto cinere, auelli
 dicuntur: ita veræ illæ sanguinis & animæ-sugæ, volupta-
 tes, titillationes veneræ, eneruantur admotâ mortis me-
 moriâ. *Memento homo quia puluis es, & in puluerem reuerteris.*
 Nec enim fucata illa & externa sola mulierum species con-
 templanda, sed quale roseum illud corpusculum post animæ
 emigrationem futurum sit; etiamsi Lais aut Helena fuerit,
 à corrosione vermium haud immunis est. Putredo instar
 parentis illam gremio excipit, & in materiam vix nihilo
 præstantiorem resoluit. Et quid hinc nascitur, nisi fœtor &
 horror? Ex spina dorsi gigni serpentem aiunt, & nescio quæ
 non monstra. Hac sanè consideratione, cuius erat gratio-
 sissimus amplexus & oscula, horribilis, vt ait Bernardus,
 erit aspectus, dicentque cum stupore, quod quidem serui
 potentis & celeberrimæ reginæ Iesabel, visis eius à canibus
 corrosis ossibus: *Hæcine est illa Iesabel?* hæcine est illa poten-
 tissima & longè lateque dominans regina? hæcine venusta
 illa, quæ formâ suâ tot principum cor abstulit, & oculos
 capti-

Plinius lib.
20. cap. 7.
& lib. 24. c. 2

sect 4. pro-
blem. 5.

Ioannes
Eckius.

Serm. 4. in 4.
Reg. 9.

captiuauit? vbi modò illæ oris blanditiæ, labiorum coral-
linus rubor, oculorum illecebræ, colli candor, genarum
purpura, frontis decor? Eheu! in canum ventre hæc omnia
tumulata iacent: illi carnes depasti, illi sanguinem linxe-
runt. Non est ampliùs qui ad eius palleat aspectum, non est
qui illam cognoscat, non est qui laudet. Hæc vel his similia
qui de amata sua cogitauerit, mortuamque consideret, fa-
cilè violentos illos libidinis ignes edomabit. Ideoque Elias
Abbas apud Sophronium de se narrat, quòd à Religiosa fe-
mina uisitatus, post eius abitum, grauem senserit libidinis
tentationem, à qua victus exiuerit ad eam explendam cum
illa. Cùm verò, inquit, fermè vno stadio ab eius adhuc spe-
læo distarè, vrente grauiter æstu libidinis, repente factus in
ecstasi, vidi apertam terram, & me hiatu terræ absorptum.
Aspicio quæ illic cadauera putrida, iacentia, resoluta, & in-
credibili fœtore plena, quemdamque reuerendi habitus
virum ea mihi demonstrantem, ac dicentem: Ecce istud
mulieris est, istud viri, istud pueri, fruerem iam vt vis, &
quantum libet, concupiscentiâ tuâ: huius tamen vo-
luptatis gratiâ, vide quot labores amittere voluisti; vi-
de propter quod peccatum vos ipsos priuare vultis regno
cælorum. Væ humanæ miseræ! propter vnus horæ vo-
luptatem tanti laboris mercede frustramini. Ego autem
præ nimio fœtore in terram corruui. Tunc accedens ille vir
venerabilis, qui mihi apparuerat, erexit me, & gratias a-
gens Deo, reuersus sum in locum meum. Nihil enim, vt ait
Gregorius, sic ad edomandum desiderium carnalium appe-
tituum valet, quàm vt vnusquisque, hoc quod viuum dili-
git, quale sit mortuum, penset. Agmen eiusmodi histo-
riarum claudat heroicum factum cuiusdam Eremitæ in Vi-
tis Patrum. Ille tentatus spiritu fornicationis, quamdam fe-
minam, vbi eam mortuam audiuit, adiit, & aperuit sepul-
chrum eius, atque pallio suo deterisit saniem putrefacti ca-
daue-

Sophronius
in Prato spi-
rit.

Lib. 26 Mo-
ral, cap. 29.

Vitæ Patrû.

daueris : mox rediens in eremum, ingruente fœdâ suggestione, fœtorem illius infecti pallij intuitus est, dicens: *Ecce habes quod querebas, satia te ex ea.* Et ita memoriâ mortuæ, fœdoque panno cruciabat se, donec libido victa recederet. Optarem ego valdè quidem consuetudinem illam apud Christianos vsurpari, quam Ortelius in Theatro orbis in fine peregrinationis suæ scribit, se inuenisse apud quamdam gentem, vt pro moneta ossibus mortuorum vterentur; quàm enim talis pecuniæ aspectu & vsu mortis memoria refricaretur, cùm in illis ossibus futuræ essent opes & diuitiæ, & vt in Euangelio dicitur, ibi sit cor hominis, vbi thesaurus illius est: & ita firmum, vnà contra tentationes erigeretur munimentum. Finio cum Hieronymo, vbi ait: Hæc tu tecum diligenter reuoluens, & breuitatem huius vitæ æternitatis contemplatione despiciens, ad illum diem tantùm te præpara, in quo mundi gloria subitò finienda est: hæc sit cura, hoc semper studium, hæc iugiter in corde voluantur, in his totius diei versetur labor, in his nocturnus somnus reponatur, in hoc anima rursus euigilet.

Ortelius.

Luca 12.

Epist. ad Demetriad.

CAPVT SEPTIMVM.

S. I. AVGVSTINVS aliud agens singulari Dei beneficio, ex prædicatione S. Ambrosij falsitatem scilicet & Manichæorum agnouit, illamque deseruit.

THEMA CONCION.

Radix sapientiæ cui reuelata est, & astutias illius quis agnouit?
Eccli. 1.

Matth. 4.



VM diuinus animarum piscator, qui & discipulos suos fecit piscatores hominum, tandem statuisset immanem illum piscem propter voracitatem ingenij, & auuiditatē sciendi, grandem illum delphinum propter fastum & superbiam, AVGVSTINVM inquam, in rētia sua pellicere, (tu enim clementissime Deus, quoties id salutis nostræ expediens erit, facies homines quasi pisces maris, & quasi reptile non habens principem.) & sagenā salutis, quæ est Ecclesia, concludere; suauissimam eloquentiæ Ambrosianæ escam illi obiecit: cui dum auidus vorator inhiat, nesciens, à Manichæorum viuario, quin potiùs mortuario, abducitur, fœtidatque illas & putrescentes lacunas hæreticæ cuestigiò damnat, & incipit ei viuacitas fontis vitæ æternæ (quæ in sola Ecclesia Catholica conseruatur) sapere & arridere. ad eum modum quo nutritibus alumnos suos, atque non sine bono ipsorum, fallere fatis solemne est, cum nimirum delicijs puerilibus dissimulatos amari medicaminis succos propinant, & ut quidam ait:

Lucret.

—— Prius oras pocula circum
Contingunt dulci mellis flavoq; liquore.

Vt sanitas, quam hoc pacto sibi reddi non percipiunt, vel etiam reluctatibus procuraretur. Sic Damochames celebris medicus Confidix mulieri nobili, quæ omnem asperiozem medicinam exhorrebat, lac caprarum callidè propinabat: sed quas priùs lentisco pauerat. Lactabatur AVRELIVS vberè suadæ Ambrosianæ, sed cuius pectus Deus non lentisco, sed fructibus arboris salutis antè infarserat, de quibus Sponfa: *Sub umbra illius quem desideraueram, sedi, & fructus eius dulcis gutturi meo;* mysterijs, inquam, solidæ & inconcussæ veritatis, fasciculo myrrhæ, acinis vineæ Engaddi, botro cypri, quorum succum sapidissimum simul & saluberrimum nescius hauriret. Nescius, quia angusta mens ipsius, tenebris oppleta, & sordibus inquinata, Christianæ lucis splendorem excipere non poterat, nec videre præstantiam illius quod porrigebatur. Quo enim animo venerit ad audiendum conciones S. Ambrosij, atque fores amicitix ipsius pulsauerit, ex ipso audiamus: Et Ambrosium, inquit, amare cœpi, primò quidem non tamquam doctorem veri, quod in Ecclesia tua prorsus desperabam, sed tamquam hominem benignum in me. Et quare ô infelix desperabas? Nempe disciplina Christi, vt Apostolus ait, superbis & tumidis hominibus, qualis tu adhuc eras, inscitix & abiectiozis specimen præbet: sed moderatis, & diuino beneficio confirmatis ostendit sapientix cælestis atque diuinæ virtutis amplitudinem. Et studiosè, pergite ille, audiebam disputantem in populo, non intentione quâ debui, sed quasi explorans eius facundiam, utrùm conueniret famæ suæ: an maior minorue proflueret, quàm prædicabatur. Et verbis eius suspendebar intentus, rerum autem incuriosus & contemptor; adstabam, & delectabar suauitate sermonis, quamquam eruditioris, minùs hilarescentis atque mulcentis, quàm Fausti erat, quod attinet ad dicendi modum. Ceterùm rerum ipsarum nulla comparatio. Nam ille per Manichæas fallacias aberrabat, iste autem saluberrimè docebat

Lipsius lib. 2.
de Constant.

Cant 2.

Cant. r.

Lib. 5. Conf.
cap 13.

I. Cor. r.

Psal. 118.

salutem. Sed *longè est à peccatoribus salus*, qualis ego tunc aderam: & tamen propinquabam sensum, & nesciebam. Nempe vt illius adolescentis, Polemonis nomine, apud Valerium Maximum, peregrinabatur AVGVSTINI animus in nequitia, non habitabat. Qui cùm Athenis manè ebrius ex hesternâ crapula scholam Xenocratis intrasset, clarissimum eloquium, & prudentissima præcepta temulentiae lasciujs elusus: Xenocrates verò vultum in eodem habitu continens, omissis de quibus dislerebat, de modestia & temperantia loqui cœpisset; tantâ sermonis grauitate respiscere coactus Polemo, primùm coronam capite detractam proiecit, paulò post brachium intra pallium reduxit, procedente tempore oris coniuualis hilaritatem deposuit, ad vltimum totam luxuriam exiit, vniuscùq; orationis saluberrimâ medicinâ sanatus, ex infami gnathone maximus philosophus euasit.

Lib. 5. Conf.
cap. 13.

Neque hoc tantùm miris & occultis modis diuina egit prouidentia, sed etiam per eos ipsos id nescientes, à quibus olim AVGVSTINVS seductus fuerat, ad salutis orbitam reducebat. Etenim postquam missus est Mediolano Romam ad Præfectum vrbis Symmachum, vt illi ciuitati Rhetoricæ magister prouideretur, impertitâ etiam electione publica: id muneris per eosdem, Manichæis vanitatibus ebrios, ambiuit AVGVSTINVS obtinirque; quibus vt careret, Mediolanum ibat, sed vtrisque nescientibus. Ita cùm Herodes recens natum Regem Iudæorum quâ fraudulentia, quâ violentia extinctum cupiebat: atque Deus Pater natiuitatem filij sui vellet toti orbi quàm notissimam, crudelissimi regis pessimo consilio in hunc finem vsus est. Ille siquidem tot innocentium immanissimâ stragem, quò Messiam interimeret, edidit; Deus verò huius sceleris famæ, nuntium nati Saluatoris annexuit, quò breuius ad orbis caput Romam, aliasque prouincias peruaderet. Et, vt S. Leo ait, Herodes huic dispensationi nesciens deseruiebat. Mirum

Serm. 2 de
Epiphania,

etiam.

etiam quomodo Christus ad euidentioſſimam reſurrexerit ſuæ probationem, uſus ſit incredulitate diſcipuli Egit namque, inquit D. Gregorius, miro modo ſuperna clementia, ut diſcipulus ille dubitans, dum in magiſtro ſuo vulnera palparet carnis, in nobis vulnera ſanaret infidelitatis Quid uerò à credere tergiuerſantis animo remotius erat, quàm ut hoc attactu ſuo efficeret, fidemque per infidelitatem adipiſceretur? Et tamen ita factus eſt diſcipulus dubitans & palpans, teſtis ueræ reſurrexerit, ſicut ſponſus matris fuerat cuſtos integerrimæ uirginitatis.

Hom. 21. in
Euang.
Ioan. 20.

Deinde & ſequenti capite S. Doct̃or de ſe ait, Cùm enim non ſatagerem diſcere, quæ dicebat, ſed tantum quemadmodum dicebat, audire (ea mihi quippe iam deſperanti ad te uiam patere homini inanis cura remanſerat) *ueniebant in animum meum ſimul cum uerbis quæ diligebam, res etiam quas negligebam.* Neque enim dirimere poteram. Et dum cor aperirem ad accipiendum quàm diſertè diceret, pariter intrabat, & quàm uerè diceret. *Ælianus refert Cretenſi ſenatus conſulto ſtatutum fuiſſe, ut pueri ſeueras patriæ leges, cum ſuaui quadam cantus modulatione edifierent: quò & animi eorum muſici concentus oblectamento ad diſcendum inuitarentur; & quæ didiciſſent, ea faciliùs memoriâ tenerent: tum etiam ne, ſi quid eorum quæ uetita eſſent, commiſiſſent, ignorantia haberent excuſationem. Sed accipe quod huic rei deſeruit, Emblemata.*

Lib. 5. Conf.
cap. 14.

Lib. 2. Hiſt.
variar.

*Veniebant in animum meum simul cum verbis quæ diligebam,
res etiam quas negligebam. Lib. 5. Confess. c. 14.*



*Cauta salutari nutricula vescitur herbâ,
Nescius hinc medicam pusio fugit opem.
Ambrosiæ pendens AVRELIVS ubere suadæ
Verba petit tantùm, res tamen inde bibit.*

Itaque paulatim eò perductus est, vt à partibus Manichæorum recedere firmiter animum induceret, & nomen albo catechumenorum dare. Ipsemet inquit, Academicorum Lib. 5. c. 14. more, sicut existimantur, dubitans de omnibus, atque inter omnia fluctuans, Manichæos quidem relinquendos esse decreui; non arbitrans eo ipso tempore dubitationis meæ, in illa secta mihi permanendum esse, cui iam nonnullos philosophos præponebam: quibus tamen philosophis, quòd sine nomine saluari Christi essent, curationem languoris animæ committere omnino recusabam. Statui ergo tam diu esse catechumenus in Catholica Ecclesia, mihi à parentibus commendata, donec aliquid certi eluceret, quòd cursum dirigerem. Et alibi, Figam, inquit, pedes in eo gradu, in quo à parentibus positus eram, donec inueniatur perspicua veritas. Quod vtinam dubitantij in fide imitentur, neque ita facilè declinent, non ad Academicos, sed ad politicos & atheos, qui vel ideò se fidei securos putant, quia fidem nullam habent; & intolerabili iactant insaniâ, vnumquemque in sua fide posse saluari: quo quid potest dari vel absurdius, vel magis impium? Lib. 6. Conf. cap. 11. AVGVSTINVS verò, quod initium est veritatis, falsitatem sectæ quam tuebatur, edoctus, feruentissimè Deum pro reuelatione veræ fidei deprecatus est, & cum Nicodemo in Euangelio, & Eunuchò in Actibus Apostolorum, veritatem edoceri summè exoptabat. Ioann. 3. Act. 8. Quod & de se alibi testatur: Dissuebam, inquit, Lib. de vit. creden. c. 8. me magis magisque ab istis, quos iam deserere proposueram. Restabat autem aliud nihil in tantis periculis, quàm vt diuinam prouidentiam lachrymosis & miserabilibus vocibus, vt opem mihi ferret, deprecarer. quod & impensè fecit. Moxque liquidò intellexit veteris Testamenti Scripturas, non, vt Manichæi valdè volebant, litteraliter, sed spiritualiter intelligendas esse, nec in ijs quidpiam falsi contineri, neque Deum vllis corporeis dimensionibus, vel sensibili qualitate, aut patheticâ affectione obnoxium, licet

& caput, brachia, pedes habere, & irasci, dedignari, dolere, &c. in illis sapiùs dicatur. Rursus ex eo quòd Ecclesia Catholica doceret Deum omnino esse incorporeum, atque hoc ita se habere certò iam intelligeret, prudentissimè ex vnus articuli fortuitò oblata veritate, aliorum quæ in Ecclesia traduntur, excellentiam non malè colligebat. Nec erat cur alia Ecclesiæ dogmata alicuius falsitatis insimularentur si longiùs pergeret, in qua veritatem primo occursum inuenerat. Postremò, cùm & immortalitatem animorum, & Ecclesiæ auctoritatem secum pensulatiùs peruolueret, ferè iam erat vt fidem nostram amplexaretur; nisi vetus libidinandi consuetudo, quæ in Ecclesia præcidenda erat, vxorumque compedes, quas subire nolebat, visæ fuissent philosophiæ studiù impedituræ, nisi hæc, inquam, consuetudo miserum illum detinuisset irretitum. Vnde sic argumentabatur, Non vacat, non est inane, quòd tam eminens culmen auctoritatis Christianæ fidei toto orbe diffunditur. Numquam tanta & talia pro nobis diuinitus agerentur, si morte corporis etiam vita animæ consumeretur. Quid cunctamur igitur relicta spe sæculi, conferre nos totos ad quærendum Deum, & vitam beatam? Iamque pleno passu ad Catholicorum castra transibat, sed, vt dixi, quia ibi in continentia viuendù erat, quam sibi sentiebat obseruatu impossibilem: deinde ignoraret illam à Deo feruentibus precibus peti debere, atque illius gratiâ, non nostris viribus obtineri; altero anno conuersionem suam distulit. Iam enim auulsâ à latere eius priore concubinâ, aliam superinduxerat, vide librum sextû Confessio. c. 15. Amans beatam vitam, inquit, timebâ illam in sede sua, & ab ea fugiens, quærebam eam. Putabam enim me miserum fore nimis, si feminæ priuarer amplexibus: & medicinam misericordiæ tuæ, ad eandem infirmitatem sanandam, non cogitabam, quia expertus non eram Et propriarum virium credebam esse continentiam, quarum mihi

Videlib. 6.
Confessio c. 13.
& 14.

Lib. 6. c. 11.

Ibidem.

hi non eram conscius: cùm tamen stultus essem, vt nescirẽ, sicut scriptum est: *Neminem esse posse continentem, nisi tude-* Sap. 8.
deris. vtique dares, si gemitu interno pulsarem aures tuas, & fide solidâ in te iactarem curam meam.

Quanta & quàm multiplex sapientia diuinæ astutia.

AT considerationi suauissimæ prouidentia diuinæ liceat DOMINICA
 aliquantisper immorari: haud enim scio an quidpiam II. Quadra-
 possit fieri beneficentius, quàm de inscijs & inuitis optimè gesimæ.
 mereri. Certè sanctissimum fallendi genus est, per impo-
 sturam dare beneficium. AVGVSTINVS venustos suauilo-
 quentia flores, quibus aures demulcerentur, quærebat;
 Deus illi saluberrimos veritatis fructus sub eloquentia abs-
 conditos, quibus animum pasceret, obtulit: ille vmbra;
 Deus rem: ille lapidem imprudens postulabat; Deus pa-
 nem dedit. Nisi comparatio foret duriuscula, dicerem dra-
 conem Babylonico obiectam à Daniele massam circumlitam Dan. 14.
 adipe: quâ auidè deuoratâ, crepuit ille turgidus ventosâ
 philosophiâ animus, atq; ad modestiam Christianam sub-
 fidit. Verè tum accidit, quod Deus se facturum aliquando
 per Oseam prædixerat: *Propter hoc*, vt scilicet, animam ab Oseæ 2.
 alijs amoribus abducam, *ecce ego lactabo eam, & ducam eam*
in solitudinem, & loquar ad cor eius. Lactabo, vox est deducta
 ab antiquo verbo, *lacio*, quod est decipio; verbum ama-
 torium, quo significatur Deus animas piâ fallaciâ circum-
 uenire, atque ad se pellicere. Et verò *radix sapientia cui reue-*
lata est, & astutias illius quis agnouit? Mulier quædam Sama-
 ritana extremâ aquæ siue gratiæ cælestis penuriâ labora-
 bat, & siti spiritali ferè enecabatur, exusta fædo libidinis
 igne. Salutis nostræ Assertor fatigatus ab itinere, sibi quæ
 siti naturali, labore & calore, accersitâ, colloquium à potu
 exorsus est: *Mulier da mihi bibere:* productoque vltro citro-
 que sermone de aqua, tandem eò perduxit mulierem vt si-
 tire se agnosceret, atque indeficientem aquam peteret, quâ

Pfal. 105.

Matth. 10.

ficis æternùm extingueretur: hocque pacto paulatim fidem amplexa est, & Messiam agnouit. Idem, cùm Gentes attrahendæ forent ad lumen fidei, quia instar ferarũ viuebant, aliæ enim sine legitimis nuptijs volutabantur in cœno libidinis, aliæ odijs armisque inter se decertabant, aliæ feris ipsis immaniores immolabant *filios & filias suas demonibus*; ad ipsas Apostolos suo sacratissimo corpore quasi saginatos amandauit, eo sine vt feritatem illam deponerent, & Christianam patientiam, modestiam, mansuetudinem induerent. *Ecce ego, inquit, mitto vos sicut oves in medio luporum*, vt illi vos deuorent & absumant. quod dũ crudeliter faciunt, paulatim incipit in animis illorum operari virtus corporis & sanguinis mei, atque ad fidem adducere. Et (vt persistamus in metaphora) dum illi carnem Apostolicam tam benè pastam, corpore scilicet Christi, edunt, in suam substantiam nobilissimum alimentum mutant, fiuntque Apostolis quos absumpserunt, quin & ipsi Christo, mansuetudine, aliisque virtutibus similes.

Chrysof.
hom. in
cap. 11 epist.
ad Hebræos.
Gen. 21.

Ne quoque superbis philosophis, Verbi diuini incarnatio nimix profectò dignationis, tantoque minùs idcirco humano captui appareret credibilis; quid actum est? Audi astutiam Sapientix in creatæ. Quoniam magna quædam danda erat hominibus gratia, volens non ex gratia, sed veluti debito illud facere, persuasit primùm homini, scilicet Abrahamo, vt filium suum traderet iuxta præceptum Dei: quò sic Deus ipse nihil magnum videretur facere, filium suum tradendo, siquidem homo antè hoc fecisset, adeoque non ex gratia idem facere, sed velut ex debito vel potiùs congruo compensare.

Augustinus
Euchir. c. 27.

Diabolus hominem instanter ad peccandum prauis suggestionibus vrget, homo aliquando liberè consentit, libidinemque suam mandato diuino præfert. Sed ecce tibi astutiam Dei. ex hoc ipso malo ingens elicit bonum, meliusque iudicauit de malis benefacere, quàm mala nulla esse permit-

mittere. Neque enim Deus, cum summè bonus sit, vllò modo sineret aliquid mali esse in operibus suis, nisi vsque adeò esset omnipotens & bonus, vt beneficeret etiam de malo. Vnde idem S. Doctor alibi ait: Audeo dicere, superbis esse vtile cadere in aliquod apertum peccatum, vnde sibi displiceant, quòd sibi placendo ceciderant. Salubrius enim Petrus sibi displicuit quando fleuit, quàm sibi placuit quando præsumpsit. Hoc dicit Psalmus: *Imple facies eorum ignominia, & quærent nomen tuum.* Vis huius rei appositam similitudinem? Enascuntur in venis ceruorum vermes, vt Mizaldus ait, à quibus valdè torquètur: cui malo fit medicina serpens, quem cerui viuum deglutiunt; sed ab illo ipso enecarentur nisi frigidam illicò biberent. Vermes ceruorum, id est, hominum iustorum, sunt præsumptiones quædam, iactantiæ & inanes gloriæ, quæ non nisi per aliquem insignem colubrum, id est, grande peccatum, vincuntur, dum validè humiliati ad cognitionem suæ fragilitatis & miseræ oculos coniiciunt. *Quasi à facie colubri fuge peccatum.* An, non idè David pœnitens clamabat, deuorato priùs colubro peccati, *Quemadmodum desiderat ceruus ad fontes aquarum, ita desiderat anima mea ad te Deus?* Deus enim solus huic languori mederi potest, ille solus æstuanti animæ refrigerium præstat; ille *fontis patens domui David, & habitantibus Ierusalem in ablutionem peccatoris & menstruatæ.* Et quis veret iterùm dicere, *Radix sapientiæ cui reuelata est, & astutias illius quis agnouit? Radix,* quæ etiam sibi affusas peccatorum sordes in optimum succum, & virtutis alimoniam conuertit.

Quinam præcipuè hanc astutiam imitari debeant.

SVauem hanc & optabilem astutiam, maximè Superiores Ecclesiastici, & quibus animas lucrari propositum est, imitari debent, vt dycolos & indisciplinatos pià aliquà fraude à vitijs abducant, virtutisque gustū instillent. Illustre huius rei specimen B Thomas Villianouanus noster præbuit. Erat Sacerdos quidam, at sacer & detestabilis ho-

Lib. 14. de
ciuit. c. 13.

Psal. 82.

Cent. 1. n. 7.

Eccli. 2.

Psal. 41.

Zachar. 13.

Baxius in
vita eius
cap. 19.

mo , qui præter characterem nihil Sacerdotis habebat. Hunc vt ex faucibus orci liberaret , piâ & blandâ fraude sanctissimus Pontifex , duxit ad oratorium suum , vbi post acrem, vt merebatur, reprehensionem , à verbis ad verbera, non reo, sed sibi infligenda fuit progressus. Mihi sanè, in-
 quiebat, imputabitur tua ista præfracta, & nimis obstinata malitia, in me transferetur hæc culpa , reus arguar nimix lenitatis, qui tam tepidè , tamque remissè tecum egerim tot sceleribus contaminato: proinde rationi consonum est, me castigari, & pœnis affici indulgentiâ tali dignis. Hoc dicto, ingenua procidit coram Crucifixi imagine , quæ ibi stabat: & vt rem accuratiùs describam, laxans duos caraclysmos lacrymarum, se vestibus spoliat, & tantâ violentiâ , tantoque impetu semetipsum flagellis dilacerare cœpit, vt indumentum copioso sanguine respergeretur. Quo specimine tam eximix charitatis vehementer erubuit ille cacopresbyter , & magno suorum scelerum dolore concepto, vnâ cum Episcopo suo abundè fleuit: ac statim humi ad modum supplicis deuolutus, obtestatus est B. Thomam per amorem Dei, vt à verberibus sibi temperaret. Ego, inquit , sum qui peccaui, ego flagella merui, & tu innocens vapulas. Sed iam coram Deo , omnia etiam cordis secreta intuente, eiusque benedicti Filij imagine, spondeo iuroque me deinceps dignè meâ sorte victurum. Non in ore nata verba fuerunt, sed in pectore: quod promisit, effecit. Ad hunc quoque modum in Belgio prudentes aliquæ matres-familias aliquando dant famulo domus negotium, si filiolus quidpiam peccauerit, vt ob hanc noxam canem verberibus cædat loco pueri, atque eiulanti peccatum exprobet. Quo quidem ingenui pueruli ita terrentur, atque si ipsi verbera sentirent: imò sæpè dū hoc agitur flent, supplicesque parentibus fiunt. Pressius quoque intuenti mihi, inquit non Bataux auris Batauus, Non vsquequaque assentandi palpandique vitio receptum videri solet, vt antiquitus res

ges & Imperatores panegyricis solemniter (& quidem in os) laudarentur: quin potius sic existimo viros cordatos, rerumque naturæ atque humani ingenij egregiè prudentes, cum ipse non esset, leoninam illam regij pectoris generositatem, & aurium delicias, vel momentis auctoritatem, vel increpantis seueritatem aliquando passuras; publicæ utilitatis respectu vela vertisse, ac viâ quidē occultiore, eodem tamen contendisse. Itaque sub laudationis specie simulachrum quoddam absoluti principis eis velut in tabula depictum repræsentasse, vt ipsi sese ad propositum exemplar exigentes, taciti secum agnoscerent, quantum ab laudati principis imagine abessent, ac citra tum pudorē, tum offensam discerent, quid vitij euitandum, quas virtutes præstare oporteret. Eodemque titulo non idem ageretur, videlicet, vt boni principes quæ facerent recognoscerent, mali quæ facere deberent, admonerentur Nihil igitur erat aliud ista laudatio, quàm delicatum monendi, blandumque exprobrandi genus, ac planè pharmacum, necessarium quidem illud, sed amarum, eoque melle prælitum.

Adde etiam, si libet, punctum politicum, quod & Principi interdum sagaciter vel subtiliter rei veritas inquirenda sit. Cuius memorabile exemplum dedit sapientissimus inter mortales Solymæus Rex Salomon: coram quo cum duæ mulieres altercarentur de prole, utrâque cõtendente suam esse, quæ superuixerat, dixit rex: *Afferte mihi gladium.* Cumq; 3. Reg. 3. *attulissent gladium coram rege, Diuidite, inquit, infantem viuuum in duas partes, & date dimidiam partem vni, & dimidiam partem alteri;* statim quæ vera erat mater, se prodidit, *commota sunt quippe viscera eius super filio suo,* maluitque viuuum transire in alterius possessionem, quàm enecari: contrâ clamante alterâ: *Nec mihi, nec tibi sit, sed diuidatur.* Eiuscemodi quoque est quod narratur de duobus adolescentibus, quos inter exorta controuersia erat de hereditate viri, qui obierat, adeunda. Vterque se defuncti di-

cebat filium, cùm tamen antea se inuicem non nouissent. Delatâ verò re ad iudices cùm plenior planiorque cognitio haberi non posset, nisi quòd alter tantùm negaret, alter assereret; decretum est à iudicibus vt defuncti cadauer exhumaretur, qui que de duobus iaculo propiùs cor attingeret, ille filius censeretur. Acceptata fuit vtrinq; conditio; sed cùm illi, qui ex defuncto prognatus erat, iaculandum foret, corruit animo, delapsaque de manu sagitta indicium dabat arcanam naturæ vim ibi interuenire, atque illam abhorrere vel in ignaro parente quidpiam facere, quod in sciente foret nefas. Itaque pro eo sententia lata est. Huc facit quod aliqui asserunt occisi hominis cadauer sanguinem stillare, si occisor propiùs accesserit. De regis Cimmeriorum filijs Diodorus refert, quòd patre defuncto de regni hereditate inter se contenderent, cumque ad litem dirimendam regem Thraciæ Ariophanem iudicem elegerent; ille mortui regis cadauer è sepulchro erui, arborique alligari iussit, arcuque illos inter se contendere, vt qui emortui patris cor transuerberasset, is in regnum succederet. Primogenitus igitur illius guttur, secundus medium pectus, corde illæso, transfixit. Supererat minimo spes regni (tres enim tantummodò fratres erant) qui ceteris iustâ sanè indignatione succensus, quòd patris cadauer sagittis ausi fuissent impetere, se potiùs regno cedere vellet dixit, quàm tale facinus perpetrare. Ex quo Thrax regnum illi adiudicauit, quòd tali pietate, naturæ propensione se verum emortui regis esse filium, & virtute fratribus præstantiorem ostenderet.

Non possum hoc loco astutiam sanctissimarum mulierum præterire, quæ vt pudicitiam, quam Sapientiæ increata deuouerant, seruant, ingeniosæ in mortem tuam fuerunt. Cuius rei dum exempla consēctor, vltro se offert S. Euphrasia Antiochena, quæ à milite amasio deprehensa, cùm non posset euadere, dixit se edoctrâ eum artem quâ
in

Plato Dial
9. de legibus

Lib. 24.

Nicephorus
lib. 7. cap. 13.

in bellis lædi non posset, si modò sibi vellet parcere, vt que eius experimentum in se sumeret. Collum ergo suum inunxit, quod feriens ille statim amputauit: ita dolo pio castitatem suã morte redemit. Qui plures eiusmodi historiarum desiderat, videat Eusebium lib. 8. histor. cap. 17. Sophron. in Prato spirit. c. 189. Lipsium in Monitis & exemplis politicis.

§. II. *Qui prædicationem verbi Dei negligunt, quanto bono seipso priuent.*

Vtrumlibet fueris, bonus aut malus, auditionem verbi Dei non negliges, nisi te ipsum haud mediocribus damnis mactare velis. Si enim in numero bonorum es, vide quia verbi diuini pia & humilis auscultatio te ad summam beatitudinem, vitæque spiritualis perfectionem manu ducit. Vel ipsa enim æternâ Veritate restante, *Beati qui audiunt verbum Dei, & custodiunt illud.* Verum est, non sufficit solas aures corporeas concionatori dare, ipsa etiam mentis attentio maximè requiritur, & vt audita in opus exeant. Aduocandus erat mulieri Samaritanæ, quæ carnem designat, vir, id est mens cælestium tantum capax, cum hoc cupit Iesus loqui & fermocinari, quia mulier tota carnalis de rebus spiritualibus differentem non intelligit. Alioquin *siquis auditor est verbi, & non factor; hic comparabitur viro consideranti vultum suum in speculo: considerauit enim se, & abiit, & statim oblitus est qualis fuerit. In speculo, id est, obiter & in transitu, quemadmodum viri vt plurimum solent, qui speculum intuentur, vt videant an non nimis sint hirsuti, vultuosi, decenter tonsi; an mœrorem nimium, aut iram, aut aliam animi passionem vultu præ se ferant: sed non adherent multum eiusmodi contemplationibus, sicut femina, quæ quasi suarum formarum narcissi, assidue vultum speculo obuertunt, & veluti venustatis propriæ idololatræ, sæpè illam adorant, adamant, & non sine admiratione contemplantur; minima quæque faciei obseruant, explorant,*

Luc. II.

Ioan. 4.

Vide Augustin. tract. 17. in Ioan.

Iacob. I.

rant, componunt, linunt, ornant. Ideoque viri statim obliuiscuntur quales fuerint, id est, quales se ipsos in speculo viderint; vnde nec maculas curiosè eluere student, nec anxie se comunt aut fucant. Nisi quis malit hoc eò relatum ab Apostolo, quòd imago illa specularis & vmbatica non ita solidas & permanfuras in animum species transmittat, quemadmodum facies alicuius alterius, quam in se ipsa intuemur. Imago, inquit Dionysius Carthusianus, in speculo habet debile esse, & intentionale potiùs quàm reale; ideo debilem facit impressionem: quia modus agendi sequitur modum essendi, ac propterea ex tali impressione sequitur labilis in mente cognitio, indeque facilis obliuio. Idem docet Aguilionius, Cur, inquit, adeò debilis figura in speculo ostenditur? *Resp.* Quia repercussione languescit. Vnde cum eadem ex vno speculo in aliud & aliud reflectitur, secunda reflexio obscurior est primà, & tertia quàm secunda, atque eodem ordine ceteræ. Hac etiam de causâ Apostolus visionem per speculum obscuram vocat, & ænigmaticam. *Videmus, inquit, per speculum in enigmate, tunc autem facie ad faciem.* Vbi de visione Dei per fidem agit, quæ admodum obscura est, euacuabiturque aliquando per lumen gloriæ, & perfectissimæ visionis essentiam assequetur.

Ita, inquam, veluti viri carptim, & quasi aliud agentes, interdum speculum consulunt, statimque obliuiscuntur sui, & negligunt se ornare; aut velut imago visa in speculo tenuissimas species transmittit, & ideo citiùs ipsa vultus forma in obliuionem abit: ita qui verbum Dei audiunt tantùm, & illicò animum ad negotia terrena resque caducas transferunt, statim obliuiscuntur & speculi, & sui, id est, legis diuinæ, quam in concione, velut in speculo, clarè intuebantur, atque ex illa suam deformitatem & neglectum in cultu animi probè intelligebant; sed negligunt ad speculi istius nitorem mores, componere, & animum emaculare,

In locum
suprà cit.
S. Iacobi.

Lib. 1. Optic.
propof. 46.

1. Cor. 13.

culare. Voluptatis quidpiam fortè habeat, quòd aures oculosque in vana eorum quæ dicuntur cognitione & eloquentia pascant, quemadmodù curiosulè non sine delectatione speculis suis adstant; at nihil prorsus vtilitatis, multum verò reprehensionis hinc referunt. Sed ad propositù: *Non auditor obliuiosus factus, sed factor operis: hic beatus in factò suo erit.* Id verissimum esse fatemur; sed tamen incicias ire nemo potest. quin in ipsa auditione verbi Dei, velut fructus in flore flos in radice, summa beatitudo insit, vt breui discursu id deducit Stapletonus. Christus ideo verbum prædicatum semini comparat, quia naturam & proprietates seminis habet respectu salutis humanæ. Seminis autem proprietates, respectu fructus qui ex semine nascitur, potissimum sunt virtus eius & necessitas: necessitas, quia sine semine iacto nullus sperari fructus potest; virtus, quia semen habet proximam virtutem ad producendum fructum, a deo que totus fructus in semine est virtute. Sic se habet verbum Dei ad animæ fructum; fructus, vt vltimus finis noster Deus est. Nam vt in arbore, planta, satis, vltimum est fructus; sic nostrum vltimum & summum bonum est Deus. Deus autem (quem vt omnium actionum nostrarum finem speramus) non impetratur sine charitate. *Deus enim charitas est; & qui manet in charitate, manet in Deo: qui autem non est in charitate, manet in morte.* Charitas autem non habetur sine fide. *Sine fide enim impossibile est placere Deo: hoc est, diligere Deum, vel ex dilectione opus aliquod Deo gratum facere.* fides autem non acquiritur sine prædicatione verbi Dei. *Quomodo enim credent quem non audierunt? Quomodo audient sine prædicante?* Semen ergo, seu principium salutis necessarium, est auditus verbi Dei. Atque ex his patet necessitas audiendi verbum, quæ quemlibet salutis suæ cupidum maximè stimulare debet, vt aures audiendi habeat. Sed virtus huius seminis adhuc magis stimulat. Est enim *Euangelium*, ait

Iacob. i.

Dominica
Septuages.
text. 3.

1. Ioan. 3:

Hebr. i. r.

Rom. 10.

Rom. i.

omni credenti, hoc est, potest saluare, & est vnum medium saluandi omnes credentes. Hactenus ille. Ex quo hoc velim propius obserues, quòd prædicatio quidem omnibus omnino sit necessaria ad salutem, veluti ad fructus producendos semen prærequiritur: iustis verò & electis potentialiter in se vim & efficaciam includat ad quosuis effectus spirituales producendos; vt nihil propemodum vtilius sit ijs qui ad sublimioris vitæ perfectionem adspirant, quàm humilis & attenta verbi Dei auditio.

Auditio verbi Dei ad perfectionem conducit.

DOMINICA
Sexagesimæ.

Miramur Mariam Magdalenam, ceteris posthabitis, tantâ sedulitate, studio, auiditate, interno mentis affectu assedisse ad pedes Domini, intentam dulcedini verbi eius. Certè hoc colloquio ardentius in Dei admirationem, amoremque inflammabatur, quàm vllò alio pietatis exercitio. Liquefiebat præ gratiæ abundantia, & æstu interni caloris anima illius, *cum dilectus loqueretur*. Neque etiam dubium est, quin B. Virgo MARIA, omnibus virtutibus, & præcipuè charitate, ornatissima, ex auditu eorum quæ de filiolo eius tum à pastoribus, tum ab Anna & Simeone, nec non à Magis dicebantur, aliquod & cognitionis, & dilectionis incrementum fecerit. *Observabat enim omnia quæ de ipso dicebantur, conferens in corde suo*. Nulli plura de Christo, quàm illi diuinitus reuelata, nulli fuere exploratiora: tamen loquendi parcius, audiendi auidior, aliorum dicta ruminabat, secreta sua nõ effundebat. Quare monitos quosdam per digressionem velim, qui se pietatis exercitijs tradunt, vt beneficia sibi à Deo collata studeant oculere, & quamuis lumen aliquod in eiusmodi rebus nanciscantur, non faciliè ad alios docendum profiliant, aut ansam de rebus sublimibus loquendi arripiant, Meminerint potiùs istius S. Iacobi in canonica sua, *Sit autè omnis homo velox ad audiendum, tardus autem ad loquendum, & tardus ad iram*. Vbi S. Apostolus tres modos comparandi cælestem sapientiam præ-

Cant. 5.

LUCÆ 2.

IACOB. I.

præ-

præscribit : primò, vt velox sis ad audiendum, vt noua addiscas, fiatque quotidiana ad veterem scientiam accessio; secundò, vt tardus sis ad loquendum, ne propria effundas, nihil alieni lucrifactor; tertio, vt iram refrænes, ne bilis ebulliens serenitatem animi turbet, & philosophiæ studijs, quæ pacatissimum animum requirunt, ineptum reddat. Respicit verò ad cœtus & conuentus fideiũ in Ecclesia, in quibus doctiores magisque ardentis promiscuè docebant, & exhortabantur alios, prout Spiritu sancto agebantur, in quibus subinde audaculi dicendi & docendi locum alijs modestioribus præripiebant, vt suam ostentarent sapientiam & profectum in spiritu. Hos commonefacit Apostolus, vt in eiusmodi cœtibus potiùs humilitatis, quàm doctrinæ speciem præbeant, malintque audire & discere, quàm loqui & alios docere. Nam vt quidam Ethnicus aiebat, ex audientia doctrina, ex loquacitate pœnitentia nascitur. Et Plutarchus, Rectè viuendi tirocinium est, potiùs auscultare. Quocirca S. Pater AVGVSTINVS sapienter, Ego, inquit, plus amo discere, quàm docere, citansque superius allegatum locum Iacobi, pergit: Vt ergo discamus, inuitare debet nos suauitas veritatis; vt autem doceamus, cogere necessitas charitatis. Vbi potiùs orandum est, vt transeat ista necessitas, quâ hominem docet aliquid homo, vt simus *omnes docibiles Dei*. Quàm ecce abhorrebat S. Doctor à munere docendi, quia auditionis internæ suauissimos fructus intelligebat, atque intimè suspirabat inhiabitque doctrinæ cælesti, quæ non strepitu verborum, sed altâ mentis quiete traditur. Omnes verò secum optabat hac doctrinâ instructissimos, vt desineret necessitas alios docendi. Idem alibi optat, explicans illud Psalmi, *Vir linguosus non dirigetur*: Qualis, inquit, esse debet seruus Dei? vt magis optet audire quàm dicere; sicut scriptum est: *Sit autem omnis homo velox ad audiendum, tardus autem ad loquendum*. Et si fieri potest, hoc cupiat, non habere

Epaminondas.
De offic. audit. circa finem.

Ioan. 6.

August. in Psalm. 139.

Pfal. 50.

necessitatem loquendi & docendi; sed audire illum, cui dicitur: *Auditui meo dabis gaudium & letitiam*. Gaudium autem taciturnitatis intus habeat in voluntate, vòcem doctrinæ in necessitate. Et mox: Quare vis loqui, audire non vis? semper foras exis, intus redire detrectas. Qui enim te docet, intus est; quando tu doces, tamquam foris exis ad eos qui foris sunt. Vnde concludit: Non ergo amemus magis exteriora, sed interiora. De interioribus gaudeamus, in exterioribus autem necessitatem habeamus, non voluptatem.

Pfal. 44.
Deut. 27.Philo I, quis
rerum diuin.
heres.
Lib. 1. offic.
cap. 2.

Meminerat etiam, animæ Deo coniunctissimæ & doctissimæ dictum iam olim: *Audi filia, & vide, & inclina aurem tuam, & obliuiscere populum tuum*. Et alibi: *Attende & audi Israel*. Quod præceptum Iudaicus Plato pulcherrimum appellat. Et Ambrosius, Lex, inquit, dicit: *Audi Israel Deum tuum*. Non dicit, Loquere, sed Audi. Ideoque Eva lapsa est, quia locuta est viro, quæ non audierat à Domino Deo suo. Sicut & patrum nostrorum memoriâ, vna aliqua illusa in Hispaniis illudit maximo magnanimè gentis Regi, dixitque de classe illa in Angliam contra Elisabetham immissa, quæ non audierat à Domino. Quapropter sicut Apostoli, & quiuis sanctitate eminentes in S. Scriptura *cali* vocantur, *cali enarrant gloriam Dei*; ita illuminatissimum quemque in spiritu decet, vt instar cælorum rarò aperiatur, & arcana cælestia foras afferat, idque non nisi ad gloriam Dei, & proximi salutem. Aperti enim leguntur cæli vix pluries, quàm quando manna pluit de cælo, & Pater de cælo vocem dedit in baptismo Christi, *Hic est filius meus dilectus*; & Stephanus martyrium subiens, *vidit calos apertos, & Iesum stantem à dextris virtutis Dei: stantem ad ram insolitæ rei spectaculum*, quòd in ipsa morte pro lapidantibus oraret; stantem, ad ei opitulandum porrigendamque manum; stantem denique, ad coronandum athletam suum.

Pfal. 18.

Exod. 16.

Matth. 3.
Act. 7.

Effectus verbi Dei.

REdeò ad institutum sermonem: humilem, scilicet, & attentam verbi Dei prædicationem, valere ad quoslibet virtutum effectus producendos. Primò quidem, gaudij cuiusdam spiritualis est parens: nec potest anima, quin ex recitatione bonitatis, & misericordiæ, & prouidentix Dei, ex commemoratione beneficiorum eius, quin inquam internâ exultatione exhilaretur, prout testatur amicus spõsi:

Qui stat & audit eum, gaudio gaudet propter vocem sponsi. Et Ioan. 3.
David ait, *Quàm dulcia faucibus meis eloquia tua! super melori* Psal. 118.
meo. Additur ratio: *Quoniam ipse est Dominus Deus tuus, vt te*

omni benedictione & gaudio cælesti superimpleat, & abũdare faciat. Quidni igitur sæpè sæpiùs, ô anima mea, vsurpes tu licèt nocentissima, illud innocentissimi pueri: *Loque-* 1.Reg. 3.
re Domine, quia audit seruus tuus? Loquere Domine voce in-

ternâ, loquere externâ: suggere intus in anima quod placitum est maiestati tuæ: suggere per verbi tui præcones, quid me velis facere, & lætifica verbo tuo animam meam. Tu enim ore tuo sacrosancto dixisti: *Iam mundi estis propter ser-* Ioan. 15.
monem, quem locutus sum vobis. Quæso, munda animam

meam verbo tuo: nihil enim impedit gaudium & exultationem eius, nisi peccata, absterge illa, & gaudebo, & lætabor, & delectabor in multitudine pacis. Quanti verò æstima-
manda sit illa lætitia spiritualis, indicat feruidâ deprecatione, mœrens iam & afflictus, *Redde mihi lætitiã salutaris tui,* Psal. 50.
& spiritu principali confirma me.

Auditio deinde verbi diuini non tantùm per minas & terrores populum ad pœnitentiam, quemadmodum Ninivitas, sed etiam reges ad cor reducit. Ibi modus redimendi peccata edocetur. Quod patet ex consilio quod dedit Daniel Nabuchodonosori, neque tãtùm animæ in necessarijs Dan. 2.
ad salutem erudiuntur, veluti à D. Petro Cornelius centurio in fide instructus est: sed ad sublime perfectionis Euan- Act. 10.

1. Tim. 3:

Athan. in
vita.Mofchus in
Prato fpirit.
c. 13.
Matth. 3.

gelicæ culmē inuitant. Quæ omnia paucis Apoftolus complectitur: *Omnis, inquit, Scriptura diuinitus inspirata, utilis est ad docendum, ad arguendum, ad corripiendum, ad erudiendum in iustitia.* Ita S. Antonius audiens ex Euangelio in Ecclesia: *Si vis perfectus esse, vade, vende omnia quæ habes, & da pauperibus, & habebis thesaurum in calis;* omnibus bonis abdicatis, admodum adhuc iuuenis ad eremum confugit, cælestemque vitæ rationem in terra colere cœpit. Et Babylas mimus & magus, habensque duas concubinas, Ecclesiam, adiens audiensque Euangelium: *Pœnitentiam agite, appropinquauit enim regnum celorum,* omnibus nuntium remisit, factusque est Monachus, atque vt idem facerent, concubinis persuasit.

Pfal. 57.

Ecclef. 4.

Hoc bonum vt multi iuuenes & mulierculæ, quasi sine culpa sua, euitent, & nē statum Religionis amplecti cogantur, similes fiunt illuforibus mercatorum, qui aliquam officinam, putà argentariam, ingressi, simulant se aliquid vellemere, poscunt diuersi pretij, operis, & ponderis vasa argentea, inaurata, lances, aureos scyphos, phialas, torques, annulos: & posteaquam omnia viderint, & de pretio inquierint, mille nectunt excusationes, hoc causantur nimis ponderosum, illud non satis affabrè factum, istud non deauratum, & ita domo excedunt. Veniunt enim ad concionem, videnturque aliquid domum ad animæ salutem relaturi, at vbi concionator aurū diuinæ Scripturæ, argentum SS. Patrum, æs Philosophorum, emblemata Poëtarum, flores Rhetorum, omniaque sua exposuerit; quasi nihil placeat, omnia intacta relinquunt. Aut, quod peius est, similes fiunt *aspidis surdæ obturantis aures suas*, vt non exaudiant vocem incantantium, & *venefici incantantis sapienter.* Id vnicè metuunt, ne vocati Deo manus dare, & triumphalem Crucifixi currum sequi cogantur. Quorum vanitati, seu potius insanix, obuians magnus ille omnis vanitatis explorator, monet: *Custodi pedem tuum ingrediens domum Dei, & appropinquas vt audias,* id est, tantâ attentione & circumspèctione domum

mum Dei ingredi, ad orandum, ad verbum Dei audien-
 dum, quantâ Moyses ambulabat inter sentes calceos exu-
 tus, dum per iter carduis & vepribus confutum, moliretur
 ad visionē Dei apparentis in rubo. Eò enim videtur Sapiens
 alludere, *Custodi pedum tuū, & appropinqua vt audias.* q. d. Non
 satis est, si vicinum cathedræ locum occupes, aut in medio
 populi sedeas; sed accede hoc sine, hac intētionē, vt Deum
 per os concionatoris loquentem audias, intelligasque
 quæ circa te sit voluntas Dei bona & beneplacens. Non
 sis instar lupi, vulpis, aut alterius feri animalis, quod vbi ca-
 num latratus, & venatorū cornua audiuit, profundius pe-
 netrat in siluas, & ad antra sua refugit. Venator animarum
 est ipse Deus, paratus cum pharetra plena sagittis sui amo-
 ris, quibus corda nostra salubriter vulneret; canes & tubæ
 quibus conciderunt muri Iericho, (quæ mutabilitatem &
 inconstantiam peccatoris designat,) sunt concionatores.
 Dum enim, inquit Gregorius, canum lingua vulnus lingit,
 curat: ita & Doctores sancti dum in confessione peccati
 nostri nos instruunt, quasi vulnus mentis per linguam lin-
 gunt. Tu igitur quisquis salubrem hunc latratum audieris,
 in profundum prauæ societatis ne redeas; noli te recipere
 in siluam frementium bestiarum, id est, hominum qui
 tantum brutis voluptatibus deseruiunt, nec sapiunt illa
 quæ Dei sunt; caue ne vocatione cui ita oblectaris, exci-
 das, vt alius accipiat coronam tuam. Quemadmodum ille
 qui ad Saluatorem nostrum accessit vt interrogaret ea quæ
 salutis suæ forent expedientissima, cumque audiuisset ex
 eo: *Si vis perfectus esse, vade, & vende omnia quæ habes, & da*
pauperibus; abiit tristis, refugit in antrum suum, noluit ab
 optimo venatore capi ne ab illo ederetur, & in alium vi-
 rum transmutaretur, qui postea edendus erat à lupis, vel
 leonibus infernalibus, quando alio quocumque telo vel
 auaritiæ, vel ambitionis, vel libidinis faucibus, alienas ma-
 nus expectat in suum interitum. Opto igitur ex animo, diui-
 namque

Exod. 3.

Iosue 6.

Hom. 40. in
Euang.

Apoc. 3

Matth. 19.

Eccli. 3.

namque bonitatem deprecor, *vt auris bona audiat cum omni concupiscentia sapientiam, & non sinat se obturari ad monita cœlestia, venatorem tam diuinum non horreat.*

Psalm. 118.

Præterea velut ignis lucet in tenebris, ita *lucerna pedibus meis verbum tuum* : & velut omnia deuorat quantumuis nodosa & aspera, atque in suam substantiam conuertit, aut minimum calefactiuâ suâ qualitate perfundit: ita verbum Dei auditum, vt suprâ diximus, non tantum purgationem peccatorum facit, sed charitate corda inflammat.

Ibidem.

Ignitum enim, inquit ille, eloquium tuum vehementer, & seruuus tuus dilexit illud. Id est, verbum tuum instar ignis mentem purgat, illuminat & accendit, vt sit efficax quasi ignis & ardens.

Match. 4.

Demum non minus cœlesti hoc verbi diuini pabulo mēs, quam quotidiano pane corpus reficitur, & saginatur. *Non enim in solo pane viuit homo; sed in omni verbo quod procedit de ore Dei.* & Dauid ait: *Quam dulcia faucibus meis eloquia tua!*

Psalm. 118.

super meliori meo. Verè dulcia Dei eloquia, verè suauis oratio concionatoris, in qua prædicatur peccatorum remissio, vitæ perennitas, resurrectio carnis, quæ mortis temperat acerbiteratem, & plura eiusmodi, quæ animi faucibus, non ventri, (quia fauces sapore tantum afficiuntur, & mole cibi, quemadmodum venter, non grauantur,) sunt longè magis sapida, quam quiuis cibus ori humano, tametsi melle sit subactus.

Act. 9.

Atque his ita positis, nulli non perspicuum fit, quanto se bono pietati homines priuent, lætitiâ scilicet spirituali, studio perfectionis, inflammatione charitatis, dulci animæ refectioe, qui occasiones audiendi verbum Dei fastidiunt, quasi omnia ab ipso Deo immediatè in oratione, vel in libris percepturi. Cùm Christus Saulum terræ allisum ad mentem reduxisset, plenius erudiendum in ijs quæ fieri ab eo volebat, ad Araniam ablegauit. Mittit, inquit Cassianus, Paulum ad seniore, eumque illius potius doctrinâ quam

Collat. 2.
cap. 15.

quàm suâ cenſet inſtrui, ne ſcilicet, quod rectum geſtum fuiſſet in Paulo, poſteris malum præſumptionis præberet exemplum; dum vnusquisque ſibimet perſuaderet, ſe quoque debere ſolius Dei magiſterio ac doctri-nâ potiùs, quàm ſeruorum inſtitutione formari: quam præſumptionem etiam ipſe Apoſtolus non ſolùm litteris, ſed & opere ac exemplo docet omnimodè deteſtandam; ad hoc ſolummodo ſe aſſerens Hieroſolymam ceſſiſſe, vt Euangelium, quod comitante gratiâ Spiritus ſancti, cum poteſtate ſignorum & prodigiorum Gentibus prædicabat, cum ſuis Apoſtolis & antecelſoribus priuatâ quodammodo & domeſticâ examinatione conferret: *Et contuli*, inquit, *cum illis Euangelium, quod prædico inter Gentes, ne fortè in vacuum currerem, aut cucurriſſem.* Hæc Caſſianus. Similiter nec Cornelium centurionem, (cui Deus Angelum miſerat nuntiatum gratas ſibi eſſe quas faciebat eleemoſynas:) voluit per ſeipſum, aut cæleſtem ſpiritum edoceri viam ſalutis; ſed eò Petrum ablegauit. Refert etiam Ioannes Euiratus, quemdam monachum fuiſſe tantâ vitæ ſanctitate præditum, vt Angelos ſibi aſſiſtentes conſpiceret, quotieſcumque ſacroſanctum Miſſæ ſacrificium offerret; qui ab hæreticis edoctus, quando offerebat in ſimplicitate & innocentia, dicebat quod non decebat. Cuius cùm à Diacono illi miniſtrante admoneretur vix adduci potuit vt crederet ſe errare potuiſſe, cùm Angelorum præſentiâ honoraretur. Qua de re & eoſdem inter ſacrificandum rogauit, num vera Diaconus nuntiaſſet; reſponderuntque: Auſculta ei, nam vera loquitur. quos cùm iterũ requiſiuiſſet ſenex, cur ipſi illum de re tam grandi non docuiſſent, dixerunt: Deus ita diſpoſuit, vt homines ab hominibus corrigantur. Quibus rationibus & exemplis, inquit Fab. Iuſtinianus, ſatis apparet; nolle Deum illos nec per ſe, nec per Angelos informari, qui homines magiſtros habere poſſunt.

Galat. 2.

Act. 9. & 10.

Prat. ſpirit.
cap. 199.In Tob. c. 4
verſ. 19.

Et neſcio quid ſermo viuus præmortuo illo librorum,

Luc. 24.

Hebr. 4.

1. Cor. 2.

Theodoret.
in hist SS.
Patrum c. 4.

energiæ habeat. Fatebantur illi, qui ipso die resurrectionis Dominicæ, in Emmauntem pergebant: *Nõnne*, aiunt, *cor nostrum ardenserat in nobis, dum loqueretur nobis in via, & aperiret nobis scripturas?* Est enim verbum Dei prædicatum *omni gladio ancipiti penetrabilius*, quia ipsa viscera inuadit, intimum cordis afficit, internos affectus mouet ac mutat. Vnde nec Theologos, nec Iurisperitos ab auditione verbi Dei scientia excusat, nec quosdam à culpa immunes facit. Potest enim aliquando mediocris concionator id viuâ voce efficere, ad quod se frustra aliâ quacumque lectione studebunt disponere. Mirabiles namque, vt diximus, effectus producit sermo Dei cum humilitate auditus, *non in persuasibilibus humane sapientiæ verbis, sed in ostensione spiritus & veritatis*. Libri similes sunt Cassandræ, vera quidem & solida denuntiantis; sed quia Apollo harmoniæ temperator, & qui cum voce in animam rem ipsam suauissimè per aures transmittit, aberat, illi que infensus erat, non persuadebat. Quemadmodum spiritus noster clariorem sonum reddit, cum illum tuba per longi canalis angustias tractum, patientiore tandem exitu effundit; ita ipsa veritas intus in animo concionatoris videtur quasi condensari, maiore que spiritus colligere, quo & suauior, & penetrantior in aures adstantium se penetret. Quæ altius ponderans S. Eusebius Anachoreta seipsum grauissimâ & diurnâ pœnâ, ob leuem in audiendo Dei verbo commissam culpam, multauit. Sedebant super quamdam petram Eusebius & Ammianus admirabilis, & diuinorum Euangeliorum historiam alter quidem legebat, alter eorum, quæ erant obscuriora, explicabat sententiam. Cùm verò agricolæ in subiecto campo terram colerent, ad hanc contemplationem mente distractus est Eusebius: cum que diuinus Ammianus locum quemdam legisset Euangelicum, & sciscitaretur interpretationem eius, iussit Eusebius repetere lectionem. Tum dicente Ammiano, *lis fortè qui arant, delectatus, minimè*

exaudisti; suis deinceps oculis legem tulit, vt ne campum illum vnquam intuerentur, neque cælesti pulchritudine, & chori astrorum aspectu fruerentur. Rogatus verò cur tam exiguæ culpæ tam grandis pœna reponeretur, sapientissimè respondit, quo & nos confirmari oportet etiam in minutissimæ rei accurata obseruantia: Ne malignus dæmon de magnis bellum gerat, conatus auferre temperantiam & iustitiam; conor hostem ad hæc parua traducere, in quibus etiam si vicerit, non magnum affert detrimentum; & si victus fuerit, euadit magis ridiculus, vt qui ne in paruis quidem possit euadere superior. Sanum consilium, dignam tãto viro sententiam! Quis verò etiã minuta in rebus spiritalibus negligat, cum tantum ad rem momentũ afferant? Ecce, vt ille consultò monet, si te paruis seriò occupaueris, in alijs non facilè delinques. Si v. g. oculis tuis imperaueris, vt ne quidem pulchras picturas in ecclesia, vel cæli serenitatem, foris videant, idque omni studio adnitaris obseruare; non facilè ad illicita videnda pertraheris.

*Auditio verbi Dei neglecta peccatoribus & fastidita,
signum reprobationis.*

HÆc sanè damna, si melioris notæ homines spectemus, magna sunt; sed eorum comparatione exigua, quæ peccatores ob neglectum verbi Dei manent. Ecquæ enim spes depauperato alicui opifici superest emergendi, si non facultates modò omnes amiserit, sed instrumenta à se abdicet, quibus operari & lucrum facere possit? Etiam si quis gratiã Dei exciderit, atque insuper debitum decem milliũ talentorum contraxerit, superest tamen aliqua salutis consequendæ spes, si instrumenta artis suæ retineat, id est, verbum Dei cum debita animi dispositione audiat, quò & delicta sua clariùs intelligat, de intellectis doleat, procidatque coram magno Rege. Quantumuis enim aliqui sint obstinati in peccato; tamen vehementi & aptâ concionatoris

Matth 18.

- Jerem. 23: voce aliquando compunguntur. *Verbum Dei malleus conterens petras*, id est, homines obduratos in peccato, qualis olim S. Guilielmus Dux Aquitanię, qui ad orationem S. Bernardi pronus in terram corruit, atque deinceps vitę sanctissimę specimen illustre dedit. Illique qui missi erant vt comprehenderent Iesum, cum venissent tempore concionis, quam ille ad populum habebat, ita diuinã & viuificante voce permoti sunt, vt nullo pacto potuerint in illum manus mittere, verum dicerent se numquam audiuisse hominem ita loquentem. Et, quia non poterant apprehendere nolentem, missi sunt vt audirent docentem. Sed bene erat quod auribus adhuc essent sanis, & benè valentibus, quibus verbum Dei in animũ transmitterent: alioquin pisces, quibus homines varijs Scripturę locis comparantur, qui suã morte obierunt, vel corrupti sunt, pallent auribus, fœtoremque indicant, nec illorum est vsus, nisi quod hinc cognosci possint quales sint, integri, an corrupti. Necdum omnino in illos quadrabat quod Christus aliquando dixit: *Qui ex Deo est, verbum Dei audit. Propterea vos non auditis, quia ex Deo non estis.*

- Hinc quemadmodũ fures illi suspenduntur, quos Prætor capit & inuenit sine auribus, quod dijs alibi ob præcedentia crimina mulctati sunt: ita illos diuina damnat Nemesis, qui nullas ad audiendum verbum Dei habent aures, idque in se exprimunt, quod de hominibus desperatis Sapiens ait,
- Proverb. 18. *Impius cum in profundum venerit, contemnit.* Talem autem contemptum verbi Dei, quid nisi extrema damnatio consequitur? In veteri lege prohibetur, ne quis vel ouem vel bouem ex voto offerat, aure & caudã amputatis. Animal auribus amputatis offerri noluit Deus, quia qui auribus priuatur, præcipuo ad salutẽ medio destituitur; *fides* namque *ex auditu.* Et proprius cuiusuis disciplinę sensus est auditus. Iudicialis quoque in veteri populo lex erat, vt seruus emptitius, qui septimo remissionis anno libertate datã vtinoilet,

sed diligens dominum suum, ei adhuc seruire vellet, applicaretur ad ostium & postes domus domini sui: *perforabitq;* Exod. 21. *dominus aurem eius subulâ, eritq; ei seruus sempiternus.* Peccator seruiens peccato, diaboli mancipiũ est: sed si oblatã illi in prædicatione Euangelica libertatem acceptare nolit, vt per baptismum, si Ethnicus; vel per pœnitentiam, si Christianus fuerit, emancipetur, vt non ampliũs diabolo, sed Deo seruiat; diligitq;uemagis priorem dominum, scilicet peccatum; iam illi aures perforantur, in signum externæ seruitutis, sibiq; speme euadendi incidit: quia aures obstrui sinit, vt non audiat verba salutis, illasq; ostio peccati dulcè canentis applicuit, & blandientium in perniciem suam sirenũm cantum admisit.

CAPVT OCTAVVM.

§. I. AVGVSTINVS *de amplectenda fide Catholica maturè deliberans, ex quorundam Catholicorum vita sanctissimè acta suam turpitudinem agnoscit.*

THEMA CONCION.

Postquam ostendisti mihi, percussi femur meum. Confusus sum, & erubui, quoniam sustinui opprobrium adolescentiæ meæ.

Jerem. 31.



VI basiliscum venantur, atque illi exitium moliuntur, vt scribit Ludou. Viues, specula sibi vnde quaque circumponunt, atque vitreis his armis veluti Medusæ capite protecti, hostem suum, lethale virus oculis gerentem, vt Bernardus ait, & eiã DOMINICA
Passionis.
Comment in
116. de ciuit.
cap. 13.
Serm. 13. in
Psal. 90. eculantem, inuadunt: dumq; ille sese defensurus in specula inspicit, atque seipsum per reflexionem intuetur, vene-

r. Opt. pro.
posit. 46.

nati specierum visualium radij ex oculo egressi, ad ipsum speculo repercussi deferuntur, eumque inficiunt enecantque. Quod si verum est, valdè ad illius sententiæ probationem facit, quæ adstruit non simplicem imaginem à nobis in speculo, sed proprium vultum nostrum, per reflexionem videri. Quod hoc argumento probat Aguilionius: Quia, inquit, phantasia in profunditate speculi immersa apparet; si autem species esset, ea in speculi superficie vbi terminatur, necessariò videretur. Non est ergo species, sed res ipsa, quam in speculo cernimus. At quomodo res intra speculum videtur, cum ibi non sit? Respondeo, in omni specierum reflexione rem alio loco, quam reuera sit, apparere. Idem est in imagine quam in alterius pupilla cernimus. Est enim illa, velut à conuexo speculo repercussa, intuentis simulacrum: cornea enim tunica propter læuorem formas rerum obiectarum remittit, at rebus ipsis minores propter sphericam conuexitatem. Hæc ille.

Auct. Incog-
nitus in
Psal. 50.

Non absimili modo fatetur AVGVSTINVS se captum à Deo, magnamque hoc pacto fecisse progressionem, quod turpitudinem prioris vitæ agnosceret, atque planius intelligeret quam sordidus & abominabilis esset. Initium enim salutis peccatoris est, seipsum & vitia sua cognoscere, illorum grauitatem intelligere, quia his cognitis remedia quærit. Vnde AVGVSTINVS, citatus ab Auctore incognito ait, O homo, si te videres, tibi displiceres, & mihi placeres: sed quia te non vides, mihi displices, & tibi places. Quasi ex composito obiecit illi vitas Victorini & Antonij, duorum aulicorum tamquam pellucida specula, in quibus dum ex illorum humilitate suam superbiam & obstinationem; ex illorum laudata continentia, suarum libidinum fœditatem; ex illorum flagranti charitate, suum frigus & torporem; ex illorum erudita & laudabili ignorantia, suæ doctrinæ inanitatem, attentius contemplaretur, serò & seriò intellexit, quot maculis totâ animâ scateret. Quemad-
modum

modum enim specula tales monstrant vultuum apparētiās, Agapetus
Diac. ad Imp.
Iustin. qualia ipsa sunt archetypa, nitida videlicet nitentium, tristitia tristantium: ita si virtutibus ornatus fueris, in Sanctorum vitis ornatus decorusque apparebis; si autem inquinatus peccatorum sordibus, Sanctorum integritas & pulchritudo sordes tuas exhibebunt. Vidit igitur AVGVSTINVS deformitatem suam, &, vt vetus Poëta ait, quot intus scateret belluis;

Seq̄s reformidat speculo damnante.

Quanta enim sit peccati fœditas, Christus ad viuum in cruce exhibuit, vbi *non erat ei aspectus, sed quasi absconditus vultus eius*, aut, *absconsio vultus ab eo*, ita vt præ horrore non effret, qui figere in eum oculos posset; sed si fortè videret, confestim os auerteret, faciem oculosque admotâ manu contingeret. Vt nihil mirum fuerit AVGVSTINVM ad visam animæ suæ vitij inquinatæ imaginem obriguisse, atque instar basilisci vitam peccati cum morte commutasse, renouatamque vt aquilæ spiritus eius iuuentutem. Non absimile exemplum præcessit in Dauide, qui cum homo adhuc bellulus, nec vlli affinis culpæ, licet adulterium & homicidium perpetrasset, sibi videretur, ideoque quasi conscientia securus ne vel peccata sua recogitaret; adfuit iussu diuino Nathan Propheta, atque parabolam de diuite ouem pauperis rapiente, tamquam speculum opposuit, in quo turpitudinem suam sub aliena persona agnouit, atque detestatus est, nec se illum deformem esse, nisi à Propheta monitus, sciuit, quia hætenus numquam solitus erat se cum ista deformitate aspicere.

Non secus etiam AVGVSTINO accidit, atque Pharisæis adulteram coram Christo accusantibus. Erant illi omni flagitiorum genere contaminatissimi, & tamen vt probitatis & zeli laruam induerent, ex mulierculæ accusatione suam studebant innocentiam adstruere: Christus verò inclinavit se, & in terra scripsit notas, quæ instar speculi fo-

Claud. lib. 1.
in Eutrop.
Ista, 53.

1. Reg. 12.

Ioan. 8.

rent,

Psal. 49.

rent, & vnicuique eorum conscientix secreta repræsentarent; è quibus deinde conspexerunt, se æquè ac mulierem culpabiles, & proprijs potiùs quàm alienis criminibus debere indignari. Et hæc confusio vnum post alium excedere iussit, vt tandè Christus solus cum muliere relinquere-
 tur. Quod iam olim eiusmodi hominibus superbis minitatus fuit Deus: *Existimasti iniquè quòd ero tui similis; arguam te, & statuam contra faciem tuam.* id est, iniquè iudicasti me tui similem, quòd veluti tu tua peccata latere, & impunita fore tibi falsò persuades, ego similiter non sim protracturus illa in lucem, & castigaturus; quin potiùs conuincam te mendacij, & vtrionem sumam, & peccatum quod post tergum proijcis, ne illud videas, ingeram tibi in faciem, vt claram operum tuorum notitiam habeas, & discas erubescere, veluti si faciem maculosam in speculo contemplaris. Similes nempe plerique sumus ijs qui humero manticam gerunt, & aliena peccata anteriori parti imponimus, & curiosè obseruamus; at propria in tergum reijcimus, & quamuis longè sint grauissima, non intuemur, iuxta illud Catullianum:

Ad Varrum
epig. 22.

— *Suus cuique adtributus est error:*

Sed non videmus, mantica quod in tergo est.

Lib. 5 de
vitijs Patrum
libello 9.

Vide apud Stobæum commentum *Ætopicum*, vnde hæc de mantica parœmia nata sit. Factus est aliquando conuentus in Scythi, & loquebantur Patres de quodam fratre culpabili. Abbas autem Pior tacebat: sed postea surgens egressus est, & tollens saccum impleuit eum arenâ, & portabat eum in humeris suis, & mittens in sportella modica de eadem arena, portabat etiam ipsam in antè. Interrogatus autem à Patribus quid hoc esset? Ille respondit: Saccus iste qui mulcum habet arenæ, mea peccata sunt, & quoniam multa sunt, posui ea supra dorsum, ne doleam pro ipsis, & plorem: ista autem arena modica peccata sunt istius fratris, & sunt ante faciem meam, & in ipsis exerceor iudicans fra-

fra-

fratrem: quod non oportet fieri, sed mea magis peccata ante me esse, & de ipsis cogitare, & rogare Deum vt ignoscat mihi. Audientes autem Patres dixerunt: Verè hæc est via salutis, ideoque Deus pondus peccatorum dorso eximit, & statuit nobis contra faciem, siue obuiam, vt non possimus illud non intueri. Id se peccatoribus facturum prædixit apud Ezechielem: *Iudicabo te iuxta vias tuas, & ponam contra te abominaciones, &c. vias tuas ponam super te, & abominaciones tuæ in medio tui erunt.* q. d. Manticam scelerum, quam dorso gestas, reducam ante oculos tuos, vt cumulum eorum enormitatemque videas. Ezech. 7.

Quanto consultius ille iudicium Domini præueniebat, qui punitionis diuinæ memor dicebat: *Et peccatum meum contra me est semper,* id est, in oculis meis, vt illud assidue contempler, & lacrymis diluam? Ita egit Thaisis meretrix conuersa, Paphnutioque qui illam cellulæ triennio incluse rat, dixit; Testor Deum, quia ex quo hîc ingressa sum, omnia peccata mea, velut sarcinã, statui ante oculos meos, & non recesserunt ab oculis meis, sed flebam semper illa conspiciens. Cui Abbas Paphuntius ait: Non propter pœnitentiam tuam remisit tibi Deus, sed quia horum cogitatione semper habuisti in animo. Iure igitur merito verba illa Them. AVGVSTINVS vsurpauerit: *Postquam ostendisti mihi,* Ierem 31. scilicet vitas Sanctorum, *percussi femur meum* (In femore, inquit Gregorius, voluptas carnis accipitur,) q. d. Postquam superna spiritualiter vidi, omne quod in me inferius carnaliter viuebat, extinxi. Lib. 24. moral. c. 26. Iulius Cæsar numquam melius intellexit parum vel nihil esse, quod totius propemodum vitæ decursu fecisset, quàm comparatione eorum, quæ paucorum annorum spatio ab Alexandro gesta erant. Sunt qui Cæsarem hac de causa lacrymas fudisse ferant: quam rem olim Epigrammate alligauimus, atque huc ad mores transferimus.

*Cæsar Alexandri admirans in marmore vultus,
Quantum, ait, à factis vincimur vsque tuis?
Sic quisquis Diuos spectas in imagine, dices:
Heu! quàm dissimilis sum tibi, tuq; mihi?*

Sap. 7.

Breviar.
Rom.

a. Cor. 3.

Exodi 38.

Et quàm alto & arcano consilio diuina benignitas AVGVSTINO, vitas potius seruorū suorum, hominum per omnia similitum, quàm Domini & Saluatoris nostri obiecit: licet is perfectissimum viuendi sit exemplar, nec ex alterius cuiuscumque Beati moribus meliùs elucere potuerit, qualis & quàm sordidus esset: est enim *speculum sine macula*, in quo lucidissimè apparet quid Christiano desit virtutis, adsit sordium. Ideoq; D. Cæcilia, veluti mundanæ domicellæ specula vel in libellis precum, vel ad zonam gestant, semper Euangelium Christi gerebat in pectore, & non diebus, neque noctibus, vacabat à colloquijs diuinis & oratione, vt in illo vitam Christi inspiceret, & ad illam mores vitamq; componeret. Et Apostolus etiam se plurimum ex inspectione huius speculi profecisse ait: *Nos verò omnes reuelat à facie gloriam Domini specularantes, in eadem imaginem trāsformamur*, per imitationem scilicet operum eius, efficimusq; vt in nobis quasi quædam diuinitatis forma resplendeat. Attamen, quanto AVGVSTINVS ingenium habebat perspicacius, tanto difficiliùs tergiuersandi occasiones amputabat. Occurrebat enim euestigiò, vt diceret, Christum fuisse Deum, nec esse humanarum virium illum sequi: quî enim possit homo vilis vermiculus, & infirma caro, factorem suum? Hac ergo de causa exempla seruorum Dei illi ob oculos posita sunt, ne sibi putaret impossibile, quod illi feliciter erant assecuti. Vidit nempe magnam illam concham æneam, capacissimam aquæ, quâ ministri tabernaculi manus pedesque lauabant, sustineri basi vitreâ. Etenim Moyse, iussu Dei, *fecit & labrum æneum cum basi sua, de speculis mulierum, quæ excubabant in ostio tabernaculi*. Labrum istud legem Dei, continentem cælestis doctrinæ

Ærinæ aquam, significat, quæ quidem grauis videtur tamquam vas ponderosum; sed reuerâ non est, utpote quam res tam fragilis, qualis est speculum vitreum mulierum, sustentare potest, id est, quam homines, verè lutea vasa figuli, obseruarunt; nihilque inuenerunt tam graue, quod adiuuante Dei gratiâ superare non potuerint. Nempe hoc ipso Moyfes insinuare volebat, illos qui studiosè exquirerēt quo modo lex Dei foret obseruanda; Sanctorum vitas & exempla, qui illam veluti iugum aliquod tulerint, considerare debere. Sunt illorum acta & opera tamquam speculum clarissimum, quod præ oculis habeas, iuxtaque quod te componas. Hoc moneo rogoque ut frequenter consulas, iuxta illud Æneæ apud Virgilium:

Sis memor, & te animo voluentem exempla tuorum

Æneid. 12.

Et pater Aeneas & auunculus excitet Hector.

Quemadmodum Socrates discipulos suos hortabatur, ut specula frequenter adirent & inspicerent, non crispandi aut vellicandi crinis causâ, ut molles solent; sed ut adlaborarent ut tam pulchri intus in animo essent, quàm venustâ foris facie apparerent.

Postquam igitur Simplicianus vir Dei (quem ut patrem, Ambrosius deligebat) mirabilem Victorini, ætate iam vergente, conuersionem, & Potitianus D. Antonij, & duorum aulicorum, vitam, tamquam specula, AVGVSTINO exhibuissent; vidit & ingemuit fœditati suæ: multum enim animis nostris & fiducia adijcere, & solitudinis detrahere potest morum & fidei in claris viris mutatio: atque ad Deum ait: Tu autem Domine inter verba Potitiani retor- quebas me ad meipsum, auferens me à dorso meo, ubi me posueram (alludit ad Æsopi manticam) dum nollem me attendere: & constituebas me ante faciem meam, ut viderem quàm turpis essem, & quàm distortus, sordidus, & maculosus, & vlcerosus. Et videbam, & horrebam, & quod à me fugerem, non erat. Et si conabar à me auertere aspectum,

Vide lib. 8.
Confess. c.
5. & 6.

Lib 8. Conf.
cap. 7.

Lib. 9. cap. 2.

narrabat ille quod narrabat . Et tu me rursus ponebas & impingebas in oculos meos, vt inuenirem iniquitatem meã, & odissem. Noueram eam, sed dissimulabam, & conuiuebam, & obliuifcebar. Tũc verò quanto ardentius amabam illos, de quibus audiebam salubres affectus, quòd se totos tibi sanandos dederant, tanto execrabilius me comparatum eis oderam. Et alibi: Exempla seruorum tuorum, quos de nigris lucidos, & de mortuis viuos feceras, cõgessisti in sinum cogitationis nostræ, vrebant & absumebant grauem torporem, ne in ima vergeremus. Et accendebant nos validè, vt omnis ex lingua subdola contradictionis flatus inflàmare nos acrius posset, non extinguere. Hactenus ille. Verè ergo tunc accidit, quod quibusdam vetulis quæ aliquando formã excelluerunt: nam cùm se ipsas iam rugosas & deturpatas in speculo non agnoscunt; contristantur, & pristinæ formæ amissum florem deplorant. Quod de Helena testatur Ouidius:

Ouidius
in Trist.

Flet quoque vt in speculo rugas aspexit aniles

Tyndaris.

Quæ paulò fusiùs tractata in compendium ecce conferimus.

Et constituebas me antefaciem meam, vt viderem quàm turpis essem. Lib. 8. Confess. cap. 7.



*Sæpè prius pulcher, & vincere Nerea visus,
Dum speculum spectat, displicet ipse sibi:
Tu quoque sanctorum cernens exempla virorum,
AVRELI, sordes aspicias vsque tuas.*

Neque tantùm vitæ Sanctorũ, sed & ipsa mors, & quorumcumque hominum cadauera, vicem speculi spiritualis obire possunt, vt lezabelis cranium cum arrosis ossibus, Absalomi pendentis ex quercu luror, & Saulis sine nomine truncus. In eiusmodi speculo se intuebatur S. Siluester natus Auximi in Piceno. Fortè enim vespillones sepulchrum adolescentis nobilis, & diuitijs inclyti, & formâ præstãtis dum viueret, aperuerant: cumque ille huius spectaculi arbiter, occidisse oculorum tam lucidas stellas, defluxisse turpiter aureos illos capillos, turbatam putore illam frontis serenitatem, expirasse illam oris ambrosiam, illum genarum dulcissimũ risum, illum denique, quo tota vrbs ardebat, ignem omnem, in pauculos subsedisse cineres vidisset; Heu mihi! exclamauit, nisi cum sana mente oculos etiam abstulit Venus, in hoc speculo meum video vultum. Video planissimè. Sum hoc, quod fuit: & verò ero non multò pòst, quod hic est. Verba hæc gemitus interruperunt, lacrymis deinceps loquentibus. Iamque patriâ relictâ solus defflere incepit, quod cum multis libidinando peccauerat. Rectè viuere è mortuo didicit. Qualiter etiam olim Canonicis Monasteriensibus caput suillum, veluti gulosæ & inertis vitæ speculum, ante oculos poni consueuerit; vt in illo conspectâ suâ turpitudine, inciperent sibi vel tum displicere, cum ne amplius quidè viuere possent, scribit Goropius Becanus. quæ, quia non disputo verane sint, an fabulosa, totidem verbis adscribam. Moris, inquit, esse audio, & vetusto ritu apud Canonicos Monasterienses obseruatum, vt iam iam morituro, & animam modò agenti caput suillum ostendatur, quo agnoscat se non humanam, sed porcina vitam egisse; eoque moueatur ad veram pœnitentiam, & diuinam misericordiam in postremo vitæ articulo implorandam. Non equidem suilli capitis concionem derideo; sed mallet, mox in principio, dum in Canonicorum collegiũ cooptantur, cum porcis ipsis prandium parari, vt diligenter caue-

4. Reg. 9.
2. Reg. 18.
1. Reg. 31.

Fasti Mariani
26. Nouemb.

Lib. 8.
Hermath.

rent,

rent, ne tam lutulento & immundo animali perpetuò comparandi viderentur.

§. II. *Peccatorum suorum turpitudinem non nimis intueri debent, qui recenter conuertuntur; sed potius pulchritudinem misericordiae Dei, quã ad fiduciam excitentur.*

DOMINICA
III. post
Pentecost.

Ratio cur recenter conuersi non nimiùm considerationi peccatorum suorum immorari debeant, est duplex. Prima quidem, quia veluti candela extincta facilè reaccenditur, vbi flatum vel leuiter admoueris; ita animus extincto per pœnitentiam peccandi ardore, citiùs veteris concupiscentiæ ignem concipit, si peccatis indiscretâ cogitandi libertate diutiùs adhærescat. Dum vxor Lot ad Sodomam, quam fugâ deseruerat, oculos reflectit, fuit in quo sibi placeret, Deo displiceret, atque in sapidum lapidem insipida mulier commutaretur.

Gen. 19.

Consideranda sunt duo in quolibet peccato: offensa Dei, siue recessus ab æquitate & recti regula; & actus ipse physicus, qui aliquam boni delectabilis admixtionem habet, cuius consideratione homo ad peccandum pertrahitur. Et quia hæc seiungere non est omnium, & sunt non pauca peccata, putà vindictæ, superbiæ, libidinis, quorum memoria facilè in delectationem abripit; nimis procliue est vt animus, necdum virtutum austeritate obduratus, etiam reluctans, sensualitati succumbat. Libido, inquit Hieronymus, etiam in ipso tempore pœnitendi, præteritos stimulos patitur, & titillationem carnis, & incentiua peccati, vt per hæc quæ corrigi cupimus cogitantes, rursus fit materia peccandi. Recogitandi igitur cum Ezechia *in amaritudine anime* integri anni, non statim temporis, & locorum, & personarum, & modi circumstantiæ, quæ violentiùs animum quatiunt, quàm si vniuersim de omnibus tantùm doleamus; hocque solùm semper cum gemitu meminerimus, nos homines vilissimos incomparabiliter deliquisse, & maiestati
infiniæ

Epist. 22. ad
Eustochium.

Isa. 38.

infinಿತæ iniuriam irrogasse. Neque enim illa commemoratio aut memoria, nisi in ordine ad integram confessionem, peccatorum in particulari est necessaria; sed sufficit, vt probabilior sententia Scholasticorum habet, ex vi præcepti contritionis, conteri de omnibus peccatis confusè conceptis: quamquam tamen eiusmodi particularis recognitio, & contritio de singulis peccatis exercitioribus utilissima sit.

Navarr. c. 2.
num. 23.

Adquid contritio de peccatis in particulari sit utilis.

PRimò quidem, vt perfectiùs & certiùs omnia detestemur: sæpè enim aliàs accidit, vt nobis falsò persuadeamus, nos omnia seriò auerlari, si tantùm in confuso detestemur, cùm circa quædam maneat in nobis occultus aliquis affectus, qui multum de perfecta contritione detrahit. Deinde vt pro temporali pœna, alioquin nobis certò infligenda, satisfaciamus, diuinæq; iræ flagella à nobis auertamus: nam singularis peccatorum, omniumque circumstantiarum perpensio, multum animi addit, vt ea homo hîc in se grauitè castiget, quæ aliàs Deus aut in hac vita, aut in alia esset seuerissimè puniturus. Demum vt animum obfirmet, ad constanter ea in posterum vitanda. Longè enim magis confirmat propositum expressum & particulare, quàm generale & confusum. Et huc spectant illa Chrysofomi verba: Si autem dicat, Peccator sum, non autem ad peccatorum suorum species descendat, dicens: Quia hoc & hoc peccavi: numquam cessabit. Quia, scilicet, animus haud difficulter à succedente tentatione vincitur, contra quam non est singulari proposito armatus. Vix enim est vt sagitta in incertum emissa quempiam feriat, nisi in vnum aliquem fuerit contorta: enerue quoque est illud propositum, quod certam peccati speciem non impetit.

In cap. 6. ad
Hebr. hom. 9

Aliquando peccata in particulari non sunt recogitanda.

NEc altera doctrina suo pondere destituitur: in primis, quia hæ cogitationes ianuam desperationi nonnumquam patefaciunt, dum grauitas delictorum nimis curiosè attenditur, & nulla vel admodum parua & debilis diuinæ misericordiæ sit ponderatio. Hoc enim Iudam proditorem, pœnitentiâ ductum, peccatum suum confitentem, & pecunias proditoris pretium referentem, ad restim adigit; quod ex eo patet vbi dixit, *Peccauit tradens sanguinem iustum*: hoc idem Cainum anchoram sp̄ci fecit abiicere, dum ait, *Maior est iniquitas mea quàm vt veniam merear*. Instar muscarum aliorumque insectorum læuia & plana diuinæ misericordiæ loca declinabant, & asperitatibus & scrupulis suorum facinorum insidebant. Prudentissimè igitur Iob in extrema illa calamitate, oculos ad fontem misericordiæ Dei potiùs quàm ad originale peccatum reflexit, cuius occasione tam grauia, tam infanda patiebatur. *Vtinã, inquit, appenderetur peccata mea, quibus iram merui: & calamitas quam patior, in satera! Quasi arena maris hæc grauior appareret*. Videtur namque sanctissimus Propheta antithesim facere inter peccata sua, tum originale, tum actualia, & calamitatem siue mortem quam Christus passurus erat, (gerebat enim typum Saluatoris nostri) asseritque longè maioris illam esse momenti, & meritò omnibus omnino licèt grauissimis peccatis præponderare. alioquin verba illa prolata ex persona ipsius Iob, viderentur aliquid vanitatis & inanis iactantiæ præ se ferre. Nisi dicamus id innocentissimo viro licuisse, vt mœrore oppressum animum, atque iam sub onere fatiscentem, commemoratione integritatis suæ erigeret. Quod absque dubio licitum & laudabile est cuiuscumque probo: quamuis consuetudinis humanæ sit hoc secùs interpretari.

Nempe sicut illi, qui annum vado superare contendunt,

ne rapido aquarum cursu perturbetur, oculos ab illo auerentes, aliò deflectunt; ita qui ad portum quietis conscientia tendunt, intensiusque Deo & orationi vacare disponunt, oculos à peccatorum fœditate & lubricitate auertere, & ad serenum misericordiae cælum debent attollere, ac fulgorem crucis, meritorumque Christi contemplari. Quæ quidem tanta sunt, vt nullis largitionibus imminui, nullâ debitorum cõdonatione deteri queant. Tu verò Domine, inquit S. P. AVGVSTINVS, bonus es, & misericors, & dextera tua respiciens profunditatem mortis meæ, & à fundo cordis mei exhauriens abyssum corruptionis. Rursus, obserua quid apud Isaiam Dominus dicat: *Holocausta eorum, & victima eorum placebunt mihi super altari meo.* Per altare Christus intelligitur. *Vidi*, inquit Ioannes, *subtus altare animas interfectorum propter verbum Dei. Subtus altare*, id est, animas fruentes conspectu humanitatis Christi. quia velut in templo Salomonis, altare thymiamatis stabat ante cortinam, quæ Sanctum sanctorum abscondebatur, atque ab illo erat ad arcam testamenti transitus: ita humanitas Christi viam ad diuinitatem aperit, nec quis venit ad Patrem nisi per Filium, atque sub hoc humanitatis eius altari iacuerit, id est, submiserit intellectum suum mysteriis fidei nostræ. Victimæ verò & holocausta, quibus altare hoc oneramus, sunt lacrymæ, preces, confessiones, & mortificationes nostræ, quas in nomine Domini Iesu Christi facimus, & quamuis delicta non adæquent, non possunt tamen non esse Deo gratæ propter altare cui innituntur. Hoc de se testatur Saluator noster: *Quidquid petieritis Patrem in nomine meo, dabit vobis.* Non ergo ad exigua nostra munera attendamus, neque cruor victimarum (*Libera me de sanguinibus Deus, Deus salutis meæ*) quas super altari hoc occidimus (peccata intelligo) nos perterreat: sed præstantia illius lapidis, vt vocant, Philosophici excitet, qui omnia argenti viui quæ attigerit, in aurum conuertit,

Lib. 9. Conf.
cap. 1.

Isa. 56.

Apoc. 6.

Vide Bern.
serm. 4. in
festo omniũ
Sanctorum.

Ioan. 16.

Psal. 50.

Peccatum duplicem, vt ita dicam, faciem habet; quemadmodum videre est aliquas efformatas picturas, quas dū à sinistro latere inspicis, apparet iuuenis formosus, & benè ornatus; si verò à dextro, craniū videbis & mortis effigiem. Alteram iniquitatis, malitiæ, offensæ diuinæ, nec non reatus infiniti, quam non nisi cum horrore aspicere possumus, sufficitque vt infirmos animos in metum inordinatum & desperationis præcipitium conijciat. Hanc peccatoribus, dum volunt resipiscere, diabolus sæpius ingerit, pessimaque consilia suppeditat. Alteram miseræ & calamitatis, cum qua nulla alia comparari ex æquo potest, & peccantem excipit. Hanc tamē si pensigulatiùs attendamus, quia *abyssus* miseræ *abyssum* misericordiæ *inuocat*, non malè ad spem veniæ consequendæ excitamur. Ideò namque Dauid certiozem sibi propitiationem de peccatis proponebat, quòd illa multa forent & grauia: *Propter*, inquit, *nomen tuum, propitiaberis peccato meo, multum est enim.* q. d. Quia hoc ad laudem & celebritatem sanctissimi nominis tui facit, quòd quanto peccata fuerint plura & grauiora, tanto libentiùs ignoscas (*Retrahet enim Deus cogitans ne penitus pereat qui abiectus est*) idque artem tuā summè commendat, quòd desperatos ægrotos curare noueris, & velut optimus pater filio phrenesi laboranti, atque in parentē insurgenti, non indigneris, sed compatiaris; ideo confido te peccatis meis fore propitium, quia multa sunt, idque tantum propter nomen tuum, quod à bonitate & misericordia possides. Verè *magna multitudo dulcedinis tuæ Domine, quam abscondisti timentibus te.* id est, dulcis & benignus es ijs, qui à facie arcus tui timent, iudicijsque tuis percelluntur, quia *initium sapientiæ timor Domini.* Sed tamen consolationis mensuram plenam, coagmentatam, & supereffluentem impertis ijs, *qui sperant in te in conspectu filiorum hominum,* id est, peccatorum qui firmam de misericordia tua spem concipiunt, atque ad implorandam misericordiā tuam incitantur.

Dupli-

Duplicem hanc faciem in peccatoribus iam olim obseruasse videtur ipse Deus. Priusquam enim humanum genus aquis diluuij perderet, vidit *quòd multa malitia hominum esset in terra.* id est, ea parte aspexit, quâ ab æquitate & recto homines recedebant, factoremque suum contemnere videbantur. At postea transacto diluuiò, *Nequaquam,* inquit, *ultrâ maledicam terræ, propter homines: sensus enim & cogitatio humani cordis in malum prona sunt ab adolefcentia sua.* Nam quo pacto hæc cohærent cum priore S. Scripturæ sententia? Si tu Domine hanc ob causam mundum obruisti, quòd homines multum peccarent, cur te dicis non ultrâ exacturum ab eis pœnas, quia ad malum prona sunt? Vel ideo maximè puniendi forent, quòd malitiâ suâ in peccata ruunt. Sed Deus, vt dictum est, hanc duplicem peccatorum faciem agnoscit, ob malitiam quidem puniuit, ob fragilitatem & calamitatem miserendi occasionem accepit.

Tu igitur quisquis es; oculos paulisper à peccatis tuis, quæ nimij sunt causâ mœroris & afflictionis, auerte: conuertere ad opera diuinæ misericordiæ, illius pròpitudine & abundantiam admirare. Vide vt ille nullum fastidiat, etiam tertio aut pluries relapsum, semper viscera hæc materna pateant, nec multitudine, aut peccatorum grauitate hic fons obstruatur. Dauid, Manasses, Magdalena, Latro, Paulus, AVGVSTINVS, & sexcenti alij, quamuis peccauerint, illisque Deus ignouerit, necdum tamen indulgentiæ eius largitatem exhauserunt. Hæc sola nullis limitibus concluditur: ad omnem ætatem, sexum, conditionem se diffundit. Dicigitur cum Dauide: *Esto mihi Domine in Deum protectorem, & in domum refugij, vt tempore procellarum & tempestatis, tempore desperationis, confugiam ad te, quia in te omnis spes vitæ, & animæ afflictæ consolatio. Sis tu mihi domus refugij; aperi mihi latus tuum lanceâ perforatum, & ingrediar pectus tantæ pietatis, in quo saluus sim à pusillanimitate spiritus & tempestate, in die malorum protege*

me in abscondito tabernaculi tui: sit domus refugij mei ineffabilis pietas tua, vt saluum me facias.

CAPVT NONVM.

S. 1. Cùm pristinas sordes AVGVSTINVS seriò pararet eluere, malâ consuetudine, veluti graui somno oppressus, se sensit impediri.

THEMA CONCION.

Surge qui dormis, & exsurge à mortuis, & illuminabit te Christus. Ephes. 5.



OVSVQVE commemoratione conuersionis Victorini, & vitæ S. Antonij AVGVSTINVS peruenerat; vt turpitudinẽ suam agnosceret, atque de abrumpendo pristinæ conuersationis filo cogitaret. Ait enim: Sed vbi mihi homo tuus Simplicianus de Victorino ista narrauit, exarsi ad imitandum. Et alibi: Posteaquam Potitianus vitam S. Antonij, & conuersionem duorum aulicorum recitasset; Tum, inquit, in illa grandi rixa interioris domus meę, quam fortiter excitaueram, cum anima mea, in cubiculo nostro, corde meo: tam vultu quàm mente turbatus, inuado Alipium, & exclamo: Quid patimur? Quid est hoc? Quid audisti? Surgunt indocti, & cælum rapiunt, & nos cum doctrinis nostris sine corde, ecce vbi volutamur, in carne & sanguine. An quia præcesserunt, pudet sequi, & non pudet nec saltem sequi? Sed inueterata consuetudo adeò reclamabat, vt illam compesce-
re, aut illius violentiæ frænum aliquod injicere, non exiguæ operæ, imò inhumanæ videretur. Ab auctoritate Iobi aspicio; ille de homine impio ait: *Ossa eius implebuntur vitijs*
ado-

DOMINICA
XVIII. post
Pentecost.

Lib. 8. Conf.
cap. 5. 6. 7.

Ibidem.

adoleſcentia eius. q d. Quæ ſemel quiſpiam primis annis didicerit, & quaſi imbibere, vix vquam dedicit: eſt enim tota vita eius impoſita & ſuſtentata prauis moribus, tamquã offibus quibuſdã, quæ indies difficiliora & duriora euadunt. *Si mutare poteſt Aethiops pellẽ ſuã, aut pardus varietates ſuas, & vos poteritis benefacere cùm didiceritis malum,* id eſt, cũ prauã conſuetudine cõfirmaueritis peccata veſtra, tum eritis immutabiles, quia iuxta vetus prouerbiũ, Conſuetudo eſt altera natura: quaſi quæ multis actibus ſeu continuo vſu animus comparauerit, pariter cum naturalibus cenſeantur. Certiſſimum tamen eſt hyperbolicam eſſe locutionem, quemadmodum & illa: *Facilius eſt camelum intrare per foramen acus,* Matth. 9. *quã diuitem intrare regnum calorum.* Neque enim Deo hujuſcemodi res eſt impoſſibilis, ſed difficultas aliqua innuitur: nam & Saluator noſter Lazarum quatruiduanum ſuſcitauit, per quem longã conſuetudine inueteratus peccator intelligitur. Aliud enim eſt peccare, aliud peccandi conſuetudinem facere. Qui peccat, & continuò corrigitur, reuiuſcit, quia nondum eſt implicatus conſuetudine, non eſt ſepultus: qui autem peccare conſueuit, ſepultus eſt, & idcirco vt ſepultum reſuſcitaret Chriſtus, priùs lacrymatus eſt, ſeiſum turbauit, & infremuit ſpiritu; nec tandem niſi clamore, id eſt, ingenti gratiã, excitus eſt ſepulchro exiuit Lazarus. Quãm difficile, inquit S. Parer, ſurgit, quem moles conſuetudinis premit! Non abſimili, nec minori difficultate, quãm illi, qui lapide veteris teſtamenti (lex enim vetus ſcripta fuit in tabulis lapideis) grauabantur, de qua D. Petrus ait: *Nunc ergo. quid tentatis Deum, imponere iugum ſuper ceruices diſcipulorum, quod neque patres noſtri, neque nos portare potuimus?* Alludit ibi S. Doctõr ad legem veterem, atque illam per lapidem, qui Lazari ſepulchro impoſitus erat, intelligit. *Remouete lapidem,* id eſt, remouete onus legis, gratiam prædicare. Atque hinc licet non malè ſimilitudinem quamdam, inter veterem legem & gratiam, & inter

Ierem. 13.

Matth. 9.

Ioan. 11.

Trac. 49.
in Ioan.

Exod. 31.

A.G. 15.

Ioan. 11.

ter

ter lapidem & asserem, nec non inter consuetudinem peccandi, & simplicem vnum peccati actum, concipiatis. Pulchrè deinde moribus id ipsum adtemperat. Magnus reus est, quem mortis quatriduum, & illa significat sepultura. Quid est ergo, quòd turbat semetipsum Christus, nisi vt significet tibi, quomodo turbari debeas, cum tantâ mole peccati grauaris & premeris? & vt violentiæ pœnitendi cedat consuetudo peccandi?

Hom. 7. in
I. ad Cor.

Vt discas, inquit Chrysostomus, quanta sit consuetudinis vis, ea sæpè vicit iussa Dei. Et quid dico iussa? ipsa Dei beneficia vicit. Iudæi enim manna habentes quærebant allia Ægypti, & fruente libertate meminerant seruitutis, & assiduè quærebant Ægyptum propter consuetudinē. adeò tyrannica res consuetudo est. Dic sodes, quæ maior seruitus seruii potest, quæ vita miserior, & magis sit lamentabilis, quàm eorum qui ad triremes damnantur? Tamen videre est inter eos, qui transacto aliquot annorum curriculo, se vltro rursus vendant, & paucis nummis libertatem ceteraque vitæ commoda commutent. Si vis autem, pergit Chrysostomus, etiam ex externis ipsam discere, dicitur Plato, etiam si sciret res deorum errorem esse, ad celebrandos tamen eorum dies festos, & ad alia omnia se demisisse, vt qui non posset consuetudini repugnare. Similiter narrant historiæ Alexandrum Magnum numquam corruptos abiēcisse mores, quos in pueritia à Leonida præceptore didicerat, licet magnoperè illi curæ esset honestissimi & clarissimi viri nomen. Nam, vt inquit Basilus, patriam linguam, quam ab infantia didicimus, amittere, aliamque addiscere difficile est: sic assuetum opus ommittere, & aliud contrarium illi operari, difficillimum. Sed multò magis peccati consuetudo semina in animo relinquit, sequiturque nos, etiam cum ab illa meditatur discessionem. Quemadmodum qui audierunt symphoniam, ferunt secum in auribus modulationem, quæ ad

In Regul.
disp. 6.

Seneca ep.
124.

ad dulcedinem cantumque cogit, actiones impedit, nec ad seria patitur intendi: ita pravi in animo habitus diutius hærent, etiam si ab actibus illicitis manus contineas, nec blandiens illa animumque titillans suauitas facile excutitur; durat, & ex interuallo recurrit. Quemadmodum & languor aliquis plerumque remanet post febrim; & qui in viculis diu fuerunt, etiam soluti claudicant. Ut mirum non fuerit, AVGVSTINVM summam à mala consuetudine vim sustinuisse. Verùm ipsum loquẽtem audiamus: Ita rodebar Lib. 8. Conf. cap. 7. intus, inquit, & confundebar pudore horribili vehementer. Terminato autem sermone & causâ, quâ venerat, abiit ille. Et ego ad me: quæ non in me dixi? quibus sententiarum verberibus non flagellavi animam meam, ut sequeretur me conantem post te ire? Et renitebar, recusabat, & se non excusabat. Consumpta erant & conuicta argumenta omnia. Remanserat muta trepidatio, & *quasi mortem reformidabat restringi à fluxu consuetudinis, quo tabescebat in mortem.* Videbantur quidem exempla viuendi sanctorum hominũ, quos commemorauimus, rara & admiranda, satis superque AVGVSTINI mentem commouisse, ut quàm primùm in melius emendaret, quæ inhonestè peccauerat; nisi illa peccandi consuetudo ad eò tyrannicè obstitisset. Hæc enim mentis libertatem misero eripiebat, & quasi catenâ ferreâ constrictum, vel morbo impeditum, non sinebat ire quòd vellet. quapropter etiam se puero comparat: prauam consuetudinem, graui soporis gratiam Dei, sollicitæ parenti, quæ identidem puerum somnolentiâ oppressum excitare conatur; sed ille bis terue excitatus, iterùm iterumque in lectum & fomnum relabitur. Sarcina sæculi, inquit, velut somno Ibid. cap. 5. affolet, dulciter premebar: & cogitationes, quibus meditar in te, similes erant conatibus expergisci volentium: qui tamen superati soporis altitudine remerguntur. Et sicut nemo est, qui dormire semper velit, omniumque sano iudicio vigilare præstat; differt tamen plerumque homo som-


num excutere, cùm grauis torpor in membris est, eumque iam displicentem carpit libentius, quamuis surgendi tempus aduenerit: ita certum habebã, esse melius tuæ charitati me dedere, quàm meæ cupiditati cedere. Sed illud placebat, & vincebat; hoc libebat, & vinciebat. Non enim erat quod tibi responderem dicenti mihi : *Surge qui dormis, & exsurge à mortuis, & illuminabit te Christus, & vndique ostendent vera te dicere*, non erat omnino quid responderem veritate conuictus nisi tantùm verba lenta & somnolenta: Modò, ecce modò, sine paululùm. Sed modò, & modò, non habebant modum: & sine paululùm, in longum ibat. frustra condelectabar legi tuæ secundùm interiorem hominem, cùm lex alia in membris meis repugnaret legi mentis meæ, & captiuum me duceret in legem peccati, quæ in membris meis erat. Lex enim peccati, est violentia consuetudinis; quâ trahitur & tenetur etiam inuitus animus, eo merito, quo in eam volens illabitur. Hactenus ille.

Obserua tamen, etiamsi grandis lucta concupiscentiæ in eo exsurgat qui peccandi consuetudinem nititur vincere; tamen à peccato non excusari, quia volens plerumque se in hanc difficultatem coniecit, & ex ipso contra ipsum pugnacior facta est consuetudo. Nec absolutè inuitus est, sed quadamtenus solùm, quia scilicet nollet peccare, inebriari, fornicari, vindicare, nisi illum traheret consuetudo, occasio, &c. Quæ vide sequenti Emblemate expressa.

Ephes. 5.

Rom. 7.

Ita sarcinâ saculi, velut somno affolet, dulciter premebar.
 Lib. 8. Confess. c. 5.



AVRELI retinent antiqui pectus amores:
 Et vult, & non vult: hoc probat, illud agit.
 Sic puer è molli cunctatur surgere lecto,
 Inter se certant dum metus, atque sopor.

Vnde peccandi consuetudo fiat ?

Obserua etiam quibus accessionibus necessitas peccandi fiat, quibusque annulis adamantina hæc & dira catena coëat. Primò, ex praua volūtate, sed remissiore, cum scilicet primus actus peccati, v. g. luxuriæ, perpetratur, fit annulus vnus; cui secundus, altera scilicet libido, siue pruritus concupiscentiæ, innectitur, quæ post experientiam voluptatis ad iterandum peccatum stimulat. Nam, vt ait S. Thomas, ^{1. 2. q. 75. a. 5.} maximæ est adhærentiæ, & difficilè ab ea potest homo eripi propter infaturabilitatem appetitus delectabilis. Inde tertio nascitur consuetudo, quâ animus inclinatur ad vitiũ, quod frequentat. Denique insurgit necessitas, siue tanta consuetudinis violentia, vt inducat resistendi desperationem: quæ multos retinet in grauibus peccatis luxuriæ, ebrietatis, odij, acediæ. Quemadmodum, inquit Eusebius Emissenus, quando humore & scabie cutis corporis vitatur, ex vitio cutis corruptio carnem exulcerat, ab exulceratione verò carnis prurigo titillat: ita per oblectationem malorum de negligentia proficit culpa, & de luxuria crescit illecebra, & pereuntem perditio plus delectat, quia voluptas transacta non sariat, sed suo vsu magis exercetur vitiorum cupiditas; quàm finitur; & sectatorem suum, numquam consumenda, consumit.

Homil. de
Epiphan.

Et hoc est illud profundum, in quod cum venerit peccator, contemnit Deum & homines, aut saltem frustra meliora probat, cum deteriora sequatur. Sed malit fortasse quispiam verba S. Patris: Ex voluntate, inquit, peruersa facta est libido: & dum seruitur libidini, facta est consuetudo: & dum consuetudini non resistitur, facta est necessitas. Quibus quasi ansulis quibusdam sibi met innexis (vnde catenam appellauit) tenebat me obstrictum dira seruitus. Voluntas autem noua, quæ mihi esse cœperat, vt te gratis colerem, fruique te vellem Deus, sola certa iucunditas, non-

Prou. 18.

dum erat idonea ad superandam priorem, vetustate roboratam.

Luc. 15.

Paradigma huius en tibi filium prodigum: primò, ad parentem optimum, non sine fastu quodam & excussione obferuantia debita, neque sine præsumptione, quasi deinceps futurus sui iuris, paternæ opis & consilij non amplius indigens: *Pater*, inquit, *da mihi portionem substantia mea, quæ me cõringit*. Et hic primus peccati gradus sit. Deinde iteratis alijs atque alijs peccatis, communicato scilicet pessimo consilio cum æqualibus, aut magis vel æquè dyscolis, hausto largiore calicis Babylonij gustu, repetitis choreis, conuiuijs, ludis, alijsque. Terriò, *& non post multos dies*, cum pruritus per primum peccati actum suscitati inquietudinem perferentisceret, *congregatis omnibus peregrè profectus est in regionem longinquam*; id est, peccandi consuetudinem, quâ homo quasi à seipso abit, atque eò proficiscitur vndo non facilis est reditus; ibique postremò infelix permansit, *& dissipauit substantiam suam viuendo luxuriosè*, id est, omnes sibi diuinitùs datas gratias malitiâ suâ restrinxit compefcuitque. Tum verò, quæ Dei inscrutabilis est misericordia, *postquam omnia consummasset, facta est fames valida in regione illa, & ipse cæpit egere*. Validè illum Deus concussit, atque agerbissimâ castigatione exercuit; pudore & pædore miserum torfit, atque ad porcorum custodiam ablegauit, quin & siliquarum, quibus vesceretur, mensuram constituit. Neque aliter consuetudo expugnatur, nec induratus Pharao obrui nisi integro aduersitatum mari potest. & nullibi fortasse meliùs vetus parœmia locum habet: *Malo nodo malus quarendus est cuneus*. Vnde duplicatis ieiunijs, profusis eleëmofynis, gestatione cilicij, vigilijs atque internis præcipuè gemitibus orationibusque hæc inuadenda. Lib. 7. in Isa. Lex enim, inquit Hieronymus, dicit: *Cùm quaesieris tibi Dominum Deum tuum, inuenies eum; si tamen toto corde quaesieris, & totâ tribulatione animæ, quæ posteriora verba, & totâ tribula-*

lacione animæ, velim ponderes. q. d. Inuenies Deum, si ita quæras, vt omnes animæ potentix interiores exterioresque afficiantur; si patiaris in sensibus omnibus externis & internis. Contra prauam consuetudinem, omnis spiritualium armorum vis est exercenda, omnes conuehendæ machinæ, impetus acres faciendi. Isaias ex persona annosi peccatoris, de se ait: *Væ mihi quia tacui, quia vir pollutus labijs ego sum.* Isa. 6. Virum se, non puerum nominat, quasi qui malitiâ adoleuisset per consuetudinem: ideoque nec potuit mundari simplici manus ad os attractu, quemadmodum Ieremias mundatus est, infantiamque exiit, sed ignito opus fuit calculo ad vrendum, quem Angelus forcipe tulerat de altari. Ierem. 1.

Remedia contra prauam peccandi consuetudinem.

Primò, clauis timoris Domini configenda est eiuscemo- DOMINICA
di cauteriata caro, vt, etiamsi velit malè deinceps age- IV. Aduent.
re, non possit: nam *timor Domini expellit peccatum*, id est, Psal. 118.
peccandi consuetudinem. Et Isaias ait, *A timore tuo conce-* Eccli. 1.
pimus, nos scilicet, qui omnis boni propositi & emendatio- Isa. 26. ex
nis steriles eramus, & *peperimus spiritum salutis.* translat.
Quemad- LXX.
modum dicitur, inquit Chrysoftomus, quòd quidam ex- Hom. 7. ad
ternorum Oratorum, præ irrationabili consuetudine, dex- pop. Antioç.
terum eundo humerum continuò mouebat; sed tamen
consuetudinem vicit, & gladios acutos vtrimque humeris
imposuit, vt vulneris timore membrum ineptè se mouens
corrigeret: hoc nobis circa pedes, dum festinant ad effun-
dendum sanguinem; hoc circa manus, dum pruriunt ad
tactum illicitum; hoc circa os, oculos, linguam, aliaque
membra faciendum est, vt in aduersa animæ parte grauif-
simas diuinæ vltionis imminentis minas; in auersa, exem-
pla peractæ castigationis constituamus, atque ita inter illa
medij timeamus continenter in alterutrū impingere. Hoc
se egisse testatur S. AVGVSTINVS, vt habitum iurandi ex-
scinderet.

Serm. 30. de
verb. Apost.

scinderet. Iurauimus, inquit, etiam nos passim, habuimus istam teterrimam consuetudinem & mortiferam: ex quo Deo seruire cœpimus, & quantum mali sit in periurio vidimus, timuimus vehementer, & venenosissimam consuetudinem timore frænauimus: frænata restringitur, restricta languescit, languens emoritur, & malæ consuetudini bona succedit. Et alibi fatetur se filium vitæ pristinæ nimis intortum abrumpere non potuisse, donec timore & pudore, velut gemino flagello, acriter à Deo cæderetur. Et instabas, inquit, tu in oculis meis Domine, seuerâ misericordiâ, flagella ingeminans timoris & pudoris, ne rursus cessarem, & non abrumperetur id ipsum exiguum & tenue, quod remanserat, & reualesceret iterum, & me robustiùs alligaret. Namque

Virga quod est puero cessanti, lorag. seruo;

Ingenuo metus est, & pudor hocce viro.

His Patriadiem Nemesis dum fortiter urget,

Virtutis rigidam fecit inire viam.

Lib. 2. Tusc.
quæst.

De timore quidem alibi egimus, hîc pauca de acri increpatione pudoris dicamus. Ille tam valido ictu generosum animum verberat, vt maluerint plures in ipsam mortem incurrere, quàm probrosâ hac purpurâ perfundi. Et Cicero ait fractos pudore, qui nullâ aliâ ratione vinci poterant. Inter illos Ioannes XXII. qui abdicato ad instâtiâ Concilij Constantiensis Pontificatu, quò paci Ecclesiæ confuleret, cum priuatus ex fuga retraheretur, atque summum illum totius orbis honorem & venerationem, omniaque in despectum versa cerneret; dicebat se saluâ animæ suæ salute maluisse mori, quàm coram Imperatore totoque Concilio ita pudere. Enimuero inter maxima Saluatoris nostri tormenta, non postremo loco recensendus est pudor, quo illum peccata nostra affecerunt. Quibus, veluti Iacob hœdinis pellibus, circumdatus, cum in horto coram Patre appareret, non fuit ausus vocem vel oculos ad cælum tollere

præ

præ confusione, sed pronus in terrâ corruens faciem abscondit, factusque in agonia, toto corpore sanguinem sudauit. Luc. 22.

Primum quod in Adam, violato Dei mandato, incurrit, fuit pudor, vt quantociùs resipisceret, & veniam facti deprecaretur. Nam *aperti sunt oculi amborum, cumq̃ cognouissent se esse nudos*, indumento scilicet gratiæ & innocentia, Gen. 3.

conferunt folia ficus, & fecerunt sibi perizomata, & cum audissent vocem Domini Dei deambulantis in paradiso ad auram post meridiem, abscondit se Adam præ pudore, & uxor eius à facie Domini in medio ligni paradisi. Vix admissam culpam flagellauit Deus pudore veluti quodam stimulo, vt refractarium in orbitam reduceret. Milesias quandoque virgines, vt refert Plutarchus, mirabilis quidam furor inuaserat, quo illarum mentes ad insaniam conuersæ, tantâ repentina

mortis cupiditate corripiebantur, vt se ipsæ strangularent. Cui infortunio cum nec parentum lacrymæ, nec amicorum monita, nec vllæ suasiones mederi possent, solus pudor adiumento fuit, ille vi & efficaciam suam omnia alia media superauit: nam quodam spectatæ prudentiæ viro præcipiente, vt virginum, quæ sibiipsis mortem consciuissent, per medium forum nuda cadauera raptarentur; tanto fuerunt huius rei pudore suffusæ, vt nulla amplius earum fuerit suæ mortis rea: sicque non modò virginum furorem cōpescuit pudor, sed etiam illum omnino sedauit & extinxit. Hoc ipsum erat, quòd Angelus in exercitu Sennacherib vnâ nocte occidens centum octoginta quinque millia,

Regi pepercerit, vt infami fugam in suum se regnum reciperet, potiusque pudoris, quàm mortis tormentum experiretur. *Cumque diluculo surrexisset, vidit omnia corpora mortuorum, & recedens abiit, & reuersus est Sennacherib rex Assyriorum, & mansit in Ninive.* Et quot putas saluberrimo hoc rubore adduci ad nauseam peccati, culpamque suam in hac pœna agnoscere? Ionam, vt alios omittam, ita suæ puduit inobedienciæ, vt à facie Domini in Tharsis fugeret. 4. Regum 19, Ionæ 1.

Non quòd illic Deum non esse sibi persuaderet, qui sciebat cum vbique præsentissimum, etiam in ipsius piscis obscuris latibulis; sed quia vel saltem ibi à Palæstinæ finibus, & à terra promissionis, in qua Deus propter populum suum euidentius agebat, tam remotū se futurum existimabat, vt liberum à diuinis præceptis & reuelationibus viuere se posse existimaret. Ideo quæ non vereor asserere, AVGVSTINVM grauíssimè hoc telo diuinitus misso fuisse percussum, vt quamuis alia multa, pudorem tamen scelerum suorum diutius sustinere non potuerit. Sed ad medicamina prauæ consuetudinis reuertamur.

Secundò, maximum quidem austeritates, & extraordinariæ pœnitentiæ momentum huc conferunt; attamen ante omnia necessaria est deliberata, seria, constansque voluntas, quam S. Doctor non veretur cum ipso opere conferre: Peruenire siquidem illuc, inquit, nihil est aliud, quàm velle ire; sed velle fortiter & integrè, non semisauciam hac atque hac versare & iactare voluntatem. Vera hæc & integra desideria, vt obseruat Origenes, gressus in Scriptura vocantur, quibus ad Deum veluti pedibus aditur. Hinc sponsus dilectæ suæ optimam voluntatem, ardensque desiderium dilaudans ait, *Quàm pulchri sunt gressus tui in calceamentis filia principis!* id est, veluti filiæ Regum magnum aliquem decorem & venustatem constituunt in calceamentis suis, ideoque Momus dicitur carpsisse sandalium Veneris; ita tepix istæ & constantes affectiones ornant. Huc pertinet breue responsum S. Thomæ Aquinatis, qui rogatus à sorore sua quomodo saluare se posset, dixit, *Optando, sed sincerè & efficaciter;* ex quo totus salutis nostræ cardo dependet. Nihil enim aliud videtur à nobis Deus requirere, quàm, *dilata os tuum, & implebo illud.* Os cordis, inquit S. P. AVGVSTINVS, non est aliud quàm desiderium cordis: quare aperiendum illud est, vt vitâ (scilicet virtute) quâ spiritualiter viuimus, quâ ad æternam vitam tendimus, impleatur.

Lib. 8. Conf.
cap. 8.

Cant. 7.

Psal. 80.

pleatur. Quod etiam præcinere voluisse beatissima Virgo videtur, dum ait: *Esurientes impleuit bonis*. Et ante illam Psaltes, dicens, *Quia satiauit animam inanem*, id est, sitibundam, auidam suæ salutis, & *animam esurientem satiauit bonis*. At qui desideria tantùm conditionata fouent, vellentque non ampliùs peccare, si per socios, consuetudinem, aliosque respectus non prohiberentur, assidueque illud vsurpant: *Velle adiacet mihi, perficere autem bonum non inuenio*; similes sunt militibus pictis, qui videntur in acie stantes, tormenta explodere, gladios vibrare, mortem præsentem hosti intentare; neque tamen vmquam pedes vel manus mouent. Non sunt etiam ijs dissimiles, qui somniant se lautè cœnare, nec cœnant tamen, sed ieiunifurgant. *Sicut*, inquit Propheta, *somniat esuriens, & comedit; cùm autem fuerit experges factus, vacua est anima eius*: ita isti videntur gratiæ cœlestis rorem intra se dimittere, videntur cœlesti cibo, quo mox distenta appareant vbera, largiter refici; sed *venerunt filij vsque ad partum, & virtus non est pariendi*. Ex quo Hieronymus super verba illa Euangelica, *Va autem pregnantibus, & nutrientsibus in illis diebus*, Vx, ait, animabus, quæ non produserunt sua genimina in virum perfectum, quæ scilicet sanctis desiderijs ita exitum intercludunt, vt illa antequam edant, in seipsis veluti in ventre matris occidant. Pulchrè de his dixit Sapiens: *Vult, & non vult piger*. Vult quidem conuerti, vt tamque deinceps mutare in melius, vult *viam arctam*, quæ ducit ad cælum, ingredi; non vult, vbi labores & difficultatem operis considerat, quàm amarum sit veteri sodalitiõ nuntium remittere, voluptatibus pristinis valedicere, & consuetudinibus pessimis continuo & efficaciter resistere. Enimuerò his idem accidit, quod Hebræis in deserto, qui quidem ostensione vix quam exploratores attulerant, & oratione Caleb animati, quòd terra illa melle manaret, iam parabant se ad iter; at vbi audiuerunt ex alijs difficultates itinerum, robur & staturam incolarum, munitionem

Lucæ 1.

Psal. 106.

Rom. 7.

Isa. 29.

Isa. 37.

Matth. 24.

Prou. 13.

Matth. 7.

Num. 13.

Gen. 38. vrbium, aliaque quibus arcerentur impedimenta; resili-
runt à proposito, malueruntque reuerti in veterem Ægy-
pti, siue peccati, seruitutem, aut mori in solitudine, id est,
in medio resurgendi conatu deficere. Confer etiam, si li-
bet, cum Zara; qui licet prior quàm Phares, manum ex
vtero matris protulisset, debitaque illi iam viderentur pri-
mogenita; tamen quasi eluctandi difficultate perterritus
resiliit, germanoque primas nascendi cessit: ita & hi extra
mundi vterum aliquà sui parte egrediuntur, atque obste-
tricans tam difficili partui Confessarius, vitram coccineam
brachio alligat, id est, communionem meritorum Christi
per Sacramenta Pœnitentiæ & Eucharistiæ applicat; sed
mox brachium retrahunt, & quasi priorum pœniteat, vo-
luntatis suæ inefficaciam ostendunt.

Demum quia ad consuetudinem vincendam singulari
Dei gratiâ opus est, debet tum ipse peccator, tum ij qui in
illo corrigendo adlaborant, non remissè & vulgariter, sed
intensè & feruenter orationibus incumbere: his etenim
singularis illa gratia impetratur, quæ flaccidis & ordinarijs
precibus non datur. Non abs re erit, si illud Psalmistæ pec-
catoribus malâ consuetudine laborantibus applicem: *Nisi
Dominus ædificauerit domum, in vanum laborauerunt qui ædifi-
cant eam.* Quæ primariò de templo Salomonis prædicta
sunt; quòd frustra sit omnis conatus humanus in illo vel
primùm ædificando, vel denuo restituendo. *Quis enim, in-
quit Salomon, praualeere poterit vt ædificet ei domum dignam?*
Quod vel maximè patuit in Dauide, qui domum Domini
extruere est prohibitus: atque etiam in posterioribus Iu-
dæis, quibus Iulianus Apostata in odium Christianæ reli-
gionis facultatem dedit ædificandi: nam cum fundamenta
foderent, erumpentibus è terra flammis prohibiti sunt.
Nec feliciori successu id Haumar Saracenorum princeps
aggressus est. Verùm & ipse homo non semel in sacra Scri-
ptura domus siue templum vocatur. *Dei*, inquit Apostolus,
adi-

Psal. 126.

1. Paral. 6.

2. Reg. 7.

Chrysoft.
hom. adu.
Iudæos.

1. Cor. 3.

ædificatio sumus, & templum. & alibi dicimur *superædificati* Eph 2.
supra fundamentum Apostolorum & Prophetarum, ipso summo
angulari lapide Christo Iesu. Vt vnuitquë intelligat, se *coæ-* I. Pet. 2;
dificari vt lapides viuos, non posse in hanc domum, quæ fun-
ditur credendo, sperando erigitur, perficitur diligendo,
absque eo qui ædificat principaliter Ecclesiam, & colum-
nas ex montibus superbix excidit, sacroquæ ædificio ada-
prat & perpolit. Si quis structuram hanc molitus fuerit,
neque cogitationes suas ad singulare Dei auxilium conuer-
terit; similis illis euadet, qui ad faciendum sibi nomen,
turrim Babel erigere aggressi, dissipati illusi que sunt à Gen. 11.
Deo.

Adhæc, quia illi deuenerunt *in profundum; de profundis* Prou. 18.
 quoque animi ad Deum clamandum est, & de barathro Psal. 129.

infelicissimi status: ductâ similitudine ab ijs, qui vbi in al-
 tum puteum descenderint, necesse habent vocem, quan-
 tum valent, intendere, si à quoquam exaudiri fortasse ve-
 lint. Quemadmodum clamauerunt Ionas de mari ac ven-
 tre ceti; Petrus, cum cœpit mergi; & cæcus flagitans visum.

Clamandum, inquam, est ad Deum de profundis afflictæ
 conscientix, damnabilis culpæ, sæcularis miserix, *ne absor-*
beat nos profundum, neque vrgeat super nos puteus os suum. Ad
 quem locum scribit S. P. Noster, magnum puteum esse pro-
 funditatem iniquitatis humanæ, illuc quisque si cadat, in
 altum cadere: sed tamen ibi positus, si confiteatur peccata
 sua Deo, non super eum claudere puteum os suum, sed va-
 lidè clamantem exaudiri. Clauditur super peccatorem os
 putei, si ipse desperet, nec vel Deum in adiutorem aduo-
 care velit. Ille ipse expertus quàm de profundo clamand-
 um sit, dicebat, Attende animam meam. & audi clamantem
 de profundo. Nam nisi adsint & in profundo aures
 tuæ, quò ibimus? quò clamabimus? Atque etiam assiduus &
 flagrantibus precatiunculis Deum tantùm non fatigabat:

Quamdiu, quamdiu, Cras & cras? Quare non modò? Quare non

hachor à finis turpitudinis meæ? Defluxi abs te ergo, & erravi Deus meus, nimis deuius à stabilitate tua, in adolescentia, & factus sum mihi regio egestatis. Atque sic tandem fit etiam cum

Lib. 3. cap. 8.

peffimo & indurato peccatore, quod idem S. Doctor ait, Pietate humili reditur ad Deum, & purgat ille inueteratos à consuetudine mala, fitque propitius peccatis confitentium sibi, & exaudit gemitus compeditorum, & soluit à vinculis quæ nobis fecimus.

§. II. *Quo quis feruentius ad emendationem vitæ se accingit, eo plura subnasci plerumque videntur obstacula & tentationes.*

Dominica
Resurrectio-
nis.

TAntus est mundi erga improbitatem fauor, tam se officiosum peccare volentibus præbet, vt omnia illis ad nutum fluere, ipsa elementa ministerio eorum, præter innumeram hominum multitudinem, deputata videantur. Insurgat & furat contra recenter in lucem editum infantulum aliquis Herodes, innocenti necem intendet; totæ ciuitates & prouinciæ turbantur cum illo, lex consulitur, libri euoluuntur, cogitur senatus non in defensionem innocentis, sed in solatium illius qui timendo magis quam irascendo crudelior est. Pharisei Christo vitam inuideant; sunt qui cum Herodianis studeant illum capere in sermone, sunt qui in tēplo sermocinanti vincula parent, sunt qui liceantur, sunt qui vendant, abnegent, vinculum sistant. Quin ipse Pater, licet filij amantissimus, mortem quoque illius, ad salutem generis humani, non tamen scelus ludæorum, decernit *Conuenerunt*, inquit D. Petrus, *verè in ciuitate ista, aduersus sanctum puerum tuum Iesum, quem unxisti, Herodes, & Pontius Pilatus, cum Gentibus & populis Israel, facere quæ manus tua & consilium tuum decreuerunt fieri.* Nec Spiritus sanctus abnuat, qui peccatus impij pontificis quatiens suggessit: *Quia expedit vobis, vt vnus moriatur homo, & non tota gens pereat.*

Matth. 2.

August.
Tract. 115. in
Ioan.
Matth. 22.
Ioan 7.
Matth. 26.

Act. 4.

Ioan. I I.

De-

Denique nox & tenebræ, solitusque, quò melius deprehenderetur, orationis fauet locus.

Impius & rebellis, etiam inter ipsa sacra, contra benignissimum parentem conspiret Ablalom (nam *cùm immolaret victimas, facta est coniuratio valida, populusq; concurrere augebatur.*) fauent vrbes & tribus, & quod alias pietatis & maioris obseruantix Numinis indicium est, scelerato seruit ad mysterium iniquitatis. Adscribat sibi regnum, atque per summum nefas proclamari se iubeat regem; *Ecce toto corde vniversus Israel sequitur Absalom*, milites, tribuni, plebs, sacerdotes, consiliarij, & inter eos Achitophel, & quis non? prout plerique rerum inuolutionibus fauent. Sit quispiam paulò incautior in sensuum custodia, verbum lasciuus in aures inluat, indecentior pictura, vel quidpiam aliud natum suscitare libidinis fomitem, in oculos incurrat; illicò plura alia quasi ex condicto in hominem tentatum insurgunt, imagines rerum præteritarũ, & pristinorum vitiorum memoria minùs retinax, & cultior mulierum ornatus, & non ambita familiaritas, lectus, diæta, ipse denique diabolus, qui flatu tartareo fœdum libidinis ignem auget, facti turpitudinem extenuat, veniæ impetrandæ facilitatem ingerit.

E contrario quoties quis cum mulieribus ad sepulchrum pergat Dominicum, vnguenta parat emendatæ famæ, balsamum correctæ vitæ, summo manè in viam se dat; statim occurrit animo, monumentum copioso custodiri milite, ostium sigillo obseratum, lapidem aduolutum, atque intra se ait: *Quis reuoluet nobis lapidem ab ostio monumenti?* Tam ardua & accliuus res est virtus, & cui vix quispiam adiutricem porrigit manum; aliter omnino atque dum vitium decernitur pariturq;, tunc enim omnia obstetricantur.

Vt primus homo de felicissimo innocentiæ statu decidat, serpens inuitat, paradus allicit, pomum lenocinatur, aura, tellus, & omnia placido sese ostendunt aspectu: vt ho-

Matth. 28.
Serm. 74.
de Refur.

mo rediuius refurgat tumulo, quãtus terræ motus, quantæ difficultates? Vnde Chryfologus optabat: O si tunc vel leuis turbo arborem mortiferam deiecisset! ô si nebulæ fumus illius mulieris tenebrasset aspectum? ô si terræ nubes lethalis pomi speciem caligasset! ô si manus tangens inconcussa tremuisset! ô si peccati diem tenebrasset nox iniusta, & lamenta mundi, & incrementa mortis, & Creatoris iniuriam tunc tulisset! sed vitijs semper feruiunt blandimenta, lenocinantur dulcia delictis; virtutibus verò austeriora & fortiora sunt amica. Idem obseruat Tertullianus Christum tum primùm tentatum, cùm à populo secessisset, atque in eremo quadraginta dierum ieiunium cõtinuasset.

Lib. de Bap-
tismo.

Ipsum, inquit, Dominum post lauacrum, statim tentationes circumsteterunt. quadraginta dierum ieiunio functum.

Lib. 24. Mo-
ral. cap. 12.

Quo nobis tacitè innuitur, mox vt quis è veteris vitæ tumultu egreditur, tentationes quasi itineris impedimenta intercurre. Hoc, inquit Gregorius, in seipso Dominus sub quadam dispensatione figurauit, qui diabolum non nisi post baptismũ se tentare permisit; vt signum nobis quoddam futuræ conuersionis innueret, quòd membra eius postquam ad Deum proficerent, tunc acriores tentationum insidias tolerarent. Hinc & Ecclesiasticus monet:

Eccli. 2.

Fili, accedens ad seruitutem Dei, sta in iustitia, & timore, & præpara animam tuam ad tentationem quia tunc vnde quaque impedimenta exsurgent, tunc quali de industria se occasiones ingerent, vt à bono proposito abducant.

Cur homines boni propositi grauius quàm alij tententur.

Horat.

Quia sicut
cantabit vacuus coram latrone viator:

ita virtutibus pijsque desiderijs destitutos diabolus, animarum nostrarum latro, negligit: at qui gratiã Dei detestantur, qui bonis operibus, sanctis que exercitijs se dedunt, qui sibi thesauros thesaurizant in cælo; his insidias struit,

Matth. 6.

his

his machinas admouet, & quam potest remoram inijcit. Mirum, & virum perfectum has insidias timuisse, quum ait: *Ab altitudine dici timebo*, id est, quando meridies gratiæ Dei Psal. 55. mihi illuxerit, iamque exiguas vanitatis & superbiæ fecero umbras; tunc incipiã timere grauiores diaboli imperus, tũ scio dæmonium illud meridianum negotium accerset. Hoc Psal. 90. sequaces quoque suos iam antè Saluator noster monuit, quia *arctæ* siue tribulata, id est, tribulis & vepribus plena, *est via quæ ducit ad vitam*. multi in hacharpagones & scrupuli, aliaque retinacula, ne pergamus. Matth. 7. Quid non molitus est Pharao vt iter Israelitarum impediret? quid inausum, Vide Exod. quid intactum reliquit? Cælum, aër, terra, mare, flumina propter illos turbata sunt, cum Ægypto pararent excedere, quò tamen vt venirent, vltro à Pharone inuitati fuerunt, toto plaudente regno. Credidisset quispiam tot AVGVSTINO potuisse impedimenta conuersionis subnasci? toties, & tam diu illam sufflaminari? Attamen ita si res habet: vbi florere inceperis virtutibus, illicò aduolant vulpeculæ, quæ Cant. 2. Serm. 63. in Cant. demoliantur vineas. Bona vinea, inquit Bernardus, iustus est, cui virtus vitis, cui actio palmes, cui vinum testimonium conscientiæ, cui lingua torcular expressionis: sed interim tali vineæ numquam infestationes, numquam insidiæ deerunt; nempe *vbi multæ sunt opes, multi & qui comedunt eas*. Ecclef. 5. Ad vtriusque probationem facit id quod explicat Exod. 1. Origenes de Pharaone rege Ægypti. Ille crudelissimo edito præceperat obstetricibus, quarum arte vita puerperarum proliumque seruanda erat, vt recenter natos Hebræorum filios occiderent, feminas seruarent illæfas. Et si meministis, inquit, sæpè ostendimus disputantes, quòd in feminis caro & affectus carnis designantur, vir autem rationalis sensus, & intellectualis est spiritus. Sensum autem rationalem, qui potest cælestia sapere, qui potest intelligere Deum, & quæ sursum sunt quærere, odit Pharao rex & princeps Ægypti, hunc necari cupit &

interimi. Cupit autem quæcumque carnis sunt viuere, sed & augeri & excoli cupit. Sed Dei potiùs, quàm hominis iram timentes, masculorum vitam tueamur.

CAPVT DECIMVM.

§. 1. Postremùm, desperatio seruanda continentie, quod solum conuersionis impedimentum iam supererat, expugnatur, per exempla continentium, & præcipuè tenerarum virginum.

THEMA CONCION.

Adolescens iuxta viam suam, etiam cùm senuerit, non recedet ab ea. Prou. 22.



LTIAM ipsa peccandi consuetudo victa iam herbam AVGVSTINO porrexit, nec erat quod illum ab instituto remoraretur, nisi sola libido, quæ cùm continentiam illi omnino impossibilem clamosissimè ingereret, atque hinc desperatio quædam nasceretur; quo conuersioni iam propiùs adstabat, eo grauiori anxietate totus inhorrescebat. Quid enim grauius emergere è puteo volenti, quàm si desuper quispiam clamet omnem facultatem ademptam, non posse à quoquam iuari? quem mœrorem ille animo non induat, qui audiat se à flagitijs, etiam si maximè velit, abstinere nullâ ratione posse? Turpissima res est desperatio, vbi aliqua adhuc facultas suppetit: at illâ sublatâ, nihil ferè videtur habere reprehensionis, sed tantùm quamplurimùm miseræ & calamitatis. Quapropter & AVGVSTINO ad castra Ecclesiæ, castissimæ sponsæ Christi, transire volenti, acerbissimè illo temporis puncto quo alius fieri volebat, istud accidit; vt Incontinentia

nentia sensibili quadam specie manifestam se ei daret, validisq; rationibus ad suum barathrum alliceret. Nempe, inquit Gerson, hæc est eradicatio plantæ, alibi plantandæ, ubi adest grandis violentia. Hæc est occisio mortificatioq; grani seminati; hoc est discedere de recessu vitæ primæ & carnalis ad perueniendum ad spiritualem. Heu quàm aspera via hæc est ad transeundum & deuincendum! Similem horrorem, sed non ob similem causam, experta est S. Terefia in puncto transitus sui à sæculo ad Religionem. In vita sua cap. 4. In veritate recordor, ait, quòd secundùm meum iudicium, fenserim exeundo domum paternam tantum dolorem, vt vix crediderim me maiorem debere sentire in mea morte. Et mihi videtur, quòd singula ossa contra se inuicem in toto corpore concussa fuerint. Oritur verò hæc lucta inde, quia tunc, cùm serio quis se ad Deum conuertit, amor Dei est, inquit Terefia, valdè modicus & debilis; mundanus fortis & potens, repugnatq; fortiter, etiam per suggestionem desperationis, ne nidum suum seu hospitium, quod habuit ab infantia in homine, perdat.

Ex vsu & præcepto Ecclesiæ, omnẽ carnis immunditiam illicitam esse AVGVSTINVS intellexerat, & quia illius obseruationem ex seipso colligebat vires humanæ naturæ excedere, nec hactenus à quopiam edoctus erat quã viã hæc esset parabilis; quasi ad extrema redactus, sub grauissimo continui doloris onere cor eius fatiscebat. Et propriarum, inquit S. Doctor, virium credebam esse continentiam, quarum mihi non eram conscius: cùm tamen stultus essem, vt Lib. 6. Conf. cap. 11. nescirem, sicut scriptum est, *Neminem esse posse continentem, nisi tu dederis.* Sap. 8. Intereã incontinentiæ vires augebantur, nitēbaturq; illi vel per hoc solum & vnicum persuadere, vt consilium amplectendæ religionis Catholicæ abiiceret, quòd obstante huius lege incontinenti esse non liceret. Extra dubium quidem est, etiam si quis Goliathum robore adæquarit, si armis & propriæ industriæ confusus, à vanitate

Vide Aug l. de
 grat. c. 15.
 1. Reg. 17.

fua non auerterit oculos , & non potiùs cum humili Ifai filio venerit *in nomine Domini* , vt in arena Veneris deceret; in fronte ferietur, id est, superbix pœnas luet, Angelis hominibusque futurus ludibrium. Et fermè quotquot ex alto sanctitatis gradu in flagitia prolapsi sunt , initium sui casus ab elatione , & nimia sui fiducia sumpserunt : ideo quòd tam nobile depositum propriâ potiùs industriâ, quàm efficaciâ gratiæ cœlestis conseruari posse existimarint. Agitabatur non vulgariter Apostolus Paulus carnis stimulo, corpusque illud passioni Christi configuratum , tot laboribus, inediâ , ærumnis exhaustum , fœdo libidinis æstu quatiebatur, cumque ter, id est crebriùs, Deum obsecrasset, vt auferretur ab eo tam molesta vexatio, dixit illi Deus: *Sufficit tibi gratia mea.* illa hîc sola est necessaria, sola sufficit; alia omnia, vigiliæ, labores, ieiunia, persecutiones, flagra, orationes, nihil sunt ad superandum hostem domesticum, & in visceribus latitantem, nisi gratia mea agmen ducat; illa ceteris quidquid habent roboris addit.

1. Cor. 12.

Caro nostra habet se instar terræ à Deo maledictæ , quæ quantumuis magno labore & sudore colatur; tamen adhuc spinas & tribulos profert , iuxta Domini imprecationem: *Maledicta terra in opere tuo : in laboribus comedes ex ea cunctis diebus vitæ tuæ. Spinæ & tribulos germinabit tibi :* ita & caro nostra, licet vigilijs & ieiunijs exercita, cilicijs, flagellis & alijs mortificationibus exculsa, nihil nisi spinas & tribulos malarum cupiditatum, & præcipuè libidinis profert. Quæ omnia excindere non opis est humanæ; sed solius ignis diuini congruâ flammâ cor iecurque adurentis. Quapropter quemadmodum castitas ab hæreticis vilipenditur; ita nec apud illos inuenitur : quia vbi non est fides, non est gratia Dei: at vbi non est gratia, nec est castitas, sed effrænis concupiscentia, & relaxatio libidinis. Nec hæreticorum coryphæum puduit asserere, tam concubitum quàm cibum esse necessariû. Et passim apud heterodoxos illud axioma vsur-

patum

Gen. 3.

patum est, Castitatem esse impossibilem. Verè scripsit Hieronymus, Difficile est inuenire hæreticum, qui diligat castitatem, etiam si eam verbis commendet, & præ se ferat. Sed interim continentia absolutè non est impossibilis, potestque gratia Dei omnem corporibus nostris circumfusum libidinis ignem extinguere, non secùs atque tres pueros seruauit illæsos in medio fornacis ardentis, quibus nec pilus imminutus est.

Lib. 2. comment. in Ose, cap. 9.

Dan. 3.

At cuius interfuit hoc AVGVSTINVM ignorasse, nisi ipse AVGVSTINI? ingenti enim agitatione hac parte animus ipsius quassabatur. Retinebant, inquit, me nugæ nugarum, & vanitates vanitatum, antiquæ amicæ meæ, & succutiebant vestem meam carneam, & submurmurabant: Dimittisne nos? & à momento isto, non erimus tecum ultrà in æternum? & à momento isto, non tibi licebit hoc & illud ultrà in æternum? Retardabant tamen me cunctantem abripere, atque excutere ab eis, & transilire quò vocabar, cùm diceret mihi consuetudo violenta: Putas ne sine istis poteris? Quantum, Deus, verborum fulmen! quantum orationis tonitru, *Momento isto, in æternum, sine istis non poteris!* Et tamen, quæ Dei benignitas est, huic malo diua Continentia, visibili quadam, sed intellectuâ specie se præsentans, obuiauit, atque argumentum hoc de impossibilitate castimonix, matronali habitu, sed virili discursu, & masculâ argumentorum vi diluit ac profligauit.

Lib. 8. Conf. cap. 11.

Diluitur quadruplex pro incontinentia argumentum.

Cùm enim nugæ nugarum, siue libido diceret, 1. Dimittisne nos? monebat AVGVSTINVM Continentia, vt obfurdesceret aduersus illa membra sua super terram, nec responsione quidem dignaretur, sed sine illa mortificatione putrescere. 2. Ad illud verò: Et à momento isto non erimus tecum ultrà in æternum? addebat Continentia; Non sitis cum eo; nec erunt cum eo sordes & dedecora, quæ

Psal. 118.

Lib. 8. Conf.
cap. 11.

vos à tergo, vt umbra comitatur corpus. 3. Rursus quod Libido diceret: Non licebit tibi hoc & illud in æternum; verè propiùs inspicienti nihil erat: nam ille nomine Continentiæ dicit, *Narrauerunt mihi iniqui fabulationes, sed non vt lex Domini Dei mei.* Sint voluptates carnis plenæ delicijs, & illis carendum sit ex hoc nunc & in perpetuum; quid mali? Neque enim habent tantum boni, quantum obseruata lex Dei custodi suo fidelis. 4. Putasne sine istis poteris? Decenti & congruo argumento, illi quoque à Continentia obuiatum est, & quasi AVGVSTINO succentret, dixit: Tu non poteris quod isti & istæ? An verò isti & istæ in semetipsis possunt, ac non in Domino Deo suo? Projice te in eum. Sed ipsum mirabilis eloquentiæ architectum audiamus: Aperiebatur ab ea parte, quâ intenderam faciem, & quò transire trepidabam, casta dignitas Continentiæ, serena, & non dissolutè hilaris, honestè blandiens vt venirem, neque dubitarem: & extendens ad me suscipiendum & amplectendum pijs manus, plenas gregibus bonorum exemplorum. Ibi tot pueri & puellæ, ibi iuuentus multa, & omnis ætas, & graues viduæ, & virgines anus; & in omnibus ipsa Continentia nequaquam sterilis, sed fœcunda mater filiorum gaudiorum. Et irridebat me irrisione exhortatoriâ, quasi diceret: Tu non poteris quod isti & istæ? Fas sit his pauca interferere: Vide vt Agnes, Catharina, Cæcilia, Dorothea, aliæque tenerâ ætate virgines Cupidinem alligauerint, arcum confregerint, pharetram excusserint, extinxerint tedas; & tu vir annorum experientiâ, rerum vsu, doctriinæque momentis firmatus, tantum non poteris, qui vel ipsas Samsonis columnas videbaris collisurus? At potiùs S. Doctoris quàm meis verbis pergat D. Continentia: An verò, inquit, isti & istæ in semetipsis possunt, ac non in Domino Deo suo? Dominus Deus me dedit eis. Quid in te stas, & non stas? Projice te in eum; noli metuere, non se subtrahet, vt cadas. Projice te securus,

exci-

excipiet & sanabit te. Et erubesceram, inquit de se AV-
GVSTINVS, nimis, quia illarum nugarum murmur adhuc
audiebam, & cunctabundus pendebam. Et rursus illa quasi
diceret: Obsurdesce aduersus immunda illa membra su-
per terram, vt mortificarentur. Cui deductioni non quidem
maioris lucis, quòd nihil necesse sit, sed oculorum causâ,
sequens Emblemata subseruit.

Tu non poteris quod isti & ista? Lib. 8. Confess. cap. II.



*Catholicus fieri poterat, sed viuere castè
 (Tam grauis hac illi sarcina) posse negat.
 Instar equi, donec pueri teneraq; puella
 Perfacili carnem flectere lege docent.*

Caro nostra similis equo & mulo.

HVic simbolo inhæreamus; & carnis petulantiam equū, rationem fessorem existima. Est, inquit AVGVSTINVS, in nobis quiddam brutale, quo in carne viuimus, sed intellectu regendum est. Motus enim animæ secundum carnem se mouentis, & in delicias carnales immoderatè defluere cupientis, regit desuper intellectus. Quod attinet ad similitudinem hanc equi cum carnis petulantia; testatur Philosophus, eum esse animal salacissimum omnium tum feminarum, tum marium. hinc Pierius in hieroglyph. ait, in sacris Ægyptiorum sculpturis, equi caractere libidinosos notari solitos. Et D. Basilius dicit hominem creatum quasi centaurum, vt superâ parte sit homo, & rationalis, inferâ equus concupiscens, & ardens libidine. Ieremias Propheta Iudæos in adulteria aliasque libidines profusos equorum nomine compellat: *Equi, inquit, amatores, & emissarij facti sunt: vnusquisque ad uxorem proximi sui hinniebat.* q. d. Veluti equi saturi, & abundè pasti indeque lasciuientes, prouunt æstu libidinis, hinniuntque in equas; ita & Iudæi in feminas. Ad hinnitus huius clariorem intelligentiam nota ex Iustino Historico illum esse equini coitus peracti indicium. Nam equus Darij hac occasione imperium domino suo adtulit. Cùm enim occisis Magis, qui per tyrannidem regnum inuaserant, conuenisset inter septem Persarum coniuratos principes, vt cuius equus manè ad solis ortum, (quem Persæ deum venerantur,) primus hinnitum ederet, eius dominus rex haberetur; custos equi Darij pridie eumdem equū adduxit ad eum locum, illumque admisit equæ, quo altero die conuenturi erant. Cumque manè omnes simul adessent, equus Darij, conspecto pridiano loco hinnitum dedit desiderio equæ, hocque pacto Darius Rex salutatus est.

At ne equum vel mulum libidine immoderatè exprimeret, Deumque à sua mente excluderet, sollicitè Tobiam

Aristoteles
lib. 6. Hist.
animal. cap
22.
lib. 4. cap.
de procac.
meretr.
Lib. de virg.

Ierem. 5.

Tob. 6.

Eſal. 31.

minorem Raphael monebat, quia ſuper eiufcemodi dæmōnium haberet poteſtatem. Et Pſalmographus ait, *Nolite fieri ſicut equus & mulus quibus non eſt intellectus*. Deinde etiam Hieronymus obſeruat mulierem, quę ſuſpecta erat nomine adulterij, accepſiſſe ex præcepto legis ad conficiendam portionem amariffimam, de qua vide caput quintum Num. farinam, non tritici, quo homines veſci ſolent; ſed hordei, quod equorum communiter eſt pabulum. Quæ enim, inquit, imitata eſt equos & mulos, quibus non eſt intelligentia, equorum & mulorum ſuſtentatur alimentis

Num. 5.

Hieron in
cap 3. Oſee.

Equus hic domatur, primò ſubtractione pabuli.

DOMINICA
I. Quadrag.Auguſt. lib.
de vtilitat.
ieiunij.

Ephes. 5.

VT igitur Diua Continentia inolitas libidines efficacius ob oculos AVGVSTINO ponat, exhibet equū ferocem, cui ratio ſpecie teneræ virgunculæ inſidet, & quia docta regere, domat, cogitque parère. Ille verò id hæcenus ignorauerat, tantoque hæc oportuniùs ſuggerebat, quid factò foret opus. Si iumento, ait, fortè inſideres, ſi equo vtereris, qui te ferociendo poſſet excutere; nōne, vt ſecurus iter ageres, cibaria ferocienti ſubtraheres, & fame domares, quem fræno non poſſes? Caro mea iumentum eſt, iter ago in Ieruſalem: plerumque me rapit, & de via conatur excludere: via autem mea Chriſtus eſt. Ita exultantem non cohibebo ieiunio? Maximè verò: Sine Cerere enim & Baccho friget Venus. Monetque Apoſtolus: *Nolite inebriari vino in quo eſt luxuria*. q. d. Luxuria in nimio potu veluti effectus in cauſa deliteſcit. Quipropter, quicumque caſtitem diligitis, illamque ſartam tectam vultis; ebrietatem fugite. Ad Septentrionem quidam ſerpentes frigore penè enecti ſe mōuere vix poſſunt: libido abſtinentiæ extenuata non facitè aſſurgit, ſed quaſi ſopita languet. Si vis vt canis cibum venando quærat, teque deſerat, deſine illi panem obijcere: vt & à te recedat libido, lautioſam menſam ipſe relinque. Cui interpretationi ſubſcripſit Hierony-

ronymus: Venter mero æstuans, citò dispumat in libidines. Et alibi, Vbicumque, inquit, saturitas & ebrietas, ibi libido dominatur: spectata ventrem & genitalia, qualis ordo membrorum, talis & vitiorum. Numquam ego ebrium castum putabo, qui etsi vino confopitus dormiuerit; tamen potuit peccare per vinum. Dicat quisque quod volet, ego loquor conscientiam meam. Scio mihi abstinentiam & nocuisse intermissam, & profuisse repetitam. Noë ad vnius horæ ebrietatem nudat femora sua, quæ per sexcentos annos sobrietate contexerat. Lot per temulentiã nesciens libidine miscet incestũ, & quem Sodoma non vicit, vina vicerunt. Hinc cum S. Hilarion annos vix natus quindecim grauissimis carnis tentationibus à dæmone exagitaretur, statim ad hoc ieiunij præsidium confugit. Tirillabat dæmon sensus eius, & pubescenti corpori insolita voluptatum incendia suggerebat. Cogebatur tirunculus Christi cogitare quod nesciebat, & eius rei animo pompã voluere, cuius experimenta non nouerat. Iratus itaque sibi, & pectus pugnis verberans, quasi cogitationes cæde manus posset excludere, Ego te, inquit, a felle faciam vt non calcitres, nec te hordeo alam, sed paleis: fame te conficiam & siti, graui onerabo pondere, per æstus indagabo & frigora, vt cibum potiùs quàm lasciuiam cogites. Audin' AVGVSTINE, vt ille adolescentulus hunc equum coërceat? Et tu non poteris, quod ille potuit? Ignis qui valentem materiam occupauit, aquã, & interdum ruinã, extinguendus est: qui enim alimentis deficit, suã sponte perit,

Subtrahere ligna foco,

& fugã vix notabili euanesceat hic furor. Ignis ex orco est luxuria, quæ ipsum etiam corpus inflammat. Sed oppressam cupis hanc flammam? pabulum corpori subtrahere, & priusquam extingui putes, lenties extrinctam.

Quò pudicitiam Eustochij, dilectissimæ virginis, magis extra omne periculum sollicitus Pater poneret, non dubi-

Epist. 83.
ad Ocean.
In 1. Tim. 7.

Gen. 9.

Gen. 19.

Seneca
epist. 30.

Hieronymus
Epist. 14.

Epist. 9. ad
Saluin, c. 5.

rabat illi ieiunia suggerere, quibus & stomachus offenderetur, & nutarent tibiæ, dummodo castitas sana & vegeta in afflicto corpusculo floureret Eiusdem sanctissimi Doctōris verbis concludo : Omnis caro concupiscit quidem ea quæ carnis sunt, & quibusdam illecebris ad mortiferas animam voluptates trahit. Sed nostrum est voluptatis ardorem, maiore Christi amore restinguere, & lasciuens iumentum frænis inediæ subiugare, vt non libidinem, sed cibos quærat, & seßorem spiritum moderato & composito portet incessu. Inter pabuli subtractionem, etiam vigilias, chameunias, & immautionem ornatus, abiectionem olfactorioli, aliaque corporis incommoda adnumero.

Secundò, custodiã oculorum.

DOMINICA
Quinquag.

Lib. de vera
virginitat.

1. Reg. 11.
Iudith 10.

Dan. 13,
Gen. 19.

Ferocioribus deinde equis, quò fræno citiùs affuescant, obnubuntur capistro lumina, atque tantum de ferocia, quantum de visu adimitur: coguntur inire vias difficiles, & circulos facere, quod aliàs proteruè detrectarent. Tu quoque, quisquis victoriam de incontinentia cogitas, ante omnia oculos in potestatem redige, & salutarem illis legem nihil videndi, cuius postea pœniteat, edic. Sunt namque omnium sensuum potentissimi in amandi negotio; atque hinc Propertius in amore duces, Lucianus primam amoris viam, Plato principium, Philostratus sedem, pari venustate appellarunt. Oculis veluti manibus, inquit Basilus, incorporeis, quidquid volumus, attingimus. Dumque illi lasciuunt, calescunt appetitiones. Quid euidentius in Dauide qui lauantem Bethsabeam vt vidit, vt perijt? In Holoferne, qui captus est in suis oculis visâ Iudith? In senibus Babylonicis, qui propter lasciuiores visum, in concupiscentiam Susannæ exarserunt? Vxorem Lot vel etiam hac de causa, exemplo tam inusitato punitã arbitratur S. Ambrosius, quòd vrbem impudicam, & gentem lasciuam, blandè & quasi miserans respexisset. Hinc ingeniosa antiquitas

quitas Amorem quidem puerum, sed alatum fixit, qui volare in faciem, in ipsum penetrare cor, arcem mentis inuadere etiam robustissimi possit, si detur tantum aditus per aliquem sensuum, præcipuè visum. Non igitur modò dicam quod Christianus poëta ingenioso disticho monet,

Quid facies, facies Veneris si veneris ante:

Non sedeas, sedeas; ne pereas, pereas;

Sed substituam loco *ne sedeas*, Ne videas, ne pereas: quia in ouo pullus occidendus est, & extinguendus ignis in scintilla. atque facillima hæc domandi istius equi carnei methodus est. Quin & hoc à Salvatore nostro etiam sub periculo eruendorum luminum iubemur: *Si oculus*, inquit, *tuus scandalizat te, erue eum, & projice abs te: bonum tibi est cum uno oculo in vitam intrare, quàm duos oculos habentem mitti in gehennam ignis.* Nota, non tantum oculum eruendum, id est, abstinendum actualiter ab omni illicito & periculoso visu; sed projiciendum, id est, occasiones omnes lubrici visus amputandas. Feriendum *cum oculis fædus*, ut ne cogitent quidem de virgine. Nisi enim multo lacrymarum imbre turpari velint, nisi falso humore macerari & morficari, nisi velint culpam diluere, quæ lasciuiori visu contracta est, necesse est se contineant; ne sint vagi, ne sint emissitij. Alioquin hæc ita temperauit diuina prouidentia, ut quod curiositate visus delinquitur, amaritudine lacrymarum compensetur; & qui omnium peccatorum quasi est instrumentum, omnium sit victima, ut ita dicam, piacularis. Cornelius à Lapide, magnum antiquissimi ac nobilissimi Comitatus nostri Lossensis decus, scribit se audiuisse matronam grauem & castam monentem Confessarios, ut cauerent ab aspectu & colloquijs longis feminarum: Ego enim, aiebat, certa sum, non esse virum tam sanctum, tam constantem, quem non flectam quò velim, si cum eo ad quadrantem horæ colloquar, isque oculos meos intueatur.

Matth. 18:

Iob 31:

In Cõment.
Dan. 13.

Sed iam apostrophâ Continentiæ ad AVGVSTINVM concludamus: AVGVSTINE, ecquid de iumentu tui ferocia desperas, tu vir isto mentis vigore, istis ingenij adminiculis? Quoniam excæcari potest, domari etiam potest. *Auerte oculos, ne videant vanitatem*, ne quid de rebus creatis placeat, ne quid concupiscas; qualia sunt honos, mulier, diuitiæ, & *in via Dei*, (id est charitate, iuxta illud Apostoli, *excellentiorem viam vobis demonstro*,) viuificaberis, in Christo nempe, qui est *via, & veritas & vita*. Emorientur enim membra illa carnea, quæ sunt super terram. Legem illam animo tuo statue, quam Zaleucus Locrensiū legislator in adulteros tulit, vt oculi illis eruerentur, qui oculis peccassent intuendo coniugem alienam; quam legem deinde confirmavit, dum ad puniendum filij flagitium, sibi illique vnum eruit. Si expediri tot periculis velis, si honestatem continentiæ adamas, voluntariâ cæcitate in te sæui, *erue oculos, & proiice abs te*. Vel hoc saltem quod Samsoni fortissimo Hebræorum accidit, diligenter animo versa. Videbat ille, & crebrius Dalilam suam visebat, illius molli gremio hispidum caput, tot victorijs conspicuum reclinabat; sed quo citius certiusque periret, crinibus vnâ cum robore ab illa exutus est. Sed vbi cæcus effectus, nec iam ampliùs mulieres potens intueri; paulatim solitas corporis vires, & masculinum robur recuperavit, corpore pariter animoque conualuit, & seriam aliquam de hostibus vltionem excogitavit. Etenim adductus coram illis ludibrij causâ, quos videns non vicerat, orbatus luminibus ruinâ inuoluit, atque etiam mortuus. (Decio sanè vti prior tempore, ita virtute maior) de Philisthæis triumphauit. Nõne & Apostolum Gentium priùs quoque Deus exoculauit, quò cælesti recipiẽdo lumini fieret aptior? Dic ergo carnis illecebris, quod Pigmenius cæcus Iuliano Apostatæ, suo quondam discipulo. Nam cum diceret Iulianus, se dijs gratias agere, quòd videre præceptorem suum posset; generosè respondit alter,

Psal. 118.

1. Cor. 12.
Ioan. 14.

Matth. 18.

Iud. 14. &
15. & 16.

Act. 9.

se verò magis Deo gratias agere, quòd videre hominem
tam impium non posset. Verè felix & mente liber es, si
hanc necessitatem tibi indixisti. Finio igitur in masculis
Lucretij versibus:

Lucretius.

*Sed fugitare decet simulacra, & pabula amoris
Abstergere sibi, atque aliò conuertere mentem,
Vlcus enim vinefcit, & inueterascit alendo:
Inq; dies gliscit furor, atque arumna grauescit.*

Tertiò, fatigatione & laboribus.

Quòd si equi pergant recalcitrare, abducantur in agrum
recens aratum, vel loca fabulosa, atque illic admissis
habenis cursu. exerceantur, fatigentur, exhauriantur, do-
nec se magis præbeant tractabiles. Testatur Diogenes amo-
rem nihil esse, nisi otiosorum negotium, viresque & vitam
à remisso & inertio animo sumere. Quid enim Dauid, quid
Salomon, nisi magnum aliquod Nihil egerunt, cum amori-
bus illicitis dederunt operam? Verè ut ille canit,

Quid.

*Quàm platanus ripis gaudet, quàm populus undâ,
Et quàm limosâ canna palustris humo;
Tam Venus otia amat.*

His si incubes, Amorem ibi intus, veluti pullum in ouo, de-
litescentem excludes. Ideoque Bernardus, veluti ex senti-
na sordes; ita ex otio hauriri tentationes cogitationesque
malas asserit. Quare ut animum à libidine liberet, prius ab
ignauia abducendus est: quærendi corporis dolores & la-
bores, ut animus valeat. D. Hieronymus testatur de seipso,
ad preces se vigilias, ieiunia,unctiones pectoris adhibuisse,
ut castitati consuleret: nullâ tamen re perinde contra im-
puras carnis tentationes profecisse, atque immenso & in-
grato illo labore ediscendi, in grandiori ætate, linguas He-
bræam, Chaldæam & Syriacam. Neque enim tantum ten-
tationes honestis occupationibus præcauentur, sed etiam
succiduntur. S. Antonius suos edocebat, quomodo spiritum

Epist. ad fra-
tres de mon-
te.Athan. in vi-
ta cap. 6.

forni.

fornicationis vincerent, dicebatque oportere asperos **e**arni labores imperari, secundum Apostoli præceptum, dicentis: **2. Cor. 12.** *Quando infirmor, tunc fortior sum.* Asserebatque sensum animi sic posse reuiuiscere, si corporis fuisset laboribus fatigatus. Cumque aliquando solitudinis teneretur tædio, & grauem tentationem sentiret, exclamasse fertur: Lubenter saluaretur, sed cogitationes meæ me impediunt. Tum verò in vicino vidit hominem in veste monachi nunc flectentem genua ad orandum, nunc texentem sportas, nunc legentem, nunc aliquid aliud operis facientem, simul & vocem audiuit: *Ita fac Antoni, & saluaberis.* Obsecurus oraculo, non solâ oratione, sed & labore manuum intellexit tentationem superari, tædium vinci. Cùm enim libido maximè in parte inferiori sensitiua resideat, corporis exercitia ad illius expulsionem vtilia sunt, tum quia libidinem in sua sede oppugnant, & radicem excidunt, tum quia labore dæmones velut flabello muscæ abiguntur. Vnde vulgatissimum inter Monachos erat oraculum, otiosos à pluribus dæmonibus, laborantes ab vno solo impugnari. Et fortassis præter alias rationes, hæc etiam Apostolum ad opus manuum vrgebat (interdiu enim prædicationi verbi Dei instabat, noctu alimenta manu quærebat, funes texebat, scenas & tentoria concinnabat) quòd carnis stimulo flagellaretur, illumque quàm auidissimè optaret ablatum.

Cassian. l. io.
inst. cap. 24:

Quidni igitur **AUGVSTINVM** eis verbis compellem; quibus Salmacis nympha à sodalibus, consulentibus famæ eius, quâ propter otium laborabat, admonebatur:

Metam. 4.

Salmaci veliaculum, vel pictas sume pharetras,

Et tua cum duris venatibus otia misce.

1. Cor. 9.

Age AUGVSTINE, ne tempus impuris cogitationibus perdas, inuigila serijs, equum laboribus frange: castiga corpus tuum, & in seruitutem redige, si nec labores domando sufficiunt, vexantem te carnem pariter vexa, adhibe clauum, percutite, feri, admoue calcaria; & hoc ipso simul dæmo-

dæmonem, antagonistam tuum, concupiscentiæ carnali confœderatum, atque per illam in nos insurgentem, flagellabis & seruitute opprimes. *Cibaria, & virga, & onus asino: panis, & disciplina, & opus seruo.* Comparat ibi Sapiens feruum cum asino, dicitque vtrique deberi cibaria, illi fœnum, isti panem, ne succumbant; deinde adhibendam virgam, siue disciplinam, ne exerrent; tertio, onere & laboribus distinctendos, ne insolescant. At Dionysius Carthusianus vtrūque de carne nostra moraliter explicat; Tam asinus, inquit, quàm seruus noster, est caro nostra: cui quidem cibus debetur ad sustentationem, sed panis, id est, victus sobrius, ne insolescat; virga quoque disciplinæ, vt lasciuens subijciatur spiritui; opus verò & onus ad perfectionem pœnitentiæ, vt bonis operibus assuescat. vnde & alibi ait: *Flagellum equo, & chamus asino, & virga in dorso imprudentium, vt sapiant.* Eiuscemodi calcaribus utebatur S. Benedictus, qui grauiori carnis titillatione exagitatus, nudum corpus tamdiu in vepribus volutauit, donec sanguine vndique diffuente doloris magnitudo libidinis sensum extinxisset. Simili quoque stratagemate S. Ioannes Bonus Ord. nostri, ad actis inter vngues & carnem acutissimis calamis, domesticum hostem superauit. Contraque eundem & in niuibus D. Franciscus remedium inuenit.

Eccli. 33.

Prou. 26.

Quartò, discretionè.

Vltimum est, vt memineris, magnam fræni retinendi tibi curam incumbere, id est, omnia illa quæ diximus, magnâ discretionè temperanda esse, quæ si abfuerit, non magni refert alia adesse. Hæc ephippio insideat, & omnia moderetur. Etiam quæ maximè vtilia sunt, defectu discretionis noxia fiunt. His finio, & si liber, omne vincendæ libidinis consilium in quinque verba conferamus. Primò, gratiæ diuinæ, non proprijs viribus, innitere; Secundò, Deū instanter pro dono continentiæ ora; Tertio, sobrietati stu-

de; Quartò, visum coërce; Quintò, laboribus & asperitatibus discretè corpus exerce, atque animo parère coge.

§. II. *Luxuria vitium formidabile, & quasi inuictum, si aperto Marte aggrediaris; non difficile expugnatum, si fugam ineas, & per insidias adoriaris.*

DOMINICA
XXII. post
Pentecosten.

EXultantem victoriâ Hannibalem, & nimio rerum successu elatum, videre videor, quoties ad luxuriæ fastum & superbum dominatum animum reflecto. Pœnus ille, si continuè secum in acie decertantes inuenisset, semper victor extitisset, quandoquidem ab ipso conflictu vires animumque sumeret: debuit ergo cunctatione & fugâ debilitari. Atque hinc de Q. Fabio Maximo Ennius cecinit:

Ennius.

Vnus homo nobis cunctando restituit rem.

Simili modo cum vitio libidinis, siue initia illius, putà inue-recundos aspectus, liberiora colloquia; siue progressum, cogitationes & tactus, siue denique ipsum opus flagitiosum consideres, belligerandum est. Alioquin meritò quispiam secùs belligerare volenti dicat, quod Dauidem adolescentem Saul senior olim monuit: *Non vales resistere Philistæo isti, nec pugnare aduersus eum: quia puer es, hic autem vir bellator est ab adolescentia sua.* Imitandi in primis Parthi, qui fugâ prælium ineunt, & à tergo densissimum sagittarum imbrem in hostes spargunt. Sed quidni potiùs è sacris Litteris eiuscemodi rei similitudinem petamus? Vide mihi immanem illum, & superbiâ timidum Philistæum: ille viribus suis armisque fidens, exprobrat agminibus Israel, ingenti-que metu vniuersa Saulis castra complet. Quid hic nisi luxuriam designat: illa erecto incedit collo, & sibi omnia, sanitatem corporis, vigorem animi, honorem, bonam famam, virtutes, ipsum denique Deum postponi debere firmiter persuadet: & horum omnium vult sui causâ, nos facere iacturam. Ipsos armatos vltro lacescit, ipsa inuestis & nuda: tanta illam aperti certaminis fiducia tenet.

I. Reg. 17.

net. At veluti Bethleemiticus adolescens, sibi diffidens, in nomine Domini perrexit in hostem, nec cominus gladium, sed eminus expediuit fundam, lapidemque excussit in aduersarij frontem, quo vulnere Goliath corruit, terramque momordit; ita pari industriâ cum libidine certandum est. Recede ab illa quàm potes longissimè, sensus occlude, cogitationes aliò diuerte, & lapides potiùs torrentis, (quibus quinque Saluatoris nostri vulnera designantur, quot & Dauid sibi elegerat, miseratque in peram pastorem) in fundâ cogitationis assume, atque illos eiaculari aduersus hostem: attentè inquã mysteria passionis Dominicæ peruolue, & cruentæ huic belluæ *sanguinem vna & mori*, id est, virtutem arboris S. crucis ostēde, ut à te furens recedat. stringe sagittas è pharetra orationis, quò bestiam hanc sine vulnere, sine periculo sternas: hæc fugâ in fugâ vertitur, numquam infirmior, quàm ubi te imparè profiteris. Nemo securus Sirenum scopulos quàm Orpheus præternauigauit; qui Deorum laudes cantans, perniciosum illarum melos confudit, & irritum reddidit. Meditationes enim rerum diuinarum sensuum delectationem non tantùm virtute, sed etiam suauitate superant.

Ibidem.

I. Machab. 6.

Qui in arce benè vndique munita obsidentur, meliùs exclusione com meatu, & interceptione necessariorum, quàm impetu & illatâ vi expugnantur: sed nec libidinis frændæ efficacius remedium est, quàm vias sensuum insidere & occludere, incentiua subtrahere, humilitari alijsque virtutibus gnauiter operam dare, & quasi aliud agendo, illam ex insidijs opprimere. Numquam non periculosus cum luxuria fit congressus. Si cum carbonario in veste niuea lucteris; etiam si victor fias, illumque humi prosterne, contrahes tamen maculas: sic mens ab impura cogitatione fuliginem referet, quantumuis illi non consenseris. Vitium nimis immundum est, quod ferè semper aliquid

Cant. 2.

2. Cor. 10.

labris affricat, cui se applicuerit. Iracundia, inquit Seneca, leones adiuuat, pauor ceruos, accipitrem impetus, columbam fuga. Huic tu, ô anima, similis esto: namque hoc nomine à sponso compellaris; fugam arripe, alas veræ fidei & spei explica, atque *in foraminibus petrae* per amorem abscondere, immorare, quin & immorere vulneribus eius qui *petra & lapis est angularis*. Ista cauerna maceriae te securum reddet, in hoc recessu non modò latibulum, sed & refrigerium inuenies. Cauerna, inquit Alanus in Cantica, amplior solet esse foramine, vnde per foramina perforationes manuum & pedum Christi figurantur; per cauernam eiusdem lateris apertio significatur. Christus autem dicitur petra propter firmitatē: maceria, quia ex multis lapidibus, id est, fidelibus, mysticè perficitur, quantum ad spirituale corpus, id est, Ecclesiam. Quoties igitur pugna ab accipitre ingruit, tutò huc columba confugiet. In confictu periculum, in fuga salus: gloriosa fuga à facie peccati.



CAPVT VNDECIMVM.

§. 1. *AVGVSTINVS sub ficu amarissimè plorat ; cor eius diuinitus tangitur, atque plenè ad fidem Catholicam conuertitur. Et post sex circiter menses baptizatur.*

THEMA CONCION.

Vox Domini confringentis cedros : & confringet Dominus cedros Libani. Et dilectus, quemadmodum filius unicornium. Psalm. 28.



AVGVSTINVS constanti iam animi decreto præteritæ vitæ sordes eluere paratus, simul etiam certus sæculi vanitatibus nuntium remittere, (neque enim erat iam amplius *sathan vel occurfus malus*, quin potius elisa & triumphata iacebat omnis tērationum priorum cohors) deprehendit in se horrorem quemdam, auersionemque ab aspera virtutis via. Placebat quidem via, ipse scilicet Saluator, sed ire per eius angustias adhuc pigebat, sensitque propter generosam illam sententiam mutandæ vitæ in melius, inulitatum mentis tristitiam & anxietatem. Hinc primùm in lacrymas, deinde quasi Noë aquis diluuij amarissimis circumdatus, in miserabiles voces erupit. De Noacho quidem scribit Oleaster, illum hoc habuisse in arca solatij, quòd desuper fenestra crystal-
lina pateret, per quam vultum vota que sua ad Deum in illis angustijs posset dirigere. Ad hunc modum & AVGVSTINVS integro contritionis & lacrymarum oceano quasi immersus, nullibi vsquam vbi quiesceret, aut consolatio-

3, Reg. 5.

Lib. 8. Conf. cap. 1.

Oleaster in cap. 7. Gen.

nem acciperet, habuit, nisi in Deo, quem feruidis precibus accedebat. In Iosaphat quoq; Rege Iuda quiddam simile agnosce. Ille cum vndiq; à filijs Moab & Ammō premeretur, propriæ infirmitati diffusus, auxilium de cælo implorauit.

2. Paralip. 20

In nobis quidem, inquit, non est tanta fortitudo, ut possimus huic multitudini resistere, quæ irruit super nos. Sed cum ignoremus quid agere debeamus, hoc solum habemus residui, ut oculos nostros dirigamus in te. Obuallabatur AVGVSTINVS ingenti dolorum & amaritudinum exercitu, nec videbatur locus effugij: quapropter quod solum supererat, vocem intendit, Deum gemitibus permouit: *Et tu Domine vsquequo? vsquequo Domine irasceris in finem?* & cetera quæ sequuntur.

Psal. 6.

Judic. 6.

Surius in vita S. Catharinæ Senens

At vnde in AVGVSTINO orta illa procella ferens ingentem imbrem lacrymarum? Ab infinita profectò Dei bonitate; qui hoc rore quasi ariditatem velleris designans, euidentis reconciliationis testimonium dabat. Id quod sibi quoque accidisse testatur in vita S. Catharinæ Senensis B. Raymondus Ord. Prædicatorum. Ait enim se initio, cum venisset ad eius familiaritatem, multis modis de incredulitate fuisse tentatum, diuque quadam fluctuatione iactatum, cum modis omnibus, quibus id posset fieri, cuperet explorare, num res eius essent à bono vel malo spiritu. Rogabat autem, ut scribit, anxie Deum, qui nec fallere posset, nec falli, ut ab ipso dirigeretur. Interim subito ei venit in mentem, si sanctæ virginis precibus obtineret à Domino, insolitam quamdam, & qualem numquam esset expertus, ob admissa delicta contritionem, id ipsi fore signum euidentissimum, à Spiritu sancto omnia illius facta proficisci. Nemo enim potest hunc habere dolorem, nisi à Spiritu sancto. Itaque accessit ad virginem, & eam impensè rogauit, ut à Domino sibi impetraret veniam peccatorum. Illa hilariter respondit se id libentissimè facturam. Addente autem Raimundo, se non posse frui quiete, nisi eius veniæ ac remissionis certum obtineret signum, nempe magnam quamdam &

in-

insolitam contritionem; mox sancta virgo annuit se eam illi impetraturam. Videbatur autem tum Raimundo, eam omnes suas cogitationes habuisse perspectas. Abijt deinde domum, & alterâ die morbo laborans, decubuit. Eodemque tempore etiam sancta virgo febribus & alijs ægritudinibus decumbebat, aitque ad sociam: Eamus visum Fratrem Raimundum, quia malè habet. Illâ respondente non esse necesse, & si id maximè foret, se peiùs illo valere: mox præter morem celeriter cum socia abiit ad Raimundum, aitque illi: Quid habes Pater? Ille verò præ debilitate ægrè quippiam loqui poterat, sed ramen adhibetâ vi ait, Cur Domina huc venisti? Peiùs tibi est quàm mihi. Illâ incipiente suo more loqui de Deo, & nostra ingratitude, non nihil confortatus Raimundus assedit, nihil iam memor hesternæ petitionis suæ, aut sponfionis virginis. Sed cùm illa loqui pergeret, oblata est menti Raimundi hinc quædam insolita consideratio peccatorum, & quàm esset eorum causâ sine dubio reus mortis; è diuerso autem inde cognitio benignitatis diuinæ, quæ eum gratuitâ bonitate ab ea morte liberaret, ipsamque mortem in vitam, & ignominiam commutaret in gloriam, magnam ei spem faciebat. Sub hac contemplatione ille præ multo cordis dolore tantam vim lacrymarum effudit, in eumque rugitum prorupit, vt timeret cor & pectus diruptum iri. Id vt vidit sacra virgo, quæ eâ solâ causâ venerat, conticuit, vt ille vbertim fleret & singultiret. Interim Raimundo rediit in memoriam petiti sui, & promissio virginis: vertensque se ad eam dixit: Estne hæc bulla quam heri petiui? (bullam enim vocauerat certum signum obtentæ veniæ:) illa respondit, Ipsa est, addensque vt memor esset gratiæ Dei, abscessit, magnam illi hilaritatem mentisque serenitatē relinquens. Porrò AVGVSTINO non tantùm donum contritionis & lacrymarum, veluti quoddam publicum obtentæ veniæ

instru-

Rom. 9.

instrumentum , diuinitus concessum est (est enim longè aliud planeque diuersum , iustificantem, Dei gratiam in animo experiri , testimonium reddentem quòd simus filij Dei, atque dumtaxat peccatis abstinere) sed cùm necdum omnes animi motus subsedissent, necdum plenè & planè confirmatus esset, quid deinceps facere deberet, cælitus est admonitus. Audiuit enim vocem de vicina domo, cum cantu dicentis, & crebrò repetētis, quasi pueri vel puellæ: *Tolle lege, tolle lege.* Atque ita prorsus ab illa vehementissima iactatione & anxietate cōualuit. Visa enim est hæc vox instar sagittæ vel scalpri, quo dum medici corpus ægroti secant, æstum cum sanguine minuūt, & sanitati viam præstruunt. Sed potiùs ipsum AVGVSTINVM loquentem & audiamus, & videamus in sequenti Emblemate.

Percus-

*Percussisti cor meum verbo tuo, & amavi te.
Lib. 10. Confess. c. 6.*



*Vt sanet, seuit ferroq; atque igne Machaon,
Et medicâ morbum, dum secat, arte leuat:
Voce Dei proles Monica perstringitur agra;
Atque salutiferam noscit amatq; manum.*

Arreptis igitur Paulinis epistolis, quas apud Alipium deposuerat, & coniectis oculis ad primum capitulum, quod aperi-
 erenti codicem sese offerret, legit: *Non in comessationibus &* Rom. 13.
ebrietatibus, non in cubilibus & impudicijs, non in contentione
& emulatione: sed induimini Dominum Iesum Christum, & carnis
providentiã ne feceritis in cõcupiscentijs vestris. Nec vltra voluit
 legere, nec opus erat. Statim quippe cum sine huiusce sen-
 tentiæ, quasi luce securitatis infusã cordi eius, omnes dubi-
 tationis tenebræ diffugerunt. Tantus tam brevis lectionis
 fructus extitit, vt putet Cornelius Lancilottus his Pauli Lib. 1. vitæ
 verbis, ei insinuata & acceptata fuisse consilia Euangelica, S. P. August.
 quæ sine dubio securitatem illam præstiterunt. Ac in pri- cap. 37.
 mis paupertatem, quæ opum contemptrix est, omnemque
 intemperantiam auersatur, his verbis: *Honestè ambulemus*
non in comessationibus & ebrietatibus. Castitatem, quæ ad-
 uersatur turpitudini, sequentibus: *Non in cubilibus & impu-*
dicijs: Obedientiam denique quæ alteri cedit, & morem
 in omnibus gerit, per hæc: *Non in contentione & emulatione,*
sed induimini Dominum Iesum Christum: efficiendo nimirum
 vt is in omni vestra actione se prodat, perque omnem vitam
 eluceat: verbo enim Induendi, Hebræi copiam significare
 solent. Vnde Psalmographus significare volens, maximam
 fore omnium copiam, *Inluti,* inquit, *sunt arietes ouium.* Vult
 igitur, Chrysofotomo interprete, nos vndique Christo ita
 Psal. 64.
 circumdari, sicut vestimento, vt in omnibus eius volunta-
 riam paupertatem, perpetuam castitatem, integram obe-
 dientiam, aliasque virtutes heroicas exprimamus, omnes-
 que tum interiores, tum exteriores actus nostros in ipsum
 dirigamus.

Quis prohibeat hîc exclamare cum Dauide: *Magnus Do-* Psal. 47.
minus & laudabilis nimis, in ciuitate Dei nostri? At quo pacto
 magnus & laudabilis nimis? *Fundatur exultatione vniverse*
terre mons Sion: latera Aquilonis ciuitas regis magni. Ab Aqi- Jerem. 1.
 lone panditur omne malum. Latera igitur Aquilonis sunt

Augustinus.

peccatores, qui diabolo minitanti se ad Aquilonem fessurum, adhæserunt: quicumque enim alicui cohærent, latera ipsius dicuntur: hi ergo dum ad Deum sese conuertunt, magnum quasi reddunt & laudabilem nimis, quod illorum misertus tam vilia membra non respuat, sed ciuibus suis adscribat. Repeto, *magnus Dominus, & laudabilis valdè*, qui AVGVSTINVM per aquam & ignem eduxit in refrigerium, per aquam contritionis, per ignem charitatis.

Psal. 65.

*Per aspera ad suauitatem diuinæ consolationis
eluctandum est.*

1. Reg. 14.

NEque enim ad tranquillitatem animi, & altum pacatæ mentis gaudium, nisi per aspera & inamœna lacrymarum & contritionis scanditur. Cuius ecce tibi adumbratam figuram in Ionatha Saulis filio. Ille extendit summitatem virgæ quam habebat in manu, & intinxit in fauum mellis. Per virgam castigatio atque seuera increpatio, quâ Nemesis cælestis peccatores vrget, designatur; per fauum mellis, non gustari cælestem dulcedinem, nisi asperitas correctionis & dolor antecefferit. Non gustauit diuinum illud mel AVGVSTINVS, nisi os faciemque lacrymis ablutus: vt nec extra propositum vsurpare illud Iobi potuerit, *Antequam comedam, suspiro*. Nam, vt inquit Gregorius, qui se in hoc exilio per desideriorum cælestium lamenta non humiliat, æternæ patriæ gaudia non degustat: à veritatis enim pabulo iciuni sunt, qui in hac peregrinationis inopia lætantur. Argutè obseruat Chrysoctomus, Eliam prius aquam quàm panem à vidua Sareptana petijisse, ait enim primò: *Da mihi paululum aquæ in vase, vt bibam*: deinde, *Adfer mihi, obsecro, & buccellam panis in manu tua*. Non dixit, *Da mihi panem*, sed, *Da mihi aquam*. prius enimaquam petijt, coniecturâ colligens, quod, si aquæ paullulum habuerit, possit & panis habere. Factum igitur bonum, quod AVGVSTINVS prius ægrimonix & doloris aquas possederit

Iob 3.

3. Reg. 17.

rit

rit, per quas ad suauissimum cælestis pabuli gustum transi-
 turus erat. Quemadmodum illi, qui flatu ignē accendunt,
 prius fumo cruciantur, & sæpè oculis tantopere dolent, vt
 lacrymæ profluant; sed si flando perseuerauerint, tandem
 flammâ suscitant è prunis ardentibus; ita & illum oportuit
 (quia *Deus noster ignis consumens est*) nebulâ primū amaritu- Deut. 4:
 dinis obtegi, fumo lacrymosoq; imbre perfundi, dum preci-
 bus veluti flatu apud Deū instat, atque ignem mutui amoris
 conatur accēdere. Et quāuis hæc fortè plus satis sint ad cla-
 ram conuersionis sanctissimi viri cognitionem; quia tamen
 mihi necdum satisfeci, libet huius rei seriem ab ipso AV-
 GVSTINO contextam subiungere, vt ne Lector potioribus Lib. 8. Conf.
 frustretur, si Confessionum libri non sint ad manum. Vbi cap. 12.
 verò, inquit, à fundo arcano, alta consideratio contraxit
 & congestit totam miseriam meam in conspectum cordis
 mei; aborta est procella ingens, ferens ingentem imbrem
 lacrymarum. Et vt totum effunderem cum vocibus suis,
 furrexi ab Alipio. Solitudo enim mihi ad negotium flendi
 aptior suggerebatur. Et recessi remotiùs, quàm vt posset
 mihi onerosa esse etiam eius præsentia. Sic tunc eram, &
 ille sensit nescio quid. Aliquid enim, puto, dixeram, in quo
 apparebat sonus vocis meæ iam fletu grauidus, & sic sur-
 rexeram. Mansit ergo ille, vbi sedebamus, nimiè stupens.
 Ergo sub quadam fici arbore strauit me, nescio quomodo:
 & dimisi habenas lacrymis, & proruperunt flumina oculo-
 rum meorum, acceptabile sacrificium tuum. Et non quid-
 dem his verbis, sed in hac sententia multa dixi tibi: *Et tu* Psal. 6.
Domine vsquequo? Vsquequo Domine irasceris in finem? Ne me- Psal. 12.
mor fueris iniquitatum nostrarum antiquarum. Sentiebā enim Psal. 78.
 me ab eis teneri, & iactabam voces miserabiles, *Quamdiu,*
quamdiu, Cras & cras? Quare non modò? quare non hac horâ
finis turpitudinis meæ? Dicebam hæc, & flebam amarissimâ
 contritione cordis mei. Et ecce audio vocem de vicina dō-
 mo, cum cantu dicentis, & crebrò repetentis, quasi pueri,

an puellæ, nescio: *Tolle lege, tolle lege.* Statimque mutato vultu, intentissimus cogitare cœpi, vtrumnam soleret pueri in aliquo genere ludendi cantare tale aliquid: nec occurrebat omnino audiuisse me vsquam. Repressoque impetu lacrymarum surrexi, nihil aliud interpretans, nisi diuinitus mihi iuberi vt aperirem codicem, & legerem, quod primum capitulum inuenissem. Audiueram enim de Antonio, quod ex Evangelica lectione, cui fortè superuenerat, admonitus fuerit, tamquam sibi diceretur quod legebatur: *Vade, & vende omnia que habes, & da pauperibus, & habebis thesaurum in calis: & veni, sequere me;* & tali oraculo confestim ad te esse conuertum. Itaque concitus redij ad eum locum, vbi sedebat Alipius: ibi enim posueram codicem Apostoli, cum inde surrexeram. Arripui, aperui, & legi in silentio capitulum, quod primum coniecti sunt oculi mei: *Non in comessationibus & ebrietatibus, non in cubilibus & impudicijs, non in contentione & emulatione: sed induimini Dominum Iesum Christum, & carnis providentiam ne feceritis in concupiscentijs vestris.* Nec ultra volui legere, nec opus erat. Statim quippe cum sine huiusce sententiæ, quasi luce securitatis infusâ cordi meo, omnes dubitationis tenebræ diffugerunt. Tum interiecto aut digito, aut nescio quo alio signo, codicem clausi, & tranquillo iam vultu indicavi Alipio. At ille quid in se ageretur, quod ego nesciebam, sic indicavit. Petit videre quid legissem, ostendi; attendit etiam ultra quam ego legeram: & ignorabam quid sequeretur. Sequebatur verò: *Infirmum in fide recipite.* Quod ille ad se retulit, mihi que aperuit. Sed tali admonitione firmatus est, placido que ac proposito bono, congruentissimo suis moribus, quibus à me in melius iam olim valdè longè que distabat, sine vlla turbulenta cunctatione coniunctus est.

Matth. 19.

Rom. 13.

Rom. 14.

*Historia conuerſionis S. A G V S T I N I cum breui
Chronologia.*

PRO coronide huius capituli & libri, obſerua AVGVSTINVM, licet iam proſus eſſet conuerſus ad Deum, nec ſolum inter catechumenos, qui Auditores, ſiue Audientes, vocantur, eò quòd conciones quidem audiant, & Chriſtiani fieri velint, ſed necdum baptizari; verùm inter Competentes, ſiue Eleotos cenſeretur, vel fortassis etiam inter iuſtificatos. Certum enim & Catholicum dogma eſt, vt Suarez ait, ad remiſſionem peccatorum ſufficere catechumeno contritionem cum voto baptiſmi, abſque reali ſuſceptione Sacramenti; quòd nihilominus ſuſcipiendum eſt, non ratione peccati, quòd iam non ampliùs exiſtit, ſed præcepti, quò lex Euangelica nos obſtringit: *Niſi quis renatus fuerit denudè, non poteſt videre regnum Dei.* Obſerua, inquam AVGVSTINVM, licet ſic iam eſſet diſpoſitus, non ſtatim poſt perfectæ charitatis actum fuiſſe baptizatum, ſed ob rationes diſtulſiſſe. Primò quidem, quòd percipiendæ Chriſtianæ gratiæ ſe magis redderet idoneum: deinde, vt hominum ſiniſtra de ſe iudicia, qui ei liberos ſuos erudiendos commiſerant, neque facilè dimitti volebant, declinaret, eriperet- que maleuolis occaſionem blaſphemandi bonum eius, in diminutionem quamdam honoris Dei, quaſi ex typho arrogantia paucis, id eſt viginti, diebus ante ſolemnes vindemiales ferias, profeſſione ſe abdicaret. Vt ergo omnium ora clauderet, neque videretur magnus ſtatim haberi voluiſſe, iudicauit tantisper exſpectandum: potiſſimùm tamen, ſicut dixi, vt ſe magis ad tanti Sacramenti ſuſceptionem diſponeret, & pulmonibus deinceps parceret quorum dolore ex nimio loquendi conatu tenebatur. Quòd ſi quis interim voluerit contendere, nec hiſ de cauſis tam neceſſarium Sacramentum differendum fuiſſe; fatetur, (quæ eius humilitas eſt) ſe peccaſſe, & ſperare miſericordiſſimum

Raban. lib. 1.
de inſtit. cle.
ricor.

Tom. 3. in 3.
p. d. 27.
ſect. 2.

Ioan. 3.

Lib. 9. Conf.
cap. 2. & 3.

Do-

Dominum hoc peccatum cum ceteris in aqua sancta abluisse, & remisisse. Toleravit igitur fortiter illud temporis spatium donec decurreret, etiam cum pectoris dolore, & difficultate respirandi, eoque grauius quo ardentius expediri desiderabat: & quia iam cupiditas recesserat, quæ solebat illi leuius reddere negotium; solum restabat patientiæ exercitium. Noluit tumultuariè abrumpere, sed lentè subtrahere ministerium linguæ suæ: atque sine ullius offensione, paucorumque scitu, quid animo volueret, effectum dare. Ergo ne quis à fide Christiana alienior remoram inijceret, spartam illam tandem deseruit, atque rus Cassiacum, cuius copiam Verecundus amicus beneuolè faciebat, abiit, vt ab æstu sæculi requiesceret. Verecundus tum necdum salutari aquâ ablutus erat, voluissetque cum AVGVSTINO Christianus fieri, si licuisset vxori nūtiū remittere, & deinceps cælibatum colere, licet postea albo Christianorum inscriptus sit, defunctoque AVGVSTINVS precari voluerit pro breui vsu ruris Cassiaci amœnitatem semper virentis paradisi.

Cum AVGVSTINO abierunt mater ipsius Monica, Alipius, alijque: inter quos fuisse Adeodatum filium, Navigium fratrem, Trigetium, & Licentium ciues & discipulos, Lacidianum, & Rusticum consobrinos illius, item Euodium, ipse alibi significat. Ibi ergo vsque ad proximum Pascha vt minimum hæserunt: atque interea AVGVSTINVS libros contra Academicos Mediolani inchoatos in manus sumpsit: & inter illos scripsit librum de Beata vita, occasione diei natalis sui, qui vindemiæ tempus immediatè sequebatur, (incidebat enim in Idus Nouembris,) atque tridui disputatione completus est. Duos etiam libros de Ordine, in quibus magna quæstio versabatur, vtrum omnia bona & mala diuinæ prouidentiae ordo contineat; deinde etiam Soliloquia inchoauit. Præterea per idem tempus addictissimus lectioni & meditationi Psalmorum fuit, atque

Lib. 2. cont.
Academ.
cap. 7.
Lib. de ordi-
ne cap. 2.
& lib. de vita
beata.

atque congruâ ad conuersionem suam methodo, quartum explanauit. Odontalgia ibidem decubuit, & quidem adeo vehementi, vt doloris magnitudo illi linguâ vsu eriperet, & necesse fuerit sensa mentis stilo in cera exprimere: sed per fidelium orationes miraculosè sanitati restitutus est. Multas præterea litteras, tum ad Nebridium, aliosque amicos, tum etiam ad Mediolanenses scripsit, vt sibi de alio venditore verborum, (sic eloquentiæ professorem appellat) prospicerent: cum ipse prætexeret, qui verè illi acciderat, pectoris dolorem, & respirandi difficultatem. Similiter insinuauit per litteras viro sancto, Ambrosio, pristinos errores, & præsens votum suum, vt moneret quid potissimum de libris sanctis legendum esset, quò percipiendæ tantæ gratiæ paratior aptiorque fieret. At ille iussit Isaiam Prophetam, quòd præ ceteris Euangelij vocationisque Gentium sit prænunciator apertior. Verumtamen ille primam huius lectionem non intelligens, totumque talem arbitrans, distulit repetendum exercitior in Dominico eloquio. Inde verò vbi tempus aduenit, quo eum nomen dare oportebat, relicto rurè, Mediolanum remigravit: atque tempore Paschali, teste Possidio, vnà cum Alipio & Adeodato filio solemnè ritu à S. Ambrosio baptizatus est, effusâ totius Ecclesiæ lætitiâ, exultantibus bonis, freudentibus hæreticis, indignantibus Paganis.

Lib. 9. Conf.
cap. 5.

Ibidem c. 6.

Quin & ipsi Cælitè dare manifestum lætitiæ signum visi, missis tribus legatis, inter quos SS. Geruasius & Protasius, qui circa id tempus D. Ambrosio apparuerunt, atque vbi corpora sua recondiderentur, indicarunt. Et quamuis nemo ambigat de baptismo ab Ambrosio collato, libet tamen ipsius AVGVSTINI verba, vbi agit contra Iulianum Pelagianum, adscribere, quibus id muneris à tanto viro sibi collatum magnopere celebret. Adhuc audi, inquit, alium excellentem Dei dispensatorem, quem veneror vt patrem: in Christo enim Iesu per Euangelium ipse me genuit, &

Ibidem c. 7.

Contra In-
lianum,
lib. 1. cap. 9.
1. Cor. 4.

eo Christi ministro lauacrum regenerationis accepit; beatum loquor Ambrosium, cuius pro Catholica fide gratiam, labores, pericula, siue operibus, siue sermonibus, & ipse sum expertus, & mecum non dubitat orbis prædicator Romanus. Iam verò celeberrimum illum hymnum, *Te Deum laudamus*, per id tempus à SS. Ambrosio & AVGVSTINO compositum, quem alternis vocibus felicissimâ extemporalitate, supernè afflati, obeundo viam publicam, cecinerunt, ex more, quo recens baptizati pompâ solemni in supplicatione circumducebantur, varij Auctores asserunt, estque constans in Ecclesia traditio, quæ & quotidianum huius vsus lætiori anni tempore retinuit.

Contigit autem id anno ætatis AVGVSTINI trigesimo tertio, cum enim, teste Baronio, natus sit anno à partu Virginis CCCLV. die Nouembris XIII. & baptizatus CCCLXXXVIII. quinta die Maij. quando Martyrologium Romanum anniuersarium conuersionis ipsius diem commemorat; intercedunt anni triginta tres; nisi quis vtriusque computus Ecclesiastici rationem habeat, illius in quo iam annum à principio Ianuarij auspiciamus, & istius antiqui, quo Pascha initium anno dabat: ita vt posteriori hoc modo ipsum Pascha AVGVSTINO initium fuerit anni ætatis 34. cum tamen nondum trigésimum tertium expleffet. Alioquin hîc hæret mihi aqua, velimque Alexandrum dari qui nodum hunc gladio expeditioris ingenij fecet. Ex annis autem illis triginta tribus, totis nouem adhæsit Manichæis, feruideque sectam illam propugnauit: ab anno scilicet ætatis decimo nono, biennio post mortem patris sui Patritij, vsque ad vigésimum octauum. Intra quod tempus Româ Mediolanum ad professionem Rhetorices, adnitentibus Manichæis, accitus est. Tribus deinde alijs annis alieniori ab ipsis animo fuit, & Philosophos præ illis coluit. Vniuersim duodecim anni, vt ipse ait, fluxerunt, ex quo vndeicesimo anno ætatis suæ, lecto Ciceronis Hor-

Scaliger l. 1.
de emendat.
temp.

Lib. 5. Conf.
cap. 13.

Lib. 8. Conf.
c. 7.

renſio, excitatus fuerat ſtudio ſapientiæ, licet diſtulerit, contemptâ felicitate terrenâ, ad eam inueſtigandam vacare. Placuit porrò illi præ reliquis doctrina Platonis, apud quem poſtea deprehendit non pauca extare fidei Chriſtianiæ conformia; ſed cùm nec ibi plenam veritatem, quam auidiſſimè ſiciebat, inueniſſet, voluiſſet quidem ſe Academicis, qui nihil firmè ſtatuunt, ſed omnia tantùm in vtramque partem ventilant, adiungere, ſi in illorum libris inueniſſet ſalutiferum Chriſti nomen: verùm quia illud, quemadmodum & ipſa veritas, aberat, numquam in Academicoꝝ verba iurauit; ſed triennio integro quaſi dubitantij vitam egit profeſſione Philoſophus. Tandem ergo deſperatione inueniendæ veritatis adactus, ſtatuit in Eccleſia Catholica, in qua à parentibus conſtitutus erat, tamdiu permanere, donec certi aliquid illuceſceret, quò curſum dirigeret. Ac proinde anno ætatis ſuæ 31. catechumenis adiungitur, ſed, vt ſuprà diſtinxi, audiētibus; donec ſub finem biennij, id eſt, initio Septembris, aut circiter, anni Domini ccc lxxxviii. pleniffimè ad Deum conuerſus eſt ſub ficu, & anno ſequenti, feſtis Paſchalibus, aquâ ſalutis tinctus. Atque hæc temporis eſt ſeries, quam ex libris Confefſionum optimâ fide, & non oſcitantilectione (ni fallor) eruere potuimus. Si quis meliora deprehenderit, optimo, quo par eſt, affectu his noſtris relictis, amplectemur.

Lib. 5. c. 14.

§. 2. *Quæ nobis ſepè videntur fortuita qualis erat AVGVSTINO codicis apertio, deſtinato Dei conſilio, in ſalutem electoꝝ ſunt.*

QUOT quot ferè hætenus conciones, ſiue tractatus, de S. AVGVSTINO ediderunt, attentiori meditatione, ad caput illud vltimum libri octauo, quaſi de induſtria, ob hæferunt, atque alij alia ad mores tranſtulerunt. Lancilotus noſter, cur potiùs ſub ficu, quàm alia quauis arbore, ſederit fleueritque, non inelegantes rationes adfert. Non pauca etiam habent ſuper alijs atque alijs materijs B. Tho-

DOMINICA
IV. poſt Pen-
tecoſten.Lib. 1 vitæ
S. Auguſtini
cap. 35.

mas Villanouanus, Valderama, Valadier, Oforius, alijque plures. Sunt quoque loci egregij morales, de vtilitate lectionis spiritualis; item secessus à turbis sæcularibus, vt liberius Deo & nobis vacemus: de paucitate amicorum, qualis AVGVSTINO Alipius fuit, qui solitudinem nō minuunt: de cura & gaudio Angelorum super conuersione peccatorum. Et ne hīc asymboli simus, pauca de fortuita libri apertione dicamus: quòd illa quæ nobis sæpè videntur merâ forte accidere, rato Dei consilio accidant. Nam si propius omnia inspiciamus, nihil fortuitò agitur; sed etiam minutissima quæque supernæ illi Prouidentix substernuntur, & in quam partem illa iusserit, inclinant.

Rom. 13.

Fortuitum alicui videri poterat, quòd AVGVSTINVS aperiens codicem Apostolicum, in illa verba, *Non in comestationibus*, &c. inciderit; sed hæc lectio omnem illi prioris vitæ solitudinem ademit, consilia Euangelica suggessit, quibus voto desiderioque apprehensis, se fluctuationi expedire, gradumque posset figere. Quis verò hoc potuit nisi Deus, lectione illâ mediante? S. Ephrem cum aliquando singulari quodam instinctu ad pietatem maiorem, sublimioremque vitæ sanctæ philosophiam amplectendam moueretur, eoque studio Edeffam tenderet; sic secum dixit, Deumque precatus est: Iesu Christe omnium Domine concede, vt ego Edeffam ciuitatem ingrediens in talem virum statim incidam, qui sit idoneus ad differendum mecum de ijs quæ ad animæ ædificationem pertineant & vtilitatem. Et cum sic orasset, atque ad portam ciuitatis peruenisset, cœpit cogitabundus secum attento sollicitoque animo expendere, quomodo virum illū optatum accederet, & quænam ex illo ad maiorem vtilitatem, vitæque perfectionem esset interrogaturus. Dumque sic cogitabundus incederet, ecce tibi mulier quædam leuicula & meretrix, in ipso portæ introitu, sancto Ephrem facta est obuiam. Cumque defixis in eam oculis, quasi emotæ mentis, sublisteret; & tristis

Vitæ Patrū.
l. 1. Vitæcius
cap. 4.

pertur-

perturbatoque animo torqueretur, quòd non vt precatus fuerat, sed contrarium potiùs votis ipsius accidisset; cœpit & illa eum sic stantem acerrimo obtutu contemplari. Postquam verò sic diu se inuicem adspexissent, Ephrem volens eam pudore afficere, & ad verecundiam quæ mulieribus conuenit, adducere; Quid verò, inquit, non erubescis mulier, tam fixis oculis nos intuens? Illa autem: Mihi, inquit, conuenit te sic adspicere: ex te enim sumpta sum, & tuo latere. te verò, non nos, sed terram potiùs oportet adspicere, ex qua ipse sumptus es, & in quam rursus reuerteris. Hæc cùm audisset Ephrem, præter omnem expectationem, & mulieri fassus est magnas se habere gratias, propter eam quã ab ipsa acceperat vtilitatem, & Deo acriter emisit studio gratiarum actiones; qui per ea quæ præter spem accidunt, ea sæpè potest facere quæ ipsam spem superant: & quæ nullâ ferri lege videbantur, in certum & salutarem hominibus dirigit finem. A casu quoque hoc esse alius quispiã dixisset, quòd S. Antonius animo voluens quomodo Apostoli omnibus spretis secuti fuissent Saluatorem, & multi facultatibus suis venditis, pretia ad eorùm pedes tulissent egentibus partièda; quæ uè aut quanta spes ijs reposita esset in cælis, templum intraret, & tunc Euangeliũ legeretur, in quo Dominus dicit ad diuitem: *Si vis perfectus esse, uade vende omnia quaecumque habes, & da pauperibus, & ueni sequere me, & habebis thesaurum in celo.* Veluti & hoc sæculo plurimi, quia casu tantum accidere existimant, vt Concionatores vlcus eorum tangant; nihil mouentur ad salutaria, excludunt à corde suo vocem Dei loquentis per os sacerdotis, excipiunt quasi ab apparatu eloquentiæ foret, telum quo feriuntur, & non à Deo; quasi timeant ab ipso sanari. Sed non ita Antonius, qui audito oraculo Euangelico, quasi diuinitus huiusmodi antè memoriam concepisset, & veluti propter se hæc scriptura esset recitata, ad se Dominicum traxit imperium, statimque regressus, possessiones quas habebat vendidit. Non

Athanas. in
vita eius c. 2
Matth. 19.
Act. 4.

Matth. 19.

ita S. Nicolaus Tolentinas; qui cùm fortè audisset Augustinianum concionatorem differentem super illò S. Ioannis dicto : *Nolite diligere mundum, neque ea quæ in mundo sunt*; mundi rebus renuntiauit, atque eundem Ordinem ingressus, vitæ sanctitate, & miraculorum gloriâ floruit. Non ita Babylas mimus; qui audiens legi in ecclesia versum hunc ex Euangelio : *Pœnitentiam agite, appropinquat enim regnum cælorum*, à luxuriosa vita ad continentiam transijt. Non denique S. Franciscus; qui dum ex Euangelio pauca verba pronuntiari audiuiisset: *Nolite possidere aurum, neq; argentum, neq; pecuniam in zonis vestris; non peram in via, neque duas tunicas, neque calceamenta*, eam sibi regulam, velut Dei monitu seruandam proposuit. Quòd enim hoc ex Dei beneplacito fieret, rei probauit euentus. nam in Ordinis Seraphici exordio, aliqui non infimæ notæ S. Franciscum nimij rigoris accusabant, atque in Capitulo generali pro relaxatione quadam instabant. At ille suorum querelas ad dictatorem & inspiratorem Regulæ Christum detulit; responsumque est cælitus: *Ad litteram, ad litteram*, scilicet omnia obseruanda, nihil glossæ interpolandum.

Non est cur non à Deo esse diceret Clodouæus, primus Galliarum rex Christianus, quòd illi, quos ad basilicam S. Martini Turonensis cū muneribus loco sancto exhibendis miserat, si fortè aliquod victoriæ auspiciam ab æde sancta susciperent, (meditabatur enim tum, comparato exercitu, Arianos ex Gallia profligare) renuntiarent se auduisse in ipso basilicæ ingressu hanc antiphonã cantari: *Precinxisti me, Domine, virtute ad bellum: supplantasti insurgentes in me subtus me; & inimicos meos dedisti mihi dorsum, & odientes me disperdidisti*. Etenim reuerà huius euentus auctor fuit Deus, qui solus ita legatorum iter moderari poterat, vt hoc potius quàm alio temporis puncto adessent: & sicuti solus victoriam in manu habet, & cui voluerit, dat illam; ita dedit Clodouæo non sine euidenti testimonio

1. Ioan. 2.

Matth. 4.

Matth. 10.

Gregorius
Turonens.

Psalm. 17.

nio miraculi. Fortuita quoque & incerta lectio eunuchus Candacis reginæ censeretur, nisi, Deo omnia moderante, hac occasione illuminatus, conuersus & baptizatus fuisset, & Æthiops mutasset pellem suam. Vnius etiam prouidentia diuinæ fuit, ut Isaia potius, quam alium quemlibet sacrum librum euolueret, illique occurreret locus expressissimus de morte Saluatoris, cui meditabundus & cognoscendi audissimus inhæreret. Historia sic habet: *Angelus autem Domini locutus est ad Philippum dicens: Surge, & uade contra meridianum ad viam, quæ descendit ab Ierusalem in Gazam: hæc est deserta. Et surgens abiit. Et ecce vir Æthiops, eunuchus potens Candacis reginæ Aethiopum, qui erat super omnes gazas eius, venerat adorare in Ierusalem. & reuertebatur sedens super currum suum, legensq; Isaiam Prophetam. Dixit autem Spiritus Philippo: Accede, & adiunge te ad currum istum. Accurrens autem Philippus, audiuit eum legentem Isaiam Prophetam, & dixit: Putasne intelligis quæ legis? Et ait: Et quomodo possum si non aliquis ostenderit mihi? Rogauitq; Philippum ut ascenderet & sederet secum. Locus autem Scripturæ quam legebat, erat hic: Tamquam ovis ad occisionem ductus est: & sicut agnus coram ton-* Act. 8.

dente se, sine voce, sic non aperuit os suum. In humilitate iudicium eius sublatum est. Generationem eius quis enarrabit, quoniam tolletur de terra vita eius? Respondens autem eunuchus Philippo, dixit: Obsecro te, de quo Propheta dicit hoc? de se, an de alio aliquo? Aperiens autem Philippus os suum: & incipiens à Scriptura ista, euangelizauit illi Iesum: & dum irent per viam, venerunt ad quamdam aquam: & ait Eunuchus; Ecce aqua, quid prohibet me baptizari? Dixit autem Philippus: Si credis ex toto corde, licet. Et respondens ait: Credo Filium Dei esse Iesum Christum. Et iussit stare currum, & descenderunt uterque in aquam, Philippus & eunuchus, & baptizauit eum. Cùm autem ascendisset de aqua, Spiritus Domini rapuit Philippum, & amplius non vidit eum eunuchus. Ibat autem per viam suam gaudens. Philippus autem inuentus est in Azoto, & pertransiens euangelizabat ciui- Isa. 53.

tati-

tatibus cunctis, donec veniret Casaream.

Et meâ quidem sententiâ , non modò non inconsultum, verùm etiam pium & laudabile exercitium fuerit, si quando mœrore affligimur, calumniâ mordemur, morbo aliâque aduersitate premimur, hoc pacto oportuna & salutaria consilia monitaq; venari, & librum aliquem pium, putà Breuiarium, Officium B. Virginis, Thomam à Kempis de Imitatione Christi, vbicumq; ceciderit, aperire; atque secundùm id quod primùm in oculos incurrerit, diuino beneplacito nos magnâ animi submissione adtemperare. Librum quidem seruus Abraham non aperuit, non tamen ab simili ratione voluntatem Dei explorauit: sunt enim omnium nostrùm *sortes in manu Dei.* & cùm illi libuerit, sinit vt candidam prosperamque ex vrna educamus. Mittebatur in Mesopotamiam, iuramento obstrictus vt Isaac domini sui filio vxorem quæreret in cognatione Abrahæ: cumque longum iter emêsus, venisset ad urbem Nachor, & camelos fecisset accumbere extra oppidum iuxta puteum aquæ vespere, tempore quo mulieres solent egredi ad hauriendam aquam, dixit: *Domine Deus domini mei Abraham, occurre, obsecro, mihi hodie, & fac misericordiam cum domino meo Abraham.* Ecce ego sto prope fontem aquæ, & filiaë habitatorum huius ciuitatis egredientur ad hauriendam aquam. Igitur puella cui ego dixero: *Inclina hydriam tuam vt bibam,* & illa responderit. *Bibe, quin & camelus tuus dabo potum, ipsa est quam praparaisti seruo tuo Isaac: & per hoc intelligam quod feceris misericordiam cum domino meo.* Necdum intra se verba compleuerat, & ecce Rebecca egrediebatur filia Bathuel, filij Melcha vxoris Nachor fratris Abraham, habens hydriam in scapula sua, puella decora nimis, virgoq; pulcherrima, & incognita viro. Descenderat autem ad fontem, & impleuerat hydriam, ac reuertebatur. Occurritq; ei seruus, & ait: *Pauxillum aquæ mihi ad bibendum præbe de hydria tua.* Quæ respondit: *Bibe domine mi, celeriterq; deposuit hydriam super vlnam suam, & dedit ei potum. Cumq; ille bibisset, adiecit: Quin &*

Psal. 30.

Gen. 24.

camelis tuis hauriam aquam, donec cuncti bibant. Effundensq; hydriam in canalibus, recurrit ad puteum ut hauriret aquam, & haustam omnibus camelis dedit. Ipse autem contemplabatur eam tacitus, scire volens utrum prosperum iter suum fecisset Dominus, an non? En quemadmodum admirabili Dei prouidentia, & votum ipsius Abrahæ impletum sit, & quam sibi seruus eius præstituerat, rata sit facta conditio. Dixerat ei Abraham: Dominus in cuius conspectu ambulo, mittet Angelum suum tecum, & diriget viam tuam: & serui desiderium iuxta iudicium quod tibi de futura vxore formauerat, protinus adimpletum est. Similiter Ionathas Saulis filius omen sibi fore cæleste statuit, si Philistæi ad ascensum inuitarent. Stemus, inquit ad armigerum, in loco nostro, nec ascendamus ad eos. Si autem dixerint, Ascendite ad nos; ascendamus, quia tradidit eos Dominus in manibus nostris. hoc erit nobis signum.

Dato signo usus est, subsecutaque hostium strages indicio fuit, non si ultra hanc belli tesseram assumptam, quam diuinitus concessa victoria approbavit. Hoc est igitur quod, dum aduersum aliquid vel in anima vel in corpore patimur, adeò molestè feramus, quia plerumque id vel hominum nequitia, vel loci incommodis, vel aëris intemperiei, alteriue causæ fortuitæ adscribimus, laturo æquanimiter, si cuncta ab immensa Dei prouidentia dependere, ab optimo in optimum finem dirigi cogitaremus.

1. Reg. 14.

LIBER TERTIVS.

CAPVT PRIMVM.

§.1. AVGVSTINVS *fide illustratus*, & aquâ salutis tin-
ctus, primùm omnium in laudes omnipotentis Dei, & ad-
mirationem operum eius erupit.

THEMA CONCION.

*Scitis quoniam, cùm Gentes essetis, ad simulacra muta prout duce-
bamini euntes. Idèò notum facio vobis, quòd nemo in Spiritu
Dei loquens, dicit anathema Iesu. 1. Cor. 12.*

DOMINICA
XI, post
Pentecosten
Exod. 14.



Exod. 15.

PERSEQVEBATVR Pharao rex Ægypti
Israelitas tantâ pertinaciâ, vt etiam igno-
to itineri se crederet, & quò illi ductu Dei
præcesserant, sequi suis auspicijs auderet,
securus fluctuum vorticumque, qui vtrim-
que sibi suisque impendebant. At *reduxit*
super eos Dominus aquas maris, submersiq; sunt quasi plumbum
in aquis vehementibus. Et quò miraculum hoc manifestius
euaderet, ostendit Deus cadauera, & opima spolia Ægy-
ptiorum, eiecitque in littus Arabiam versus, vt Hebræi
colligerent. Visus sanè est in hac re facere, quod matres so-
lent, quæ vt liberis timorem incutiant, proferunt aliquam
laruam: quâ si viderint nimium percelli, statim deponunt,
monstrantque nihil esse præter chartam pictam, & humi
abijciunt, pedibusque proterunt. Ita enim Deus passus qui-
dem est vt Pharao magno armorum fragore Hebræos per-
sequeretur, terribilique specie appareret; sed vt vidit ter-
rore percussos, Pharaoni laruam detraxit, rotâs curuum ex-
cussit,

cussit, terræ allisit, totumque exercitum aquis obruit ac prostravit. Interea Moyses eucharisticum carmen expedit, omnemque ad illud decantandum plebem exhortatus est. Præcinebat ipse cum viris, Maria soror eius aliæque mulieres alternatim respondebant. Resonabat magnificus ille hymnus, *Cantemus Domino, gloriosè enim magnificatus est: equum & ascensorem eius deiecit in mare, &c.* totis castris, omniaque iubilo complebantur. Et nonne huius figuræ mysterium cernitis etiam in baptismo AVGVSTINI, luculenter adimpletum; quodque Hebræis corporaliter exhibitum est, illi spiritualiter accidisse? Mare rubrum baptismum significat, qui sanguine Christi consecratus rubet: Israelitæ, catechumenos, atque in primis AVGVSTINVM, quem dum per baptismum suum Christus trajicit, omnia peccata eius, tamquam hostes insequentes, occidit, non aliter atque in illo mari omnes Ægyptij perierunt. Atque ille victor, quasi spolia de hostibus legens, peccato & diabolo insultat, & quas potest, quæ publicè, quæ priuatim gratiarum actiones Deo persolvit.

Neque enim Hymno illo, *Te Deum laudamus*, satiatus est (quem ut supra diximus enthusiasmo abreptus cecinit) sed templi penetralibus vix abscedebat, quin potius totos dies meditationi intentus, Psalmos maximo pietatis sensu decantari, quibus diuina Maiestas seu laudatur, seu propitia redditur, audiebat. Ascendensque à conualle plorationis, cantabat Canticum graduum. Quod quidem Canticum sic dictum est, quod, quotiescumque Iudæi sese ab hostibus in pristinam libertatem vindicassent, pro gratiarum actione cani solitum fuerit, veluti apud alias nationes Pæan; ritu, quia quindecim Psalmis particularibus constat, ascendendi paulatim, quasi per gradus, versus Ierusalem in editiori loco sitam. Ad hunc igitur Iudaicum morem Psalmos ipse quoque canebat, in gratiarum actionem, & memoriam tanti beneficij, quod Deus eum de grauissima peccati ser-

uitute , deque tot erroribus vitæ pristinæ in libertatem Christianam & portum salutis asseruisset. Ita vt cantare Canticum graduum propriè nihil sit, nisi Deo pro perceptis beneficijs gratias agere; Ascendere verò à conualle plorationis, idem quod vitam emendare, & pro admisis culpis lacrymas fundere.

Vide Lanci.
loctum l. 2.
vitæ Augu-
stini c. 3.

Quatuor itaque sunt, quæ nos extra ingratitude cul-
pam ponunt, memoria, amor, seruitus siue obsequium, &
perpetua cum gratiarum actione laus: quæ omnia in AV-
GVSTINO adfuisse consideranti manifestò liquebit. Nec
fatiabar, inquit, illis diebus, (quibus recens baptismum re-
ceperat) dulcedine mirabili, considerare altitudinem con-
siliij tui, super salutem generis humani. Quantum fleui in
hymnis & canticis tuis, suauè sonantis Ecclesiæ tuæ vocibus
commotus acriter? Voces illæ influebant auribus meis, &
eliquebatur veritas tua in cor meum, & ex ea æstuabat
affectus pietatis, & currebant lacrymæ, & benè mihi erat
cum eis.

Lib. 9. Conf.
cap. 6.

1. Cor. 12.

Faciebat nempe AVGVSTINVS, quod Apostolus Corin-
thijs scribebat, atque pro themate concionis posuimus, vt
non tantùm non ampliùs dicerent *anathema Iesu*, id est, fidei
eius renuntiarent, nomenque sacrosanctum execrarentur,
quemadmodum multos fecisse scribit Plinius: Propositus
est, ait, libellus multorum nomina continens, qui negant se
esse Christianos aut fuisse, cum præsentem me deos appella-
rent, & imagini tuæ (quam propter hoc iusseram cum simu-
lacræ numinum adferri) thure ac vino supplicarent: præter-
ea maledicerent Christo. quorù nihil cogi posse dicuntur,
qui sunt reuerà Christiani: ergo dimittendos putavi. Alij se
Christianos, fuisse dicunt, sed esse desisse. Hi omnes imagi-
nem tuam, & deorum simulacra venerati sunt, & Christo
maledixerunt. Hactenus Plinius. Sed potius Iesum agno-
scerent & inuocarent, quasi auctorem gratiæ, salutis, om-
niumque donorum spiritualium, atque hac de causa assidue
gratias.

Epist. ad
Traianum.

gratias agerent: hoc enim videtur D. Paulus per Miosin intelligendum reliquisse.

Rursus, cùm AVGVSTINVS Cassiaci se in virtutibus Christianis ac baptismi veluti tirocinio exerceret, quàm delectabatur & inflammabatur lectione sacrorum voluminum, præcipuè Psalmorum David, quos toto orbe recitari vehementer optabat contra humanam superbiam, quæ turgidum orationis genus æstimat, sed veritate destitutum, quæ in simplici Psalmorum stilo reperiebatur. Namque vt Euripides ait:

Est veritati sermo simplex condecens.

Optabat Manichæis, vt Sacramenta & medicamenta illa salubria intelligerent, & experirentur, quæ quia infani, refugiebant. Consule si placet lib. 9. Confessionum cap. 4.

Deinde magnos aliquot heroes, Dauidem, Debboram, Annam matrem Samuelis, Zachariam patrem Ioannis Baptistæ, in hoc AVGVSTINVS imitatus est, quòd singulari Dei beneficio, iam Christianus effectus, nouum hymnum composuerit. Et nos adeò nihil noui pro innumeris beneficijs exsoluimus, vt etiam veteres gratiarum actiones reticemus. Porrò illud habuit cum omnibus omninò iustis commune, quòd illicò proruperit in laudes Dei, baptisinate donatus: sunt enim iusti, si fas sit dicere, gallinis similes, quæ quoties bibunt, toties cælum suspiciunt, atque beneficij auctorem rememorando quasi venerantur: ita & ipsi nullo à Deo beneficio donantur, quin ad illum per gratiarum actiones recurrant; contrà atque impij, qui instar porcorum glandes è quercu excussas vorant cum grunnitu, sed ne vel semel respiciant vnde tam largiter pascantur. Hæc tamen, inquit Seneca, inrer duos beneficij lex est: alter statim obliuisci debet dari, quod de Deo probat S. Iacobus: quia si postuletur *sapientiam, dabit omnibus affluenter, & non improperat*; alter accepti numquam, sed quantum potis est, gratias refundere. Refundet autem, etiamsi tantùm sinceram &

In tit. Psalmor. Iud. 5.
1. Reg. 2.
Lucæ 1.

Lib. 1. de beneficijs, cap. 2.
Iacob. 1.

integram voluntatem habuerit, huius non alium quàm se-
ipsum habeat testem.

Hoc ergo discamus, & altè memoriæ infixum geramus,
vt excitati à somno, quot - diebus gratiarum actioni inste-
mus, quasi recenter editi in lucem, veluti AVGVSTINVS in
gratiam. Quid enim lectulus nisi vterus quidam mater-
nus, qui nos vñ sensuum destitutos fouet ac reficit, atque
mox in mundum, ostensuros palàm nos viuere, effundit?
Ille maternis egressus ergastulis per Sacramentum baptif-
maris, pensum hymnicum persoluit; nos quia quo tidie
è lecto quasi renascimur, quotidie gratias referamus.

§.11. *Præstantissimum medium est, ad acquirendam in bono pro-
posito per seuerantiam, quotidiana pro beneficijs acceptis gra-
tiarum actio.*

DOMINICA
XIII. post
Pentecost.

QVanti hæc referat post beneficia, inde patet, quòd per-
seuerantia in bono adiuuet, & illius sit quasi sedula
mater ac nutrix. Quos enim vocatione suâ sanctâ videris
excidere, obserua an non priùs turpem incurrerint ingra-
titudinis notam: eò quòd scilicet primum statum suum ni-
hili, deinde vili-penderint, mox etiam odio habuerint: &
quod caput rei est, gratiarum actionem neglexerint. Verè
enim de pluribus tum Religiosis, tum Clericis, alijsque ho-
minibus, dixeris quod Virgilius de agricolis ait:

Felices nimium sua si bona norint,

id est, intelligant, & æstiment ingens illud sibi collatum à
Deo vocationis beneficium; idque quotidianâ gratiarum
exhibitione testentur. Sed prò dolor! quia aliqui nec forte
suâ contenti viuunt, nec gratitudinis affectum erga Deum
ostendunt, sæpè amittunt coronas suas, turpique casu cor-
ruunt. Huius rei illustre exemplum sunt leprosi à Salvatore
nostro mundati, qui cùm iussu ipsius irent ad sacerdotes,
atque inter eundem sanarentur, nouem ex illis beneficij
accepti immemores, redire ad cælestem medicum gratias-
que

que agere omiserunt. & quid dicemus, nisi eos, vt fidem in Christum, ita & sanitatem rursus amisisse? vt pote qui Dominum & benefactorem suum contempserint, atque ob ingratitude digni fuerint qui beneficio exciderent, quemadmodum de pœnis feudatariorum feloniam committentium scribunt Iurisperiti. *Vnus autem ex illis, vt vidit quia mundatus est, regressus est cum magna voce magnificans Deum, & cecidit in faciem ante pedes eius, gratias agens: & hic erat Samaritanus. Respondens autem Iesus dixit, Nonne decem mundati sunt? & nouem ubi sunt? Non est inuentus qui rediret, & daret gloriam Deo, nisi hic alierigena. Et ait illi: Surge, vade: quia fides tua te saluum fecit.* Et sic sine dubio & sanitatem diuinitus concessam retinuit, & in fide constans perseuerauit. Sic enim Gratia tres, siue Charites, inter se implexæ sunt, vt gratia perpetuo volumine & circuitu gratiam pariat: nec quidpiam diuitem cœlestis aquæ venam exarescere nisi ingratitude facit. *Cum ieiunas*, inquit Christus, *unge caput tuum*, id est, mitte in Christum, qui est viri caput, quemadmodum caput Christi est ipse Deus, unguentum, & in illum refunde totius boni operis odorem & fragrantiam. Petit, inquit Bernardus, aut certè reperit magis Christus, quod dedit: *Ad fontem enim, vnde exeunt flumina, reuertuntur*, non vt ibi remaneant, sed vt iterum fluant abundantius. Non vt minus habens, quod dederat, Christus reperit; sed ne tibi pereat, quidquid ad eum referre volueris. Siquidem etiam fluminis aqua si stare cœperit, & ipsa putrescat, & inundatione factâ superueniens repellatur: sic planè gratiarum cessat decursus, vbi recursus non fuerit: nec modò nihil augetur ingrato, sed & quod acceperat, vertitur in perniciem. Fidelis autem in modico, censetur dignus munere ampliore. *unge igitur caput tuum*, refundens in eum qui supra te est, quidquid in te est deuotionis, quidquid delectationis, quidquid affectionis: si qua in te gratia est, referatur ad ipsum. Et alibi idem S. Doctor ait: Vel

Luc. 17.

Matth. 6.
Ambros. lib.
de Elia c. 10.
1. Cor. 11.

Serm. 1. de
ieiun.
Eccles. 1.

Serm. 13.
in Cant.

uti

uti origo omnium fontium & fluuiorum mare est, virtutum autem & scientiarum origo est Dominus Iesus Christus: ita dona caelestia, per gratiarum actionem ad suum principium & caeleste profluuium sunt remittenda, quod ulterius terre refundantur. Et mirum quomodo Deus, qui a nobis tam leui & iniquam monetam soluitur, rursus tot tantaque credat. Similes enim videtur mihi gratias nostrae serico, quod huc ex Italia aduehitur. Illud hic Autuerpiae aurum vocant, dum recens aduenit, & rude adhuc & illaboratum permanet; argentum, dum glomeratur, torquetur, triplicatur atque diuersis vsibus aptatur; aes vero dum aliquem colorem bibit: ita ut quod in initio praestantissimum fuit, inter manus operatorum vilescat. Gratiae itaque nobis a Deo datae optimae atque sincerissimae sunt, sed vltimo nostro deteruntur, & nisi iam, quasi opere confecto, per gratiarum actiones ad Dominum suum redeant, multum de pretio, multum de praestantia remittunt.

Quapropter illis, qui superflua & saepe noxia anxietate tenentur, utrumne in bono perseveraturi sint, & finaliter in statu gratiae morituri: atque hoc vnum fere semper vident: iam quidem, cum Dei gratia (ut arbitror) bene uiuo, iam diaboli suggestionibus non succumbo: sed quid postea fiet? quid si in vltimo vitae articulo grauius quam unquam hactenus tenter? Illis, inquam nihil melius efficaciusque praescripseris, quam ut in gratijs Deo agendis persistant; diem nullum, nullam horam, imo, si possibile sit, nullum horae quadrantem praetermittant, quin in diuinae bonitatis erga se praedicationem erumpant. Impossibile tunc erit ut Dei gratia flaccescat, hominem uero destituat, quem gratitudo non intermissa exornat.

CAPVT SECVNDVM.

S. I. AVGVSTINVS æstu amoris diuini languens, ad huius mundi delectabilia deinceps nauſeabat.

THEMA CONCION.

Quàm magna multitudo dulcedinis tue Domine, quam abſcondiſti timentibus te! Pfalm. 30.



LE idem Amor, qui AVGVSTINO os

DOMINICA
XX post
Pentecosten;

resoluit in laudes Dei, animum quoque eius tam feruenti desiderio rerum cælestium inflammavit, vt omnium quæ priùs carni & sanguini fuerant suauia, caperet nauſeam. Mira subitaque rerum mutatio:

qui priùs tantâ auiditate honoribus, corporisque voluptatibus inhiabat, hederaceâ tenacitate adhærebat, vt sine illis non videretur posse viuere; iam satur omnes fastidiebat.

Nempe veluti, cum Nadab & Abiu filij Aaron arreptis thuribulis poneret ignem & incensum desuper, atque offerrent coram Domino ignem alienum, egressus est ignis sacer à Domino, id est, ab ostio tabernaculi, vbi Deus habitabat in hominibus, & responsa dabat, statimque & ipsos iuuenes, & ignem profanum absumpsit. ita & AVGVSTINO accidit: qui licet antea immodico cupiditatum variarum æstu flagraret, tamquam alieno & damnabili igne; vbi cælesti flammâ incauit, protinus ille profanus ardor extinctus est, quin & amabile quoddâ atque opportunum frigus contra voluptates terrenas pariter aduexit. Vnde aut similia, aut etiam

potiora ille expertus, clamabat; *Quid mihi est in cælo? & à te quid volui super terram? Defecit caro mea & cor meum: Deus cordis mei, & pars mea Deus in æternum.* q. d. Neque in cælo,

Pfalm. 72.

neque

neque in terra est aliud à te, id est, non est præter te aliqua creatura, quæ ad beatificandum me sufficiat: tu solus Deus sufficis, tu solus summa æternaque beatitudo: te super omnia amo, amore tui torreo, præter te nihil volo, vel desidero. Ideoque defecit caro mea, & cor meum, quoad amorem terrenum, scilicet, defecit in amando omne id quod tu non es. Maxima enim AVGVSTINI animum subierit nausea necesse est, qui dicebat etiam ante susceptum laucrum salutis: Mihi autem displicebat, quod agebam in sæculo, & oneri mihi erat valde: non iam inflammantibus cupiditatibus, vt solebant, spe honoris & pecuniæ, ad tolerandam illam seruitutem tam grauem: iam enim me illa non delectabant, præ dulcedine tua, & *decore domus tuæ, quam dilexi*. Et statim à baptismo; Quam suaue mihi subito factum est, carere suauitatibus nugarum! & quas amittere metus fuerat, iam dimittere gaudium erat. Eijciebas enim eas à me, vera tu & summa suauitas: eijciebas, & intrabas pro eis omni voluptate dulcior, sed non carni & sanguini: omni luce clarior, sed omni secreto interior: omni honore sublimior, sed non sublimibus in se. Iam liber erat animus meus à curis mordacibus ambiendi, & acquirendi, & volutandi, atque scalpendi scabiem libidinum: & garriebam tibi claritati meæ, & diuitijs meis, & saluti meæ, Domino Deo meo. Est namque Deus, vt acutè obseruat S. Antonius de Padua, sol, qui eclipsim, id est, defectum in cruce patiens, omnia decolorat, & nigrore quodam obducit, ita vt nihil amplius coloris & venustatis in honoribus, diuitijs, voluptatibus appareat. Ideoque anima AVGVSTINI pœnitentis merito dicat: *Nigra sum, fusca sum, quia decolorauit me sol*, dum oculo fidei Deum meum, sponsum meum, Iesum Christum in cruce pendentem, clauis confixum, felle & aceto potatum, spinis coronatum video, atque intus in cordis arcano suauitatem gratiæ eius persentisco: omnis decor, omnis gloria, omnis honor, omnis pœmpa transito-

Lib. 8. Conf.
cap. 1.

Psal. 25:

Lib. 9. cap. 1.

Serm. 3.
Quadrag.

Cant. 1.

ria in pallorem vertitur, & à me nihili æstimatur. Vnde sicuti Ionathæ gustanti fauum mellis oculi, præ fame caligantes, aperti sunt, vt clarè omnia quæ circa se erant, cerneret, ad quæ intuenda oculorum acies non penetrabat. Ita vbi AVGVSTINVS cælestis gratiæ ambrosiam plerentis ore gustavit, animaduertit nil esse omnia illa vana & fluxa, quæ priùs totum illum detinuerant. Hinc contra mundum, non secùs atque Ionathas contra Saulem, indignans quòd se tanto beneficio tam diu priuasset, aiebat: *Turbauit pater meus terram, vidistis ipsi, quia illuminati sunt oculi mei, eò quòd gustauerim paululum de melle isto.* Optabilis cæcitas, vt AVGVSTINVS nihil deinceps, nisi spirituale & æternum cerneret. Rursus, sicut Propheta Daniel viso Angelo, qui sibi futura nuntiatum venerat, dixit: *Et ego Daniel langui, & aegrotavi per dies: cùmque surrexissim, faciebam opera Regis, & stupebam ad visionem;* similiter de AVGVSTINO liceat dicere, qui posteaquam vidit & gustauit, cœpit ægrotare mundo, illiusque blanditias & voluptates toto corde aspernari, nec illum quidpiam reficere poterat, quin ad potiora asurgeret, atque studiosè summi Regis negotia ageret, omnes denique animæ corporisque facultates in illius amorem & obsequium impenderet. Intellexit tum vel maximè, Deum reuerà id esse quod Hebraicè audit, *Saddai, Solus sufficit.* Quapropter & sequenti Emblemate AVGVSTINVM specie hominis febrì æstuantis & lecto affixi exhibemus, qui tantam ciborum, quibus antea cum delectatione reficiebatur, nauseam concipit, vt ne oculis quidem contueri illos sustineat. Quia, vt Macarius senior Ægyptius scribit, Amor siue gratia Dei magnam cum febrì similitudinem habet: quemadmodum illa ciborum, ita hæc nauseam terrenarum voluptatum inducit, diuinioreque flammâ animam succendit, vt nihil illi amplius, quod carni blanditur, libeat; nihil quod carnalem vitam trucidat, spiritus perhorrescat. Amor immundus in-

i. Reg. 14.

Dan. 9.

Hom. 9.

August. in

Psalmus 121.

flammat animam, & ad terrena concupiscenda, & peritura sectanda vocat perituram, & in ima præcipitat, atque in profunda demergit: at amor sanctus ad superna eleuat, & ad æterna inflammat, & ad ea quæ non transeunt, neque moriuntur, excitat animam, & de profundo inferni leuat in cælum. Igitur AVGVSTINVM felici hac febris languentem paulisper contemplemur.



Et quas rugas amittere metus fuerat, iam dimittere gaudium erat. Lib. 9. Confess. cap. 1.



*Sacchara non sapiunt, & mella videntur amara,
 Cui febris calidum torret anhela iecur.
 AVRELI simul ac dio mens aestuat igne,
 Fercla placere, prius qua placuere, negat.*

Mirabitur fortè quispiam qui paullò plusquam accuratus fuerit, cur amorem diuinum, quo sanitas & integritas constat mentis, morbo fecerimus similem. Cui respondebimus, id factum ideo, quòd ille non tantùm morbo, sed & morti, & quod extremum est malorum, inferno, in S. Scriptura comparetur. *Fortis est, inquit Sapiens, ut mors dilectio, dura sicut infernus emulatio.* Nam veluti illi qui mortis vel inferni tolerant angustias, vix aliquid cogitare valent præter pœnas, & illuc deiciunt impetum cogitationis, vbi sentiunt vim doloris: ita & amantes, potenti illo morbo victi, & cum morte sensuum colluctantes, id vnum cogitant, quod amant; illuc feruntur, quòd pondus amoris eos inclinat. Deinde sanctissimus Propheta Dauid famem & sitim spiritualem, (quæ, si corporis necessitates spectes, non minùs quàm morbi ipsi, sunt pœnalia,) exoptat: adeò nihil mali illa animi affectio continet, etiamsi febris nomen illi tributum sit. *Concupiuit anima mea desiderare iustificationes tuas in, omni tempore.* Qui modus loquendi sine dubio incongruus, quin & nouus, videretur, concupiscere, id est, velle expetere vt desideremus, siue fameamus & sitiamus Dei iustificationes, nisi optabilis foret eiusmodi fames & sitis. At in hoc excessus bonorum spiritualium manifestatur, quorum vel solum desiderium, sola sitis, est melior, quàm omnis possessio bonorum quorumcumque temporalium. Quis vnumquam sanus concupiuit desiderare bona temporalia? Potiùs enim qui talia sitiunt, ab ea siti liberari contendunt, nec pauci eam quantum possunt, euitant, vt pote sibi noxiam & periculosam. Sed fames sitisque rerum spiritualium, animam reficit, plurimumque vtilitatis præstat, ita vt inter beatitudines à Salvatore nostro connumeretur: *Beati qui esuriunt & sitiunt iustitiam, quoniam ipsi saturabuntur.* O igitur verè optabilis tantæ veritatis fames & sitis! ô desiderabilis amoris febris! de qua non ineptè dixeris, quod Themistocles de suo apud Xerxem exilio ad liberos aiebat:

Cant. 8,

Innocent.
lib. 3. c. 7. de
contemptu
mundi.

Psal. 118.

Matth. 5.

aiebat: *Perieramus, nisi periissemus.* Quid enim diuinius, quàm vt anima eiusmodi calore langueat, imò morbida, mortuaque rebus mundanis, vigeat viuaturque cælo? O medice cælestis & æterne, ita, rogo, meæ sanitatis & salutis curam habe, vt hoc morbo decumbam, hac febrimoriar:

— *Non dignius arserit ales,*

Quæ super Eoos extincta renascitur ignes.

§ 2. *Quia nulla adhuc nobis mundi pars plenè desipit, euidentis signum est caelestia parum posse placere.*

DOMINICA
Palmarum.
Hom. 44.

Sicut, inquit Macarius senior Ægyptius, qui sunt in nauì, non hauriunt aut bibunt è mari, nec ex eo victum aut vestitum sumunt, sed aliunde portant in nauem: hoc modo Christianorum animæ, licèt fluctibus huius sæculi, corpore veluti phaselo conclusæ, iactentur, non de sæculo isto, sed desuper è cælo cibum cælestem accipere debent. Quod nisi faciant, palàm est quia adhuc terrenis, quæ instar oceani nullam fidem, nullamque constantiam seruant, implicantur: & quamuis Christi præferant nomen, vitam tamen illius non æmulantur, qui de seipso ait: *Regnum meum non est de hoc mundo.* Atque ex effectu id probat: *Si ex hoc mundo esset regnum meum, ministri mei utique decertarent, vt non traderer Iudæis: nunc autem regnum meum non est hinc.* Vnde non malè inferimus, nostrum multorum regnum esse de hoc mundo, terrenaque sapere, quia omnia nobis pro illius possessione retinenda famulantur. Quotusquisque non sibi hîc regnum aliquod constituit? ille quidem in splendidis ædibus, villis, agris: iste in vestium luxu, & ciborum lautitia: tertius in hortis & nemoribus, in quibus veluti inertix & otij umbra consenescat, & quæ sapientes pro secessu à curis, & laborum temperamento quandoque vsurpant, grauissimum negotium æstimat. Alius omne studium impendit aucupio fauoris principum, & quasi regnare videtur, si speciose, etiamsi miserè, seruiat. Est etiam, pro cuius lon-

Ioan. 18.

longæuitate Æsculapij filij strenuè decertent, conentur-
que fata extendere; sed tamen fata non cedunt. Quæ satis
manifestè conuincunt quàm plurima huius mundi quàm
plurimis necdum displicere, adeoque cælestia sapere non
posse. Vacuandus animus sordibus, vt aquam puram cæle-
stem infundas: & quantum istarum exhauseris, tantum il-
lius intrabit.

Iussus est Ezechiel prophetare ossibus mortuorum; sed
quæ priùs vetustas omni succo exuerat, reddideratque sic-
ca & albertia: atque in illa spiritus, id est charitas Domini
intrauit, meliorique vitæ restituta sunt. Qui locus littera-
liter & primariò quidem de filijs Israëli intelligendus est,
sed & proposito per accommodationem non ineleganter
seruit. Cùm enim illi captiuitate pressi Babylonicâ, se ari-
dis ossibus compararent, & idcirco existimarent impossi-
bile, vt populus exsuccus & emortuus viuere rursus & flo-
rere posset, dicebant: *Aruerunt ossa nostra, & periit spes no-*
stra, & abscissi sumus. Sed contrà Deus, vt ostenderet hoc
nihil omnipotentix suæ refragari, assumpsit Prophetam in
spiritu, duxitque in campum magnū plenum ossibus mor-
tuorum, quæ erant sicca vehementer, nullumque reli-
quum habebant vel vitæ vel spiritus vestigium. Dixitque
Ezechieli: *Fili hominis, putâsne viuent ista ossa?* Hærebat Pro-
pheta dubius, concederetne, videns illa à spiritu vitæ peni-
tus exclusa, an verò negaret attédens Dei infinitam poten-
tiam, ideoque respondit: *Domine Deus tu nosti.* Et dixit Deus:
Vaticinare ossibus istis, & dices: Ossa arida, audite verbum Do-
mini. Hac dicit Dominus Deus ossibus his: Ecce ego introducam
in vos spiritum, & viuetis. Vide quibus ossibus iubeatur Eze-
chiel vaticinari, & promittere spiritum Dei, non omnibus,
sed ossibus istis, Iudæis diuturnâ captiuitate attritis, macie
albertibus: quod vt notius euaderet, semel & iterum repe-
tijt, dicens: *Vaticinare ossibus istis. Et hac dicit Dominus Deus*
ossibus istis. Quasi non omnia apta sint, in quæ spiritus Dei

Ezech. 37.

introducatur, sed illa tantum, à quibus spiritus proprius recessit, quorum caro emarcuit, quorum nerui vt fœnum exsiccati sunt. Quod vbi in nobis adimplerum fuerit spiritualiter, quando videlicet sensum ad omnia terrena & caduca amisisse videmur, tum viuificator ille spiritus Dei aduenit, & cœlestia cum illo pariter nobis sapere, & mirificè placere incipiunt: acceduntque *ossa ad ossa*, id est, robor & constantia animam subeunt, *unumquodque ad iuncturam suam*, id est, seruato vbiq; ordine charitatis & discretionis in rebus gerendis: moxque confurgit & apparet integer diuersarum virtutum exercitus, quæ stant supra pedes suos, id est, assidue exercentur, & in opus exeunt.

CAPVT TERTIVM.

§. I. AVGVSTINVS Deum reperit, & omnia bona pariter cum illo.

THEMA CONCION.

Venerunt mihi omnia bona pariter cum illa, (eterna Sapia) & innumerabilis honestas per manus illius. Sap. 7.

DOMINICA
IV. Qua-
dragesimæ.
Isa. 8.



ABIECERAT hætenus infelix ille *aquas Siloë, quæ vadunt cum silentio*, & assumpserat magis *Rasin*, & filium *Romeliæ*; confusus, inquam, fuerat AVGVSTINVS in acumine subtilis ingenij, speraueratque se in honoribus, delicijs, & voluptatibus inuenturum præsidium, & stabile aliquod animæ suæ gaudium, ipso omnium Creatore neglecto; cuius maiestas, quia sobriè in humilitate Ecclesiæ Catholicæ fulgurat, continuâ quidem, sed in sonorâ benevolentia featurigine decurrit instar fontis *Siloë*, diuitis optimarum aquarum, innumeros fecum

cum voluens gratiarum & delectationum vortices: ideo-
 que à carnalibus hominibus, qui nihil nisi externam rerum
 apparentiam contemplantur, despicitur, cognitaque dum-
 taxat fit virtus eius in Christo renatis, & reuersis in natu-
 ram paruulorum ac humilium. Hinc vbi omnibus abdicatis,
 totum se Deo AVGVSTINVS mancipauit, salubriter intellexit frustra
 alibi aliquod bonum quæri extra Deum, à quo, & per quem, & ad quem sunt omnia: cuius vnus con-
 sequendi causâ, dum humana sudat industria, quasi omnium
 bonorum, quæ per creaturas sparsim diuisa sunt, compendium indagat. *Hæc est*, inquit Sapiens *consummatio sermonum*, siue summa omnium dictorum, *quia Deus est in omnibus*. Nam ipse est τὸ πᾶν, id est, vniuersum: quo nomine Deum Trismegistus, alijque ex veteribus sapientibus non tantum compeillarunt, sed & veluti quoddam totius orbis compendium sub Panis satyri figura depinxerunt. Pectus eius varijs insigne stellis radiabat, fistulam septem compactam cannis ori eius imprimebant, propter siderum errantium siue Planetarum symphoniam: hinnuleæ pellis varietate contegebant, vt ex maculis stellæ referri viderentur; quia fortassis ex Hebræorum monumentis didicerant *cælum extendi sicut pellem*. Et certè Eusebius, & alij Ægyptiorum arcanorum interpretes, sic expressum Panem tradiderunt: Caprina erat facie, rubro colore, hirtis cornibus, variâ & maculosâ pantheræ pelle indutus, infimâ sui parte hispida, pede caprino, alterâ manu fistulam septem calamorum tenebat, alterâ baculum incuruum. quâ figurâ vniuersi symbolum contineri putabant. Facies enim rubens æthera significabat, bina cornua solem & lunâ, pantheræ pellis cælestium siderum varietatem, pars inferior hirsuta arbores, virgulta, feras, caprini pedes terræ soliditatem, fistula septiccannis cæli harmoniam; in qua sunt septem discrimina vocum, virga recurua annum qui in se recurrit, ideoque τὸ πᾶν, id est, omne interpretabantur, siue naturam

Ecclesiæ, 43.

Psalm: 103.

ipsam rerum, quæ omnia complectitur. Arcades verò, quæ eundem Panem ut Deum colebant, vniuersæ materiæ Dominum appellabant.

I. Cor. 15.
Ioan. 1.
Sap. 7.

Sed ad sacra redeamus. Apostolus in primis ait: *Erit Deus omnia in omnibus.* & Ioannes: *Quod factum est, in ipso vita erat.* Denique in Sapientia vocatur, inquit Palacius, Spiritus sanctus, mundus subtilis: quia veluti mundus omnia corporalia complectitur, ita Deus omnia corporalia continet incorporaliter & immutabiliter, ut meliores simus in Deo quam in nobis. Et S. AUGUSTINVS, Bonorum, inquit, summa nobis Deus est, Deus est nobis summum bonum. Neque infra manendum est, neque ultra quærendum: alterum est friuolum, alterum nullum. Vnde sub typo militum, qui venerant ut illum comprehenderent, Homo-Deus fidelibus suis ait; *Quem queritis?* respondent illi, non peruersâ, sed optimâ & sincerâ voluntate, parantes non canabina aut ferrea vincula, sed dulcia amoris ligamina, funiculos charitatis; *Iesum quærimus Nazarenum:* aut aliud quidpiâ quod nos beatos possit reddere. Quibus ille respondet: *Si ergo me queritis, sinite hos abire.* Ego Saddai, solus ego sufficio. Dimittite cetera, mihi vni adhærescite, sinite quæ videntur mundi delectabilia ire & præterire: sinite ut dæmon, caro, mundus vadant; Iesus sit vobis prora & puppis. Nam veluti hoc perfectionem amoris commendat, quod sit vnus: ideoque nonnulli Amorem pinxerunt pedibus calcantem notas arithmeticas, solâ vnitatem exceptâ, quam ros coronatam manibus tenebat,

August. in
Procem.
Psalm. 121.

Ioan. 18.

— *Vnum, inquit aliquis, amat, unum ecce coronat,
Et reliquos numeros en pede calcat Amor:*

ipse quoque Aristoteles asserit perfectum amorem esse non posse nisi ad vnum: ita pariter rei amatae excellentiam demonstrat, quod amanti desiderium satiare & explere abundè sufficiat. Iam verò nemo alius id potest nisi qui seipso est, & bonus est: qui & alibi zelantis sponsi personam erga
genus.

genus hominum regale & electum assumens ait: *Simurus* Cant. 8.
est, ædificemus super eum propugnacula argentea: si ostium est,
compingamus illud tabulis cedrinis. q. d. Quamuis sciam
 sponsam meam nihil aliud præter me appetere, tamen quia
 murus aheneus est, & ostium forte, id est, constanter & fer-
 uenter me iuxta ac virtutem colit, præcidamus illi occa-
 siones desiderandi quidpiam aliud, quum illi solus plus
 quam satis sim: ædificemus murum contra procorum insi-
 dias, contra procacium impetus: compingamus ostium
 cordis eius tabulis cedrinis, ne quis fur illud subuertat vel
 perfodiat: qualitercumque cum illo sim, præ me solo fri-
 uola sunt vniuersa. Huic propositioni, quasi de industria
 respondet Iessiades: *Quid, inquit, mihi est in celo? & à te* Psal. 72.
quid volui tecum super terram? Ita interpungunt Aquila &
 D. Hieronymus. Deum qui habet, cetera parui facit,
 licet præstantissima, cum in ipso insint omnia, ideoque
 prosequitur: *Defecit caro mea & cor meum, Deus cordis mei,*
& pars mea Deus in æternum. Et hunc imitatus S. Franciscus
 assidue vsurpabat: *Deus meus, & omnia.* Quidni ille omnia,
 qui dicitur omne bonum?


Hinc ne fortè apud **AUGUSTINUM**, iam conuersum &
 salutari vnda perfusum, querela esset locus, si quid minus à
 Deo fuisset ei oblatum, quam prius mundus crepantibus
 buccis sponponderat; ostendit illi amor diuinus, sub vmbra-
 tili schemate, Deum esse centrum vniterfi, circa quod om-
 nia sunt, & in quo omnia ordine certo in orbè procedunt,
 donec integra rerum vniuersitas absoluat: creaturas
 omnes esse veluti lineas, quæ ad diuersas orbis partes defe-
 runt. Vt namque centrum nec magnitudo est, nec circu-
 lus, nec orbis, sed omnium & circularum & orbium princi-
 pium: nec linea est, sed id in quo omnes lineæ conuergunt:
 ita Deus nihil est eorum quæ sunt in mundo: nec mundus
 totus, sed totus mundi principium & finis. Atque hac de

causa Deum Trismegistus fortè describit substantiam perfectissimam, cuius centrum vbique est, circumferentia nusquam. Deus, inquam, res est, similitudinem quamdam centri in circulo habens, vtpote qui omnia bona in se complectitur, & ab illo est, quidquid creaturis inest: adeoque qui punctum hoc medium digito apprehenderit, simul apprehensurus sit capita omnium linearum, id est perfectiones omnium creaturarum. Quisquis centrum hoc feruenti amore possederit, vnà sit possessor dominusque omnium quæ in Deum (vnde suum esse mutantur) per continuam conseruationem indefinenter refluunt. Neque est earum rerum quæ sunt conditæ, quidpiam vllâ bonitate præditum, quin infinitis partibus, idem melius præstantiusque in Deo existat, & in eodem omnia habeas per quem facta sunt omnia. Atque id tum AVGVSTINVS experiri cœpit, quia

August. in
Plal. 72.



*Fidelis homo, quasi nihil habens, omnia possidet inherendo
tibi, cui omnia seruiunt. Lib. 5. Confess. c. 5.*



*Ductilis in medium perfertur linea centrum,
Conueniunt vno dextra, sinistra, loco.
Centrum ingens Deus est, cunctorum summa bonorum:
Quidquid amas, dabit hic, quidquid amare potes.*

Deprehendit longè aliter se habere amorem Dei, atque creaturarum: in illo enim intellexit omnia bona per essentiam, in istis exiguum aliquid contineri per participationem. Sunt creaturæ, vti diximus, tantùm quædam tenues lineæ, quæ à centro ad circumferentiam circuli recedunt; quantoque magis, tantò minus retinent boni, quod à centro Deo hauserunt. Quarum quamlibet dum conaris extra centrum, circa extremitatem apprehendere, aliam ex diametro oppositam simul stringere eâdem manu non potes. Dicamus, v. g. lineas ad circumferentiam extensas, esse vnam diuitias, alteram honores, tertiam voluptates; ex quibus si vnam, putà diuitias, tenueris, honori insistere non vales; si honores amas, voluptatibus valedicendum est. At si Deo inhæseris, quidquid hæc omnia habēt pulchrum vel delectabile, in eo adunata inuenies omnia. Ideò pudeat, inquit S. P. A VGVSTINVS, cùm alia non amentur, nisi quia bona sunt, eis inhærendo non amare bonum ipsum, vnde bona sunt. Rursus in principio eiusdem capituli, S. Doctor ostendit & amœna loca, & salubres cibos, & temperatum aërem esse bona, non proprio, sed alieno quodam bono, in quantum scilicet conferunt sanitatem: & amicos in se plurimum boni continere, quia amicitiam dulcis animorum consensio & amoris fides sequitur: & diuitias esse bonas ratione cuiusdam tertij, quia facilè expediunt: Angelos bonos, sed sanctâ obedientiâ; tamen vel sic amanda esse (bonum enim amoris principium est & finis) sed his omnibus magis bonum esse ipsum Deum, qui non aliquo alio bono bonus est, sed bonum omnis boni. Hoc ipsa quadamtenus diuina bonitas indicauit apud Ieremiam, vbi se viuo fonti, creaturas omnes *cisternis dissipatis, quæ continere non valent aquas*, confert. quàm minimum enim refrigerij & solatij præbitura est cisterna aquæ expers sitienti viatori, præ viuo fonte; tam nihilum poterunt humanum animum delectare creaturæ præ ipso omnium Creatore.

Lib. 8. de
Trinit. c. 3.

Ierem. 2.

Quapropter, vt Genius in Emblemate digito demonstrat, Deum stude apprehendere, & omnia desiderabilia pariter tibi cum illo accident: ipse fons & origo omnium est: qui illum inuenerit, inueniet vitam, & hauriet salutem. Lætitiâ, delicias, thesauros, pulchritudinem, beatitudinem desideras? in illo vno sunt omnia. Lineas singulas omitte in circumferentia, omnes simul complectere in centro, & *delectare in Domino, & dabit tibi petitiones cordis tui*. Nos quid sumus? inquit Lipsius, humiles, imò humus. Deus super omnia: ille omnia; & ab illo, quidquid boni est, summo bono.

Pfal. 36.

Lib 5. de mi-
lit. Rom.
dial. 20.

§.2. *Quis verò spe huius præmij ad difficilia non animetur?*

DOMINICA
VI. post
Pentecost.

Solent aliquando reges & principes, publicâ stabilitâ pace, aut etiam in nuptiis suis, vel inauguratione, indicere hastiludium, agitationes taurorum, venationem, aut aliud dignum suâ maiestate spectaculum, ad quod Comites, Barones, Equites, alijque nobilitate insignes euocantur. Proponitur tum victoribus adamas plerumque auro insertus, aliâue gemma, generosus equus, gladius, aut aliud quidpiâ, quod sit tamen longè minoris infra impensam & operam pretij. & tamen certatim omnes maximo studio aduolant, ingentibus sumptibus seipfos exhauriunt, etiam non rarò ære alieno grauant, maximam famulorum cateruam contrahunt; ardent in arenam descendere, nulla pericula reformidant, labori nulli parcunt. Et quæ huius alacritatis causa? Gemma vna, vnus equus? Nihil minùs: statim enim atque victor præmium sustulerit, puellæ alicui donat. Quod eos igitur excitat, & veluti prouocat in pericula, in arenâ, est, quòd intra adamantem siue equum omnia quæ Nobilitas impotenter desiderat, includantur, suntque hæc veluti totius optatæ felicitatis compendium. Latet namque in eo præmio Principis agonothetæ fauor, fama fortitudinis,

nis, honor & veneratio populi, gaudium de triumphatis æqualibus, spes æternitatis nominis, plausus spectantium domicellarum, denique vni alicui, quam deperit, placuisse. Atque illud est, quòd gemma non vsque ad eò magni pretij, tot impensis, & magno sæpè periculo, maximisque laboribus appetatur. Nonne enim & hoc Dauidem fortissimum iuuenem, ad singulare certamen cum Goliath ineundum perduxit, quòd percussori illius desponsam audisset filiam regis? An prudentissimo adolescenti, & nequaquam amoribus dedito, tanti erat vna puella? Imò tanti; sed puellam regiam cogita, quam quicumque obtinisset, regio fuisset sanguini insertus, acquisissetque ius successionis, communicationem non modicam diuitiarum, deliciarum & honoris regij: & quid tandem hæc possidenti, vel rei vel spei poterit deesse, vt inter maximos tandem aliquando eminere valeat? Quidquid alij separatim & successu temporis, summis laboribus & curâ inuestigant, iste vno alex, vt ita dicam, iactu, vno stratagemate acquisiuit. Enimuerò si alicubi aurifodina extaret, quæ futura esset occupantis, etiam si iter ad illam foret difficilimum, plenumque periculis; tamen quot putas eò perrexturos, vt vno quasi compressu volatilis fortunæ alas stringant, atque in suam redigant potestatem? Si alicubi fons vino flueret, non vna Samaritana illum fortassis sibi dari deposceret. Amant etiam homines sua commoda, &, vt Ouidius ait,

1. Reg. 17.

Ioan. 4.

— *cura est sua cuique voluptas:*

Hæc quoque ab alterius grata dolore venit.

Lib. I. de Arte.

Idque maximè, si non admodum difficulter ad illa valeant penetrare.

Nobis interim, ô Christiani, non adamas aliquis, non aurifodina, non fons vino, non terra melle fluens; sed ipse Deus, ipse $\tau\omicron\ \pi\alpha\tau\epsilon\rho\varsigma$, id est, vniuersum, quo omnium desiderabilium perfectiones continentur, in præmium proponitur:

Y y 2

ille

Judith 10.

Gen. 19.

Psal. 136.

Ad Martyr.
cap. 3.Hom. de
Barlaam.

ille vitæ & laborum amplissima merces, ille certaminis brauium est. Et adhuc quispiam nostrum ardua recusabit, pallebit ad pericula, aut labores formidabit? *Quis, aiebat quidam ex militibus Holofernibus, contemnat populum Hebraeorum, qui tam decoras mulieres habent, vt non pro his merito pugnare contra eos debeamus?* Quis, inquam, spernat populum Christianum, qui Deum ipsum pro certaminis laurea habet? Quis non pro hac Rachele, non dico quatuordecim, sed omnes vitæ suæ annis feruiat, idque tantâ amoris vehementia & alacritate, vt dies adhuc videantur pauci? Aucupem vel sola spes prædæ totos dies gelu inter & pruinas detinet; militem amor laudis, diuitiarumque cupiditas domo expellunt, periculis obijciunt, fame siti que conficiunt: amatorculos non paucos puellæ forma excruciat, & speratæ nuptiæ tantum non enecant frigore, vigiliâ, contumelijs: & animum nostrum languescere & tepere æterna hæc retributio, infinita merces sinet? Abscedat ab animis nostris hæc infamia, vt illis pluris sit aurichalcum, quam nobis purum purum aurum: illis vanitas, quam nobis res & ipsa veritas: illis creaturæ, quam nobis Creator. Absit vt aut minis concutiamur, aut præmijs non excitemur. Vri feruilis conditionis hominum est, pœnis ad officia sua adigi; ita spes præmij etiam difficillima, generosas mentes non tantum excitat, sed inflammat. Ingruant aduersa, arietent dura & aspera, instent Chaldæi; *sedent*, quia securi & immobiles animo, iusti *super flumina Babylonis*, id est, aquis tribulationis superiores sunt, cantantque hymnum hilariter, quæ recordantur pulchræ Sionis: dum scilicet ante oculos mentis illorum, amplitudo æternitasque gloriæ cælestis versatur. Nihil, inquit Tertullianus, trux sentit in neruo cui animus est in cælo. Atque hoc est quod de Martyribus cogit dicere D. Basilium: Pericula non respicit Martyr, coronas respicit: plagas non horret, præmia numerat: non videt lictores infernè flagellantes, sed Angelos supernè lætis.

ris omnibus acclamantes imaginatur; non spectat ad temporalia pericula; sed ad præmiorum æternitatem. Hoc idē de se aiebat generosus ille populi Hebraici pater & rex: *Inclinavi cor meum ad faciendas iustificationes tuas, non vno tantum aut decem annis, sed in æternum, propter retributionem, quæ tu Deus es, & præterquam D. Thomas, iussus rogare quidquid vellet, non rogavit aliam.* Imò ipse salutis humanæ reparator præmio animarum, quas lucraturus esset, non animari modò, sed exhilari, & gaudio subsultare aliquando visus est. Cùm enim Philippus & Andreas nuntiarent Gentiles adesse qui conuenire eum vellent, peterentque edoceri fidem, respondit ipse: *Nunc anima mea turbata est,* occasione (inquit non ignobilis interpret) Gentilium eum videre cupientium, mortis & passionis imminētis considerationem assumit: & hoc præ nimio amore & desiderio nostræ salutis, ac Gentilium vocationis, veluti pati & mori gestiens, ita ille. Et quidem rectè. Præ desiderio subeundi mortem, vt, per quam tot & tanti erant faciendi fructus, quodam modo eam præueniret, excitans in se timorem & horrorem ipsius, vt vel sic iam pati inciperet. Vide ergo quantam oblatum menti Saluatoris nostri præmium passionis eius, virtutem habuerit. Quapropter sicut porcorum actores, cùm non possunt compescere porcum clamantem, resupinantes illum, efficiunt vt minùs clamet; ita & queruli & impatientes homines resupinandi sunt, vt cælum videant, cuius intuitu animentur ad pugnam, & conquiri desinant.

Psal. 118.

Ioan. 12.
Toletus in
Comment.Theophyl. in
cap. 15. Luc.

CAPVT QVARTVM.

*S. I. Amor diuinus AVGVSTINVM inter alia docuit, ve-
rum esse quod ait Apostolus, vitam spiritus acquiri
mortificatione membrorum que sunt
super terram.*

THEMA CONCION.

Si spiritu facta carnis mortificaueritis, viuetis. Rom. 8.

DOMINICA
V. post
Pentecost.



Lib. 9. Conf.
cap. 2.

Lib. 13. Conf.
cap. 9.

Aldrouand.
ornithol.
lib. 12. c. 21.

NUMERA ac propemodum infinita sunt dona & ornamenta spiritus, quæ simul cum gratia iustificante, mirâ Dei benignitate & munificentia, animum AVGVSTINI statim à baptisinate subierunt. Nec amor ille diuinus, quo sagittauerat cor eius, gestabatque verba Dei in visceribus, se otiosum continebat, sed mira indes operari cœpit: quæ ipse S. Doctor de se sparsim tum alibi tum præcipuè libris Confessionum commemorat, vt non difficile sit illa inuestigare, cum sese legentibus vltro offerant.

Quale illud in primis est: *Dono tuo accendimur, & sursum ferimur.* Vbi pulcherrimi Emblematis materiam habes. Sicut enim pyrobola, quæ nitrato puluere impleri solent, in triumphis publicis, dum accenduntur, sursum euolant, nec nisi consumpto puluere, in terram recidunt: aut velut auis Manucodiata, quam alij paradisi, alij auem sine pedibus vocant, semper volat in aëre, nec vniquam terram nisi mortua contingit: (reperiri aiunt in Moluccis insulis, atque illâ magistrâ reges Marmim immortalitatem animi didicisse.) Ita vbi AVGVSTINI animum ignis diuini amoris corripuit,

ripuit, ita continenter rebus cælestibus & æternis inhæsit; vt etiam aliquando mulier illum de rebus suis interpellans non fuerit exaudita: atque idem eum amor tam feruidè ad Deum compulit ascendere, vt nullus eiusmodi vquam charitatis *ascensiones in corde suo* disposuerit. Cùm enim ab ipso Deo tertium iam rogaretur: AVGVSTINE amas me? post alteram responsionem tandem quasi in ecstasim amoris, longè ipsius animi præsentiam superantis, raptus, dixit: Si ego Deus forem, & tu AVGVSTINVS esses, omnino vellem ego fieri AVGVSTINVS, vt tu fieres Deus. Est enim, teste Platone, amor profusionis & desiderij pater, adeò vt etiam si amato omnia quæ potuit, impenderit, tamen adhuc plura illi desideret. Hoc diuinum AVGVSTINI cum Deo colloquium, & grauissimos eius testes citatos, vide apud Lancilottum lib. 3. Vitæ S. Augustini cap. 42.

Amor deinde *vult esse vsui fraternæ charitati*: quia veluti superbia, princeps illa parensque omnium malorum, non suis commodis, inquit Angliæ Cancellarius, prosperitatem suam, sed ex alienis metitur incommodis & miserijs; ita verus amor felicitatem ex aliena multorumque salute æstimat. Ideoque non contentus, AVGVSTINVM Deo adiunxisse, laboravit vt plures ipse verbo & exemplo lucrifaceret. Cùm enim conterritus peccatis, & mole miseriarum suarum, agitaret in corde, & meditaretur fugam in solitudinem, prohibitus confirmatusque est à Deo intus loquente, monitusque vt qui viuunt, iam non sibi viuant, sed qui pro ipsis mortuus est, Christo. Ac deinde se feruidè oratione & flagranti zelo ad Deum conuertit: Domine, Deus meus, intende orationi meæ, & misericordia tua exaudiat desiderium meum: quoniam non mihi soli æstuat; sed vsui vult esse fraternæ charitati: & vides in corde meo, quia sic est, vt sacrificem tibi famulatū cogitationis & lingue meæ. Quod & egregiè præstitit scriptis tot libris, habitis tot cōcionibus, fundatis vtriusque sexus tot Cœnobijs, assum-

Marul. lib. 1.
exempl.

Psal. 83.

In dial.
Amor.

Lib. 11. Conf.
cap. 2.

Tho. Morus
lib. 2. Vtop.

Lib. 11. Conf.
cap. 2.

pro etiã munere Episcopali, idque per annos quadraginta.

In Psal. 145.

Rursus, *quod sol est sensibus, hoc amor est mentibus*: nam sicuti illo cubiculum irradiante, etiam leuissimi atomi apparent, & in oculos inuolant, licet nihil sordidum prius ibi esse videatur: ita vbi amor AVGVSTINI animo illuxit, qui antea nec furtum, nec fornicationem, nec alia grauissima scelera, quasi non viderat, aut illis tantam subesse turpitudinem deprehenderat; iam etiam minuta quædam inter conscientia inquinaamenta numerabat: quod v. g. inter vescendum, bolum aliquem fortè dederit voluptati: quod aliquando in ecclesia concentu vocum magis quàm sensu ipso verborum fuerit delectatus: quod casu leporem plangis implicatum, & muscam aranear telis inhærentem curiosius contemplatus fuerit: quod item sole ad meridiem clarissimè resplendente, delectationi quæ ex intuitu lucis est, plus indulserit.

Lib. 10. Cõf.
cap. 35. &
alibi,

Sunt & alia quàm plurima, his potiora: sed vti Lectorem in præfatione monui, non nostræ intentionis fuit illa illustrare; nec ultra scopum iaculum expedio: sed hîc figo pedem, atque tertium hunc librum hac obseruatione concludo; quod AVGVSTINVS ab amore diuino pariter edoctus sit, vitam spiritus acquiri per mortem sensuum, atque ~~tum~~ *tum* ~~demum~~ cum Deo ambulaturum, & perfectum fore, si omnino de terra & cognatione sua exeat, id est, terrenas omnes affectiones seponat. Nam vt Ambrosius obseruat, licet iam tum Abraham de terra & cognatione sua exisset, habitabat siquidem in terra Chanaan, eratque ipse natione Chaldæus; tamen eò quod illi dictum fuisset à Deo, *Ambula coram me, & esto perfectus*; rursus exitus de terra & cognatione sua admonebatur, quia omnes terreni & carnales affectus sunt edomandi, vt quis ad perfectionem vitæ spiritualis perueniat. Nec alius huic cælesti negotio idoneus est, nisi qui peritura omnia seposuerit, iuxta illud: *Qui vult venire post me, abneget semetipsum, & tollat crucem suam,*

Lib. de
Abraham.

Gen. 17.

Matth. 16.

& sequatur me. Primum ecce quod à sequentibus se Christus exigit, est mortificatio: prius enim est declinare à malo, deinde facere bonum: agricola priusquam triticum seminat, agrum spinis & tribulis purgat; nobis quoque prius vitia eradicanda, mox inferendæ virtutes sunt. Prius euelle, destrue, & disperge; postea ædifica, & planta. Hinc Apostolus ait: *Si spiritu facta carnis mortificaueritis, viuetis;* vitâ scilicet æternâ & beatâ. Quantumuis enim ad Deum penitus conuertamur, illique studeamus omni conatu inhærere; viuunt tamen in appetitu nostro carnalia desideria, actusque concupiscentiæ, quibus vitaliter ea quæ sensibus blandiuntur, concupiscimus. Sed hæc ipsa per mortificationem assiduam domanda, frænanda, eradicanda sunt, ijs resistendo, eaque supprimendo: quod fieri nequit, nisi hæc desideria mortificemus, id est, ijs mortem adferamus. Mori enim debent, vt non ampliùs viuant, sed uiuat in nobis virtus & continentia. Hoc ante omnia præstat amor diuinus, qui regit *in virga ferrea, & tamquam vas figuli* conterit eos: id est, vt locum illum S. P. AVGVSTINVS interpretatur, inflexibili iustitiâ suos gubernat, & in eis terrenas cupiditates, affectus inordinatos iræ, auaritiæ, libidinis, ambitionis, & veteris Adæ lutulenta negotia conterit. Nam quòd hoc ita sit explicandum, vel inde patet quòd Deus Pater noluerit filium suum subditos & discipulos duriter tractare, cum lex illius sit plena suauitate charitatis: quapropter de contritione prauarum cupiditatum sermo ibi est, Nemo ambigit quin opera mortificationis sint opera timoris; & tamen semini Israel, id est, perfectis, & Deum quantum fas est mortali, intuentibus dicitur: *Timete eum omne semen Israel, quia non spreuit, neque despexit deprecationem pauperis.* Via nempe timoris, siue mortificationis, deducit in semitam dilectionis & vitæ.

Psal. 36.

Ierem. 17.

Rom. 8.

Psal. 127.

Psal. 127.

Et quamuis de mortificatione à se vsurpata, AVGVSTI-

NVS œstro diuini amoris percitus manifestè scribat, tamen multo minus est quod calamo exarauit, quàm quod opere præstitit. Ad mortificationem oculorum quantum attinet: Resisto, inquit, seductionibus oculorum, ne implicentur pedes mei, quibus ingredior viam tuam Domine, & erigo ad te innuisibiles oculos, vt tu cuellas de laqueo pedes meos. Pulchros, nitidos & amœnos colores amant oculi. Non teneant hæc animam meam, teneat eam Deus qui hæc fecit: bona quidem valdè, sed ipse est bonum meum, non hæc. Quantum verò ad auditum: Cùm, inquit, accidit, vt me ampliùs cantus, quàm res quæ canitur moueat, pœnaliter me peccare confiteor, & tunc mallem non audire cantantem. Quantum ad olfactum: De illecebra odorum non satago nimis: cùm absunt, non requiro: cùm adsunt, non respuo, paratus etiam ijs semper carere. Quantum ad linguam: Quotidiana fornax est humana lingua. Imperas, Domine, nobis & in hoc genere continentiam: *da quod iubes, & iube quod vis.* Tu nosti hac de re ad te gemitum cordis mei, & flumina oculorum meorum. Aduersus autem suauitatem ciborum pugno ne capiar, & quotidianum bellum gero in ieiunijs, sæpiùs in seruitutem redigens corpus meum. Hoc tu me docuisti, vt, quemadmodum medicamenta, sic alimēta sumpturus accedam. Sed cùm salus sit causa edendi & bibendi, adiungit se tamquam pedissequa periculosa iucunditas, & plerumque præire conatur, vt eius causa fiat quod salutis causâ me facere vel dico, vel volo. His tentationibus quotidie conor resistere, & inuoco dextram tuam ad salutem meam. Tandemque symbolo vno quasi omnia complectens, quæcumque impotens ille Amor exigeret, assiduè dicebat:

Moriar, ne moriar. Lib. I. Confess. cap. 5.



*Ipsa rogam sibi met Gangetica conſtruit ales,
 Cumq̄, mori timeat, viuere morte parat.
 Si noua vita placet, veterem reparemus Adamum;
 Non furor hic, non eſt, ne mori are, mori.*

Quod alibi S. Doctor interpretatur. Hoc opus, inquit, nostrum, actiones carnis spiritu mortificare quotidie, affligere, minuere, frænare, interimere. Denique quasi seipsum animans ait: Calca mortuum, scilicet affectum prauum; transi ad viuum, vt & illum mortifices. Calca iacentem, confige cum resistente: mortua est vna delectatio, sed viuit altera. Et alibi: Ego persequar affectus carnales meos, ne ab eis comprehendar, sed comprehendam illos; vt absumentur, & non conuertar donec deficient. Vsi fuerunt hoc aureo dicto in sigillis litterarum & alibi plures ex nostris Belgæ, virtute, doctrinâ, auctoritate eminentes. Ego quoque in illo conquiesco, & quale quale opusculum concludo: *Moriar, ne moriar.* Moriar, ô Deus, mihi, passionibus meis, mundo huic temporaliter; vt ne moriar tibi in æternum, morte tam dirâ & horrendâ.

Enarrat in
Psal 17.

Et quamuis symbolum hoc ore numquam fortassis ysurpauerit, opere tamen expressit D. Hilarion, qui vt semper viueret, sepulchrum elegit. nam breuem adeò cellulam extruxit latitudine pedum quatuor, altitudine pedum quinque, hoc est, staturâ suâ humiliore; porro longitudine paulò ampliore, quàm eius corpusculum patiebatur, vt capulum potiùs quàm domum crederes. Et nónne huic turguriolo congruè quis præfixisset ex nomine inquilini hanc epigraphen: *Moriar, ne moriar?*

Hieron. vitæ
Hilar. c. 5.

§. II. Epilogus operis.

Quoniam omnes homines sumus, id est, non modò labiles, sed certi; (incumbit enim iam inde ab origine rerum filijs Adæ Athe, siue pronitas quædam ad peccandum alliciens) vix dari quempiam existimo, qui non aliquid in se simile, quod in AVGVSTINO repertum fuit, sit deprehensurus. Nam communi illâ & hereditariâ prauitate-

Lib. I. c. 12.

te, vel saltem aliquatenus laboramus: atq; in vix euitabiles, qui adolescentiæ occurrunt, scopulos impegimus, viximusque aliquādo non vsq; adeò ad seueram Catonis regulam. Quare vt idem omnium ortus est; ita pronitate quadam ad malum, omnes quoque nati sumus. quotusquisque enim est, qui non distulerit aliquando ad meliora se accingere? pauci hîc Alexandri sumus, vt nihil eorum quæ facere debueramus, non subinde plus iusto distulerimus. Quantus vbique locorum esset planctus & eiulatio, si tot ætus maris abriperet, quot praua sæculi consuetudo transmittit in formidabile pelagus huius vitæ? multis enim obest nimia parentum indulgentia, qui dum suos per seueritatem correctionis nolunt crescere, deprimunt: adeoque ligna & fomenta vanitatis, libidinis, superbix comparant, vt filij coquere incipiant placentam reginæ cæli, id est, Veneri alteriue monstro sacrificent. Sanguineis porrò lacrymis deflendum est, nonnullos frequentatione prauis sodalitiij in grauiora præcipitari flagitia, idque tam paruo tempore, vt nihil ampliùs possint diaboli multorum annorum prauis suggestionibus.

Itaque hæc quinque simul, quasi facto agmine, AVGVSTINI adolescentiam impetierunt, atque, vt ipse ait, deduxerunt ad ima inferni, id est, talem effecerunt, vt vix melius fuerit, quàm damnatum fuisse. Quisquis igitur es, vide, an nihil infernale post flagitia patiaris. An non aliquid eiusmodi adhuc mortalis sustineas, quod animarum damnatarum perferre est proprium. Est namque peccatum, non secùs atque infernus, malorum omnium quoddam veluti compendium. Considera, an non utrobique abominanda & horrenda omnia: nullus ordo in inferno, sed sempiternus horror inhabitat: nullus quoque in peccato, quod cæium ipsum turbauit, rebellionem membrorum aduersus animum, animi contra Deum adduxit, vt etiam-

num

num horreat peccator ad moti folij vmbra. Horribiles apud infernum tenebræ: in tenebris quoque peccator ambulat, & nescit quò vadat. Denique nulla quies, nulla securitas, nulla in inferno redemptio: peccator similiter quietem nullam, nullam securitatem vñquam experitur: & quamquam fortassis tutum potentia vel diuitiæ reddiderint aliquem; securum neminem: ad extremam nec redimi peccatum vllâ virtute naturali potest, sed id solius Dei omnipotentia est, quæ tam facile damnarum inferno, quàm peccatorem prauâ voluntate expediat. Sunt & inter viuentes, qui & Ixionis rotam, & Sisyphi saxum, & Titijs vulturem, & Tantali sitim, & Belidum urnas sustineant: quasi non sufficiat vnus infra terram infernus.

Cap. 7.

Vt verò alius omnia hæc mala non sentiat, AVGVSTINVS saltem experientiâ didicit, peccata, præcipuè superbiam, libidinem, gulam hominibus eripere consilium & prouidentiam, vt more pecudum ferantur, quò sensus inclinant, non quò ratio mouet. Et quem auaritiæ, amoribus, studio ambiendi deditum mordaces curæ non lancinant, non exedunt? Id sanè manifestius est, quàm vt vllâ probatione indigeat: quia sicut nox lucē abigit, ita peccatum lumen & candorē gratiæ cælestis eliminat. Adulterio perpetrato clamabat ille cæcutiens: *Et lumen oculorū meo-*

Psal. 37.

rum non est mecum. Hinc misero lapsus præstruitur ad alia atque alia peccata: est enim via hæc non tantum tenebris obsita, sed & lubricitate periculosa, vt minoris felicitatis non sit rursus non peccare, quàm super glaciem firmo pede incedere. Rident interea in interitu nostro dæmones, & humanæ insipientiæ miseras explodunt; quasi nihil bonis Angelis velint concedere, quibus est *gaudium super vno peccatore pœnitentiam agente.* Quæ quidem tam graua sunt, vt quamuis nec spes æternæ retributionis alliceret, nec metus damnationis vrgeret; tamen deberent sufficere

Lucæ 15.

ficere ad nos à peccando deterrendos. Neque enim si rectè calculum ponas, vel millefima ex parte tantum peccatis boni & delectationis inest, quantum ægrimonix & malorum: vt emotâ sit mente, qui tam breui & vili gaudio tantam malorum, vt ita dicam, charybdim sibi accersit.

Sed dum altero libro perspicimus, quid AVGVSTINO sic constituto acciderit, qualiter, & quibus medijs illum à via, qui Christus est, errantem, ad æternitatis brauium, diuina benignitas reuocauerit; non surdâ aure omnia prætereamus, quasi non & nobis aliquid eiusmodi dicatur, aut saltem pro tali beneficio debeamus optimum Patrem aliquando deprecari, vt peccatis expediamur. Ille, quia sui iuris & arbitrij erat, peccauit: quia de numero prædestinatorum, in peccato non domum, sed hospitium fixit; nec habitauit, sed peregrinatus est. Commodum tamen conuersioni aliquando futuræ lacrymæ Monicæ matris accesserunt: quia sæpè alienæ, & præcipuè maternæ pietati conceditur, quod peruersitas nostra non exorat. Verè felices, qui si non talem parentem, saltem homines habent pios & religiosos, qui Deum assiduè studeant pro se placare: qui habent Iobum aliquem vel Danielem, qui negotium eorum apud Deum agat, vtpote quorum sacrificia & orationes semper suscipiantur. Quis verò hîc suauissimum diuinæ providentiæ ordinem magnoperè non admiretur, quæ & AVGVSTINO plenissimam arbitrij libertatem indulgit, & suæ prædestinationis effectum fortiri fecit? Nec interim alios Deus trahit, quàm volentes, & vtrò sequentes. Quod vt, (saltem in quibusdam) secundum suæ voluntatis beneplacitum consequatur, omnium omnino mortaliu cordibus inscripsit legem naturæ, quam nulla delet iniquitas, quâ etiam flagitiosissimus quisque monetur turpitudinis peccati, & deuiationis à recto. Neque in alijs tabulis,

Lib 2 cap. 1.

Cap. 2.

Cap. 3.

lis, nisi cordis carnalibus, Cain, Lamech, alijque legerunt homicidium punitione dignum; scelera inulta manere non posse. Quod, fateor, magnum bonum est, sed in illius quod sequitur comparatione, minus: quod præterea homo ab omnipotenti Deo creatus sit infiniti boni capax, nec quidpiam creatum, illius desiderij capacitatem explere possit: vnde & fit vt nec voluptates, nec diuitiæ, nec honores quemquam satiare, aut delectatione explere valeant: vt hac ratione moneantur, omnia illa deferere, quæ iuxta Psalten narrant delectationes, sed non vt Deus. Nam etiam si sedulo quærant, nullam non tantum in rebus hisce terrenis requiem, vel mentis stabilitatē inueniunt; quin potius maximam vbiq̃ue amaritudinem, & conscientiæ intolerabilem carnificinam. Sic nempe prudentissimus huius vniuersi architectus omnia temperauit, vt dulcibus amara admisceret & superaret abundè mensura malorum: vtique futura mortalibus incitamento, ad deferenda noxia. Rursus si nec hæc asperitas, inquietæque animi sufficiant abducendis illis à peccato, ingeritur crebrò etiam nolentibus mortis, futuriq̃ue iudicij memoria, in quo exactissima omnium factorum, cogitationum, verborumque reddenda est ratio: vt qui suauiter vellicanti Deo parere renuunt, horribilium recollectione compellantur. Nec verò est qui mortem, qui iudicium excludere per obliuionem ab animo queat: cum tot & tam varia sint, quæ assiduò nos finis nostri admoneant: vt quotidiana vicinorum domesticorumque funera sileam, tot strages, tot vrbium deuastationes: quid enim aliud omnia clamant, quotidianus solis occasus, perpetuus fluuiorum decursus, temporis ruina, ædificiorum vetustas, attriti pontes, nisi se perire, & nos pariter aliquando desituros? Hanc verò cogitationem vbi peccator incæperit paulò altius in animum admittere, statim alicubi exurgit aliquis Ambrosius, qui etiam aliud agens, in salutem illius peroret,

Cap. 4.

Psal. 118.

Cap. 5.

Cap. 6.

Cap. 7.

Cap. 8.

& sæpè Confessarius, pater, magister aliquis, consilij diuini nescius, illa depromit, monetque quæ validè occasionem futuræ conuersionis ingerant: nisi fortè talem animo duri-
 tiem induerit, vt ne afinâ quidem loquente moueri queat, & cuncta à casu, nihil à Deo arbitretur immitti. Mox etiam fit vt opportunè vel in lectionem Vitæ Sanctorum, id quod
 D. Ignatio Loyolæ contigit, vel in colloquium piorum hominum incidat; vt ex ijs, (veluti in speculo faciem contem-
 plamur) suam turpitudinem cognoscat, atque in imitationem eorum accendatur. Sed pro miseriam conditionis humanæ! Vix eiusmodi cogitatio AVGVSTINVM, aliquan-
 tis per detinuerat, & ecce praua peccandi consuetudo horribili boatu reclamabat. Eheu! quot serio ad emendationem se disponunt, qui hac ferreæ consuetudinis catenâ ir-
 retiti, denuò relabuntur. Alia atque alia AVGVSTINO quoque impedimenta obiecit, donec tandem impossibilitatem continentiæ, necessitatem libidinandi firmis, vt videbatur, rationibus adstrueret: quamuis illa omnia diuinâ sub-
 nixus gratiâ tandem superarit: neque enim graue est illa deserere, sed apparet dumtaxat, idque timidis & igna-
 uis.

Cap. 9.

Cap. 10.

Cap. 11.

Quid igitur, ô Christiane, hæres? quid angeris? quid differs plenè conuerti ad Dominum? Obiiciant praua consuetudo, mundus, caro, dæmon quæ velint, pauperatis, infamiæ, irrisiōnis metum, difficultatem deserendi vetus sodalitiū: animum superfluâ anxietate perturbent, scrupulis obruant: omnia tandem auxilio diuino fretus perrumpes, si orationi lacrymisque constanter & feruidè te dederis, si turbas populi solitudine commutaueris, libros sacros rectâ intentione legeris, Sanctorum opem, precesque, ac imprimis Beatissimæ Virginis, imploraueris. Non est Deo impossibilis etiam Lazari quatrīduani resuscitatio; tu tantum ne relucte-
 ris

ris , sed velis . Velis , inquam , firmâ stabilitique & effi-
cace voluntate : amanti nihil difficile , volenti nihil im-
possibile .

Denique etiam memineris AVGVSTINO lætitiæ illum Lib. 3. c. 2.
indicem hymnum , non nisi post egregiè nauatam ope-
ram decantatum fuisse : post pugnam nempe palma , post
laborem quies , post tempestatem celeusma sequitur . Sic te
ad pœnitentiæ Sacramentum dispone , quasi illud tibi fu-
turum sit inane gratiâ , aut sine illo foret moriendum , ita
stude perfectam habere , & sæpius elicere contritionem :
absque dubio erit , vt cœlitus consolationem accipias , &
Dei amicitia perfruaris .

Postremò vbi beneficio absolutionis donatus fueris , in
assidua gratiarum actione perseuera , ne ingratitude be-
nignitatis diuinæ fontem obstruat , breuique pereat ,
quod tanti temporis labore partum est . Et quamuis non Cap. 2.
omnia illa , quæ AVGVSTINVS , experiaris ; quotidie ta-
men magis magisque ceterorum omnium , præ vnus
Dei amore , inanitatem & fallaciam deprehendes : nau-
seabis ad pristina peccatorum dedecora , & miraberis ac
dolebis , te in ijs aliquando , veluti in balsamo & cinnamo-
momo , fuisse volutatum . Et quanto vterius in via Dei
perrexeris , tanto magis veteres errores accusabis ; indi-
gnaberis indignatione sanctâ non esse plures qui hoc bo-
num intelligant , & quàm dulce sit reliquisse vitia . Sen- Cap. 3.
ties Deum esse omnia , atque cum illo , & in illo solidum
gaudebis gaudium , extra quem amara sunt omnia ; hunc
amplectens , interno affectu dices : *Deus meus & omnia , ex-
tra te nihil volo , nihil concupisco .*

*Te verò , ô mundi Mens aterna , cuius spiritus fertur
super abyssum humana imbecillitatis , vt illam foueat , &*

uiuificet, obsecro & obtestor, ut quisquis seipsum in hoc Speculo perspexerit, AUGUSTINVM tuum, fidelem tuum, imitetur; motionibus tuis monitionibúsq; auscultet, donec intret in viam rectam: dúmque exseris dexteram tuam de alto, ut labyrinthi huius mundani errores signes, ille candorem filii caelestis cognoscat, & sequatur. Fiat, à summe Deus, fiat!



INDEX

INDEX
CONCIONVM.

IN FESTO S. P. AVGVSTINI.

Pro hoc festo, beneuole Lector, tot habes Conciones, quot ex-
tant tribus hisce Libris capita, quinimò paragraphi. At si
quas selectiores velis, vide lib. 2. cap. 7. 8. & 11. similiter
lib. 3. cap. 1. 2. & 3.

INTRA OCTAVAM EIVSDEM.

Diuisimus inter concionandum presens Opus in quatuor Octa-
uas. Liber primus copiosam materiam primæ Octauæ submini-
strat; liber secundus duabus alijs; tertius quartæ. Si verò unam
aliquam ex toto Opere conflare desideras; pro duabus prioribus
Concionibus vide libri primi capita 1. 2. 3. 4. & 5. non quidem in-
tegra, sed primos dumtaxat paragraphos. quin sola Emblemata
largam nouæ alicuius inuentionis materiam ministrabunt: pro
quinque alijs Concionibus l. 2. c. 2. 7. 8. 9. 10. & 11. pro Octaua lib. 3.
cap. 1. 2. & 3. Atque hoc pacto vniuersam Conuersionis D. P. AV-
GVSTINI historiam perstringes.

IN FESTO S. M. MONICÆ.

Quam cum vidisset Dominus, misericordiâ motus su-
per eam, dixit illi; Noli flere. Luc. 7. De lacrymis S. M. Moni-
cæ copiose agitur lib. 2. c. 2. §. 1.

DOMINICA I. ADVENTVS.

Erunt signa in sole, luna, & stellis. Luc. 2. Quantum mo-
menti habeat mortis & iudicij memoria ad conuersionem pecca-
toris, vide l. 2. c. 6. §. 1. & 2. Hæc enim videtur S. M. Ecclesia in-
tentio, quæ hodiernâ Dominicâ ideo hoc de iudicio Euangelium
proponit, ut ad pœnitentiam (quæ optima ad celebrandum Chri-
sti natalem est dispositio) compungamur.

I N D E X C O N C I O N V M .

DOMINICA II. ADVENTVS.

Cùm audisset Ioannes in vinculis opera Christi, mittens duos ex discipulis suis, ait illi: Tu es qui venturus es, an alium expectamus? *Matth. 11. Etiam in carcere constitutus Ioannes munus suum instituendi discipulos non omittit; nihil enim iustum conturbat quidquid acciderit ei, quia scilicet in maximis tribulationibus virtus plurimum consolationis habet. l. 2. c. 5. §. 2. post medium.*

DOMINICA III. ADVENTVS.

Miserunt Iudæi ab Ierosolymis Sacerdotes & Leuitas ad Ioannem. *Ioan. 1. Quamuis id temporis Iudeorum Synagoga esset vitijs nec paucis nec paruis inquinata; tamen virtus naturâ suâ adeo est præstans, ut etiam improbis Phariseis fuerit venerationi: quare & magnificam hanc legationem ad Ioannem adorant. l. 2. c. 3. §. 1.*

DOMINICA IV. ADVENTVS.

Parate viam Domini, rectas facite semitas eius. *Luc. 3. Qualiter pœnitendum, & vincenda peccandi consuetudo, l. 2. c. 9. §. 1. circa medium.*

DOMINICA II. POST EPIPHANIAM.

Dixit eis Iesus: Implete hydrias aquâ. *Ioan. 2. Etiam si B. Virgo necdum oportuno tempore videretur postulare à filio miraculum; tamen, quò Christus ostenderet exemplo, quantum parentibus deferendum sit, matris rogatu illicò aquam in vinum conuertit. lib. 1. c. 4. §. 2.*

DOMINICA III. POST EPIPHANIAM.

Vade, ostende te Sacerdoti, & offer munus tuum quod præcepit Moyses in testimonium illis. *Matth. 8. Non tenebatur Christus lege Mosaica, at ne alicui vel de Sacerdotibus, vel plebe,*

INDEX CONCIONVM.

plebe, daret ansam scandali, leprosum à se mundatum misit ad Sacerdotem. lib. 1. c. 2. §. 2.

DOMINICA V. POST EPIPHANIAM.

Cùm autem dormirent homines, venit inimicus eius, & superfeminavit zizania in medio tritici. *Matth. 13. Imbecillitas aduersarij nostri vel hinc patet, quia homines non nisi dormientes vel impeditos aggreditur. lib. 1. c. 1. §. 2. circa medium.*

DOMINICA SEPTVAGESIMÆ.

Quid hîc statis totâ die otiosi? *Matth. 20. Non est procrastinandus abitus in vineam Domini, nec resipiscentia tempus differendum, lib. 1. c. 2. §. 2. Ibidem, Multi enim sunt vocati, pauci verò electi. Quòd nomen predestinationis neminem vano timore deijcere debeat. l. 2. c. 1. §. 2.*

DOMINICA SEXAGESIMÆ.

Quod autem in terram bonam, hi sunt qui in corde bono & optimo audientes, verbum retinent, & fructum adferunt in patientia. *Luc. 8. Quàm uberes & suaves verbum Dei producat fructus in animo hominis pij, lib. 2. cap. 7. §. 2. post medium.*

DOMINICA QVINQVAGESIMÆ.

Cæcus clamauit dicens: Iesu fili David miserere mei. *Luc. 18. Optanda & procuranda quedam oculorum cecitas, quòd aptius Iesum inclamare possimus. lib. 2. c. 10. §. 1. post medium. de custodia oculorum.*

DOMINICA I. QVADRAGESIMÆ.

Ductus est Iesus in desertum à spiritu, vt tentaretur à diabolo. Et cùm ieiunasset, &c. *Matth. 4. Ieiunio vincuntur tentationes, maximè carnis. lib. 2. cap. 10. §. 1. circa medium.*

INDEX CONCIONVM.

DOMINICA II. QVADRAGESIMÆ.

Et ecce apparuerunt illis Moyſes & Elias cum illo loquentes. *Matth. 17. loquentes de exceſſu ſue morte. Alliciebat Chriſtus hac gloria ſua oſtenſione infirmos diſcipulorum animos ad fortiter martyrium ipſius cauſâ ſubeundum. Mira diuina Sapientia aſtutia, l. 2. c. 7. §. 1. circa medium.*

DOMINICA III. QVADRAGESIMÆ.

Erat Ieſus eijciens dæmonium, & illud erat mutum. *Luc. 11. Non ſunt dæmonia naturâ ſuâ muta, ſed quia illos quos obſident, mutos efficiunt. Quomodo peccatores dæmonibus ſint ludibrio, lib. 1. cap. 7. §. 5.*

DOMINICA IV. QVADRAGESIMÆ.

Vnde ememus panes vt manducent hi? *Ioan. 6. Non incongruè reſponderi poſſet: Ex te ipſo, optime Ieſu; quia in te panem & quocumque panis eſt parabilis; eminenter contines, adeo vt nihil illi deeſſe queat, cui tu ades, lib. 3. c. 3 §. 1.*

DOMINICA PASSIONIS.

Quis ex vobis arguet me de peccato? *Ioan. 8. Quasi dicat Saluator noſter: Ecquis veſtrûm intuens & contemplanſ vitas, in quibus veluti in ſpeculo vitia veſtra apparent, veterum Prophetarum, quos ſanctos iudicatis, poterit in vita mea quidpiam reprehendere, ad quod ſeſe non debeat componere? l. 2. c. 8. §. 1.*

DOMINICA PALMARVM.

Plurima autem turba ſtrauerunt veſtimenta ſua in via. *Matth. 21. Hodie Chriſto aliena veſtimenta ſubſternuntur à populo, poſt quinque non ampliùs dies proprijs, per ſummam ignominiam exuetur. Quanta honoris fauoriſq; humani ſit inconstantia, lib. 2. c. 4. §. 1. poſt medium.*

INDEX CONCIONVM.

DOMINICA PASCHÆ.

Quis reuoluet nobis lapidem ab ostio monumenti? *Marc. 16. Quoties quis aliquod bonum opus aggreditur, pluri-
ma intercurrere solent impedimenta; at peccare volentibus om-
nia fauent. l. 2. c. 9. §. 2.*

DOMINICA II. POST PENTECOSTEN.

Homo quidam fecit cœnam magnam, & vocauit mul-
tos. *Luc. 14. Quidquid nocenti gula primi parentis nobis ad-
tulit, cœnâ Eucharisticâ restauratur. lib. 1. c. 1. §. 3.*

DOMINICA III. POST PENTECOSTEN.

Hic peccatores recipit, & manducat cum eis. *Luc. 15.
Quomodo nos ad fiduciam in Deum contemplatione diuinæ mise-
ricordiæ excitare debeamus, l. 2. c. 8. §. 2.*

DOMINICA IV. POST PENTECOSTEN.

Duc in altum, & laxate retia vestra in capturam. *Luc. 5.
Quæ nobis sepè videntur fortuita, qualis alicui apparere posset
hac retium laxatio, destinato Dei consilio fiunt. lib. 2. c. 11. §. 2.*

DOMINICA V. POST PENTECOSTEN.

Nisi abundauerit iustitia vestra plusquam Scribarum &
Pharisæorum, non intrabitis in regnum cœlorum. *Matth. 5.
Isti corpus cutemq. apprimè curabant; at vera iustitia non acqui-
ritur nisi mortificatione membrorum qua sunt super terram.
lib. 3. c. 4. §. 1.*

DOMINICA VI. POST PENTECOSTEN.

Et præcepit turbæ discumbere super terram. *Marc. 8.
Si Christus illos qui breui tempore eum secuti fuerant, pascit,
& ita beneficè remunerat; quis spe cœnæ, siue beatitudinis aternæ,
non animetur ad grania pro Christo perferenda? l. 3. c. 3. §. 2.*

I N D E X C O N C I O N V M .

DOMINICA VII. POST PENTECOSTEN.

Attendite à falsis Prophetis. *Matt. 7. Quantoperè à societate & commercio hæreticorum cauendum sit, l. i. c. 5. §. 3.*

DOMINICA VIII. POST PENTECOSTEN.

Laudauit dominus villicum iniquitatis, quia prudenter fecisset. *Luc. 16. Laude digni sunt qui diuitijs non innituntur, nec illis cor apponunt, quia reuera fluxa sunt & fallaces. l. 2. c. 4. §. 1. post medium.*

DOMINICA IX. POST PENTECOSTEN.

Cùm appropinquaret Iesus Ierusalem, videns ciuitatem, fleuit super eam. *Luc. 19. Quanti momenti sint piorum hominum lacrymæ apud Deum, l. 2. c. 2. §. 1. circa medium.*

DOMINICA X. POST PENTECOSTEN.

Deus propitius esto mihi peccatori. *Luc. 18. Nihil contra corrupta natura prauitatem præstantius, quam propria imbecillitatis confessio. l. 1. c. 1. §. 3. circa medium.*

DOMINICA XI. POST PENTECOSTEN.

Et solutum est vinculum linguæ eius, & loquebatur rectè. *Marc. 7. Quisquis per Sacramentalem peccatorum suorum confessionem vinculum linguæ abrumpit, rectè loquitur, id est in laudes Dei illicò prorumpit. l. 3. c. 1. §. 1.*

DOMINICA XII. POST PENTECOSTEN.

Homo quidam descendebat ab Ierusalem in Iericho, & incidit in latrones, qui etiam dispoliauerunt eum: & plagis impositis abierunt semiuiuo relicto. *Luc. 10. Per hunc hominem quemdam, humanum genus intellige, quod per Adamum veluti insidiatorem & direptorem aterna felicitatis exutum est donis gratiæ; atque præterea in tribus anima potentijs grauiæ vulnera accepit. Huic medetur Christus, verus Samaritanus. l. 1. cap. 1. §. 1.*

INDEX CONCIONVM.

DOMINICA XIII. POST PENTECOSTEN.

Nonne decem mundati sunt, & nouem vbi sunt? *Luc. 17.* *Nonem illi propter ingratitude[m], fide exciderunt; quia prestantissimum medium ad acquirendam perseuerantiam in bono, est gratiarum actio. lib. 3. c. 1. §. 2.*

DOMINICA XIV. POST PENTECOSTEN.

Non potestis Deo seruire, & Mammonæ. *Matth. 6.* *Qui Mammonæ seruit, curis eiusceratur, ideoq[ue] Deo seruire non potest. l. 1. c. 7. §. 2.*

DOMINICA XV. POST PENTECOSTEN.

Et accessit, & tetigit loculum. *Luc. 7.* *Christus ad visum & contactum cadaueris nihil perterritus, accessit, tetigit, mortuum resuscitauit. quid enim sibi vita timeret à morte? Non secus nobis obuiandum est diabolo & tentationibus, veniant licet cum magno apparatu & multitudine: qui enim in nomine Domini pugnat, vincit. l. 1. c. 1. §. 2. & l. 2. c. 6. §. 2.*

DOMINICA XVI. POST PENTECOSTEN.

Et ecce homo quidam hydropicus erat ante illum. *Luc. 14.* *Hydropicus hic ab alijs quidem ferebatur, sed optimè erga Christum erat voluntate. neque enim sufficit vt alij pro nobis orent, vel quidpiam boni faciant, sed debemus ipsi salutem nostram cooperari. l. 2. c. 2. §. 2.*

DOMINICA XVII. POST PENTECOSTEN.

Diliges Dominum Deum tuum. *Matth. 22.* *Præceptum dilectionis est facile. l. 2. c. 1. §. 2. post medium.*

DOMINICA XVIII. POST PENTECOSTEN.

Surge, & tolle lectum tuum, & vade in domum tuam. *Matth. 9.* *Difficillimè lectus, id est, peccandi consuetudo, & non*

INDEX CONCIONVM.

nisi ad speciale Christi mandatum tollitur, ut eatur in domum beata eternitatis. l. 2. c. 9. §. 1.

DOMINICA XIX. POST PENTECOSTEN.

Amice quomodo huc intraſti, non habens veſtem nuptialem? *Matth. 22. Sordidus eris & inueniſtus, qualitercumq; veſtiaris, niſi etiam charitate Chriſtiana amiciaris. l. 1. c. 3. §. 3.*

DOMINICA XX. POST PENTECOSTEN.

Heri horâ ſeptimâ reliquit eum febris. *Ioan. 4. Febris corporis noxia, febris animæ ſalutaris, qualis AVGVSTINVM comprehendit, ut erga omnia terrena deinceps nauſearet. Felix, quem tenet illa febris. l. 3. c. 2. §. 1.*

DOMINICA XXI. POST PENTECOSTEN.

Egreſſus autem ſeruus ille, inuenit vnum de conſeruis ſuis, qui debebat ei centum denarios, & tenens ſuffocabat eum. *Matth. 18. Euidens ſignum eſt ſeruum hunc fuiſſe valde nequam, eò quòd teſtimonium propriæ conſcientiæ, quæ illi dictabat ſe ſimilibus verbis conſecutum fuiſſe condonationem maximi debiti, cludere potuit: atque adeò precibus conſerui ſui non eſt commotus, ut etiam tenens ſuffocaret eum. l. 2. c. 3. §. 1.*

DOMINICA XXII. POST PENTECOSTEN.

Oſtendite mihi numiſma census. *Matth. 22. Phariſæi ſimiles fuerunt peccato luxuriæ, quod non aperto Marte, ſed quaſi per diuerticulum vincitur: ita & illi dum fictè interrogant ut captent, alia interrogatione capiuntur. l. 2. c. 20. §. 2.*

DOMINICA XXIII. POST PENTECOSTEN.

Domine, filia mea modò defuncta eſt. *Matth. 9. Non eſt illi multum timendum à puellis, qui illas mortuas ſerò cogitauerit. lib. 2. cap. 6. §. 2. circa finem.*

DOMINICA VLTIMA POST PENTECOSTEN.

Vide Dominica 1. Aduentus.

I N D E X

RERVM ET VERBORVM

M E M O R A B I L I V M

QVÆ HOC OPERE CONTINENTVR.

A.



ABEL virgo mansit vsque ad
annum vita centesimum,
quo occisus est à Cain. 156

Abrahami erga Deum cha-
ritas in filio Isaac immolando expen-
ditur. 201 eo filium suum Deo
tradente, congruum & aequum vi-
debat, vt & Deus traderet suum.

234

Abraham quo iudicio Dei voluntatem
explorari circa coniugem Isaaco filio
quarendam. 328

Abalonto aduersus patrem insurgenti
passim omnes sauent. 287

omnes Abusus nostri saeculi etiam olim
Roma viguere. 42

Academici sunt, qui nihil certi statuunt,
sed omnia in vtramque partem dispu-
tant. 323

Actus dilectionis Dei super omnia exerce-
ri non potest sine mortificatione sen-
suum. 201

Adam est à Deo creatus in gratia, sed eà
mox excidit. i. eius summa sapientia.

ibid. vxoris illecebris inductus po-
num veritum gustauit. ibid.

illo ruente totum humanū genus ruit. 24
pœnitentiam non distulit. 26

ante lapsum mysterium incarnationis
contemplatus est. 118

pra pudore respuit. 281

ei peccare volenti omnia ad nutum veli-
ficantur. 287

Adhortatio breuis ad respicientiam.

30. 31. 32. adhortatio ad
vestium peregrinarum sectatores.

42. 45

Adolescentes saepe admoniti & respiscere
nolentes, subinde inopinato oppressi,
miserè intereunt. 23

adolescens quidam Catalanus in pati-
bulo suspensus, barbam & canos vno
tempore emisit, cur. 119

adolescens quidam perditus quo pacto
à S. Philippo Nerio ad bonam frugem
reductus sit. 217

adolescens coram imaginario schemate
exequali se statuens quasi mortuum,
cum prius respiscere nollet, meliora
sic sapere didicit. 210. 221

Aduocatorum cecitas in rebus spiritali-
bus. 96

Aegyptij suis in conuiujs mortis mem-
riam ingerebant 208. & cur. 209

Aeneas post longam iactationem in mari
à Deo praedestinatus est futurus pater
tot heroum orbis imperio natorum. 106

Affectus nostri viciati sunt velut membra
paralyti laborantia. 3

affectus carnales sunt domandi ad per-
fectionem aspirantia. 360

Bbb 3

Agas

Index rerum memorabilium.

- Agar per lacrymas à Deo est exaudita. 136. 138. 144
- Agnus caelestis, celi lucerna est. 99
- Alexander Magnus corruptos adolescentia mores senior dediscere non potuit. 272
- Aliquid alligatū habet, prouerbium à Philisthaïs de Samsonē dictum, etiā deprauato nostro seculo vsurpari potest. 44
- Amanū magi cruciāuit Mardocheus genu ei non flectens, quā delectarint omnes opes & voluptates. 195. 196
- Amans Deum fit omnium possessor. 384. 349
- Amans Deum anima arcto ei vinculo innectitur. 183
- Amare Deum facilis res est. 129
- Amasiorum mundanorum vincula straminea sunt. 103. eorum dementia & fera penitentia. 97
- Ambitio omnibus est detestabilis. 171
- Ambitiosi animus est inexplebilis. 79
- S. Ambrosij eloquentiā illectus Augustinus, agnoscit falsitatem sectæ Manichæorum. 226 227
- Amor perfectus erga vnū restringitur. 348
- cur amor soli comparetur. 360
- Amor verus salutem alienam pro felicitate reputat. 359
- amor caelestium magnam cum febris similitudinem habet. 339. 343
- item cum morte & inferno. 343
- amor liberorum qualis esse, & quatenus extendi debeat. 47
- amor sinister filiorum, amor non est, odium potius. 55
- amor venerens hominem multis replet euis, mæroribus, & spe metuq. 87
- amor cur pingatur puer alatus. 301
- Anachorita damoni penitentia procrastinationem suadenti quid responderit. 32
- daemon alteri Anachorita, cui lapsum carnis persuaserat, mox insultauit. 101
- Anachorita tentatus à spiritu fornicationis, sanie purrefacti cadaueris naribus admotā eum repulit. 224. 225
- Anacreon Teus pecuniā donatus à rege Polyrate, somnū capere non potuit. 86
- Anastasio Imp. ob vite flagitia, vite anni XIV. adempti sunt. 125
- S. Andreas crucem suam disuauitatus est. 203
- Anima semel à diabolo inescata, alios decipere gessit. 59
- anima in solo Deo potest quiescere. 161
- anima vitijs subiecta perpetuo in angore versatur. 196
- animas intereuntes requireret Deus ab ijs, quorum iniuriā pereunt. 55
- Animal auribus truncum in lege veteri offerri vetitum quid denotaret. 252
- Animus euacuandus a terrenis, vt caelestia admittat. 345. 346
- Anni vite S. Augustini ante baptismum subducuntur. 322
- Annulorum gestatio quā cogitatione honestari queat. 164
- S. Anselmus magis peccatum, quā infernum exhorruit. 75
- Antæus cum Hercule decertans terra contactu nouas vires colligebat. 14
- S. Antonius Arianos quā maximè detestabatur. 70
- auditā lectione Euangelij, iuuenis ad eremum confugit. 246. 318. 325
- quā cogitatione tentationes vinceret. 223
- quomodo didicerit labore orationi intermixto solitudinis tedium superari posse. 304.

Index rerum memorabilium,

- S. Antonius de Padua ostendit de facto, cor pecuniosi in arca pecuniaria esse.* 82
Apollo Abbas cur monachos suos animo latari vellet. 127
Apostolos suos de fidei imbecillitate clam ceteris Christus coarguit. 53. *Apostoli ante acceptum Spiritum sanctum ambitione laborarunt.* 67
in passionibus gaudebant. 203
Appetitus nostri vitiosi semper in aliam feruntur partem, quam homo velit. 3
Aqua, quam Elias sacrificium suum resperfit, & qua ipsum accendit, quid mystice denotet in Augustino. 109. *aqua effusio coram Domino ab Hebraeis facta, quid innuat.* 145
an aqua aliqua sint super celos, & ha Saturnum infrigidant. 35
Aquila cum ceruo pugnans, oculos ei puluere opplet. 98
Araneus symbolum est hominis inanibus curis se euiscerantis. 83
Arbor hominem in sacris litteris denotat. 213
Archias Thebanorum tyrannus litteras, quibus coniurationis in se causa certior fiebat, legere negligens, eadem vesperâ casus est. 23
Archimedis Syracusani studio suo nimis intenti deplorabilis interitus. 98
Ascendere à consalle plorationis quid sit. 332
per Aspera ad diuinam consolationis suauitatem peruenitur. 316
Aspidum venenum aquè dulce est ac mel. 166
Ave filia Iouis typus est diaboli, cur. 2
M. Attilius Regulus tormenta stimulorum patiens, symbolum est auarorum assidue excruciatorum. 86
Auaritia hominem reddit excordem: quod & probatur exemplis. 82
- Auarus non expletur pecunijs.* 78. *hinc est inferno similis.* 79
auari quam sint luridi, pallidi, tristes, inquieti. 85
sunt coruo Noë similes. ibid. item Attilio Regulo in tormentis constituto. 86
habet caput Medusæ. ibid. semper timet fures, & ducunt noctes insomnes. ibid. & 87.
Audire verbum Dei negligentes, quantis bonis se priuent. 248
Auditio verbi Dei neglecta peccatoribus, signum est reprobationis. 251. 252. ea ad perfectionem conducit. 242. 245. 248. vide Verbum diuinum.
Auditus est sensus proprius cuiusvis discipline. 252
Aues non volant per sublimem aërem, sed per hunc turbidam: facta videntur ex aqua. 188
earum cum piscibus analogia. ibid.
S. P. Augustinus à deprauata voluntate primo in peccatum inductus est. 15
deinde quod baptismum distulerit. 20
atque ideo in licentiam vitæ flagitiosæ prorupit. 20. *volebat videri flagitiosior, quam reuera erat.* 21. *ideo in actuali peccata effusus est, quia ab originali non erat mundatus.* 24. *malâ sæculi consuetudine abripitur.* 33. 34. *eam ipsemet execratur.* 35. *puduit illum castimoniam inter impuros.* 37. *illius peccatis nimio opere commuebat pater Patricius.* 46. *in hæresim Manicheorum prolapsus est.* 59. *erat veritatis indaganda per studiosus. ibid. ab hæreticis inescatus est.* 60. *quasiuit Deum foris per creaturas quaslibet, nec inuenit.* 79. *conuertere volens, nutabat.* 80. *eius inanes*

Index rerum memorabilium,

cura, quibus eniscerabatur, ad famam captandam. 83. at cum eas abiicit iam ad Christum conuersus, quietem inuenit. 85. à diuina miseratione præuicūsus est, & designatus pater plurimorū Ordinum. 106. Religionem ex Italia in Africam inuenit. 107. aterna Dei prædestinatione ad meliora electus est. 107. 108. uocatus est uocatione tū externa, tum interna. 109. scelera ei ad salutem sunt cooperata. ibid. & 110. mirificè afficiebatur ergo nomen Iesus. 110. cur ad philosophos trāsire noluerit. 111. eius conuersio diu antè fuit reuelata matri per visu. 112. lacrymis eius fuit maturata. 132. 135. 136. 137. 138. 141. is nihilominus ijs nō est cooperatus, sed distulit. 141. 142. 145. quietem nō nisi in solo Deo inuenire potuit. 157. 159. Dei essentiam in hac uita non uidit. 182. in Dei amore expertus uidetur aliquid, quod non est fas homini loqui. 185. 187. rna cum matre apud Ostiam rerum caelestium contemplatione abreptus est. 186. in quo auibus similis fuerit. 188. 189. per molestias, iras, rixas, pœnas coactus est ad Deum conuerti. 190. 191. 192. eum mortis iudicij diuini memoria iugiter feriebat. 209. 210. 215. eloquentiā S. Ambrosij illectus, sectam Manichæorum deserit, aliud tamen in eo spectans, quàm ueritatis & rerum auditionem. 226. 227. 229. 231. 233. statuit esse catechumenus in Ecclesia Christi, relictis Manichæis & philosophis. 231. consuetudo libidmandi eum adhuc retrahit quo minùs totum ad fidem se applicaret. 232. satagit audire, non docere alios. 243. è pia aliorū uita

& conuersione suā turpitudinem agnoscit. 254. 255. 258. 259. consuetudo peccandi eum adhuc à conuersione remouatur. 270. 273. quo pacto iurandi consuetudinē uicerit. 279. pudore uictus Deo manus dedit. 284. sed retinet illū libidinis consuetudo. 290. 291. 293. cuius argumenta ei diluit continentia. 293. 294. haret anxius, resoluitur in lacrymas & plorat. 309. 310. 311. audiuit uocem de celo loquentē, tolle, lege. 312. 317. quid in libro legerit. 315. 318. statim post lectionē omnes dubitationis tenebra diffugere, & insinuata ei tunc sunt consilia Euangelica. ibid. per lacrymas ad diuinarū consolationum suauitatem peruenit. 316. 317. cur aliquantisper baptismum distulerit. 319. rusabit in uillā Verecundi. 320. scribit librum de beata uita, & de ordine. ibid. item ad amicos multas epistolas. 321. Isaiam ab Ambrosio legere iussus, distulit repetiturus iam exercitator: baptizatur à S. Ambrosio. ib. uita eius anni ante baptismū subducuntur. 322. Plato ei placet præ ceteris Philosophis. 323. eius uiuendi ratio mox à conuersione. 331. identidem pro beneficio conuersionis gratias Deo agebat. 331. 332. 333. delectabatur lectione psalmorum Dauidicorum. 333. rerum caelestium desiderio flagrabat, terrenas fastidians. 337. 338. 339. solum Deum quærebat, & in illo inuenit omnia. 346. 349. cogitatione in caelestibus uersabatur. 358. eius amor ecstasticus. 359. in salutem proximorum totus incubuit, docendo, scribendo, cœnobita fundando. ibid. etiā minuta pro inquinamentis conscientie

Index rerum memorabilium.

riareputabat. 360. quomodo se quoad
singulos sensus mortificarit, quomodo
item linguam. 362
Aulâ qui se tempestiuè subducit, consulit
sibi. 89
Aulicorum inanes cura. 88. 89. eo-
rum sera pœnitentia. 90
Aurum cur palleat. 85. id fr-
gescit aduentante sole, at de nocte ca-
lescit. 163
 B.
S. *Babylas mimus, quo pacto sit à vita*
flagitiosa conuersus. 246. 326
Baptismi dilatio Augustino plurimū ad
conuersionem obsuit. 20. 24
quatenus baptismus catechumeno sit
necessarius. 319 *baptismus*
S. Augustini. 321
recens Baptizati olim solenni pompâ in
supplicatione circumducebantur. 322
S. Barlaam Martyr manū ardere maluit,
quàm thura adolere idolis. 205
Basiliscus se in speculo per reflexionem in-
tuens emoritur. 253
Batauo-Franci ob perpetrata Thenis fla-
gitia, conscienciâ suâ conuicti. pœnas di-
uinas effugere se non posse dicebant. 154
Beati esse omnes volunt, miser nemo. 158
Beatitudo in quo sita sit. 158
beatitudo celestis aliquando in hac vi-
ta prægustatur. 186. 189 *beati-*
tudinem veram nemo in hac vita ha-
buit. 180. 181
Bella veterum vno serè pralio dirimeban-
tur. 16
Benedictio Iacobi & Esau quomodo diffe-
rat. 48
S. Benedictus diuinam in vita essentiam
non vidit, etsi viderit totum mundum

sub vno solis radio. 180 *à fœdâ*
libidine tentatus in vepris se voluta-
uit. 305
Beneficij dator debet dati obliuisci, acceptor
numquâ, sed cum potest, refundere. 333
pro beneficio accepto semper Deo sunt
à nobis gratiæ referendæ. 333
maximè cum manè surgimus. 334
Bessus à conscientia paricidij conuictus,
seipsum prodidit. 149
Bethsabæe pro filio Salomone apud Dau-
idem precata, ab eo est exaudita. 139
S. Blandina Christianum nomen identi-
dem profitens in tormentis, ipsa exsu-
perauit, delassatis carnificibus. 15
S. Bonifacius Martyr in tormentis Deo
gratias egit. 205
summum Bonum esse debet quiddam in-
trinsecum, & intimè vnitum. 169
eius appetitio non debet esse vitiosa, aus-
nimia. 171
 C.
C *Adauera sunt viuentibus loco spe-*
culi. 263
S. Cacilia Christi Euangelium semper
gerebat in pectore. 258
Cacitas spiritualis qua sit, & quàm ea
sit utilis. 302. *quanta cacitas peccan-*
tium. 98. 99
Caci diuersimodè ambulant: eaq; diuersi-
tas peccatoribus aptatur. 98. 99
Celestium desiderium exstinguit affectum
erga terrena. 337. 339
quale Calū Mahometes suis addicat. 175
cali raro aperti fuisse leguntur. 244
cur Calcei Romanorum lunulas præfer-
rent. 170
cur Caluariam aridam Aegyptij mensis
inferrent. 208

Index rerum memorabilium.

- Caluinista simulanter sub specie humili-
tatis irrepunt. 71 nil crepant, nisi
reformationem Ecclesia. 72 predesti-
nationem cum reprobatione confun-
dunt. 116 eorum
de Dei tyrannide opinio. 119
docent Dei præcepta esse difficilia ser-
uatu. 130
Canes vocantur Christiani à Turcis, ipsi
tamen vitam caninam viuunt. 175
Canina vitia que dicantur. 99
Canonicis Monasteriensibus cur in vita
extremo caput suillum ostendi consue-
uerit. 263
Canticum graduum quod dicatur, &
vnde sumptum nomen. 331. 332
canticū Deo canebant veteres Hebræi,
post acceptum ab eo beneficium. 333
Cantus olim coniuuijs adhibebatur. 208
sed adhibēdus grauis, non lasciuior. ibid.
Capella frutices lambendo eas emori co-
gunt: hi similes sunt hæretici 72
Cur Captiua mulier ab Hebræo in vxorem
ducenda, radi, & vestibus exui iube-
retur. 45
Cur Caput suillum Canonicis Monaste-
riensibus morientibus exhibetur. 263
Caro in Adam est facta rationi rebellis
post peccatum. 2 caro
petulans, velut effrenis equus est. 297
quomodo ea domanda. 298. & seqq.
dum lasciuit, est ieiunio domanda. 298
item laboribus & fatigatione. 303
asinus est, cui cibus modicus, & virga di-
sciplina, & onus necessaria sunt. 305
Carolus V. Imp. Imperium & regna vi-
uens à se abdicauit. 172
mortis memoriam sibi à rege Francisco
I. ingestam agrè non tulit. 217
vius spectabat exequias suas, mortiq;
sua prælusit. 219
Cassianus fauit Semipelagianis. 120
Castitas à Deo venit. 290. 291. 292 non
reperitur apud hæreticos. 292. & seqq.
que Casu fieri videntur sapè à Deo dispo-
nuntur. 324. 325. & seqq.
Catechumeno in necessitate sufficit cōtri-
tio cum voto baptisimi absque reali sus-
ceptione baptisimi. 319
catechumenorum duplex genus est, Au-
dientes alij, alij Competentes. ibid.
Catholici semper latari debent. 127
Cerus serpentem viuum deglutit, vt ver-
mes ita enecet. 235
Charismata diuinitus accepta sunt occul-
tanda. 242. 243
Charitas quomodo dicatur adificare. 65
charitatis erga Deum quam angusta
& arcta sit via. 201
Christiani innocentes in doloribus gau-
dendi, & in omnibus aduersis gloriandi
occasionem habent. 206
Christiani olim à tyrannia iubebantur
negare Christum. 332
Chrysaor ij pœnitentiam semper differen-
tis funesta mors. 28. & seqq.
Clodouus Gallia rex quo omine sacro vi-
ctoriam se de hoste relaturum didice-
rit. 326
Cogitationes superbiorum sunt de præmi-
nentia. 67
Collyrium oculorum è quibus rebus com-
ponatur. 213
Commemoratione integritatis propria
licet animum afflictum erigere. 266
Communione frequentiore deprauata na-
tura reparatur, & in pristinam inte-
gritatem restauratur. 12. 13. per eam
Chri-

Index rerum memorabilium.

- Christo concorporis simus. 12
 Compunctio oritur ex igne diuini amoris,
 & ex hoc ardor desiderij celestis. 134
 Concionem audientes debent iuxta audita
 vitam componere. 234. 240. 241. 243
 audita non debent negligere, vel surdâ
 aure audire. 246. 247. 248
 concionem audiens sepè à Deo per con-
 cionatoris os percussitur, sed auscultare
 detrectat, quasi sibi ea nō dicerentur. 325
 Concionatores sunt veluti canes & tubæ
 in venatione spiritali necessariae. 247
 Concupiscentiæ dum quasi sepulta iacent,
 extemplo reuiuiscunt. 18
 Confessio nominis Christiani Martyres in
 tormentis animabat. 14. 15
 Conscientia mala est velut infernus. 57
 eius aculei & inquietudo. 76. semper
 peccatori occlamat. 146. 147. est
 velut vigil & excubitor in vrbe anima.
 147. eius vis. 148. 149. vocatur lex
 naturalis scripta in cordibus. 148. est
 accusator internus, & velut tortor.
 150. ea opprimi nequit. 153. 155
 Consuetudo diabolo, ipse fortis est. 9
 Consuetudo assidua peccandi quàm diffi-
 culter exuatur. 27. 271. & seqq. vin-
 cit iussa & beneficia Dei. 272. hæc
 Augustinum diu à conuersione retar-
 dauit. 270. 273. est velut veterinus. 273
 quàm ea noxia sit. 27 consuetudo
 peccandi fit ex praua volun-
 tate, sed remissione. 277. hinc sequitur
 quadam velut necessitas. ibid. quomo-
 do ea superetur. 278 reme-
 dia contra eam. 279. & seqq.
 quâ consuetudo mala sæculi sit ad per-
 mouendum efficac. 33. 34. 37. 38
 cōsuetudo mala peccatum egregiè pro-
 mouet. 42. eius violentia, est velut
 lex peccati. 274. 277
 Conteri de omnibus peccatis confusè con-
 ceptis satis est, nec est necesse singula
 recognoscere, nisi in iis qui sunt exerci-
 tatiores. 265
 Continentia est seruatu possibilis, & preci-
 bus à Deo impetranda. 232. quia non
 nisi à Deo venit. 291. 292. 293. conti-
 nentiæ seruandæ impedimenta quomodo
 ipsamet S. Augustino sustulerit. 293
 Contritio de peccatis in particulari, ad
 quid sit utilis. 265
 Conuersio statim inchoanda, nec ulterius
 differenda. 26 conuersio S. Augustini
 recensetur cū breui chronologia. 315.
 317. 319. hæc multis varia curiosè dif-
 quirendi materiam præbuit. 323. 324
 quam se Convertere volentes difficul-
 tatem sentiant. 291
 Coniuuijs non mystica, sed tristior narratio
 adhibenda visa Euripidi. 209
 Cooperatio cum gratia diuina à nostra li-
 bertate pendet. 127
 Corde carent peccatores. 79. 80. cor
 semper habitum est sapientiæ & pru-
 dentiæ symbolum. 80
 Cordati & Corcula dicebantur sapientiâ
 præstantes viri. 80
 Corpus lautè pastum lasciuuit. 298. 299
 corpora etiam pulcherrimarum pu-
 trescent. 223
 Correctio Superiorum sit sapiens & dis-
 creta. 51
 in Creaturis nulla inuenitur quies, nec
 satietas. 161 crea-
 tura prout delectant, admixtos ha-
 bent dolores & labores. 191. sunt velut
 tennes lineæ à Deo centro ductæ. 353
 non

Index rerum memorabilium.

- non sunt amanda relicto Deo. *ibid.*
 sunt velut cisterna dissipata. *ibid.*
 Cretenses pueri patrias leges cum suauiter
 cantu ediscebant. 229
 Crimina criminibus nouis puniuntur 67.
 vide Peccata.
 Crocodilus figura diaboli est, quare. 8
 Culpa subditorum Prælati & Superioribus
 adscribitur. 56 *culpæ
 proprias non consideramus, sed alienas.*
 256
 Cum Minerua quoque manum
 moue, prouerb. innuit, Deo adiuan-
 ti hominem collaborare debere 126
 Cupiditatum varietas magnam in animo
 tempestatem ciet. 84
 Curis manibus se excruciantes in Pro-
 mætheo denotantur. 84 *cura regum
 varia.* 171. 172
 Cygni symbolum hereticorum sunt. 71
 Cyrus rex vinum esse dixit venenum. 83
 D.

- D**æmon, vide Diabolus.
 Damocles medicus astus in sa-
 nanda Confidia muliere nobili. 227
 Damocles. medias inter epulas inquietus
 & anxius fuit, ob impendentem capiti
 gladium. 89
 Darius rex Persarum præ pecuniarum
 auiditate sepulcrum Semiramidis aperi-
 ens delusus est. 168
 Dario equus ad equam pridem admissus im-
 perium attulit. 297
 Dauid Dei ope tectus melius contra Go-
 liath pugnavit, quam armis Saulu cir-
 cumdatus. 8. et adulterium viâ stra-
 nit ad homicidium. 24. 95. cur vestitu
 farto non calefieret. 43. quàm discretè
 de peccato, sociari locutus sit. 51. cur ip-

- se clam à Nathanè redargutus sit. 52.
 lacrymis Deum iratum placauit. 135.
 gaudebat in obsequio Dei. 203. alie-
 no in peccato suum agnouit. 255. Go-
 liatum prosternens, ostendit quo pacto
 carnalis tentatio debellari possit. 307.
 eum regia filia in sponsam promissa
 excitauit ad duellum cum Goliath in-
 eundum. 355. legem seruauit præmio-
 rum incuitu. 357
 Delicia sæculi amara sunt. 195
 Demosthenes magno impendio emere no-
 luit penitentiam. 87. 197. indeco-
 rum dextri humeri motum contrariâ
 consuetudine superauit. 279
 Desiderium rerum & efficax se conuer-
 tendi, initiu est conuersionis. 282. 283.
 at non conditionatum. 283
 Desperatio causatur à recogitatione scele-
 rum in particulari. 266
 Destino etiâ Alligo subinde significat. 216
 Deus contra tentationem viriliter certan-
 ti, vires suppeditat & opem. 7. idq;
 facit libenter. 8. peccatoribus conuer-
 ti differentibus misericordia ianuam
 sapè occludit. 28. cuiq; homini videri
 terminum scelerum posuisse, quem
 præterire non potest. 29. omnia intue-
 tur, etiam abditissima. 91. 93. quo-
 modo velit omnes saluos fieri. 120. 121.
 habet duos libros vita. 125. est vltimus
 hominû finis. 157. est anima potus,
 idè in eo solo requiescit. 158. solus
 animâ replet. 161. 483. ipse solus, quia
 solidissima est petra, nos firmare potest.
 215. est incorporeus. 232. in eo solo
 vera voluptas sita est. 179. animas
 piâ sallaciâ circumuenit. 233. ex malo
 elicit bonum. 234. non omnia dacet
 per.

Index rerum memorabilium,

- per se immediatè, sed hominum vitur operâ. 248. peccantem punit ob peccandi malitiã, ob fragilitatem ei parcit. 269. ipse templum Salomonis simul edificet necesse est, alioquin absque eo frustra est omnis conatus. 284. quod maximè in spiritali templo locum habet. 285. ei agenda sunt assidue gratia pro acceptis beneficijs. 333 334. 335. quia non praefert exterius maiestatem, à multis despicitur. 346. in eo sunt omnia. 347. 348. 349. est id $\omega\alpha\gamma$, id est omne. 347. idè solus querendus ceteris dimissis. 348. ipse solus satiare nos potest. 348. est centrum vniuersi. 349. est mundi principium & finis. *ibid.* in eo omnia sunt quàm perfectissima. 350. 354. quae in eum per continuam conseruationem indefinenter refluant. 350. in eo omnis bonitas & pulchritudo creaturarum eminenter continetur. 353. est bonum omnis boni. *ibid.* ipse nobis futurus est premium. 355. Deus creator in Assuero rege representatur. 117
- Diabolus in Aere representatur. 2. eius vim timere non oportet, sed aduersus eum alacriter committi. 7. timidus inflat, audentibus cedit. 8. 9. in crocodillo proinde denotatur. *ibid.* quomodo à Christo ligatus, vires adhuc exerat. 9. eius astus in homine oppugnando. 18. peccatori ante peccatum scelus extenuat, iam admissum exaggerat, & ad desperationem impellit. 25. eius recitasunt mali socij. 42. peccatores excacatos ludibrio habet. 100. 102. gaudet si quando iustus cadit. 101. quàm insolenter cum magis se gerat. 103.
- per oraculum consultus, semper ambigua dabat responsa. 104. non tentat suos clientes, sed eos qui bonis operibus incumbunt. 288. 289
- Difficultas rei magis excitare animum debet ad eam aggrediendam. 6. 7
- Dilatatio poenitentia quare sit noxia. 25. & seqq.
- Dilectio Dei & proximi magnam difficultatem includit. 201
- Discretio in omni mortificatione necessaria est. 305
- Discretionis spirituum gratiam habebat S. Monica. 113
- Diuites hydropicis similes sunt. 168
- eorum incommoda. 103
- Diuitia spinis cõparantur. 86. & cur. 166
- vimbra sunt. 102. ea hodiè magni sũt, & à multis queruntur. 162. earũ utilitas: sunt scelerum administra. *ibid.* multi etiam per scelera viam sibi ad eas sternunt. 163. à multis adorantur. *ibid.* non est in ijs solida felicitas, & quies. 164. semper pariunt angores. *ibid.* sunt fluxa, instabiles, & infirma. 165. generant vitia, maximè superbiam. 166. sunt fallaces. *ibid.* cruciant maximè in morte. *ibid.* neminè præstant securitatem. 167. non satiant. *ibid.*
- vbi non est Diurnitas, non adest vera felicitas. 169
- Docere Christianus non satagat, sed audire. 243. 244
- Docti aliquando traduntur in reprobum sensum. 64. idq; ob superbiam. *ibid.* vel victi libidine 65. sæpè non excusantur ab auditione verbi Dei. 250
- Domitianus Imp. inuitauit suos quadam

Index rerum memorabilium.

- die ad coenam mortuariam, in qua omnia summo cum silentio peragebatur. 220.221
- Doricum modulandi genus erat graue & honestum. 209
- Dulcia saeculi miscentur amaritudinibus. 191.192.195
- E.
- E**brietas homini mentem eripit. 82.
- est inimica castitati. 298.299
- per eam designatur deprauata voluntas hominis. 3
- Ebrii Agrigentini naufragium se pati in ebrietate, & nauem exonerarati, suppellectilem omnem domus per fenestras eiecere. 104
- in Ecclesia gremio, multi extra illam uiuentes, emori volunt. 210. qui extra Ecclesiam est, est extra spem salutis. 63
- in Ecclesia & coetibus fidelium, Christiani magis humilitatis, quam scientia specimen dent. 243
- Effundere cor & animam coram Domino quid sit. 145.146
- Electio ad gloriam fit ex prauis meritis. 123
- Elias Abbas quo spectaculo à carnis tentatione fit liberatus. 224
- Eloquens & prudens in Herculis Gallici emblemate designatur. 131
- Emendatio vitae suscipienda est ab ipsomet peccate, non alijs credenda. 143.144.145
- Emunctoria aurea tabernaculi quid mystice denotent. 51
- Epaminondas quo pacto auguria captata eluserit. 104
- S. Ephrem Edessam petens, dum in meretricem procacem incidit, quid ab ea didicerit. 325
- Epicurus in voluptate summum bonum statuebat. 175. negabat animae immortalitatem. 213
- Epilepsia quod genus morbi. 197
- Episcopus quidam S. Monicam lacrymantem bono iussit esse animo quoad filium; etenim non posse fieri ut tot lacrymarum filius pereat. 112
- Equus animal salacissimum est. 297. hinc denotabat Aegyptijs libidinosos. ibid. & seqq. ut dometur, capistro ei oculi obnubuntur. 300. est iitè defatigandus. 303
- Ericius dum partum pra dolore differt, egrius postea parit. 27
- Essentia diuina nemo in hac mortali uita uidit. 179. sed post hanc uidebit. 180
- ab Esu lesi, ab esu restaurandi sumus. 12
- Ethnici etiam uiderunt hominis salutem ab ipsius uoluntate pendere. 126
- etiam ipsis uirtus uenerationis fuit. 156. uide Gentiles.
- Eua in Vasthi regina adumbratur. 118
- Euangelica legis tempus uelut dies est. 94
- per Eucharistiam homo una fit caro cum Christo. 12. ipsa nos roborat & munit. 13. de uilitate & imminuit motus concupiscentiae. ibid.
- Eunomius Episc. Samosatensis Arianam haeresi infectus, suis erat odio & horrore. 73
- Eunucho Candacis reginae Aethiopum non fuit Isaiae Propheta lectio fortuita. 327
- quo astu S. Euphrasia martyrio uirginitatem redemerit. 239
- Europa tauro insidens, qua damna incurrerit. 45
- S. Eusebius Anachorita negligentiam in uerbo Dei audiendo longa & graui expiauit penitentia. 250.251
- Excessus in uestitu & epulis, offensionis & scandali est occasio. 43

Index rerum memorabilium.

Exempla praua quàm sint potentia in malam partem. 33.34.37.38

Exercitia corporis libidinē expugnant. 304

Ezechias rex lacrymis vita sibi tempus prolongari impetrauit. 136

F.

F abius Maximus cūctando Hannibalem attritū debellauit. 306

Factum vnum potentius est mille verbis ad mouendum. 37

Fames rerum spiritualium quàm sit optanda. 343

Fauoris humani & regij quanta sit mutatio. 169

Febris malo occurrēdū est in principio. 27

Femininū denotat affectū carnalem. 289

femineus aspectus quàm sit noxius. 301

Ferrum securis deperditum filio cuidam Prophetarum symbolicè de predestinatione exponitur. 126

Fidei suos Deus deducit velut oves. 107

Fidei suscipienda initium vita bona est, amittenda vitiosa. 59 sine fide impossibile est placere Deo. 63.

est ea sarta tecta conseruanda. ibid. quā multa creditu factūq; difficultia includat. 199. idēd hæretici & mali Christiani inueniūt in ijs difficultates. 200

cur Figura debilis in speculo ostendatur. 240

Filius post correctionem parentum audiam proteruiens, non est propterea dimittendus impune. 56. filius legitimus cūm patris cadauer sagittis petere nolle. pro vero filius agnitus est. altero vt impostore reiecto ab hereditate. 238.

alter è tribus fratribus minimus, cūm duo patris cadauer sagittis imperissent, ipsum petere noluit, & idēd his exclu-

sis, Ariophanes rex Thracia iudex controuersie illorum constitutus, regnum ei adiudicauit. ibid.

filius prodigus voluptates sectando, ad extremam redactus est miseriam.

197. illius historia ab initio ad finem peccatori accommodatur. 278. filios

corripiendi quis seruandus modus. 57. filij parentum peccata non propalent.

51. 53. filij Aaron videntur ebrietate correpti ignem alienum Deo obtulisse.

52. filij Heli, quia malum dederunt exemplum, grauiter sunt puniti. 39

Flagellis Deus suos auocat ab illicitis. 197

Folia in Orcadibus insulis in aquas cadētia, in aues mutantur. 189

Formica symbolum est demonis, dum ei generose resistitur. 9. & 10

qui Fortunatus esse cupit in maximis rebus, maxime est anxius. 89

S. Franciscus à carnali concupiscentia tentatus, in niuibus remedium inuenit. 305. ex Euangelio regula sua rigorem didicit, eamq; celius ad litteram seruare iussus est. 326

Francisci I. Gallie regis ad Caroli V. symbolum in carcere scriptum allusio. 217

Franciscus Cardinalis Turnonius Archiepiscopus Lugdunensis Regem Gallie Henricum II. adiit, monuitq; liberè, ne Melanchthonem in fidem regiam reciperet. 73

Eurum cecitas. 96

G.

G audium verum non de creatura, sed de Creatore capitur. 179. gaudij celestis magnitudinem humana mortalitas sustinere non valet. 185

gaudium spirituale è verbi diuini

Index rerum memorabilium.

- predicatione nascitur. 245. id per peccata impeditur. ibid.
 Gelon dux post victorias plurimas, regno & opibus suis renuntiavit. 171
 Gentiles præsuperbia sibi doctrinam arrogantem, in idololatriam prolapsi sunt. 68. Gentiles dum in Apostollos sentiunt, sunt Christo mansuetudine pares. 234
 Gentes quaedam non permittunt ulterius vivere, quam impleto certo peccatorum numero. 30
 Gloria non est in possidentis libertate. 169 gloria inanis sectatio nemini non displicet. 171. gloria mundi quam fragilis & vitrea sit. 173. gloria celestis Christianos ad fortiter certandum, patienterq; aduersa ferenda excitare debet. 356
 Goliath luxuria symbolum est. 306. uti & eius prostratio, eiusdem debellationis. 307
 canticum Graduum quod sit, & unde dicatur. 331. 332
 Gratia diuina ope concupiscentia expugnantur. 5. gratia interna sapere eternam vocationem superat. 109. sine gratia Dei nihil vel minimum possumus. 120. sine ea nullum homo præstat bonum. 122. eam Deus dat omnibus sufficientem. 127. ei cooperari debet homo si saluari velit. ibid. ipsa hominem somnolentum semper excitat. 273. est feruentibus precibus impetranda. 284. ea impetratur continentia. 292. gratia gratiam parit. 335. 336
 Gratiarum actio perseverantiam in bono adiuuat. 334. 336. gratias Deo a-
 gere nos oportet pro beneficijs acceptis. 333. maxime dum manè surgimus. 334
 Gratitude nouum prouocat beneficium. 335. 336
 Gressuum nomine vocatur in Script. seria voluntas. 282
 Gula mater est libidinis. 299
 S. Gulielmus Aquitania Dux oratione S. Bernardi commotus, ad terram corruit, & in alium virum est mutatus. 252
H.
Habitus prauis diu in animo hærent. 273. vsu frequenti non sunt augendi. 23
 Hæresiarcha nulli penitente, vno excepto Berengario. 68
 Hæresis desinit in atheismum. 68. multos ea excecavit. 96. hæreses licet necessaria videantur, sunt cauenda. 74
 Hæretici laqueos tendunt incautis, dum iactant veritatem, à qua tamen longissime absunt. 60. quam subdole agant cum ijs quos decipere gestiunt. 61. illos genuit superbia. 66. 67. eorum commercium cauendum est, imprimis iuuenibus. 69. 70. 71. eorum mores. 69 eos declinarunt sancti viri. 70. fingunt humilitatem, maxime Calcinista. 71. similes sunt cygnis, sirembus, item aqua vino immixta. ibid. ut capris. 72. item pesti. 73. parati sunt semper ad pugnas in perniciem audientium. 74 non sunt casti. 292. 293. docent Deum homines aliquot sine vlla præuisione meritorum aut demeritorum, prædestinasse vel ad vitam, vel ad mortem. 116
 Hebraei lanà linois vestiebantur. 43. vnguents utebantur. 45
 Heli ideo in se & filijs punitus est, quia corri-

Index rerum memorabilium.

corrigere eos neglexit. 55. alioquin vir-
 pius erat & illustris. 56
 Heliogabali mensa fictitia symbolum est
 voluptatis. 177
 Heres apud Romanos mortuum efferre de-
 bebat. 143
 Henricus VIII. Anglia Rex præ superbia
 & libidinis impotentia in heresim La-
 psus est. 67. moriens Catholici sacer-
 dotis presentiam requirebat; sed iusto
 Dei iudicio nullus tum toto in regno
 reperiri potuit. 210
 Hercules typus sit Christi, & ei afficta
 sint à veteribus qua Christus gessit. 85
 Herculis Gallici emblema. 131. repræ-
 sentabat is Dei providentiã. ibid. & 122
 Herodes nesciens Christi fame amplifi-
 canda seruiuit. 228 huic necem Christo
 molienti, nemo non patrocinatur. 286
 S. Hieronymus sæpè sibi videbatur inter-
 esse agnibus Angelorum. 186. semper
 nouissimarum recordabatur. 210. la-
 bore discendi carnem edomuit. 303.
 S. Hilarion breui in tugurio, velut in se-
 pulchro, habitauit. 365. carnem la-
 sciuentem ieiunio domuit. 299
 Historia repudiata Vasthi, & electa
 Esther, Dei reprobationi & prædesti-
 nationi accommodatur. 117. histo-
 ria vidua Naim, cuius filium Chri-
 stus vita restituit, per omnes circum-
 stantias conuersioni S. Augustini ada-
 ptatur. 136. 137. 138. item historia
 ancilla Agaris. 138. historia conuer-
 sionis S. Augustini cum breui chrono-
 logia. 319
 Homo naturã ad bonum segnis, ad ma-
 lum procliuus est. 2. quo pacto sit æquè
 potens ac Deus. 128. homo viuens nul-

lus diuinam vidit essentiam. 180. 181.
 cur centauro similis sit. 297. in quo ho-
 mo quilibet S. Augustino sit similis.
 365. 366. & seqq. 368. 369. 370. 371
 Honores meri sunt fumi. 102. sunt bona
 extrinseca, & ab aliena dependent vo-
 luntate. 165. facillè mutantur. ibid.
 eorum appetitio sæpè est nimia & vi-
 tiosa. 171. eorum seruitus. 172
 Hortensius Ciceronis liber lectus ab Au-
 gustino, affectum eius mirè immuta-
 uit. 110
 Humanitas Christi est velut misericordia
 ara, per eam ad Patrem datur ac-
 cessus. 267
 Humilitas necessaria est in gratia profi-
 cientibus. 18. eã saluamur, quos deie-
 cit elatio. 16. humilitas Christiana
 quas difficultates inuoluat. 202

I.

Iacob in benedictione danda Ephraim
 Manassi seniori præposuit, impositã
 illi dexterã, licet ad sinistram posito.
 108. hoc denotat Deum sæpè ad dexte-
 ram collocare, qui in sinistro sunt la-
 tere. ibid. Iacob cum Angelo luctatus est,
 non cum Deo. 181
 Ieiunio caro domatur. 298. 299. 300
 cur Iesus Christus in parabolis sapius sit lo-
 cutus. 6. cur in horto Gethsemani orans
 à discipulis dicatur auulsus. 12. in vi-
 ctu, vestitu, & conuersatione nihil no-
 ui sectatus est, sed antiquam simplici-
 tatem expressit. 44. 45. ideo etiã vngi
 se passus est, quia Hebrais solemne erat
 vngi. 45. cur ante auroram surrexerit.
 95. dum carnem passibilem indueret,
 in corde gauisus est. 207. eum Iudai
 comprehensuri, eius oratione moti, re

Index rerum memorabilium.

- infectâ discessere. 252. in cruce detur-
 patus, peccati turpitudinem ad viuum
 exhibuit 255. eius vita est virtutum
 omnium exemplar perfectissimū. 258.
 eius redemptio quanti sit pretij, & me-
 riti. 266. peccata nostra eum pudore
 affecere. 280. tentatur postquam ie-
 iunasset. 287. premio passioni promisso
 ad eam subeundam animatus est. 357
- Iezabel regina à canibus est deuorata.
 223. 224
- Ignari in tentationibus expugnandis, à
 S. Ioanne homicidiis & fornicatoribus
 annumerantur. 11
- Ignem si timidè inscenderis, vstulaberis; si
 cum impetu proculces, exstingues. 7
 ignis & verbi Dei analogia. 248
 ignis sacer in aquâ mutatus, eaq; insper-
 sa sacrificio rursus ignis facta, quid
 innuat mysticè. 134
- Imago, qua in alterius pupilla videtur, est
 intuentis simulacrum. 254
- Imbecillitas demonis contra humanum
 genus, quanta sit. 10. imbe-
 cillitatis propria confessione depraua-
 tam naturam debellamus. 15
- Immortalitatè anima melius docèt exem-
 pla quàm verba. 37. eam negabat Epicu-
 rus, hæc tamen homines consolatur. 175
 cum lacantatoribus quàm tyrannicè da-
 monis agant. 103
- Inclinationes mala cateruatim insurgūt,
 vno peccato libitali commissio. 95
- Induendi verbo Hebrai copiam significare
 solent. 315
- Inertem vitam agere cupientes, in senio
 suam damnant vesaniam. 97
- Infermus & status peccati inter se sunt si-
 miles. 74. 75. infernus non fouet nisi
 malos, idè in eo non sunt boni. 75. eius
 grauitas. ibid. eius horror & confusio.
 76. eius tenebra. 77. est insatiabilis.
 78. 79. est dictus terra tenebrarum.
 99. 100. cum negant athei & pecca-
 tores. 213
- quomodo Ingratitudinis effugiamus notā.
 332
- Intellectus est velut vir anima. 82
- Intercessores boni, causam salutis aliena
 mirè promouent. 139
- Inuidia mentem excacat. 94
- S. Ioannes Bonus Ord. S. Augustini carnis
 tentationem superauit adactis inter
 vngues & carnem acutis calami. 305
- S. Ioannes Eleemosynarius mortis memo-
 riam sibi asidue ingeri voluit. 218
- S. Ioannes Euangelista cum Cerintho hæ-
 retico eodè in balneo lauari noluit. 70
- Ioannes Fischerus, Roffensis Episc. cum ad
 mortem duceretur, cecinit hymnum
 Te Deum laudamus. 205
- Ioannes XXII. pontificatum abdicans
 quanto sit pudore affectus. 280
- Iob in omnibus arumnis animi serenita-
 tem semper retinuit. 179. est in
 exemplum propositus legem seruare
 nolentibus, utpote qui sine lege legali-
 ter vixit. 38. solus inter impios vixit
 bene. 41
- Ionas frustra putauit se à facie Dei posse
 fugere. 91. præ pudore fugit in Thar-
 sis. 281
- quo omine Ionathas victoriam sibi explo-
 rarit. 329
- Isaac qualiter Iacobo, qualiter Esau bene-
 dixerit. 48
- Isaias pro Ezechia rege intercedens, exau-
 ditus est. 140
- Ismael

Index rerum memorabilium.

Ismael vnâ cum matre Agar ad Deum clamans, pariter exauditus est. 144
Ismael filius Naïhania simulanter egit cum ijs qui ad Godoliam abibāt, quem ipse interfecerat. 60
Israëlitâ difficultate auditâ deterriti, terram promissam ingredi recusarunt. 283
Iudæi in Babylonica captiuitate detenti, & inde postluminio rede ūtes, per ossa arida reuiuiscētia representantur. 345. dñ Chriſto nolunt credere, tãdem ad necem ei inferendam proruuunt. 24. oculos Chriſto in passione velarunt, at frustra, vt qui omnia videret. 92
Iudas Dominum prodens, in tenebris versabatur. 92
Iudicium particulare vbinam sit peragendum, quàm id sit metuendum. 214. 215
Iudiciorum diuorum metus peccantium impetum cohibet. 222
Iulius Cæsar, Alexandri gesta recolens, illacrymassè scribitur. 257
Iouis adulteria depicta corrupto adolescēti loco stimuli fuere ad liberius lasciuendum. 34
Iusti semper gratias Deo pro acceptis beneficijs agunt. 333. cur hi dicantur arena, & stella. 16
Iustificatio peccatoris quàm graue opus sit, & cur rerum creatione maius. 141. 142.
Iuuenibus cauenda maximè est consuetudo hæreticorum. 67. 70
Iuuentus effrænis coercenda est, nec sinenda temere ferri in omnem vitiorũ licentiã. 23

L.

L*Abrum aneũ tabernaculi è vitro basim habens quid symbolicè denoter.* 258
Lacio priscum verbum idem est quod accipio. 233

Lacryma pro peccatis fusa similes sunt pecunia cui omnia parent. 135. earum potentia. *ibid.* lacrymâ est eluenda oculorum petulantia. 308
lacryma S. Monica sunt orta è sollicito corde materno. 133. earum assiduitas. *ibid.* & copia. 134. item efficacia. 135. earum dignitas. 138
quam Latitiam salutaris diuini sibi reddi petierit Dauid. 184
latitia spiritualis. vide Gaudium.
Lamech vrgente conscientia prodidit se, eademq; Caini vxoribus indicauit. 149. 154
Lazarus quadriduani à mortuis excitatus figura est peccatoris peccandi consuetudine implicati. 271. qua difficultas in eo excitando fuit, eadem & in hoc conuertendo inuenitur. *ibid.* & seqq.
Leo rugitu suo omnes feras perterrefacit. 9. huic demon est similis dum primũ tentat. *ibid.*
cur P. Leonardus Lessius librum de reprobatione & predestinatione hominum & Angelorum scripserit. 115
Leprosi nouem à Salvatore mundati, quia agere gratias neglexere, sanitatem rursus amiserunt. 335
Lex facilis obseruata est. 259
Liberi non plus amandi sunt quã Deus. 47 vide Filius.
quomodo Libidinosi se euiscerent & torqueant. 87. sanitatem destruunt. 88
Libido carnalis quàm sœda & pecunia sit. 176. est similis voluptati scabioforũ. *ib.* mentem homini eripit. 80. 81. 82. etiã in ipso tẽpore pœnitendi, hominẽ quodãmodo afficit. 264. abstinentia vincitur. 298. otio fouetur. 203. cũ illa fugien-

Index rerum memorabilium.

- do pugnandum est. 306.307
 libido recogitata, semper aliquid labis
 affricat. 307
 fortuita Libri apertio ab Augustino facta
 diuinâ dispositione facta est. 324
 libri alicuius p̄y fortuita à mœrète facta
 apertio, sapè disponente Deo ita dirigitur,
 vt aliquid legendum occurrat quod
 mœrorem leuet. 328 libri mirius
 efficaces sunt viuâ voce concionantis.
 250 libros duos vitæ habet Deus: &
 quod vtriusque discrimen. 125
 Licentiâ nimia deteriores sumus. 48
 Lingua materna vix traditur obliuioni. 272
 Lucifer Calaritanus pra superbia in here-
 sin lapsus est. 67
 Lutheranorum in conuentu Spirensi seſera.
 72
 Luxuria æſtum quadam minuunt natura-
 liter. 223. maximè mortis memoria. ibid.
 luxuria per fugam vincitur. 306. 307.
 308. in Goliatho superbo denotatur.
 306. quibus alijs modis vincatur. 307.
 vide Libido.
- M.
M Agi demonum ludibrium sunt. 103
 Magnes ad Septemerionem vergit.
 158. 159
 Mahometani. vide Turca.
 Mala facilius addiscuntur, quàm bona. 70
 Mandata Dei per diuinam gratiam ser-
 uare possumus. 128. eorum obseruan-
 tia mercedem habet, & est facilis. 129.
 & seqq. mandatum Dei solum
 non habet terminum, sed est latissi-
 mum. 173
 Mandragora potus confopit hominem: hoc
 confopitos hostes suos, dux quidam Car-
 thaginensis proſtigauit. 14
- Manichaorū quidã errores & dogmata. 231
 Manicam gestantibus similes sunt propria
 peccata non videntes. sed aliena. 256
 Manucodiata avis semper volat in aère. 358
 Manue pater Samsonis Angelum vidit, non
 Deum. 181
 Manus symbolū est operis. 69. cōtracta dia-
 lecticam, explicata rhetoricā denotat. 70
 Maria Magdalena per seipsa conuersionem
 suam promouit. 144. attentè audiebat
 Dominum loquentem. 242
 Maria Magdalena de la Cruz in Hispania
 multis inposuit falsa predicens. 244
 B. Maria Virgo quacumque de filio suo di-
 cebantur, obseruabat, conferens in corde
 suo. 242
 Martyres, dum premia considerant, non
 horrent mortem. 356. in tormentis gau-
 debant. 205. 206
 Mater filiorum Zebedai ambitione acta
 primas in regno Christi cathedras filijs
 optauit. 54. in quo à Christo fuerit ex-
 audita. 139
 Matres sapè, puero peccante, canem percuti
 iubent, eiq; peccatū à puero commissum
 exprobrari, vt puer posthac sibi ab eo
 caueat. 236 matrum sollicitudo
 & preces plus apud Deum possunt,
 quàm aliorum. 139
 Maximilianus I. Imp. lœculum, cui mor-
 tuus imponendus erat, quocumque lo-
 corum pergeret, secum deferrî iussit
 arca inclusum. 218
 Meditationes rerum diuinarū tentationum
 carnalium vim elidunt. 307
 Mella saculi felle temperata sunt. 192. vide
 Voluptas.
 Memoria mortis quàm sit salutaria. 208.
 209. 210. 213

Index rerum memorabilium.

Mercatorum cecitas in spiritualibus rebus.

96

Michael Iapon Martyr quā latus in arum-
nis & pedore carceris fuerit. 286

Milesia virgines dum seipsas interficerent
passim, pudore à tam nefario facinore
sunt inhibita. 281

Militum regis Ioram cecitas, typus est ca-
citatù peccatorum. 96

Mimus quidā Romæ omnium se volunta-
tem nosse dicens, quid responderit. 158

Minuta in rebus spiritualibus non sunt
negligenda. 251

Misericordie diuine quāta sit magnitudo. 5
ea vocatur omne bonum. 182. hac
peccatorem à desperando debet diuer-
tere. 266. 267. 269

Misericordiā sit indignus qui miseriam suā
superbit. 37

Monachus quidam à tētationibus vexatus,
cadauer aliquod sacrēs proponebat men-
tibus. 219

Monachus

alius ab hereticis deceptus, prae simpli-
citate sacra non eo quo oportebat mo-
do celebrabat, & ramen Angelorum
visione perfundebatur: à quibus dum non
corrigitur, re se se putabat facere, etsi
diaconus eius secus ediceret. 249. mo-
nachus quidam predestinationē animo
agitans factus est apostata. 115. & alius
in vocatione confirmatus. ibid. & 124

S. Monica sepe filiū Augustinū monebat se-
cred, ne fornicaretur, vel adulteraretur.
47. per visum didicit tandem aliquan-
do Catholicum fore. 112. audiuit ex Epi-
scopo, non posse filium: antiarum lacry-
marum perire. 113. in tempestate iussit
nautas bono esse animo, & incolumes
euasuros, certis de promissione Dei. ibid.

habebat gratiā discretionis spiritui. ib.
ex corde sollicito & afflicto, pro filij con-
uersione ad Deum lacrymis fundebat,
quod videret eum in salutis amittenda
discrimine versari. 133. flebat quotidie.
ibid. & admodum vberim & vbiuis,
per nouē annos. 134. eius lacryma à Deo
sunt exaudita. 135. nec satis ei erat lacry-
mari, videbatur & ex intimo corde
sanguinem velle depromere. 137. simul
cum filio quadam die ad fenestrā stans
caelestium rerum cogitatione extra se
rapebatur. 186

Mores corrupti seculi sunt velut scopuli &
naufraga saxa. 42

Mors voluptatibus omnibus finem imponit.
178. eam homines peccando ad se aduo-
carunt. 88. eius memoria Augustinum
baptismo nōdum tinētum ad Ecclesiam
accedere compulit. 209. 210: ipsa velut
collyriū est. 213. 215. 217. 218. 221. 222
praeseruat à tētationibus. 222. imminuit
libidinē. 223. eius hora incerta illam
maximē facit horribilē. 214. post eam
sequitur particulare iudiciū. ibid. ipsa
nemini parcat, nullū excipit. 216. mul-
ta sunt quae nobis mortis memoriam in-
gerant. 369

Mortificatio passionū inordinatarum num-
quam est intermittenda. 18. 19. mor-
tificatio sensuū dat vitam spiritui. 360
mortificatio desideriorum carnalium,
praece dere debet virtutum studium: hac
in semitam dilectionis deducit. 361. &
parit vitam spiritus. 365

cur Moyses ob incredulitatem secretū à Deo
lit correptus. 52. precibus suis populo car-
nes impetravit. 140. Dei essentiam in
hac vita non vidit. 181. 182. quomodo

Index rerum memorabilium:

- petierit deleri de libro vite. 125
 Mulier adulterij nomine olim suspecta hor-
 deum comedere iussa, quid denotet. 298
 mulier libidiosa non satiatur. 78
 Multitudo peccantium non excusat peccan-
 tem. 41
 Mundana hominē satiare nequeunt. 369
 eorum umbratile gaudium. 174. eorum
 pernicies. *ibid.* quā sint vilia & breuia.
 177. 178
 Mundanorum hominū inania studia. 344
 non contemplantur, nisi externam re-
 rum apparentiam. 347
 Mundus illudit sui sectatoribus. 174. fauet
 & patrocinatur peccantibus. 286
 Musica olim in cōuiujs erat in vsu, cur. 208
 N.
NAbuchodonosor etiam laudauit tres
 pueros, quod impio eius iussui non
 obedissent. 156
 Natatilia facta sunt ex aqua crassa. 188.
 eorum cum volatilibus similitudo. *ibid.*
 Natura hominū corrupta est peccato. 1. sed
 diuina bonitas concessit ei gratiam quā
 se repararet. 5. quibus subsidij hac reparari
 possit. 11. primò. frequentiore commu-
 nione Eucharistica. 12. secundò, proprie
 imbecillitatis confessione. 15. tertio, ri-
 more presumendi, & suspectam habendo
 securitatem. 16. quarto assiduā morti-
 ficatione. 18. *natura*
 humana est ob sola peccata calo ex-
 clusa. 118
 Nausea terrenorum sequitur ex appetitu
 caelestium. 337. 338 & seqq.
 Nero, inhibente Deo, magicas prestigas ad-
 discere non potuit. 10
 S. Nicolaus Tolentina medio ante mortem
 anno suauissimam quot noctibus audie-
 bat harmoniam. 185. auditione euan-
 gelica est conuersus. 326
 Nodo duro durus adhibendus cuneus. 6
 Noë habuit in arca fenestellā per quam vota
 & vultum ad Deum posset dirigere. 309
 qui Nomen Iesu assiduē in corde gerit, gerit
 predestinationis suae testimonium. 111
 Nolle se & vitia sua, incitium salutis est in
 peccatore. 254
 Nouissimorū recordatio cohibet à peccando.
 215. 217. 218. 220. 221. 222. 223
 Nox symbolum peccati est. 94. 95
 O.
Obuia quae sunt, non ita animas otio-
 sas excitant. 6
 Oculi Dei omnia penetrant & peruident.
 92. quā sint salutares. 93 oculi
 sunt in amore potentissimi. 300. 301
 sunt proinde cohibendi. 301. 302
 Olympi montis vertex sublunarium mo-
 tuum varietates non experitur. 187
 per Opera bona acquiritur vita aeterna.
 122. 123
 Oratio penitentis & meliora spondentiū. 32
 orationem rite susceptam audit Deus,
 etiam in ijs pro quibus funditur. 141
 oratione feruētis impetratur gratia. 284
 Ordines sexaginta sub regula S. Augustini
 militant. 106
 Ossa mortuorū loco pecunia a thiberi apud
 gentem quamdam, tradit Ortelius. 225
 ossa arida, spiritu subintrāte reuiuiscētia
 apud Ezechielem, quid denotent mysticē.
 345
 Otium praestat negotio operoso aua. 90
 otium libidines fouet. 303
 P.
Palatinorum inanes cura & tormenta.
 88. 89

Index rerum memorabilium.

- Pan** Satyrus est Dei symbolum & figura. 347. eius descriptio duplex, utraq; Deo accommodatur. *ibid.*
- Panegyristarum finis in recitandis panegyricis suis.** 237
- cur** Parabolis Christus apud Iudæos vitetur. 6
- Parentes** vanitatem filiorum filiarumq; promoventes sugillantur. 45. 46. non plus hos ament, quam Deum. 47. 48. de parentū delictis discretè loquendum. 51. 53. illis incumbit necessitas filios delinquentes corripiendi. 53. 54. qui si filiis indulgeant, magistri frustra coarguant & castigent; imò nec audent. 54. non corripiant filios in ira, sed eâ sedatâ, & leniter. 57. exemplo eî maxime præluceant. *ibid.* si ijs in peccato blandiantur, sunt diaboli instar. 58. non solum ipsi bene vivere, sed & filios ad pietatem efformare debent. 58. cur eorum gemitus & lacrymas non debeant liberi negligere. 137. parentes filiorum causâ iniquè divitias corrudentes, caci sunt. 99.
- Passiones** Adamo post peccatum obedire noluerunt. 2. ijs est valenter obfistendū, non inerte cedendum. 7. etsi sopita videantur, semper validius insurgunt. 18. passiones interna afferunt inquietudinem. 173
- Patres** filios peccantes debent corripere & castigare. 53. 54. potius de anima eorū, quam de opibus parandis solliciti sint. 55. vide Parentes.
- Patritius** pater S. Augustini nondum planè fidelis, ei peccanti nimium indulsit. 47. 48. de eius pubertate est gausus. 47. illi potius terrestria, quam celestia quaesivit. 48
- Patronos** habere bonos, est salutis adiumentum, & signum prædestinationis. 139
- S. Paulus** à Deo electus est ante vlla bona opera edita. 108. Dei nomen portabat in corde, ore, calamo. 111. gaudebat in tribulationibus. 203. etiam ab hominibus edoctus est, & doceri voluit. 249. operabatur predicando. 309
- Pax** interna animi nos Deo conciliat: eaq; multis precibus, austeritatibus & heroicâ charitate à Deo obtineitur 183. vnde nascatur. *ibid.* nemo nisi expertus, eam intelligere aut cogitatione assequi potest. 184. eam demon turbare conatur. *ibid.* pax nulla nobis in hac vita cum diabolo futura. 17
- Peccandi** pronitas à primo parente Adamo nobis obingit. 1. ea incumbit hominiam inde à prima mundi origine. 365
- Peccare** nemo debet sub spe consequenda veniâ à Deo. 25. peccare incipienti reliqua omnia subsidio sunt, ut peccare gravius pergat. 287. & seqq.
- Peccator** dum converti differt, in plura & graviora flagitia ruat. 25. non debet in peccatis manere sub spe veniâ consequenda. *ibid.* peccator hodie converti differens, difficilius postea convertetur. 26. dum pra pudore confiteri differt, agrius convertitur. 27. eum non corripiens cum potest, peccati quodammodo particeps est. 58. peccator abscondit sibi Deum frustra. 91. 93. in tenebris agit. 91. 96. 99. est cæcus. 95. 98. 99. per lubricum incidit. 100. strenuè collaborare à parte sua debet cum intercessorib; pro salute ipsius. 142. 143. suâ effugere & effigare conscientiam nequit. 146. 147. 150. 151. 153. quâ

Index rerum memorabilium.

- quâ peccati recogitatione ad desperationem, quâ ad spem venia consequenda excitetur. 268. non excusatur à peccato dū prava consuetudine peccatum corroborauit. 274. ex intimo cordis affectu ad Deum clamare debet. 285. serid & efficaciter velit conuerti. 282. 283. peccator apud Deum patronum habens, est felicitior eo qui nullum habet. 368. quæ ad conuersionem habeat subsidia. 369. 370
- Peccatores multi conuerti quidem volunt, sed confiteri & fama pecunie restitu- tionem facere nolunt. 154. peccatores obdurati agrè ad bonam frugem redeunt, & quare. 28. in magna versantur caligine. 77. vocantur athiopes. ibid. peccatum cum voluptate admittunt, sed agrè eo emergunt. 78. vix peccando explentur. ibid. carent corde. 79. 80. sunt damoni ludibrio. 100. quod iustificentur, soli Dei miserationi est, non humanis meritis aut natura viribus ascribendum. 108. semper de conuersione sua bene sperare possunt, si verbum Dei libenter audiant. 251. 252. peccatores recenter conuersi, consideratione peccatorum suorum nimis immorari non debent, cur. 264**
- Peccatum vsu frequentiore iteratum difficulter tollitur. 27. peccatū sequens est pœna precedentis. 67. peccatum quàm damnosum & malum sit. 75. eius turpitudine & abominatio. 76. item amaritudo: est velut absinthium. ibid. replet animam tenebris. 77. aufert homini mentem. 80. est mera tenebra. 94. 95 opere iam consummatum suam prodit absurditatem. 150. peccatum quodli-**
- bet habet offensam Dei, & ipsum actum peccati. 264. peccatum & infernus inter se comparantur. 366. inter eius statum & infernum magna est similitudo. 74. quæ in status miser sit. 75. 76. 77. 78. 79. facilis in eum descensus, difficilis emerſio. 78. peccatum duplicem faciem habet, & quæ sit vtraque. 268. 269. peccatum vnum viam sternit ad aliud, & ad grauiora. 24. 25. 78. 267. peccatum originale mentem ad caleſtia assurgere conantem deprimat. 2**
- Peccata grauitate sua deorsum vergunt. 3. corum certum terminum videtur Deus vnicique homini dedisse, quæ nequeat preterire. 29. vincula sunt anima. 102 ea in concionibus sæpè carpuntur & emendantur. 245. & seqq. ea si grauiora sint, maiorem spem venia consequenda debent suggerere. 268. peccata quadam non sunt post conuersionem enucleatiùs recogitanda. 264. & seqq. maximè in particulari. 266. & seqq.**
- Pecunia magnas adferunt curas & angores. 87**
- Perdix vna comprehensa alias in casses pertrahit. 60**
- Perseuerantia in bono dependet à gratiarum actione. 334. 336**
- Pestis typus est hareseos. 73. 74**
- S. Petrus peccatum lacrymis eluit. 75**
- Pharaonis omnis equitatus vnus virga Mosaica ostensione in mare deturbatus est. 10. Pharao omnimodis abiturum Israelitarum impedire conatus est. 289. puellis parcens, non masculis recens natis, quid symbolicè denotet, ibid. dum Hebraeos persequitur per mare rubrum, miserè cum suis perijt. 330**

Index rerum memorabilium.

- Pharisæi norant quidem Messia aduenturi
tempus, eum tamen ob ambitionem & su-
perbiam agnoscere noluerunt. 65. dabant
exempla prauitatis, & erant aliis scan-
dalo. 39. Pharisæis Christo vitam inui-
dentibus nemo non patrocinator. 286.
Pharisæi adultera accusatores suam cul-
pam legentes, confusi paulatim defluxe-
runt. 255
- S. Philippus Nerius grauissimo peccatori, vt
eum conuerteret, suauis, ne vnumquam con-
fessionem ad secundum peccatum differ-
ret: & ita tandem resipuit. 32
- Philosophia est assidua mortis meditatio.
209
- Piger vult, & non vult: quod etiam in via
salutis locum habet. 283
- Pigmenius maluit cæcus esse, quàm impium
Iulianum videre. 302
- Pior Abbas quo factò ostenderit, proprias
culpam esse excutiendas, non alienas. 256
- Pisces putidi auribus pallent. 252
- Plato quid de voluptate censeret. 176. è praua
consuetudine idola coluit. 272. ipse Au-
gustino præ ceteris philosophis placuit. 323
- Pœnitentia non est diu differenda, nec pro-
crastinanda. 30. eius dilatio quare sit no-
xia. 25. & seqq. eam semper differentibus
ianuam misericordiam Deus occludere so-
let. 28
- Polemon adolescens petulans Xenocrati ora-
tione ad modestiam transiit. 228
- Politici summum bonum collocant in hono-
re, eiq; religionem subdunt. 168. 169
- S. Polycarpus cum Marcione hæretico habere
noluit commercium. 70
- Poma Sodomitica de foris formosa, fœuilla-
cea intus, symbolum sunt splendoris &
gaudij mundani. 177
- cur Porta virtutis sit angusta. 198. 199
- Potentia hominis in quo diuina pars sit. 128
omnis potentia & regnum finem habent
celerrimum. 172. 173
- Potestas demonis tentantis sapè à Deo inhi-
betur. 10
- Prædestinati possunt gratiâ excidere. 123.
124. 125
- Prædestinatio Dei æterna non prærequirit
vlla bona opera. 107. 114. quid sit præde-
stinatio. 109. eius nomen multos ad despe-
rationem cogit. 114. prædestinatione sua
velut in manu habet qui virtutibus sta-
det. 119. prædestinatio ad gloriam fit ex
prauis meritibus. ibid. & 120. 123. 124.
consistit in bonis operibus. 121. pessimum
in ea cum Dei gratia perseuerare. 123
- Prælati non solum ipsi bene viuere, sed &
subditos ad pietatem efformare debent. 58
- Præmia excitant animos ad fortia. 354
- Præsumptio de proprijs viribus est noxia. 1
- Principem peccantem sequuntur subditi. 40.
vide Reges, Superiores.
- Probi cur plerumque non sint diuites. 168
- Procrastinatio emendationis via est ad sce-
lera grauissima committenda. 20
- sola Professio nominis Christiani olim Mar-
tyres in tormentis animabat. 14
- Profundum peccatorum quid sit. 277. 285
- Prometheus in quo sit symbolum hominis
inanibus curis se necantis. 84
- Præuidentia Dei designatur in Hercule Gal-
lico. 131. 132
- Pudor quàm acris sit increpatio. 280. 281
Adamum ad resipiscenciam cõpulsit. ibid.
- Puella procorum insidias non timentes, cacci-
tate deplorabili laborant. 97
- Puerorum Belgicorũ diuersi lusus. 100. 102
pueri Samosatenses Catholici quãto opere
E e e Epi

Index rerum memorabilium.

- Episcopum Eunomium Arianum sint
execrati. 73
- Pulchritudo omnis in morte deflorescit.
223
- Purpura sanguis piscium est: quid illius or-
tus symbolicè reges moneat. 165
- Puteus figura est profunditatis iniquitatis
humanae. 285
- R.**
- S. **R**aimundus precibus S. Catharinae Se-
nensis obtinuit signum remissionis
omnium peccatorum suorum per extra-
ordinariam, quam in animo sensit, de ijs
contritionem. 310
- Ratio concupiscentiæ domans, est velut fessor
equi indomiti. 297
- Rebecca quo pacto Isaac sit quesita vxor.
328. eius ductu & auspicijs Iacob pater-
nam accepit benedictionem. 139.
- Regnum Dei in anima in quo situm sit.
184
- Reprobatio fit ex præiis peccatis & demer-
itis. 119. 120. eius signum est, si peccato-
res verbum Dei audire negligant. 251
- Resipiscentia à peccato quàm damnosè diffe-
ratur. 24. 25.
- quo signo Reuelationes vera à falsis digno-
scantur. 114
- Regum cura & anxietates. 171. 172. eorum
ad exemplum reliqui se componunt. 40
- Risus semper permiscetur dolore, non econ-
trà. 191 risus Sara adaptatur
mysticè paci anima ex bona conscien-
tia orta. 183
- Romani ad adūs Veneris ianuas funeralia
vendent, innuebant eam mortis sæpè
causam esse. 88
- Rosa qualibet habet spinam, sed non quali-
bet spina rosam. 191 rosam
- gestabant reges Babylonici in sceptris:
rosa valet contra ebrietatem, sed illud
marcescit. 173
- Ruben ob incestum sacerdotio & regno est
priuatus. 87
- S.**
- S**acerdotes scandalum dantes alijs gravi-
ter peccant. 40. eorum peccata quàm
latenter Deus arguat. 52
- Seculi nostri mores corruptos etiã apud Eth-
nicos reperire fuit. 42. nullum seculum
est à vitijs immune. ibid. 43
- quàm turpiter demon Sagas decipiat. 104
- quid Saladinus morti vicinus per castra
proclamari iusserit. 218
- Salomō per peccatum libidinis factus est ex-
cors. 80. summis in honoribus & volu-
ptatibus nullã quietem inuenit. 172 quo
astu didicerit utrius è duabus mulieribus
litigãtibz esset puer, de quo litigabãt. 237
- cur Samaritana iussa à Salvatore virũ suum
vocare. 81. tandem ab eo inducitur ad æ-
quam indeficientem ab eo petendam. 233
- Samosatenſes Catholici quantum opere Episco-
pum Arianum exhorrent. 73
- Samson excacatus molam circumegit. 98
- iam cæcus, factus est potentior. 302. eius
fortitudo prestigijs magicis adscripta à
Philisthis. 44
- cùm Samuel pro Saule deprecari cessauit, hic
varijs infortunijs oppressus est. 140. an
mortuus verè Sauli apparuerit. 35
- Sancti Deum precibus suis ligant. 140. eos
etiam impij magni faciunt, iisq; adha-
rescunt. 157. Sancti omnes viam aspe-
ram inierunt. 199. cur vocentur cali.
244. eorum vita & exempla sunt vel-
ut speculum. 259
- cur Sapientes vt plurimum non sint pecu-
niosi.

Index rerum memorabilium.

- niosi. 168. verè sapientes sunt, non ingeniosi, sed quibus inest Dei cognitio, & mores huic cognitioni congruentes. 65
- Sapientia diuina multiplex est astutia. 223
- 234 235. tres sapientia celestis comparanda modi. 242
- Sardanapali symbolum sepulchrale. 173
- Scandalum dantes quàm grauius offendat, & quàm grauius à Deo sint castigandi. 39. 40
- quomodo Scientia dicatur inflare. 65
- Securitas in conflictu spiritali admodum periculosa est. 16
- Semen & verbum Dei inter se comparantur. 241. 242
- Sempelagianorum error de electione ad gloriam. 120
- Semiramidis sepulchri inscriptio. 167
- Senes in peccatis assueti quàm agrè conuertantur. 28. senes Susanna insidiatores, in tenebris mentis agentes, Deum à corde suo excluderant. 92
- cur Sennacherib solus percutientis Angeli manum euaserit. 281
- Sensus tum interiores, tum exteriores, si in minimis mortificentur, in maximis facile mortificabuntur. 19
- Sermo viuus efficacior eo qui in libris legitur. 249
- Struus manumitti nolens, sed seruire vltèrius volens, figura est peccatoris peccato valedicere nolentis. 253
- Seth veri Dei cultum ad posteros, duabus erectis columnis, vnâ lapideâ, alterâ ligneâ, propagare studuit. 155. eius posteris ab impijs Cainitis ducti sunt filij Dei. ibid.
- S. Siluester Auximensis, in inspectione sepulchri adolescentis nobilis, ad meliora transit. 263
- cur Simon Magus ob simonia sua peccatum non fuerit punitus, vt Giezi. 140
- Sirenes sunt typus hereticorum. 71
- Smalcaldicum fœdus hereticorum, speciosum fuit verbum, & interea obedientiam principibus negabat. 72
- Societas malorum quàm noxia sit. 35. 42.
- Socij multi non excusant peccantem. 41. ijs non acquiescit, qui in virtute solidus est. ibid. sociorum prauorum exempla quam potentia sint ad malum persuadendum. 34. 35
- cur Socrates adolescentes frequenter speculum adire velle. 259
- Sodomitarum cecitas. 95. 96
- Sol nunquam consistit. 170. quàm celeriter moueatur. ibid. breuius calefacit, quàm Aquilo in frigidet itinerantes. 133
- Sorte qua videntur accidere, sæpè rato Dei consilio eueniunt. 324. & seqq.
- qui in Speculo se considerat, statim rei visa obliuiscitur: at mulieres ipsum intuentur attentiùs. 239. 240. qua in speculo videtur imago, debilem facit impressionem. 240
- specula tales referunt apparentias, qualia sunt obiecta ijs. 225
- Spes virtus Theologica quàm ardua sperare iubeat: quàm alta & sublimia doceat. 200
- quo Spiritu principali confirmari petat Dauid. 185
- Sponsus à spōsa apud Hebræos in thalamum defunctæ matris introducebatur. 15
- Spurina adolescens ne cui suâ pulchritudine esset offendiculo, eam deformauit. 41
- Struthionis stolidi securitas. 90
- Subditi Superiorum peccata non proferant in apertum. 51. 53
- Sulla de impudicitia vxoris non prius inaudit, quàm illi per conuicium ea est obiecta. 55

Index rerum memorabilium.

- Superbia mater haresin omnium: eâ acti
Pharisei Christû agnoscere noluer. 66
ipsa est filia & vermis diuitiarum. 166
est initium apostasia. 292
- Superbientes doctrinâ sapè labuntur in hê-
resin. 65. superbis sapè expedit cadere in
aliquid apertû peccatum. 255. hi vix
ad bonam fragem redeunt & respi-
sunt. 68
- de Superiorum erratis modeste loquendum.
51. 53. illis est imputandum quod peccant
subditi. 56. Superiores Ecclesiastici sapè
astu quodam pio animas lucrari debent.
235
- T.
- T**Acere in cœtu fidelium, laudabile est.
243. 244
- Te Deum laudamus hymnus compositus
& decantatus est ab SS. Ambrosio & Au-
gustino dū hic baptizaretur. 322. 331. 333
- Templum Salomonicum destructum cūm re-
adificare post Christi tempora Iudai co-
narentur, diuinitus prohibiti sunt. 284
respla Laboris & Honoris Romæ iniuicè
innexa erant. 198
- Temporis volubilis fuga monet nos vt pœni-
rentiâ agamus. 32. tempus amissum re-
cuperari nequit. ibid. tempus ante Chri-
stum nox est. 94
- Tenebra figura sunt peccati 94. 95. 99. te-
nebra Aegypti cur dictæ horribiles. 99
- Contra** Tentationes non timidè, sed arden-
ter pugnandum est. 7. ab ijs omni propè
momento impetimur. 17. honestis occupa-
tionibus ea precauentur. 303. 304
- Tepidis praualee demon, non generosis. 9
- S Teresia aduersitates morti postponebat.
203. quâ primùm monasteriû ingrediens
in animo repugnantiam ienscrit. 291
- Terminus nulli deorum cedere voluit in arce
Tarpeia. 216. 217
- Terra nigra omnium censetur optima. 1
- Terramotus figura videtur iudicij vniuer-
salis. 214
- qui Terrena ambiunt & sectantur, eû non-
dum plene placent celestia. 344. ea sunt
spemenda ad perfectionem tendentibus.
360
- Tertullianus præ superbia in haresin lapsus
est. 67
- Testudo hieroglyphicum est hominis excor-
dis. 80
- S. Thais meretrix conuersa, peccata prater-
ita velut sarcinam, suos ante oculos as-
siduè ponebat. 257
- Theotimus maluit oculorum vsus amittere,
quàm veneri vsus omittere. 81
- S. Thoma incredulitate vsus est Christus ad
euidentiorem probationem sua resurre-
ctionis. 229
- Thomas à Kempis salutatione Angelicâ da-
monem à se effugauit. 11
- B. Thomas à Villanoua tum salute timuit
excidere, cū factus est Episcopus. 57. pro
peccatis sacerdotis flagitiosi, flagris vltro
susceptis satisfaciens eum conuertit. 236
- S. Tiburtius Martyr prunis candentibus in-
ambulauit vt rosus. 205
- Timor Dei prauam peccandi consuetudi-
nem vincit. 270. 280
- Tobias senior bonus fuit inter suos contribu-
les idololatræ. 41
- Torneamentorum premia excitant decerta-
turos nobiles ad currendum & certan-
dum. 354
- Tribulatio expugnat prauam peccandi con-
suetudinem. 278. 280
- Triumphantibus Romæ instabat monitor,
qui

Index rerum memorabilium:

qui eos mortalitatis commoneret. 173
 Tuba symbolum est concionatoris. 250
 Turca viuunt vitam caninam. 175. sunt
 pecunia audisissimi, easq; condunt in locis
 abditis. ibid.
 cur Tyrannus omnibus sit exosus. 171

V.

Velatio faciei signum est condemnatio-
 nis. 91
 quale Veneris simulacrū finxerit Phidias. 80
 Venus dicta quasi & αὐτὸ ὄμα, id est ve in-
 tellectui. ibid.
 Vepres symbolum sunt peccati. 47-51
 Verbera ijs filiis necessaria sunt, quibus
 verba nihil profunt. 56
 Verbi diuini auditio quanta bona secū adfer-
 rat. 239-241. maximè verò ad id requi-
 ritur mentis attentio. ibid. 240. eius fi-
 gura est semen. 241. eius audiendi ne-
 cessitas. ibid. 248. eius effectus. 245-246
 247. 248. 250. verbum diuinum
 igni & cibo confertur. 248 eius vis.
 250
 modus peregrinus Vestium iam olim à
 Deo per Prophetas est reprehensus. 43
 Via virtutis complanata est, docetque terre-
 na contemnere. 204 via cali ar-
 cta est. 198
 Viduarum gemitus & lacrymas libenter
 exaudit Deus. 136
 Vir symbolicè denotat sensum rationabi-
 lem. 289
 Virginitas deberita aperit ianuam ad li-
 centius formicandum. 25
 Virtus etiā celestis mis veneratione est. 155-
 156. in ea sunt solida diuitie. 167. multo
 labore paratur. 198. eius via ardua est &
 aspera. ibid. eam sectari volenti quot ini-

tio eius oboriantur difficultates, cui nemo
 venit auxilio. 287. 288. quas difficultates
 & molestias habeat. 202. plus tamèn
 voluptatis & gaudij. 203. 204. 205
 Vita luentiam deserat necesse est qui calesce
 fidei aut penitentia lumen in animam
 vult admittere. 193. vita inquinata
 initium est hereseos. 59. vita suo con-
 tenta quietissima est. 90. cur
 vita aeterna vocetur premium, merces,
 retributio, brauium, corona iustitia. 121.
 illa acquiritur per obseruantiam man-
 datorum, amittitur per peccata. 122
 Vicio vno exciso aliud semper repullulat.
 17
 Vmbra similes sunt honores. 170
 Vocatione suā excidunt, qui Deo pro eius
 beneficio ingrati sunt. 334
 Voluntas deprauata est hominibus peccandi
 causa, quàm præcepta hæc in peccatum
 ruat. 1. ipsa vno immodicè hausto com-
 paratur. 3. per diuinae gratia opem
 expugnatur. 5. à voluntate nostra pen-
 det, vitâ donari aeternâ, vel reprobari.
 123. 126. voluntate absoluiâ & effi-
 caci non vult Deus omnes homines sal-
 uos fieri. 120. sed conditionatâ & in-
 efficaci. 121. 127. voluntas seria & deli-
 berata inuicem est conuersionis ad Deū. 282
 at conditionata inefficax est. 283. vo-
 luntas diaboli semper iniqua est. 10
 Voluptates per Sirenes denotantur. 88. fal-
 lax sunt prurigo. 102. non est in ijs sum-
 mum bonum sic. m. 174. vana sunt.
 ibid. & steriles. 175. quid de ijs cen-
 suerint Ethnici. 176. voluptas & dolor
 indiuidus sunt comites. 191. 195. est vo-
 luptas maxima, voluptate carnis. 177.
 quàm voluptas carnalis animum excru-

Index rerum memorabilium.

| | | |
|---|---|-----|
| <i>ciet. 87. quàm pecuina sit. 176. est</i> | <i>lo videtur.</i> | 254 |
| <i>similis voluptati scabiosorum. ibid. eius</i> | <i>Vxor. Lot indiscretè respectans in statuam</i> | |
| <i>finis respiciendus. 179. quantum fellis</i> | <i>salis conuersa est. 264. quare punica</i> | |
| <i>& amaritudinis habeat admixtum.</i> | <i>sit.</i> | 300 |
| <i>196. inuoluit epilepsiam & amentiam.</i> | | |
| 197 | Z. | |
| <i>Voluptuarij quid de delicijs saculi sen-</i> | Z <i>Aleucus oculos adulteris erui iussit.</i> | |
| <i>tiant, morti iam vicini.</i> | 302 | |
| 197 | <i>Zara primogenita cecidit fratri, difficulta-</i> | |
| <i>intra Vulnera Christi abscondat se à luxu-</i> | <i>tem partus veritus: quod tropologi-</i> | |
| <i>ria tentatus.</i> | <i>cè accipitur.</i> | 284 |
| 308 | | |
| <i>Vultus proprius per reflexionem in specu-</i> | | |

F I N I S.

E R R A T A.

Fol. 5. linea penult. soleat, lege soleant. Fol. 92. l. 17. nequis, lege neque. Fol. 96. l. 15. partem, lege portam. Fol. 119. l. 30. seruare, lege serenare. Fol. 143. l. 25. procurator, l. procuratorem. Fol. 164. l. 26. dele Præclarè, vsque Hac de causa. Fol. 166. l. 7. bona, lege bono. Fol. 177. l. 7. à fine centesimum diem, lege annum quinquagesimum. Fol. 191. l. 6. dele à. Fol. 269. l. 6. transfacto, lege transacto. Fol. 289. lin. 14. Pharone, lege Pharaone. Fol. 334. lin. 16. perseuerantia, lege perseuerantiam. Fol. 356. lin. 6. à fin. trux, lege crux. Fol. 357. lin. 9. exhibari, lege exhilarari.

APPRO.

FACULTAS R. ET EXIMII P. M. PROVINCIALIS.

TEnore præsentium & muneris nostri auctoritate concedimus P. F. Io. Mantelio S. Th. L. facultatem emittendi in lucem librum à Theologis nostris lectum & approbatum, cui titulus, *Speculum peccatorum aspirantium ad solidam vitæ emendationem.* Datum Mechliniæ 7. Maij 1637.

F. Carolus Veron Prouincialis.

APPROBATIO R. P. VISITATORIS.

OPus hoc R. P. Ioannis Mantelij, Ord. Eremit. S. AVGVSTINI, Sac. Thl. Licentiati, cùm animum oculosque argumenti varietate oblectet, totidemque paginis Lectorem moueat, non equidem est indignum vt lucem videat, & Auctori suo æuum proreget. Louanij 27. Februarij, anno 1637.

F. Io. Riuius S. Th. Licent. Ord. Eremit. S. AVGVSTINI, S. Litterarum Louanij Professor, & prouincia Belgica Visitator.

APPROBATIO CENSORIS.

IN hoc Speculo pia Auctoris eruditio & erudita pietas relucet; & quia id non tantùm illustrandis peccatoribus aspirantibus ad solidam vitæ emendationem seruiet, sed & pijs hominibus, atque in primis Concionatoribus, vñui esse poterit; dignum iudico, quod in publicum prodeat, & multorum versetur manibus. Datum Antuerpiæ 18. Maij 1637.

G. Estrix Canonicus & Plebanus Antuerp. & librorum Censor.

SVMMA PRIVILEGII.

PHILIPPVS Dei gratia Hispaniarum, Indiarum, &c. Rex Catholicus, Archidux Austriæ, Dux Burgundiæ, Brabantiæ, &c. Serenissimus Belgarum Princeps, diplomate suo sanxit, nequis *Speculum peccatoris conuertentis se ad Deum, Emblematis & discursibus moralibus adumbratum, auctore R. P. F. IOANNE MANTELIO S. Theologia Licent. Ordinis Eremitarum S. AVGVSTINI,* præter Henrici Aertssens Typographi Antuerpiensis voluntatem intra nouennium in Belgio imprimat, aut alibi locorum impressum in has Inferioris Germaniæ ditiones importet, venalève exponat. Qui secùs faxit, confiscatione exemplarium, & alia pœna pecuniaria multabitur, prout latius patet in litteris datis Bruxellæ, anno 1636. die 21. Iulij.

Signat

Steenhuyse.

